

THE
BOOK OF PSALMS,

TRANSLATED INTO

THE CHOCTAW LANGUAGE.

ATULOA HULISSO

TUSHOWUT

CHAHTA UNNUPAH TUBA HOKE.

NEW YORK:
AMERICAN BIBLE SOCIETY.

INSTITUTED IN THE YEAR MDCCCXVI.

1913

[*Choctaw Psalms.*]

ATULOA HULISSO HOKE.

ATULOA 1.

HUTTAK ik vllpeso vhlebah im anukfila h₂ aya keyu, micha nan vsshvchi vhlebah ai ittvn₂owa ya a hikkia keyu, micha n₂ shittilema vhlebah achiya ya binnili keyu,

2. Amba Chihowa i nan vllpisa yak osh ai im achukma, micha i nan vllpisa yak o nittak micha ninak aiena k₂ anukkfihilli yokvt huttak n₂ yokpa yoke.

3. Yohmi kut iti yosh oka a yuvulli vpotaka a hullukchi kut, ont ai vllpiesakm₂ vnit wayakmut, hishi vt busshih chatuk keyu kak o ehohmi hoke; micha nana h₂ yumihchikm₂, yvmmut momut im ai ahlih achukma yoke.

4. Huttak ik vllpeso vhleha hokvto yohmih keyu hoke; amba n₂ hakhlupish o mahli hut helichit kanchi kak o ehohmi hoke.

5. Yvmohmi hokvt huttak ik vllpeso vhleha hut nan ai vllpiesa ai vpesa ya hiela he keyuh, micha nan vsshvchi vhleha hut ai vllpiesa vhlebah ai ittvnaha k₂ ibvlhkahvt hiela he keyu hoke.

6. Chihowa hut ai vllpiesa vhlebah ai ittvn₂owa ya ithaiyana hok₂: amba huttak ik vllpeso vhlebah ai ittvn₂owa yokvto aiokpuloka isht ona hi oke.

ATULOA 2.

NANTIIMI h₂ oklushi putta kut nukoah m₂, vnonti oklah putta kut nana h₂ keyu k₂ anukfillih ehoh?

2. Chihowa micha im vlltokvt vhama ya yakni i miko vhleha hut i svnalit biohlih m₂, pehlichi vhleha hut vnumpah isht ittibai vchuffvt im avvnnalishke.

3. "Im ishit tvllakchi putta k₂ keho tvbli cha, im asetah putta k₂ kvnimma cho pelashke," achishke.

4. Uba binnili vt kulakshichi hosh i yukpushke; nan i Shahli vt ik vlobalot hubachishke.

5. Yohmih mut i nukkilli hosh im vnumpoli cha, i nukhubela hosh kumuntvchih mut,

6. "Yohmih kia vno vto a miko ya a nvnih hulittopa Saion a o binnila hi a vtokule li tuk oke," achishke.

7. Nan vhpisa ya vnoli lashke: Chihowa hut, "Svsosh chia hoke; vno ak osh himak nittak a chi tobveche lishke.

8. "Is svn asilhhakma, oklushi putta ka chima likmut, yakni ont vlhiv fullota ka chimmi ikbi lashke.

9. "Teli tubi yo isht ish kolikmut, shuti ampo yo chomihchit kolit ish kancha chi hoke," um achi tuk oke.

10. Yvmohmi hoka himak a, miko vhlelah ma, hvsh hopoyuksashke: pehlichika yakni hvsh aiyasha ma, ahah hvsh ahnashke.

11. Chihowa ha i nukshopa hosh hvsh im antiashke, micha vwnnihichi hosh hvchi yokpashke.

12. Ushi ya i nutaka hosh hvsh i suksoashke; nukhubela na, hina takla ya hvchi aiokpulokah yobun nah; im anukhubela yvt chekosikma libba hinla hoka. Yvmmā ai vtukko hokuto momut na yokpa hoke.

ATULO A 3.

Ushi Absalom a i mulelih mut, atvloa Lewi vt ikbi tok.

CHIHOWA ma, a tvnampi vhleha hut lawut tahvshke; lawa hosh wukayvt a svnalishke.

2. Lawa hosh vmish shilombish a, "Chitokaka ya ahlvkuffi vt ik im ikshoshkeh," achi hoke. [Yukopa.

3. Amba Chihowah mah, chishno vto a telihpa si vpakfoiyupa, ishit sv holittopa, micha sv nushkobo ha vbahchikalichi chia hoke.

4. Chihowa hut i nvnih hulittopa ya et vm a hvponakloh pulla chi hoka, svtih ha isht i pahaya lishke. [Yukopa.

5. Chihowa hak osh sv hullvlla he bano hatuk o, vno yokvto ittoiyulvt sv nusi tuk osh si okchvshke.

6. Oklah tvhlepah sipokni pokoli kvnnohmi hosh a

svnalit si vpakfoiyupvt hieli hoh kia, i sv nukshopa he keyu hoke.

7. Chihowa ma, ish wvkayashke; a Chitokaka ma, is sv hlakuffichashke: a tunvp vhlehah moma ka ittisukpi ya ish issokmvt, hutlak haksi vhlehah in nuti putta ka ish tilohlichih chatuk okvt.

8. Ahlukuffi vt Chihowa hak o immi hokeh: nan ishit chim ilayukpa yvt chim okla ha onuttoiyulashkeh. [Yukopa.

ATULO A 4.

Tuloa pehlichih vt vhlepah isht a tuloa chi ho, atuloa Lewi vt ikbi tok.

CHI paya li ka is sa hvponaklashke, a Chitokaka ai vhpiesa ma; nan vm a pullummikma, is si vpevchih chatuk okvt: is sa nukhaklo cha, vm vnnumpah ilbusha ya ish haklashke.

2. Hvtlak ushi vhlehah ma, hupakih kvtiomih fokka ho vm ahulittopa yvt ahufahya tohoba chi ka, nana ho keyu ka im ai achukmvt nan ik ahlo ya hvsh hoya chih choh? [Yukopa.

3. Yohmih kia Chihowa hut-i hulittopa ya isht ilai utokuli tuk a hvsh ithaiyanashke: i paya likma, Chihowa hut hakla chi hoke.

4. Nukshohopvt hvchik vsshacho kashke: hvchi tupa ha onuttoiyulvt hvchi chukvsh a hvsh ittim vnnupoholi cha, hvsh chullosashke. [Yukopa.

5. Nan ai vhpiesa nan im issa poiyutta ka im issvt, Chihowa ha hvsh anukchietashke.

6. Lawa kv, "Kvta hosh nan achukma ka pi pesvcha hinlah choh?" ahachishke: chi vsshuka tohwikeli ha ish pi onucchashke, Chihowa ma.

7. Tanchi micha oka pakki himona aiena kv i lawakmvt na yokpah chatuk a i shulihchi hosh sv chukvsh a is sv nukfohki tuk oke.

8. Nuktaiyalvt tvshki lih mak inli hosh sv nosa chi hoke: Chihowa chia hak osh vno bieka hoh kia is si vpohtikecha chi hoka.

ATŪLOA 5.

Uskulah puttah ai ulachit a tuloa yo tuloa pehlichī a Lewi
 ut im ikbi tok atuloa yoke.

NAN ahachi li ka ish hvponaklashke, Chihowa ma;
 nan anukfihilli li ka is sum akostininchashke.

2. Pahaya li ka ish haiyaklashke, a Miko micha a Chi-
 tokaka ma; chishno ak o chim ilbusshut vnumpholi li
 hoka.

3. Chihowa ma, onnahinlikma vm vnumpa ha ish
 hahakla chi hoke; onnahinlikma pit chi bohli lish, hoho-
 yo la chi hoke.

4. Nan okpulo im ai achukma Chitokaka chiah keyu
 hatuk o, nan ik achukmo vt chi takla ahatta he keyu
 hoke.

5. Ilefhnvchi vhleha hut chi tikba hiela he keyushke:
 nan ai vhpesa keyu yumihchi moma ka ish i nukkilli
 hoke.

6. Unnumpah hulabi vnumpuli vhleha ha isht ish kanchi
 yoke: issish hlutvbi micha na haksichi hutvak a Chihowa
 hut ik ayokpacho yoke.

7. Amba vno vto isht i hullo chi laiyawa pulla hatuk
 mak o chim vbaha ya ona la chi hoke; micha chi nuk-
 shopa hosh chi tempel hulittopa pila ha pit hlippiut chi
 ayokpahachi la chi hoke.

8. Chihowa ma, sulbusshali vhlehah pulla hatuk mak o
 isht chim ai vhpiesa ya isht is sv hullvllashke: chi hina
 ya sv tikba is sum ai ittilawwichashke.

9. Itih ha nan ai ahli kut iksho hoka: chukvsh vt nan
 okpulo yoke; i nolupi vt ahulluppi tiwa yoke; isunlesh
 a hulvsbichi hoke.

10. Unnumpah ish onucchashke, Chitokaka ma; ilap
 im vnumpa hak inli kak o isht akvkohashke; nan
 vsshuchi i lawa kak o ish kanchashke; chi filonmit chi
 sunali hoka.

11. Amba chi ai vtukko putta kut na yokpashke; na
 yokpa hosh tulohowa na billiashke: mikma ish vpihpoa-

hachi na, chi hohchifo hā hulittobli vhleha hut momut isht chi vlawvtashke.

12. Chishno ak osh ai vlpiesa yā ish yokpali yoka, Chihowa ma; nan isht i kana yā telihpa chomihchi hosh isht ish upakfoiyubla chī hoke.

ATŪLOA 6.

Tvloa chito yō tvloa pehlichī vt vhlepah isht a tvloa chī hō, atvloa Lewi vt ikbi tok.

CHIHOWA ma, chi nokua hosh nā chik sum olabo kashke; micha chi anukhubela hosh nā pvlvmmi chik si onuccho kashke.

2. Is sā nukhāklashke, Chihowah ma; svlvvssha hoka: is sv hlakuffichashke, Chihowa ma; svf funi vt kummunta hoka.

3. Mikmut vmish shilombish vt kummuntah fehna hoke; Chihowa chiah ma, yumohmi na kvtiohmih fokka ona chī hoh choh?

4. Fvlamāh, Chihowa ma, vmish shilombish ā ish hlvkuffichashke: nan isht ish i hullo pulla hatuk mak osh is si okchalinchashke.

5. Aiillika yā a chithaiyanah keyu hoka: illi aiasha yā kvta hosh yakoke chim acha hinlah choh?

6. Kiffāhaha li kv sv hoyvblishke; ninak aiyuka ka ā tupa hā sv nishkin okchi isht okpvlalīhīchi li hoke; ā tupa hā a yvnlliche li hoke.

7. Ūm anukfilah a si vtaklaiyama hatuk mak o sv nishkin vt iellishke; ā tvnampi momah pulla hak atuk mak o sipoknit isht ivshke.

8. Nan ik vlpeso yvmihchi hvsh moma kv hv sā filvm-mashke; yahaya li ka Chihowa hut sv haklo hoka.

9. Nan asilhha li ka Chihowa hut sv haklo kanōh; vmvnnumpah ilvssha yā Chihowa hut ayokpvcha chī hoke.

10. A tvnvp moma kv hufahya cha, kummuntah fehna chī hoke; yakosi ittītakla hō hufahya cha, fvlama chī hoke.

ATULO A 7.

Benchamin hutlak Kush im vnuumpa hak atuk mak o, Lewi ut yummā Chihowa i tuloa tok, im atuloa yoke.

A CHITOKAKA Chihowa ma, chishno ak o chi ai vtukko li hoka, sulbusshali putta ka im a hlvkuffichit is si okchalinchashke.

2. Keyukma, hlvkuffichi ut iksho ho, koi chito yo chohmit vmish shilombish a kushlichit niblit tahlin nah.

3. A Chitokaka Chihowa ma, ilvppa yvmihchi li hatuk okina, nan ik ai vhpeso yvt subbak a foiyukka hokma,

4. A vvnaiyvt abatta ho nan ik achukmo ka i yvmihchi tuk okma, (yummak het asha na, nanihmih keyu ho a tvnampi yatuk kia, hlvkuffiche li tuk oke :)

5. Tvnp ut vmish shilombish a hliohlit sakki cha, vm ilhiopak a yakni vhlhechi cha, vm ahulittopa ya akka bohlashke. [Yukopa.

6. Chihowa ma, chim anukhubela ilai ishit ish wkayashke ; a tvnampi vhleha hut nukoa hatuk mak o ish ile wkayvchashke ; nan ai vhpiesa vpesa chiah ma, is sum okchashke.

7. Mikma oklah puttah itvnaha yvt chi vfullublashke ; mikma fulamut achahaka onvt ish o wkkayashke.

8. Chihowa hut oklushi putta ka nan im vpesa yoke : na si ai vhpiesa, micha nan isht ik ono sv foiyukkah keyu pulla hatuk mak o nan is sum vpesashke, Chihowa ma.

9. Huttak ik vhpeso vhlelah okpulo kvut ont ai vli hokma, amba ai vhpiesa yak okvno ish hillechi hokbano ; Chitokaka ai vhpiesa yvt chukvsh micha anukfilah aiena ka imomaka pihisa yokvt.

10. Chukvsh vpissali vhleha ha okchalinchit Chitokaka yvt a telilpa ieshi yoke.

11. Chitokaka yvt nan ai vhpiesa vpesa yosh nittak aiyu-kali ka nukoa Chitokaka yoke.

12. Fulana he keyukma, i bvshpo fulaya ya shohlichit hoke ; im iti tvnampi ya bichullit vtahli tuk oke.

13. Micha nan isht illi puttah im uskinvki ya libbichi hosh isht o wielishke.

14. Yakeh, huttak vt nan ik vlpeso chela chi hosh nuk-hahammishke; micha nan ik vlpieso yo ishit chvkali tuk osh, vnonti nan ik ai ghlo yo cheli hoke.

15. Yakni chuluk hufobichi hosh kullishkeh; atuk osh yakni chuluk a inla yo im ikbi kash osh ilap inli hosh pit ittulvshke.

16. Nan ik achukmo isht ahatta yatak vt ilap nushkobo hak inli ho felamvt onuttulakmut, nan isht ilbvsshali yatak vt ilap nushkuboh paknaka yak inli ho onuttula hoke.

17. Nan isht im vlpiesa yak atuk mak o Chihowa ha ayokpvche la chi hoke: micha Chaha i Shahli Chihowa hohchifo ha nan ulachit ayokpvche lashke.

A T U L O A 8.

Tvloa pehlichi vt Kittilh a isht a tvloa chi ho, atvloa Lewi vt ikbi tok.

PI Shahlih Chihowa ma, chi hohchifo hvv yakni moma ka a hulittopah fehna hoka, chim ahulittopa ymma vba shutik a misha yo ish tvkalichashke.

2. Chi tvnampi ak atuk mak o, tvnvp micha ilaiukha ya isht ish chulosula chi hosh, vloosi micha pishi puttah itih ha isht a hlampko ish ikbi tuk oke.

3. Chim vba shutik a chibbakushi vt vtahli tok, hvsh ninak aya micha fuchik puttah aiena ka ish tvkohlichi tok, ymma pisa likmut,

4. Huttak vt nanta hatuk o ish anukfillih choh? micha huttak ushi vt nanta hatuk o ish im ayah choh?

5. Yohmi kvv chitokaka yo lohmut ik lawwo ho ish ikbi tuk osh, isht vnnoa achukma micha isht a hulittopa isht iachukolichit,

6. Chibbak vt nan vtahli tok putta ka pehlichi yo ish ikbi hoke.

7. Ulhpoa chipinta, micha wak a moiyumah, micha na poa hayaka aiyasha aienah,

8. Uba hvshi, micha nuni okhvta hoi aiyasha yosh okhvta

h₂ ai itt₂vnnowa aienah ma, mominchit iyi nutaka ish vshachi tok oke.

9. P₁ Shahlih Chihowah ma, chi hohchifo h₂t yakni moma k₂ a hulittopah fehnvshke.

A T U L O A 9.

Tuloa pehlichi vt Mull-labben a tuloa ch₁ h₂, atuloa Lewi vt ikbi tok.

S_U chukvsh a mominchi hosh Chihowa h₂ ayokpachi lish, nanah a fehna ish yvmihichih chatuk moma k₂ vn₂oholi lashke.

2. Chishno ak atuk mak o n₂ sv yokpa cha, ishit chi vlawuta la ch₁ hoke; chi hohchifo h₂ nan ulachit ayokpuche la ch₁ hoke, Chaha i Shahli chiah ma.

3. A t₂vnp vhleha h₂t misha pit filemakmvt, chi tikba y₂ ai ibetvblit, aiokpulokut kvnniashke.

4. Nanah a kvnihui isht a si vhalaya, micha nan isht um ai vlhpiesa y₂ is sum vpesa hok₂: ai vlhpiesa nan vpesa yosh chim ai o binili hulitopa y₂ ish binnilishke.

5. Oklushi putta k₂ nan ish im olvbechi cha, h₂ttak ik vlhpeso y₂ okpenit, hohchifo h₂ musholichit ish kanchi na billiut billia hoke.

6. T₂vnp ak okuto aiokpulokut taha na billivshke; tomahal putta k₂ isht ish kanchi na, y₂mma isht ithaiyana yash kia awant musholishke.

7. Amba Chihowa hak okuto binnili na billia hoke; nan ai vlhpiesa ai vpesa ch₁ hosh im ai o binili hulittopa y₂ hillechi tuk osh,

8. Y₂mmvt ai vlhpiesa hosh yakni y₂ nan im vpesa cha, ai vpissali hosh oklah putta k₂ nan im vpesa hi oke.

9. Yohmi kak osh Chihowa h₂t ilbvssha ah₂lkuffi chaha yosh, nan ai i pulvmmi nittak oh kia ah₂lkuffi chaha yokeh.

10. Yohmi kak o chi hohchifo h₂ ithaiyana vhleha h₂t chi anukchieto hokeh; oklah chi h₂ohoyo k₂ ish kanchih keyu yok₂, Chihowa ma.

11. Saion a binnili Chihowa h₂ nan ulachit hush ayok-

puchashke; nan isht ahatta tuk a oklah puttah im ai ittitala hush ai vnoholashke.

12. Issish hltapa ya hohoyo yosh ilvssha vhleha ha ithaiyana hoka: yummvt pahaya tuk a im vhaksih keyu hoke.

13. Ai illi okhisa ya ai ishit sv kohchichi chia hvt is sa nukhklashkeh; a nukkilli vlehah pulla hatuk mak o nan a pullummi ka ish pisashke.

14. Yohmi na a chi holittopa moma ka vnoholit, Saion tumahah okhisa ya chim ai okchaya ya ai isht a yokpa lashke.

15. Oklushi putta kvt yakni kula ikbi tuk vt ilap inlit pit okaknivshke: nan ishit hukli luhmi tuk a, ymma ilap iyi ak inli hosh isht a yuka hoke.

16. Chihowa hvt ai vlpiesa yumihchi kvttaiyanishke: yokmi kvttak ik vlpeso ya ilap ibbak nan isht ai ahatta tuk ak inli ho ishit yukachi hoke.

[Ai ulachi. Yukopa.

17. Hvttak ik vlpeso vlehah, oklushi momah Chitokaka ya im vhaksi vhleha hvt illi aiasha ya onah pulla hi oke.

18. Ilvssha ya im vhaksi na billia he keyu hoka: chukvsh akkglosi vlehah nan aiyahni tuk vt akshot a billia he keyu hoke.

19. Wukayah, Chihowa ma; hvttak vt ik kullo kashke; oklushi putta kvttak chi tikba nan ai im vlpisah pullashke.

20. Chihowa ma, nukshopah ish nukfohkashke; oklushi putta kvttak pe hvttak atuk vt ik ithvna. [Yukopa.

ATŪLOA 10.

CHIHOWA ma, nantihmi ho hupakih ish hikkia cha, nan a pullummih nittak a ish ile luhmih choh?

2. Hvttak haksi vt ile fehvchi kak o, ilvssha yvt i pullummishke: nan ik vlpeso ymma nan isht im anukfilli tuk vt ilap ak inli hosh isht a yukashke.

3. Hvttak haksi vt ilap chukvsh nan ai ahni ka isht

ilawutakma, na wehpuli vt Chihowa ha ik ahninchot kanehi cha, shittilema hoka.

4. Huttak haksi vt ile fehuvchi kak osh, Hoya he keyushkeh; ahlih, Chitokaka yvt ikshoshkeh, ahnit im anukfila ha vluttoa hoke.

5. Ataya putta kvt kulloh bieka hoke; nan ish ai vpehisa yvt ai i chahvt vullayah keyu hoke: i tvnvp putta hokak heno o kishuhufa hoke.

6. Imi chukvsh anukaka ya, "Su kanulla he keyu hoke; isht ai unehululit mahaya ka nan ik achukmo ai anukaka hikkia siah keyu hokvt," ahachishke.

7. Itih hut vnnumpah chvkapa vnumpuli, haksichi, micha ilvsshali aiena hosh vluttoa hoke: isunlvsh nuta ya nan okpuni micha nan ik vhpeso yosh fokka hoke.

8. Tumahushi puttah ai im ayicchi ya binnili hoke; ai vlomaka putta ka nan okpuni keyu ka ai ahabi hoke; nishkin vt nan i pulvmmi ya i luna hoke.

9. Koi chito yosh ai ittola ittola kak o chohmit ai vlomaka ya ai im ayicchi hoke; ilvsssha ya hukla chi hosh im ayicchi hoke; im ishit hukli ya hvullit ilvsssha ya ishit hukli hoke.

10. Mikvvt litoli na akkoma hoke; mikma imi lhampko yak o nan i pulvmmi vhleha hut isht akkakoha hoke.

11. "Chitokaka yvt im vhaksi tuk oke; nvsshuka ya luhmi tuk oke; ik peso ho billia chi hoke," imi chukvsh anukaka ahachi hoke.

12. Wvkayah, Chihowa ma; Chitokaka ma, chibbak a vba welih; ilvsssha ya ik chim vhakso kashke.

13. Nantihmi ho huttak haksi vt Chitokaka ya shittilemah choh? "Nanah is sum a hoyu he keyu," imi chukvsh anukaka achi kak oke.

14. Ish pisah pullvshke; chishno yokvt nan okpuni micha na nukhubela ya chibbak a isht ish im vtobba chi mak osh, ish pivshke; chishno ak o ilvsssha yvt chim ile fokki hoke; vltakla ya vpehachi chia hoka.

15. Huttak haksi shakba ya ish kubvffashke; mikvvt

ik achukmo yvno nan okpulo ya im a hoyot ish taiyahli na, himakma ish vhayucha he iksho kashke.

16. Chihowa hut miko billia eha billia yoke; i yakni ya oklushi putta kut a musholih pulla hi oke.

17. Chukvsh akkalosi nan aiyahni ya ish haiyakloh pulla hoke, Chihowa ma; chukvsh a ish hlampkuchashke.

18. Ulhtakla micha ilbussha ya ai vlhpesa ish im vpesa chi kut, chi haksubish a isht ish luponaklashke; yohmi na yakni a tuba hutvak vt himakma ik ilbusshalo kashke.

ATŪLOA 11.

Tvloa pehlichhi vt a tvloa chi ho, atvloa Lewi vt ikbi tok.

CHIHOWA hak o ai vtukko lishke; kutiohmi ho umish shilombish a. "Hushi yo chohmit huchi nvni ha pit oh vtamoah.

2. "Yakeh, hutvak ik vlhpeso vhleha hut iti tvnampo ya bichulli hoka: chukvsh ai vpissali vhleha ha aiokhlileka yo a hussa chi kut im uskinvi ya iti tvnampo ishit tvllakchi ya o hilechishke.

3. "Nuta i tola putta kut tiapvt taha hoka: yakkohmi kvno ai vlhpiesa yokvt nanta hak o kutiohma hinlah choh?" hvsh im acha hinlah choh?

4. I tempel hulittopa ya Chihowa hut ahattvt, Chihowa im ai o binili hulittopa yvt vba yak oka: nishkin vt hutvak im vlla putta ka awet pisvt i holhpunnayo hut isht imomaka pisa hoke.

5. Chihowa hut ai vlhpiesa ya ayokpanchi hoke; amba hutvak ik vlhpeso ya, micha ilbusshali im achukma aiena hokvno imi chukvsh vt i nukkilli hoke.

6. Hutvak ik vlhpeso vhleha ha ai isht im ahleka, luak, hittuk lakna, micha mahlih okpulo aiena kut im isht ishko isht ai i kvshapa mak o isht on umbvchashke.

7. Chihowa hut ai vlhpiesa yokvt: nan ai vlhpiesa yokvno ahninchhi yoke; ai vpissali yokvt nvsshuka ya pisa hi oke.

ATULO A 12.

Tuloa pehlichi vt tuloa chito a tuloa chi ho, atuloa Lewi vt ikbi tok.

OKCHALINCHIII, Chihowa ma; nan i hullo vt tahakma, hutak im vlla vhleha im ai ittitacla ya ai ahli vhleha hut ikshot taha hoka.

2. Huttak bika ya vnumpah hulabi yak o isht ittim vnumpoholi hoke: ittiulbi hulushki, micha chukvsh tuklo ho isht vnumpoholi hoke.

3, 4. Ittiulbi hulushki momah, micha isunvsh ile fehnvchit vnumpuli kv, "Pisunvsh ak o na fehna isht e yumiha chi hoke; pittiulbi vt pimmi hoka: kva hosh pi shahlit choh?" ahachi ya Chihowa hut ishit kaunchashke.

5. "Ilvssha ya ilvsshah, nan ik im iksho vhleha hut kifhaha kak o, himak a vkaya lish, ai achukmaka bunnah fehna tuk a a hilechi la chishke," Chihowa hut achi hoke.

6. Chihowa im vnumpah putta kv vnumpah kushofa yoke: tli hvta yosh yakni tli a bila yak o a bilvt untukloha kushofa yak o chohmi hoke.

7. Chihowa ma, chishno ak osh ish hullulla chi hoke; isht ai unchululi ilvppa a kohchit ish ieshi na billia chi hoke.

8. Huttak ik hochukmo yvt huttak ushi vhleha ha i shahlit vkaya kak o chohmit, huttak ik vhpeso vhleha hut vpakfoiyublit ik itvnohova hoh kia, ish yumiha chi hoke.

ATULO A 13.

Tuloa pehlichi vt a tuloa chi ho, atuloa Lewi vt ikbi tok.

CHIHOWA ma, is si vhaksechi na billia kv, hupakih kvtiomih fokka chih choh? hupakih kvtiomih fokka ho chi nvsshuka ya is sa luhmih moi yuma chih choh?

2. Hupakih kvtiomih fokka ho nan isht anukfilli putta ka vmish shilombish a a bohli, nittak osh nittakma na nukhako ya sv chukvsh a fohkit ieshi la chih choh?

hupakih kvtiobmih fokka hō a tvnvp vt chahah i shahlit vm aiyacha chih choh?

3. Et hupokoyo cha, sv haiyaklōh, a Chitokaka Chihowa ma: sv nishkin a tohwikelichih; illi yo a sv nosih yobvn náh.

4. A tvnvp vt, "Im aiyvche lishke," achih yobvn náh; a tvnampi vhleha hvv sv kanvllikmā yukpah yobvn náh.

5. Yohmi ká vno yak okvto nan isht ish i hullo ak o anukchieto li hokvt, isht chim ai okchaya yak o sv chukvsh vt isht a yokpashke.

6. Achukma hō nan vm vtahahli tuk oka, Chihowa hā i tvloa la chī hoke.

ATŪLOA 14.

Tvloa pehlichī vt a tvloa chī hō, atvloa Lewi vt ikbi tok.

IM anukfilah iksho vt chukvsh anukaka ya, "Chitokaka yvt ikshoh," achih chatuk oke. Nan ik achukmo yvmihchikmvt, nan isht a hufahya he aiena ká yvmihchih chatuk oke; nan achukma hō yvmihchi kvv ikshoshke.

2. Kvnaħ kia nā hopoyuksa yvmihchit Chitokaka hōhoyo kvv ashakmah, nana ká pisa chī hosh, Chihowa hvv vba ya binnilit hvttak vhleha hā et o hopokohoyoshke.

3. Moma kvv i fillvmmi tuk oke; ittvpihvvt oklah okpulot kvvniah biekvshke; nan achukma hō yvmihchi kvv ikshoh; achvffah kia iyikshoshke.

4. Nan ik vlvpeso yvmihchi moiyuma kvv Chihowa hā i payah keyu kvv, pvška ya vpa ká chohmi hosh vm okla hā vpvvt taiyahli kvv, oklah ik ithanoh choh?

5. Yakeh! nā nukshopa ká oklah nukshopvshke; Chitokaka yvt ai vllpiesa isht ai unchululi ya iba foivyukka hoka.

6. Ilbvssha nanah ai anukfilli ya hvsh hufahyali hoh kia, Chihowa hak osh im ai vtukko yoke.

7. Ai okchaya yvt Saion a kohchvt Islael a im vla hokbano! Chihowa hvv im oklah yuka yatuk a fulamvt im alakmā, Chekob vt yokpakmvt, Islael vt nā yokpah fehnashke.

ATULO A 15.

Atvloa Lewi vt ikbi tok.

CHIHOWA mah, kuta hosh chim vltipo ya ai atta chih choh? kuta hosh chi nvih hulittopa ya ai ghatta chih choh?

2. Ai vpissalit aya, mikmut ai vllpiesa yvmihchi, micha chukvsh anukaka ya nan ai ahli vnumpoholi ak a chi hoke.

3. Yvmmut isunvush a inla isht vholvbit nohwah keyuh, hvttak bika ya nan ik achukmo i yvmihchih keyuh, micha i chukkapanta hvttak a isht a hufahya onuechih keyu hoke.

4. Hvttak haksi yokvno shittilemut pihisah; amba Chihowa i nukshopa vhleha hokvno hulittobli hoke. Isht a hvttupa hi osh vnumpah kvlo il onuechi tuk kia, il inlanha he keyu hoke.

5. I vtli hulisso ya chelichih atvpah keyuh, micha hvttak ai vllpiesa ya im a vnalit nan i kahli ya ishih keyu hoke. Ilvppa puttah yvmihchi vt ik kvullo hq billia hi oke.

ATULO A 16

Atvloa hulittopa Lewi vt ikbi tok.

IS sv hvllvllashkeh, Chitokaka ma; chi ai vtukko li hoka.
2. Chihowa ha, “A Shahli chia hoke; nan isht vm achukma yvt chishno ya chohmi kv himakna ik svm ikshoshke,” im achi lishke.

3. Chukvsh kvshofa vhlelah yakni aiyasha, micha hule-
tupa vhlelah yvmmak illa hosh nan isht vm ilayokpa aiena ka,

4. “Chitokaka inla hq na holhpila ima vhleha hv nan isht a nukhaklo vt im apakna chi hoke; yvma hvtvblit isht ayokvchi issish a im issa la he keyuh, micha hochehifoh putta ka suttiulbi a onuechi la he keyushke,” im achi lishke.

5. Chihowa hv nanah kvshapa vmmi ya he ai vllpiesa, micha vm isht ishko vlttoa aiena yoke; chishno ak osh nan vmmi ya ish ieshi hoke.

6. Ai achukma hq ai vli vllpisa yvt vm ittulvshkeh; na hvlbina vmmih mut achukma hoke.

7. Chihowa hak osh nan a miha tuk oka, ayokpuche la chi hoke; ninak puttah ma vm anukfila hut vm abahachi hoke.

8. Chihowa ha sv tikba hilechi li billia ho vm ishtimpakimma ya hikia hatuk o, kuvvli la he keyushke.

9. Yumohmi hatuk osh sv chukvsh vt na yokpah ma, isht vm a hulittopa mvv yokpah fehvshke; sun nipi ak kia nuktaiyala hosh foha chi hoke.

10. Umish shilombish a, illi aiasha ik atta, ish ahna he keyukmvv, chi hulittopa yvt na tushbi ya pisa chi ka ish im issa he keyu hoka.

11. Ai okchaya hina ya is svthvnancha hi oke: chim itikba ya a yokpa vlttoa yvt asha hoke; chibbak ishtimpakimma ya a yokpa yvt a foiyukkah billia hoke.

ATULO A 17.

Unnumpah ilbussha Lewi vt ikbi tok.

CHIHOWA ma, ai vhpiesa ka ish haklashke; pahaya li ka ish haiyaklashke; nan ilahobbi keyu ittiulbi yo vm unnumpah ilbussha yvt a kohcha ka ish hvponaklashke.

2. Nan ai vhpiesa vm vhpisa kvv chi tikba yak o a mintashke; chi holhpunnayo hut ai vhpiesa yak o onuttulashke.

3. Sv chukvsh a imomaka pisvt, ninak ma vm ayvt, si vfanalichit ish hlupulli hoh kia, nana ka ish vhayucha he keyuh; svtih hut ai vhpiesa ont ik iyo ka chi ho vm anukfilvshke.

4. Hvttak atoksvli yokvno, chittiulbi im unnumpa hak atuk mak o nan okpvni i hina ya vno yak okvto ahah ahnit ak hvvllayo ke tuk oke.

5. A nohova li kvv chi hina ya kullochit ieshi ho, saiyi vt ik kuvvlo ke tuk oke.

6. Uno vt chi paya lishke; is sv hakla chi hoka, Chitokaka ma: chi haksbish a et a welit, nan ahachi li ka ish haklashke.

7. I svnalit wvkaya vhleha ha, chi ai vtukko vhleha ha

chibbak ishtimpakimma isht im a hlukuffichi chia hut isht ish i hullo putta ka ish ottuninchih fehnashke.

8, 9. Nishkin nihi chomihchit is sv hullullashke; hutlak haksi vhleha hut si okpvninchi ya, a tunvp chilita vhleha hut a sunalit si vpakfoiyupa ka, a kucchit chis sunahchi nuta yak o is si a luhmashke.

10. Imi chukvsh a i kumalih mut, ile fehnvchit itih ha isht vnumpoholi hoke.

11. Il ai ittunowa ka himonasi ka pi vfullublishkeh; yakni ya pi akvcha chi kut, nishkin a isht ayokchifelit a hopokohoyoshke.

12. Nanah holba kut koi chito yosh niblit tahlih bunna ka chohmi hoke; micha koi himitta yosh aluma putta ka binnili ka chohmi hoke.

13. Wvkayah, Chihowa ma; iut ont vfamvt ish akvchashke; vmish shilombish a hutlak haksi im ai ishit, chi bushpo fulaya isht is sv hlakuffichashke.

14. Hvtlak vhleha ha im ai ishit, Chihowa ma, yakni anukchieto hutlak vhleha ha im ai ishit chibbak a isht is sv hlakuffichashke: nan immi hut okchaya ilvppak illah, mikma ikfoka ya nanah chimmi isht ish im vlotuli hoke; ushi vhleha hut i lava kut im vlpesakmut, nan im atampa kutto in vlla vhleha ha im vshachi hoke.

15. Uno vto ai vlpiesa hosh chi nvshshuka ya pisa li a ahni li hoke; si okchakmut, ish haiyakakma isht vm vlpesashke.

A T U L O A 18.

Chihowa hut Lewi ya i tunvp momah ibbak, micha Sal ibbak aiena ka imi hlukuffichit taiyahlih nittak ma, vltuloak ilvppa vnnunpah Chihowa ha im vnumpulis, tvoa pehlich vt a tvoa chi ho, Chihowa i tishuh Lewi vt ikbi tok. Mihmut yak achi tok:

CHI hullo li hoke, vm a hlampko Chihowa ma.

2. Chihowa hak osh a tvli chito, micha a hulihta kullo, micha sv hlakuffichi yoke; a Chitokaka yvt a tvli chito, yummak o ai vtukko li yoke; a telibpa, micha vm ai okchaya lvpish, vm ahlukuffi chaha yoke.

3. Hulittopa he vllpesa Chihowa hak o i pahaya likmut, a tunv putta ka im a hlvkqhoffi li hoke.

4. Nan illih ishit takchi putta kv si vpakfopah ma, hvttak baksi oka chito chohmi kv sv nukshqhobli tok oke.

5. Illi aiasha ishit takchi putta kv si vpakfoiyupah ma, nan illih ishit hukli putta kv si vffama tok oke.

6. Sv kummuntah mut, Chihowa ha i pahaya lish, a Chitokaka ya i tahpahali lih ma, vm vnnumpa ha im vboha hulittopa ya awet vm a haiyaklo tok; mihma vm vnnumpah ilvssha vvt itikba onvt haksubish a chukkoa tok oke.

7. Yohmih ma nukhubela kak o, yakni vt winakachi cha wvnnihichih ma, vvnih chaha akkishtula putta kv fayokachi cha winakahachi tok oke.

8. Ibihchulu ya shubulli hv a kohchvt vba mahayah ma, luak vt itih a kohcha hosh hukmit tahli tok; tubaksi vt a libbi tok oke.

9. Mihma shutik a bichulli cha, akkoa tok; mihma iyi nutaka ya hushontih okhlili hosh tvllaya tok oke.

10. Micha chelub a o binili cha hikvt ayah mut, mahlih svnahchi ya o binilit pulhki hosh hikvt aya tok oke.

11. Aiokhlileka ya im aluma yo ikbit, oka aiokhlileka, vba hushontih puttah aiena ka i hushontika yo il vfolublit tvlali tok oke.

12. Itikba tohwikeli kak o i hushontih putta kv ayah ma, hvtaffo micha luak tubaksi yosh asha tok oke.

13. Yohmih ma Chihowa hv vba ya hilohvchi tok; micha Chaha i Shahli vt itih ha ulahachih ma, hvtaffo micha luak tubaksi aiena kv aya tok oke.

14. Yohmih mut im uski nuki putta ka pela cha, ittvfinmi tok; micha i hvsshukmulli putta ka ishit hvssah mut, kumuntvchit vulhi tok oke.

15. Yohmih ma ish im alumi kak o, Chihowa ma, chibihchulu hv fiovt mahli kak o, oka ataya putta ka pisa tok, yakni ai o tvlaya putta kv hayaka tok oke.

16. Uba ya et wclit, sushit, sv halvllit, oka chito ya a sv kucchi tok oke.

17. A t_un_up kullo kak o, micha a nukkilli v_hleha h_a im a sv hlakuffichi tok oke; kullo kv_t a shahli hatuk ok_a.

18. Nan v_m a p_ull_um_ini nittak a oklah si v_mokvfa tok; yohmih m_a Chihowa hak osh v_m ai v_kullo y_vttok oke.

19. Mihm_vt sv k_uechit ai v_tta v_wata k_a svst_t ona tok; si ahn_in_ichi hatuk ok_vt, sv hlakuffichi tok oke.

20. Ai v_hlp_iesa lih pulla kak o Chihowa hv_t si y_mih_echi hoke; svbbak v_t kvshofah pulla kak o nan isht v_m v_tobbi hoke.

21. Chihowa im ataya putta k_a aya lih m_vt, a Chitokaka y_a i fil_vm_init ak i svnalo ke tuk ok_a.

22. Nanah ai v_peh_isa moma kv_t sv tikba aiyashah m_a, i nau v_hlp_iesa putta hokvno a fil_vm_in_ichit naksika bohli la he keyu kak oke.

23. Mich_a im ai a_hli, lih bano cha, nanah ik si ai v_hlp_eso ak il v_halayacho ke tuk oke.

24. Mihm_a a si ai v_hlp_esa-hatuk mak o, nishkin itikba y_a svbbak v_t kvsshofa hatuk mak o, Chihowa hv_t v_m v_tobbi tuk oke.

25. Nan i nukh_aklo y_a ish im ile nukh_aklochi hoke; ai v_pissali y_a ish im il ai v_pissvlechi hoke.

26. Kvshofa y_a ish im ile kvshuffi hoke; amba shv_uaya y_a ish im i kostini hoke.

27. Chishno v_t oklah ilbv_ssha y_a ish okchal_in_ichi yokv_t: amba ile chav_uchi nishkin v_uo ish akkv_umauchi yoke.

28. Chishno v_t a p_ula h_a ish p_ulali yokv_t: v_m okhlili k_a a Chitokaka Chihowa hv_t tohwikelichi yoke.

29. Chishno pulla kak o t_vshka chipota lawa k_a o v_ulelit hl_upulli la hinla hok_a: micha a Chitokaka pulla kak o hulihta chaha y_a v_banv_bli la hinla hoke.

30. Chitokaka yokv_to i hina y_vt ai v_pissalih bano hoke; Chihowa nanah achi kv_t kvsshofa yoke; ilap ai v_tukko moma k_a i telihpa yoke.

31. Chihowa hak illa k_a, kv_ta hosh Chitokaka yat_ob_a? micha p_i Chitokaka yak illa k_a, kv_ta hosh tv_i chito yat_ob_a?

32. Hlampkoh ishit svskuff_vchechi cha, ataya li k_a ai a_hlich_i Chitokaka yak oke.

33. Saiyi ya issi tek iyi chomihchi cha, vm achahaka putta ka sv helichi ak oke.

34. Subbak vt ittiba chi ka im abahachi na, svsh shakba yvt tvi lakna iti tvnampo ya bichulli hoke.

35. Micha chi telihpa ai okchaya ya is soma tuk osh, chibbak ishtimpakimma yvt sv hullvlli hoke; mikmvt i kanvt ish il akkalichi kak osh is sv chetuli hoke.

36. Um anohowa nutaka ya is sa puthachi na, saiysi im ossak vt ik shvnyo hoke.

37. Yohmi hosh a tvnvp vhleha ha hliohlit sakki likmvt, ak tahlo kisha kut fulama la he keyu hoke.

38. Fvhamvt akvechi likma, tana he keyuh mak osh saiysi nutaka akkakoha hoke.

39. Yohmi ka ittibe la chi ka hlampkoh isht is svskuf-
fvehechi tuk osh, wvkayvt a svnali vhleha ha vkahchunoli-
chit is sa nutakvechi hoke.

40. Micha a nukkilli vhleha hokvno musholiche la chi ka, a tvnvp vhleha hokvno chusshak a is soma hoke.

41. Pahayah kia, okchalanchi vt iksho hoke; Chihowa hak o i pahayah kia, ik haiyaklo hoke.

42. Mikma bolit lisholit lukfi pushi yosh mahlih itikba asha ka chomihchi li hoke; tvmahah ai ittvnowa lukchuk chomihchit hlvtvbli li hoke.

43. Oklah ittvchowa ya ai is sv hlakuffichi hoke; oklushi puttah i nushkuboka is sv helichi hoke; oklah ak ithaiyano yatuk kia, vm antia hoke.

44. Haksbish vt hakloh mak inli hosh, a nutaka hoke; oklah inla yvt vm vkahchunnoli hoke.

45. Oklah inla yvt shimoha ho chohmit wvnnihichi hosh i hulihta kello putta ka et a kuecha hoke.

46. Chihowa hvv okchaya yoke; yohmi kut a Tvi Chito vt hulittopashke; mikmvt vm ai okchaya Chitokaka yvt chahashke.

47. Um ilai ukha cha, oklah putta ka a nutakvechi Chitokaka yoke.

48. A tvnvp putta ka si a hlakuffichi ak oke; wvkayvt a svnali vhleha hak kia ai i mukuffit achahaka svst isb

ona hoke; nan ilbusshali huttak a im is sv hlakuffichi hoke.

49. Yumohmi hoka oklushi puttah im ai ittitacla ya chi ayokpahachi la chi hoke, Chihowa ma; micha chi hohchifo ha nan ulachit ayokpuche lashke.

50. Miko ya vtokule tuk vt hlukuffihichi kut a chinto cha, nan vhamut im vlltoka Lewi, micha im ishtatiaka ya i hullo na billia yoke.

ATULO A 19.

Tuloa pehlichu vt a tuloa chi ho, atuloa Lewi vt ikbi tok.

CHITOKAKA im aholittopa ya vba yvt vnoholi hoke, mikma shutik vt ibbak nan vtahli ya hayakuuchi hoke.

2. Nittak osh nittak a nan im ahachi hoke; micha ninak osh ninak a nan ithunahachi hoke.

3. Nanah achi kut ikshoh, vnnumpa hut ikshoh; itih hut ola na haklo ka iksho kummohmishke:

4. Yumohmih kia ola hut kuechut yakni moma ka hlupulli yoke, micha yakni ont atahaka ya im vnnumpah putta kut ona hoke. Yummak o hushi ya vlltipo ai i tulali tok o,

5. Yummot huttak ohoyoh ittwaya tuk osh im vboha a nusi ya kohcha kak o chohmi hosh, huttak kullo yo chohmit im ataya ya a chufa chi kut na yokpa hoke.

6. Uba shutik ai vlih vtvt kohchut ia hosh, fullotvt vlih i vnnvp ona hoke; yohmi ka im alvshpaka ya i luma kut ikshoshke.

7. Chihowa i nan vlpisa yvt vlltahah achukma yosh, shilombish a fulummichit okchvli yoke: Chihowa isht im vtukkoa yvt aiyahlil kullo yosh, ik hopoyukso ya hopoyuksuli yoke.

8. Chihowa i nan vlpisa putta kut ai vpissali yosh, chukvsh yokpali yoke: Chihowa im vnnumpah vlpisa yvt kvsshofa hosh, nishkin a tohwikelichi yoke.

9. Chihowa ai im a nukshopa yvt kvsshofa hosh, tvkkali na billia yoke: Chihowa nan vpehisa putta kut ai ahlih, micha ai vlpiesah bieka hoke.

10. Yohmi ka bvna he vhpesa kv̄t tvli hulisso lakna, tvli hulisso lakna hulittopa lawah kia i shaiyahli hoke; micha champuli kv̄t, foi bila, micha foi bila hakshup a hohoiya ka i shahli hoke.

11. Chi tishu hak kia isht i tohwikeli hoke; yvmm̄a hulittobli kv̄t isht im vlhtobah chito yoke.

12. Ilap na yushohoba kv̄to kv̄ta hosh vkostinincha hinlah choh? na yushoba luma putta ka is sa kvshuffashke.

13. Mikmvt chi tishu ha ilap ak pullvt vsshahachi aiena ka ish i kv̄tblashke; ik sum aiyo kashke: yohmi ho ai vhpiesa lih achukma hosh, nan ai vsshvchi lava ka vm a kvshofa chi hoke.

14. Chi tikba ya sv̄tih vnumpoholi kv̄t, micha sv̄ chukvsh anukfihilli kv̄t a hulittopashke, a tvli clito, micha si okchalinski Chihowa ma.

ATULO A 20.

Tvloa pehlich̄i vt a tvloa chi ho, atvloa Lewi vt ikbi tok.

A CHILBUSSHAH nittakma Chihowa hv̄t chi haklo hokbano; Chekob i Chitokaka hohchifo hv̄t chahvchit chi benilechi hokbauo;

2. Ahulittopa ya et a chi vpela cha, Saion a et chi a hv̄llvllikbano;

3. Ilhpak isht ish ayokpv̄chi moma ka ithaiyana cha, na hukmit isht ish ayokpv̄chi ya ayokpv̄chikbano; [Yukopa.

4. Chi chukvsh nan ahni kak o chema cha, chim anukfilah moma ka chim ai ahlichikbano.

5. Nan isht ish hv̄vkuffichi ya isht e shv̄kapa cha, pi Chitokaka hohchifo ha shv̄pha e tvkalichashke: nan ish vsilhlah moma ka Chihowa hv̄t chim ai ahlichikbano.

6. Chihowa hv̄t nan vhamvt im vlhtoka ya okchalinski ka himak a ithana lishke: vba hulittopa ya et a haiyaklo cha, ibbak ishtimpakimma hlampko hak o isht okchalinski hoke.

7. Kv̄nimi kv̄t tv̄nv̄p̄ iti chvnaha isht ilawutakma, inla kv̄t issuba hak o isht ilawuta hoke; amba pishno yokv̄to pi Chitokaka Chihowa hohchifo hak o isht il ilawuta hoke.

8. Yummak okvto vkahchunolit akkakohushke; amba pishno yokvto wvkayut vpissvt e hielishke.

9. Chihowa ma, okchalinchih: e pahayah nittakma, Miko vt pi haklashke.

ATULO A 21.

Tuloa pehlichì vt a tuloa chì hq, atvloa Lewi vt ikbi tok.

CHIHOWA ma, chimi lhamko ha miko vt isht a yokpa hoke, micha chim ai okchaya ya isht a yokpah fehna hoke.

2. Chukvsh nan ai ahni ka ish emakmvt, ittiolbi vt hoyo ka chik imì hvllloh chatuk oka. [Yukopa.

3. Nan isht yokpali achukma putta ka ishit ish vfama hokvt: tvi hulisso lakna hulittopa bita hq nushkobo ha isht ish bitelichi hoke.

4. Okchaya ya chim vsilhhah ma, nittak fvlayah billiut billiah mak o ish ema tuk oke.

5. Chim ai okchaya pulla hq im ahulittopa yvt chito hoke; ahulittopa chitoh fehna ka ish onucchi hoke.

6. Nan isht a yokpa billia ish ikbi hokvt: chi tikba ya ishit yokpa yo isht ish yokpali hoke.

7. Miko vt Chihowa hak o anukchicto hoka, micha Chaha i Shali im isht i hullo pulla hak o kvvlla he keyu hoke.

8. Chibbak vt chì tvnvp moma ka vhayucha he bano hoke; chibbak ishtimpakimma yvt chì nukkilli putta ka vhayucha he bano hoke.

9. Chi tikba ya onakma, tvi abila yo chomihchit ish ikbashke; Chihowa hv im anukhubela yo ishit musholichashke; mikma luak vt hukmit tahlashke.

10. Im aiunchululi ya yakni ya ai ishit, micha im ishtatiaka ya hvttak puttah im ai ittitacla ya ai ishit ish kan-chashke.

11. Nan ik achukmo ka chi o weli tuk oka: nan ik achukmo isht chi anukfilli tuk kia, nanihma he keyu hoke.

12. Misha pit ish filimmicha chì hoka: nvsshuka ya chim iti tvnampo ishit tvllakchi isht i svnalit ish o wela chì hoke.

13. Chihowa ma, chimi lhampko h_a isht ish chaha na, nan isht chim ai ahli ya tvlovt nan ulachit isht e hulittoblī-hichashke.

ATVLOA 22.

Tvloa pehlichī vt Aiyaleh Hvsshaha a tvloa chī h_o, atvloa Lewi vt ikbi tok.

A CHITOKAKA ma, a Chitokaka ma, nantah kvtiohmi h_o is sv kanchih choh? Nantah kvtiohmi h_o kiffah_hvt vnumpule li k_a si okchalīncha hi atuk vt a hupakih choh?

2. A Chitokaka ma, nittak atukm_a tahpahali lih kia, chik sv hakloshke; micha ninak ak oh kia a nuktaiyala ik sv ikshoshke.

3. Yohmih kia Israel okla hv_t a chi holittoblīhichī ya binnili chia hv_t chi holittopa hoke.

4. Chishno ak o pī tikba v_hleha hv_t chi anukchieto tok oke; oklah chi anukchietoh m_a, ish hlukuffīhichī tok oke.

5. Chishno ak o chī pahayah mv_t, hlukuffi tok; chi anukchietoh mv_t, ik hufahyo ki tok oke.

6. Amba vno vto sh_ushi sia hosh, hvttak siah keyushke; hvttak vt ik v_hobalo, micha okla hv_t shittilema y_o sia hoke.

7. Sv pesa kv_t momv_t kvlakshichit a yukpa hoke, itivlbi ya itvklīwelichī hoke, nushkubo h_a fahli hoke.

8. "Chihowa h_a anukchieto tuk oke; ik hlukuffichī: isht a yokpa hokv_t, ik kohchichī," achi hoke.

9. Ahli_h, ikfuka ya isht is sv kohchi tok chia hosh, hvshki ipishik a tvkkali lih m_a, nuktaiyala is si anukfohki tok chia hoke.

10. Im ushv_to a kohcha li tok taiyaklah mv_t, chibbak a foiyukka lih chatuk oke; hvshki ikfoka kohcha li tok taiyaklah m_a, a Chitokaka chia hoke.

11. Nan a pulvmmi vt a bilīkasih m_a, si vpela yv_t iksho hok_a, is s_a mishemahchin n_{ah}.

12. Wak nakni lawa kv_t si vfullublishke, Beshan aiyasha kullo putta kv_t si v_pakfoiyupvshke.

13. Koi chito n_a nibli micha kilīhīha y_o choiyuhmi hosh v_m a svnalit itvkvshalishke.

14. Oka y_o chohmit sv hlatvpushke; mikm_a svf foni poiyutta kv̄t tv̄hlohlishke; sv chukvsh vt foi akmo y_o chohmit svkfoka iklunna y_a a bilvshke.

15. Ūmi lhampko hv̄t shila kv̄t shuti koa tushafa y_o chohmishke, mikm_a svsunlvsh vt sv nutakfa y_a vkv̄lloshke; mihm_a nan illi lukfi yok_a isht is si on_ohosishke.

16. Ofi putta kv̄t si v̄pakfoiyupa hok_a: nan ik achukmo yvmihchi itvnaha yosh si v̄fulluplit, svbbak micha saiyi y_a bahlishke.

17. Sv̄f foni moma k_a hutihna la hinlah ittitala k_a yvmvto aiokchiffelit sv p̄ih̄svshke.

18. A nafohka puttah oklah ittvkvshkovshke, micha vm anchi y_a n_a shoelishke.

19. Yohmih kia Chihowa chiah ma, is s_a hupakichin n_{ah}; vmi lhampko ma, tushpvt ant is si v̄pelashke.

20. Ūm ilh̄fiopak ā bushpo fv̄laya y_a ish ai ī hl̄vkuffichikmvt, yvmmak ā bieka hatuk ok_a, ofi ibbak ā is si a hlukufichashke.

21. Koi chito itih h_a is si a hl̄vkuffichikmvt, is sv haiyaklo cha, yv̄nvsh puttah lv̄pish ā ai ishit is sv hlakuffichih pullashkeh.

22. Yohmikm_a chi hohchifo h_a ittibapishi lih v̄hleha h_a im vn̄oh̄li lashke; itvnaha im ai ittitala y_a a chi holittobliche lashke.

23. Chihowa ī nukshoh̄opa v̄hleha hv̄t hv̄sh hulittoblichashke; Chekob ishtatiaka moma kv̄t hv̄sh hulittoblashke; micha Israel ishtatiaka moma kv̄t hv̄sh ī nukwiashke.

24. Ilv̄ssha yvt nan ī p̄v̄l̄l̄m̄mi k_a ik shittilemo hosh ik ī yuwalo hok_a: mikmvt nv̄sshuka y_a ī luhmih keyu hoke; amba ī talp̄ah̄ala k_a haklo hoke.

25. Chishno pulla kak ō itvnaha chito y_a a chi holittobliche li hoke; vnnumpah il on̄oh̄occhi le tuk vt ī nukshopa v̄lehah im itikba y_a ai vtobbi la ch̄i hoke.

26. Chukvsh akkalosi v̄hleha hv̄t impa cha, im v̄hpeshashke; Chihowa h_a hoyo v̄hleha hv̄t hulittoblichashke; hv̄ch̄i chukvsh vt okchaya na billia hokbano.

27. Yakni ont atahaka moma kv̄t ithana cha, Chihowa

h₂ i fulamashke, micha oklushi puttah ai achuffa moma kut chi tikba ya ayokpuchashke.

28. Apehlichika yvt Chihowa immi yoke; yohmi hosh oklushi putta ka pehlichi yoke.

29. Yakni paknaka nia vhllehah moma kut impa cha, ayokpuchih pulla hi oke; akka ohona kut kvnioht ilap inlit il okchalincha he keyu moma kut itikba ai vkahchunola hi oke.

30. Ishtatiaka yvt im antia chi hoke; nan i Shabli vt isht ai unchululi himmak mihinti ka im vnohova hi oke.

31. Ilvppak o vtahli kut ai vhpiesa hosh yvmohmi tuk a, oklah aiyasha chi ka oklah ona cha, im vnohola hi oke.

ATULO A 23.

Atvloa Lewi vt ikbi tok.

CHIHOWA hut chukfulhpoba chomihchit si vpesuchi yatuk o, nanah sv bnna he keyushke.

2. Hvsshuk okchvmali ai impa yo sv bohli hoke; afoha oka ontvaka sush₂ aya hoke.

3. Umish shilombish a fulvminichit okchvli hoke; ilap hohchifo hatuk mak o ai vhpiesa hina putta ka vsst aya hoke.

4. Micha ai illi aiokhlileka okfah kia ak ayah mak osh, nanah ik achukmo i sv nukshopa he keyuh: chishno ak osh is svbafoiyukkakma, chim iti tupa micha chi tubi vt sv hopuhlvi hoka.

5. A tvnvp vhllehah itikba ya nan vpa vtahlit ai impa ya sv tikba ish hilechi hoke; sv nushkobo ha bila isht ish vhmimih chatuk oke; vm isht ishko vt vlota hoke.

6. Okchayvt ahatta lih ittita₂klā nittak moma ka, achukma micha i hullo bieka hosh siakkaya chi hoke, mikma Chihowa im vboha ahatta li nittak fvllaya hi oke.

ATULO A 24.

Atvloa Lewi vt ikbi tok.

YAKNI micha isht vluttoa kut, yakni micha paknaka ai asha aiena kut, Chihowa immi hoke.

2. Yummak osh okhvtaḥ paknaka tvlali tok, micha oka yvnulli puttah paknaka kvllochit tvlali tok okvt.

3. Kuta hosh Chihowa i nvnih oiya hinlah choh? micha kuta hosh im ahulittopa ya hikkia hinlah choh?

4. Ibbak kvshofa, micha chukvsh kvshofa yvt nan ik vhobo ya isht asittiah keyu, micha nana ka haksichi hosh vnnumpah kvllo il onucchi keyu ak a hi oke.

5. Chihowa ha nan isht a yokpa im ai isha. he, micha ai okchaya Chitokaka ya ai vlpiesa im ai isha hi oke.

6. Oklah ilvppak osh yumma hoyo, chi nvsshuka hoyo oklah, Chekob mak oke. [Yukopa.

7. Hvchi nushkobo hvsh wvkelashke, huliht okhisa hvchiah ma, mikma isht vlvkuma abillia hvchiah ma, uba hvsh tvkalashke; mikma Miko hulittopa yvt ant chukkoashke.

8. Ilvppvt kuta hosh Miko hulittopa yoh choh? Chihowa kvllo micha chilita, Chihowa tvnampih chilita yoke.

9. Hvchi nushkobo hvsh wvkelashke, huliht okhisa hvchiah ma, mikma isht vlvkuma abillia hvchiah ma, hvsh wvkelashke, mikma Miko hulittopa yvt ant chukkoashke.

10. Ilvppvt kuta hosh Miko hulittopa yoh choh? Nan uha i Chihowa, yummak osh Miko hulittopa yoke. [Yukopa.

A T U L O A 25.

Atvloa Lewi vt ikbi tok.

CHIHOWA ma, chishno ak o vmish shilombish a isht chim ona lishke.

2. A Chitokaka ma, chishno ak o chi anukchieto lishke; ik sv hofahyo kashke; a tvnvp vhleha hv ik svm ilawato kashke.

3. Michā chi hohoyo moma kv hufahya he keyu hoke; na kvnihmih keyu ho chi kanchi vhleha hak osh hufahya chi hoke.

4. Chihowa ma, chi hina putta ka is svthvanchashke; ataya la he ish ahni putta kv is svm avchashke.

5. Chim vnnumpah ahli ya is si a nowvchashke, micha is

svm abuchashke; vm ai okchaya Chitokaka chia hatuk o, nittak moma ka chi hohoyo li hoka.

6. Chihowa ma, nan isht ish i nukbahakloh, micha isht ish i hulahloh chatuk vt ish ithaiyanashke; yummvt abillia yoka.

7. Sv hemittah mut nan vsshahachi li tok, micha nan vlpisa kubahaffi li tok a chik ithaiyano kashke; nan ish i hulloh pulla hosh, chi achukmah pullah mak osh, chishno vt is svthaiyanashke, Chihowa ma.

8. Chihowa hut achukma micha ai vpissali yoke; yohmi hokvt nan vshvchi vhleha ha ataya ya im avuchi hoke.

9. Chukvsh akkalosi vhleha ha ai vlpiesa a nowvchi hokbano; micha chukvsh akkalosi vhleha ha i hina im avuchi hokbano.

10. I nan ittim vlpisa, micha nan isht im ai vlhtukkoa putta ka hulittobli vhleha ha Chihowa hut nan a kvniohmi kvt momvt nan i hullo micha vnnumpah ai ahli mak oke.

11. Chihowa ma, nan ik si ai vlpieso yvt chito hokak o, chi hohchifoh pulla hatuk mak o is sa kushuffashke.

12. Hvttak kuta hosh Chihowa ha i nukshopa yoh choh? ataya he vlpesa vhayuchit isha chi ka im avucha chi hoke.

13. Imish shilombish vt ai achukma ho ahatta hi oke, mikma im ishtatiaka yvt yakni ya iesha hi oke.

14. Chihowa ai ittvchvffa yvt i nukshopa putta ka ibafoiyukka hoke; yohmi kvt nan ittim vpesa tuk vt ithvnancha he ak oke.

15. Sv nishkin vt Chihowa hak o pit o tullaya na billia hoke: saiyi ya ishit hukli ya ishit kuccha hi ak oka.

16. Et is sa filema cha, is sa nukhakhlashke; vno sv bieka cha, svbvssha hoka.

17. Sv chukvsh ik im ai achukmo putta kvv chitot tavushke; nan vm a pullvmmi putta ka is si a kohchashke.

18. A svbvssha micha nan isht si vtakvma ya ish pesa cha, nan vshvche li moma ka is sa kvshuffashke.

19. A tvnvp vhleha ha ish pisashke; lawa cha, a nukkillih ataiyapa hosh a nukkilli hoka.

20. Um ilhfiopak a ish hullulli cha, is su h̄lakuffichashke; chi ai vtukko li hokut, ik su hofahyo kashke.

21. Chi hohoyo li hoka, ai ahli micha ai vpissali yut su hullvllashke.

22. Israel oka nan isht ai ilvssha mominchit ish koh-chashke, Chitokaka ma.

ATULO A 26.

Atuloa Lewi vt ikbi tok.

UNO ak osh ai vpissali hosh nohowa li hoka, nan is sum vpesashke, Chihowa ma; mikma Chihowa ha anukchieto li kut shvnayoa lih keyu hoke.

2. Uchukmalit is su pesa cha, is si vkostininchashke, Chihowa ma; vm anukfilah micha su chukvsh aiena ka imomaka ish pisashke.

3. Isht ish i hullo yut sv nishkin itikba ya tvkkali hoka mikma chim vnnumpah ahli ak o a nohowa li hoke.

4. Huttak hulabi vhleha ha takla binnili lih keyub, micha nan ilahobbi vhleha ha iba chukkoa la he keyu hoke.

5. Nan ik achukmo isht asha itvnaha ya ak ahniccho hoke; micha huttak haksi vhleha ha takla binnili la he keyu hoke.

6. Nan okpuni keyu yosh subbak a vcheffa lish, chim alta ya vpakfoiyupa lashke, Chihowa ma,

7. Yvmohmit, yakoke ahnit vnnumpah ishit haklochit, na fehna ish yvmihichi moma ka vnoholi lashke.

8. Chihowa ma, ish ai ahatta chukka ya, micha chim ahulittopa a foiyukka ya hulittobli li hoke.

9. Umish shilombish a nan vsshuchi vhlehal aieninchit, micha vm ilhfiopak a issish hlvtvbli huttak vhlehal aieninchit isht chik kancho kashke.

10. Yvmmā ibbak a nan okpuni vt a foiyukkah, micha ibbak ishtimpakimma yut nan ivlli yo isht vltuttoa hoke.

11. Amba vno yokuto ai ahli hosh aya li hoke; is su hlakuffechi cha, is sa nukhāklashke.

12. Ai ittilawwi achukma ya saiyi yut o hikkia kak osh,

ai ittvnaha putta k̄a ahattvt Chihowa h̄a ayokpuche la chi hoke.

ATŪLOA 27.

Atvloa Lewi vt ikbi tok.

CHIHOWA hak osh a tohwikelika micha vm ai okchaya yoke; kuta h̄o i sv nukshopa hinlah choh? Chihowa hut vm ilhfiopak i hulihta kullo yoke; kuta h̄o i sv komuta hinlah choh?

2. Nan ik achukmo yvmihchi vhleha hut svn nipi a vput tahla chi hosh, vm a svnali vhlehah, micha a tvnvp vhlehah aiena kut a svnalit a bilika vlah kia, ilap ak osh ibetvblit akkakohah chatuk oke.

3. Tvshka chipota lawa hosh a svnalit si vbenvchit si vpakfoiyupah kia, sv chukvsh vt nukshopa he keyu hoke; tvnvp osh a svnalit wvkayah kia, ilvppak oh kia, sv nuk-taiyala hoke.

4. Nan achvffa h̄o Chihowa h̄a im asihilhha li kut, yvm-mak o h̄ohoyo la chi hoke: yvmmvt si okchayah takla kut, Chihowa im vboha ahattvt Chihowa ayukli ya pihisa la he, micha i tempel a ai vsilhahachi la he ak oke.

5. Nan ik achukmo nittakma im ai utukko yak o a sv luhma hi oka: im vlhtipo ai vlomaka yak o a sv luhma hi oke; chahvchit tvli chito yak o si o binilicha hi oke.

6. Yohmi k̄a himak a sv nushkubo hut chahvt a tvnvp si vfullublit aiyasha k̄a i shahla chi hoke; mikma na yokpet shvkapvt isht ayokpuchi putta k̄a im vlhtipo anukaka ya ai im issa lashke; Chihowa h̄a i tvlout nan ulachit ayokpuche lashke.

7. Tahpvlvt chi pahaya li k̄a ish haklashke, Chihowa ma; micha is sa nukhaklo cha, is sv haklashke.

8. "Sv nvsshuka ya ho hoyoh," ish achi hoka, "Chihowa ma, chi nvsshuka ya hoyo la chi hoke," sv chukvsh vt chim achishke.

9. Chi nvsshuka ya chik sa lubmo kashke; nukhubela hosh chi tishu h̄a naksika chik hilecho kashke; si vpevchi chia hokvt, sv kanchit is svssvn nah, Chitokaka si okchal-
linchi ma.

10. Aki micha hvshki aiena kut sv kanchih kia, Chihowa hut vssha hi oke.

11. Chi hina ya is sv abuchashke, Chihowa ma; micha sulbvsshali vhlelah pulla hatuk mak o hina ittilawwi ya fohkit vsst ish ayashke.

12. A tenvp nan ahni ka ibbak chik sv fohko kashke; na hulabi isht vtukkoli vhlelah, micha nan ilbvsshali fiopvt kohocchi yut a sunalit wwkaya hoka.

13. Ai okchaya yakni ya Chihowa ai achukma ka pibisa la hi vt, ai ahli hosh sv yimmishke.

14. Chihowa ha ish hoyashke; ish kullashke; mikma chi chukvsh a hlampkocha hinla hokeh: yohmi hoka Chihowa ha ish hohoyashke.

ATULO A 28.

Atuloa Lewi vt ikbi tok.

CHIHOWA ma, chishno ak o chi pahaya lashke; a Tvli Chito ma, lummut chik sa binilo kashke; vnumpah fulama chik samo ki, yakni kula ona vhleha hak o chohmi lin nah.

2. Chi pahaya lih, ahulittopa ish ai vnumpuli ya svbbak pit weli li ka, nan asihilhha li vnumpa ha ish haklashke.

3. Hvttak haksi vhlelah, micha nan ik vhpeso yvmihchi vhleha hosh, nan ik achukmo kut chukvsh a foiyukkah kia, hvttak bika vhleha ha i nanaiyut im vnumpuli ka ai ibafokkit isht is sv kanchin nah.

4. Nanah yvmihchi tuk mak o, micha nan ik achukmo a kvniqhomi tuk mak o ish emashke; ibbak atoksvli tuk mak o ish emashke; inla ya na kvniomihchi tuk a omihchit ish i fulvmmichashke.

5. Chihowa nanah yvmihchi, micha ibbak vt nanah a toksahali tuk a nan isht anukfilla he keyu hoka, yulhit akkakahli cha, ik hilecho kashke.

6. Nan asihilhha li vnumpa ha sv haklo hokvt, Chihowa hut hulittopashke.

7. Chihowa hut vmi lhampko, micha a telihpa yoke: yvmak o sv chukvsh vt anukchietoh ma si vpihila hatuk

o, sv chukush vt na yokpa hokvt, um vlhtuloak a isht ayokpahachi la chi hoke.

8. Chihowa hvt im oklah imi lhampko yoke, micha nan vhamvt im vlhtoka ya i hulihta kullo ai okchaya yoke.

9. Chim okla ha ish okchalinchi cha, chimmi hatuk vt ish yokpalashke, micha chukfulhpoba chomihchit vpesuchit isht ish aya na billiashke.

ATULO A 29.

Atuloa Lewi vt ikbi tok.

HOCHITOKA ushi vhlehah ma, "Chihowa ha immih," hvsh achashke; "Chihowa ha ahulittopa micha ishit hlampko aiena kvt immih," hvsh achashke.

2. Hohchifoh ahulittopa ya Chihowa hvsh emashke; ahulittopa ayukli ya ilai ieshit Chihowa ha hvsh ayokpuchashke.

3. Chihowa itih ola kvt oka ya ibafoiyukka hoke; Chitokaka hulittopa yvt hilohvchishke; Chihowa hvt oka chito ya ibafoiyukka hoke.

4. Chihowa itih ola kvt kullo hoke; Chihowa itih ola kvt nanah a chintoh fehna ilai ieshi hoke.

5. Chihowa itih ola kvt chuahla putta ka chublahlichihoke, micha Chihowa hvt Lebanon chuahla putta ka chublahlichit kanchishke.

6. Micha wakushi chomihchit tullichishke, Lebanon micha Silion a yvuvsh ushi yak o chomihchishke.

7. Chihowa itih ola kvt luak libbi ka chulli hoke.

8. Chihowa itih ola kvt yakni hayaka ya winalichihoke, Chihowa hvt Katesh yakni hayaka ya winalihichihoke.

9. Chihowa itih ola kvt issi tek putta ka chelichihoke, micha iti putta ka nohlichit tahlishe; mikma i tempel ai asha moma kvt, "Hulittopa," ahachi hoke.

10. Oka fulama yvt ayah ma, Chihowa hvt binnili tok, micha Chihowa hvt miko yosh binnili na billivshke.

11. Chihowa hvt im okla ha ishit hlampko ima hi oke; Chihowa hvt im okla ha isht im ai achukma ishit yokpala he bano hoke.

ATULO A 30.

Uboha ya hullochi ka hulittoblichit atuloa Lewi vt ikbi tok.

CHIHOWA ma, hvullit is sv kohchi cha, a tunup vhleha ha vno yak atuk mak o, ik yokpa, chik ahno ke tuk oka, chi holittobliche la chi hoke.

2. A Chitokaka Chihowa ma, chi pahaya lih ma, is sv hlakuffichi tuk oke.

3. Chihowa ma, vmish shilombish a illi aiasha ai ishit is sv kucchi tuk, yakni kula ak aiyo ka chi ho is si okchalinchi tuk oke.

4. I hulittopa hvchia hvv Chihowa ha nan ulachit hvsh ayokpuchashke, micha hulittopa isht ithaiyana ya yakoke hvsh im ahachashke.

5. Nukhubela kut yakosi ittitacla, amba i kana hokuto okchayah takla kak oka; opyakma nishkin okchi mihinti yosh im vlahi yoba tuk kia, onnahinlikuvno na yokpa yosh i tukkali hoke.

6. Yohmi ka vno vto nanah vm a kuviohmi ikshoh mvv, "Ak kuvullo ho billia chi hoke," achi li tok.

7. Chihowa ma, is sa kana kak osh, a nvnih ha kullochit is sa hilechi tok oke: chi nvsshuka ya ish luhmih ma, sv kummunta tok oke.

8. Chihowa chia hak o chi pahaya lih mvv, Chihowa hak o im asihlhha li tok oke.

9. Um issish hlvapvt yakni kula ona li ka nantah isht ai achukina hinlah choh? Lukfi pushi vt chi ayokpucha hinlah choh? Chim vnnumpah ahli ya vnoa hinlah choh?

10. Chihowa ma, ish haklo cha, is sa nukhaklashke; Chihowa ma, is si vpela yashke.

11. Yahaya li ya filimmit is sv behlvchashke; bancha ishit si ompoholmo tuk a isht is sa kanchi cha, na yokpa yo isht is svskuffvcheshke.

12. Yvmohmi ho vm isht a hulittopa yvt chi ayokpachichi cha, ik chulloso ka hi ak oke. A Chitokaka Chihowa ma, yakoke chim aiyahni li billia chi hoke.

ATULO A 31.

Tuloa pehlichì vt a tuloa chì hō, atuloa Lewi vt ikbi tok.

CHIHOWA ma, chishno ak ǒ chi ai vtukko li hokvt, ik sv hofahyo hō billiashke; chi ai vlpiesa kak osh is sv hlakuffichashke.

2. Chi haksbish a awet is sã wielashke; tushpvt is sv hiakuffichashke; is si okchalíncha chì hosh tuli chito kullo, hulihta kullo chukka yã is sã tubashke.

3. A tuli chito micha a hulihta kullo chia hokvt, chi hohchifoh pulla hatuk mak ǒ hullellit isht is si ayashke.

4. Ishit hukli yã luhmit a tulali tuk a is si a kohchichashke; v̄m akullo chia hokvt.

5. Umish shilombish a chibbak pit fohki lishke; ai ahli Chitokaka Chihowa ma, fulv̄mmichit is sv hlakuffichi tuk okã.

6. Nanah keyu hulabi puttah hulittobli v̄hleha hã ak ahniecho hoke; amba vno vto Chihowa hak ǒ anukchieto li hoke.

7, 8. Sv̄lv̄v̄ssa kã is sv̄ pesah mv̄t, v̄mish shilombish nan isht im a p̄lv̄m̄mi kã ish ithana cha, a tv̄nv̄p̄ ibbak a fohkit chik sv̄m okhishto hosh, amba saiyi yã ai ǒ hikia vwata hō ish ǒ hilechi tuk okã, nan isht ish ī hullo yak ǒ isht a sv̄ yokpah fehna chì hoke.

9. Nanah p̄lv̄m̄mi kv̄t si onuttoiyula hokã, is sã nukhã-klashke, Chihowa ma; sv̄ nukhãklo kak ǒ sv̄ nishkin, v̄mish shilombish, micha sv̄ hakn̄ip̄ aiena kv̄t iellit tav̄shke.

10. Sv̄ nukhãklo kak osh v̄m ilh̄fiopak vt̄ tahah mã, h̄ih̄iha li kak ǒ v̄m afum̄mi hv̄t taha hokvt: nan vs̄shv̄che li ak atuk mak ǒ v̄mi lhampko hv̄t kv̄niushke, micha sv̄ foni vt̄ tushbit tav̄shkeh.

11. Sv̄lv̄v̄sshali v̄hleah momah pulla hatuk mak ǒ hv̄ttak vt̄ a hufahya hoke; a chukkapanta v̄hleha hokak heto yv̄-mohmih fehv̄shke; mikmã ittithana li v̄hleha hv̄t a nukshopa hoke; kucha yã a sv̄ pesakmv̄t, a yih̄l̄h̄ipa hoke.

12. Hv̄ttak illi yō chomih̄chit im anukfila hã isht ik sv̄thanoshke; ampo koa yak ǒ ī sv̄ chiyuhmi hoke.

13. Lawa hosh nā sv mehuchi kut, “Nukshopah bat vlotvshke,” ahachi na hahaklo li kak okvt: vm a sunalit ittibaiachvftv isht ittim vnumpuli kut, vm ilhfopak a isha chi hosh ittim vpesvshke.

14. Amba vno vto chi anukchieto lishke, Chihowa ma; “A Chitokaka chia hoke,” achi lishke.

15. A nittak putta kut chibbak foiyukka hoke; a tvnvp vblehah ibbak, micha sulvsshali vblehah aiena ka im ai ishit is sv hlakuffichashke.

16. Chi tishu ha chi nsshuka ish o tohwikelichashke; nan i hullo chia hokvt, is si okchalinchashke.

17. Chihowa ma, chi pahaya li hokvt, ik sv hofahyo kashke; hvttak haksi vbleha hak osh hufahyashke, illi aiasha yak o ont a chullosashke.

18. Ai vhpicsa yoka a sunalit ilefehuvchit sbittilemut aukwayah iksho hosh vnumpuli ittivbi hulabi vt vlvkv-mashke.

19. A chi achukma yvt, yvtma chi nukshoiyupa vbleha ha luhmit ish im ieshi tuk osh, chi ai vtukko vbleha ha hvttak vblehah itikba ya ish im a yvmihichi kut. chin-toshke.

20. Hvttak vt im anukfilah ittibaiachvffa putta ka im ai ishit, chim itikba a luma ya ish a luhmi hoke; isunlvsh putta kut na mihachi ya a kohchit ai vtukko ya ish a luhmi hoke.

21. Hulihta kullo tvmahah ahatta lih ma, a hullo kut vm ottvningih fehna tuk okvt, Chihowa hv hulitto-pashke.

22. Yohmi hokak o vno yokvt sv kummuntah mut, “Chi nishkin itikba ya ai ishit sv kanchishke,” achi le tuk uttok oke; yohmih kia chi pahaya lih ma, nan asihilhha li vnumpa ha ish haklo tuk oke.

23. I hulittopa moma kut Chihowa ha hvsh i hullashke; Chihowa hv ai ahli vbleha ha hvllvlli yoke, amba ilefehuvchi vno lawachi hosh im atobbi yoke.

24. Hvsh kvllashke, mikma hvchi chvkush a hlampkocha hiula hoke, Chihowa hohoyo hvsh moiymah ma.

ATULO A 32.

Nan ithvnanchi atvloa Lewi vt ikbi tok.

KUNA hosh nan vlpisa kubvffi vt i kushofakmut, aivsshvchika im ompoholmo kut na yokpa hoke.

2. Kuna ho Chihowa hvt ayushoba onucchih keyukma, nan ilahobbi vt imi chukvsh a foiyukkah keyu yvt huttak na yokpa yoke.

3. Nan ak acho hosh aya lih mut, nittak moma ka kiffaha ha li kak osh sv foni vt okpulot taha tok oke.

4. Nittak micha ninak aiena ka chibbak vt weki hosh si onuttoiyulah ma, vmi lhampko hut inlvot taha kut toffa chahto yak o chiyuhmi tuba tok oke. [Yukopa.

5. Nan vsshvche li yvt chim il ottvnihiichi lih mut, ayushoba li yvt ak luhmo ki tok oke; "Nan vlpisa kubahaffi le tuk vt Chihowa ha im il vnoli lashke," achi lih ma, nan vsshvchit a sv yoshuba ya is sa kvshuffi tok oke. [Yukopa.

6. Ilvppak atuk mak o nan i hullo aiyukali kut chi vhayucha he ai vlpiesa nittakma chim ilbvsshvt vnumpulashke; oka yvt okchitoh fehnah kia, yvma ona he keyuh pulla hoke.

7. Um aluma chia hoke; ai ilbvssha ya ai ishit is sv hullvlli hoke; ahlvkuffi ishit tuloa yo isht is si vpakfoiyubli hoke. [Yukopa.

8. Chi hopoyuksvchit hina ish ataya he vlpesa ka chi biblibli la chi hoke; sv nishkin vt chi onuttoiyula ho na chi miha la chi hoke.

9. Issuba hokmah, haksubish fulaya yokmah, nana hosh im anukfilah iksho yosh chim antia he keyu kak o ishit hvlvlla chi ka, itih kvpali micha ishit fulullichi yvt ishit shema yosh itih foiyukkah chatuk a hvchik chvholmo kashke.

10. Na huttupa lawa hosh huttak ik vlpeso ya onuttula hoke; amba Chihowa anukchieto yokvno nan isht i hullo yosh isht vpakfoiyupa hoke.

11. Na yokput Chihowa ha hvsh a yokpashke, ai vlpiesa vlvchah ma, micha chukvsh ai vpissali vt momut yokput hvsh hvkapashke.

ATULO A 33.

AI vhpiesa vhlehal ma, Chihowa ha yokpa hosh hush i tuloashke; ai vpissali vhleha hokvto hulittoblichikak osh isht im vhpesa hoka.

2. Hap o Chihowa ha yakoke isht hush im ahachashke; ai olachi ishit tollakchi pukkoli yo olachit hush ayokpvchashke.

3. Atuloa himona yo isht hush i tuloashke; im punnvt chitoli hosh hush olachashke.

4. Chihowa im vnnumpa hut vpissalih, micha nanah yumihchi moma kv ai ahlih bano ho vtahli hoka.

5. Ai vhpiesa micha vtukkoah nan im vpesa yak o im ai achukma yoke; Chihowa im isht i hullo yvt yakni ya vluttoa hoke.

6. Chihowa im vnnumpa ho vba yvt tubah ma, itih fiopa ho nanah puttah momah ai asha kvt tuba tok.

7. Oklvtah oka ya ittunahahchi omihchit ittvhobbit, oka hufobi putta ka vhpoyak aiasha yo chomihchit vshachi yoke.

8. Yakni moma kv Chihowa ha i nukshopashke; yakni ai asha moma kv i nukviashke.

9. Yummak osh mihah ma, tuba tok oka: yummak osh im vpesah ma, vltahvt tollaya tok oke.

10. Chihowa hut oklushi puttah im anukfila ya kubvfih chatuk; oklah puttah nan ahni tuk a akshuchih chatuk oke.

11. Chihowa im anukfila hvto tvkkali na abillia yoke; chukvsh nan ai ahni tuk putta kv isht ai unchululi mahaya ka i tvkkali hoke.

12. Oklvshi yokvt Chihowa hak osh i Chitokaka yosh ilap ak o immi hachi hosh vtokule tuk a, na yokpa hoke.

13. Uba yak o Chihowa hut et a hopokoyo yosh hvttak moma ka pihivshke.

14. Ilap ai ahatta ya binnilit yakni ai asha moma ka o hopokohoyoshke.

15. Chukvsh aiyukali im ikbi tok osh nanah a kuniolini putta ka vpesahachi yoke.

16. Miko vt tvshka chipota i lawa kak osh isht im aiya kut ikshoshke; huttak kullo vt imi lhampko chinto kak o isht a hlvkuffa he keyu hoke.

17. Issuba hut ai okchaya ahlih keyu hoke, micha imi lhampko chito kak osh hlvkufficha he keyu hoke.

18. Yakeh, i nukshopa vhlelah, isht i hullo hohoyo vhleha ha Chihowa nishkin vt onuttoiyula kut,

19. Imish shilombish a aiilli a kohchicha chih, micha hohchifoh chintoh kia ai okchalincha chi kak oke.

20. Pimish shilombish vt Chihowa hak o hohoyoshke; yummak osh pi vpela micha pi telihpa yoke.

21. Yohmi hoka hohchifoh hulittopa yak o il anukchieto hatuk osh, yummak o pi chukvsh vt a yokpa chi hoke.

22. E chi hohoyo hatuk pullah mak o, chim isht i hullo yvt pi onuttoiyulashke, Chihowa ma.

A T U L O A 34.

Abimelek itikba ya im anukfilah iksho ilvhobbi na, chuffechi na iah mut, atoloa Lewi vt ikbi tok.

NITTAK ai yukali ka Chihowa ha ayokpahachi lashke; i tvlovt hulittoblich i kut svetih ha foiyukka na billia chi hoke.

2. Chihowa hak o vmish shilombish vt isht ilawahata chi hoke; chukvsh akkalosi vhleha hut haklo cha, na yokpa chi hoke.

3. Chihowa ha hvs svba hulittoblichih fehnashke, mikma hohchifo ha iloh ittiba chahvchashke.

4. Chihowa hoka hoyo likma, sv haklo cha, a sv nukshopa moma ka a sv kohchih chatuk oka.

5. Oklah pit pihisakmut, nsshuka okchah chatuk oka, nsshuka hufahya yvt iksho kvmmohmashke.

6. Huttak ilbussha ilvpput i payah ma, Chihowa hut haklo cha, ai ilbussha moma ka a kohchit hlvkuffichi tok oke.

7. Chihowa im enchel vt i nukshopa vhleha ha vbenvchit vfullubli cha, hlvkuffichi hoke.

8. Chihowa hut achukma ka ketiohmih ahnit hvsh pi-sashke; yummā ai utukko yokvto nā yokpa hutlak oke.

9. Im oklah chukvsh kuvhafa hvchia hut Chihowa hā hvsh i nukshopashke; i nukshopa vhleha hut nana hō bun-nah keyu hoka.

10. Koi himithoa yvt nan ik im ikshot hohchvfoh kia, Chihowa hoyo vhleha hokvto nan achukma nanah kia bun-na he keyu hoke.

11. Intāh! vlla vhlelah ma, hvś sā hvponaklashke; Chihowa i nukshopa mak o hvchim abvche lashke.

12. Hutlak nantah mak osh, yummvt okchayah bunnvt, nittak laiyyawa hō nanah hochukma pisah bunnah choh?

13. Chi sunlvsh vt nan ik achukmo ka, micha chittiolbi vt nā haksichi yā ik vnumpolo ka hi a ish vpesahachashke.

14. Nan ik achukmo kvno ish i fillvmmi cha, nan achukmo kak o ish yvmihichashke; itti nanaiya yā ish hoyo cha, ish iakkayashke.

15. Chihowa nishkin vt ai vlvpiesa vhleha hā pit o tullohakmā, ai i pahaya yā haksbish vt pit hvponaklo hoke.

16. Chihowa nvsshuka yvt nan ik achukmo yvmihchi vhleha hvno onuttoiyula kv, isht ai ithaiyana yā yakni yā a kohchit ishit kancha chī kak oke.

17. Oklah i pahayakvno, Chihowa hut haklo cha, isht ai ilvssha moma ka a kohchih chatuk oke.

18. Chukvsh kubafa vhleha hā Chihowa hut i bilichi hoke, micha imish shilombish kuvhafa vhleha hā okchalinchihoke.

19. Ai vlvpiesa yā nan ik achukmo onuttola kv lawah kia, Chihowa hut yummā moma ka a kohchi hoke.

20. Yummā foni moma ka ieshi na, yummvt vlvffonah kia ik kubafō yoke.

21. Nan ik achukmo vt hutlak ik vlvpeso yā vba chī hoke; ai vlvpiesa i nukkilli vhleha hut nan isht i vlvmmi vnumpa hut onuttoiyula chī hoke.

22. Chihowa hut i tishuh vhlelah imish shilombish a fulvmmichit okchalinchihoke; mikmā yummā ai utukko

vhlehah moma kut nan isht i pelummi unnumpa hut onut-
tula he keyu hoke.

ATULO A 35.

Atuloa Lewi vt ikbi tok.

CHIHOWA ma, a sunali vhleha ha ish i sunalashke; a
tunampi vhleha ha ish i tunampashke.

2. Teliha micha ai vtukko ya ish eshi cha, si vpela yosh
ish hikkiashke.

3. Micha iti tvi hluppa o tula ya vba welit, sv hleohli
vhleha ha vlamvt isht ish im oktblashke; vmish shilombish
a, "Ish ai okchaya sia hoke," ish im achashke.

4. Umish shilombish a hoyo vhleha hut a kuniohmi ik
ithanot hufahyashke; suttupala chih anukfilli vhleha hut
fulamvt ia cha, hufahyah fehnashke.

5. Chihowa im enchel vt fhamvt akkakohlhichi ho, na
hakhupish osh mahlih itikba aya kak o chohmashke.

6. Im ataya yut aiokhlileka micha ahulusbi bieka ho,
Chihowa im enchel vt a hliohlashke.

7. Nanah a kuniohmih keyu ho yakni kula ishit hukli ya
luhmit a tlalih mv, nanah a kuniohmih keyu ho vm
ilhfiopak a i kulli tuk oka.

8. Ik ithano ho aiokpuloka yut onuttulashke; ishit hukli
ya luhmit tlali tuk ash osh ilap ak o ishashke; aiokpuloka
yumnak ash ilap ak osh pit ittulashke.

9. Mikma Chihowa hak o vmish shilombish vt a yokput,
im ai okchaya ishit na yokpa chi hoke.

10. Svf foni moma kut, "Chihowa ma, ilbussha ya kulloh
i shahli im ai ishit ish hlukuffichikmv, issikkopa micha nan
ik im iksho wehpuli ya im ai ishit ish hlukuffichi chia ha
kuta hak osh chishno a chohmih choh?" acha chi hoke.

11. Ulhpesah keyu nan vnoli vt wukayvt hieli cha, nanah
ithana lih keyu ka a punaklo hoke.

12. Nan achukma ka nan ik achukmo yo isht vm atobbi
na, vmish shilombish a na nukhaklo yut onuttoiyulvshke.

13. Amba oklah vbekah ma, vno yokvto a nafolika yut
bancha yak vtok oke; okissvt vmish shilombish a akkalo-

sechi li tok oke: mihma vm vnnumpah ilbvssha yut fulamut sv chukvsh a vlah beka tok oke.

14. Itti kana lih, keyuknut ittibapishi li hatuk o a chohmit aya li tok; ishki yatuk o ishit yahaya yo chohmit tubashit vkahchunnoli li tok oke.

15. Yohmi tuk kia sv kinnaklih ma, oklah na yokput ittihoyot ittufamvshke; ak vkostinincho ho imomokpulo putta kut vm asnalit ittihoyot ittufamvshke; na sv mehvehi kut ik isso hosh,

16. Na yopulut puska ishit hubenut vpa hutvak kulakshi i shahli vhlelah ibaiachvft vm asnalit in nuti ya killislibichishke.

17. A Shahlih ma, hupakih kutiohmih fokkakmak o pe pist ish binnila chih choh? Umish shilombish a im aiokpulo loka putta ka a kohchit, yummak a bieka ya koi himitta putta ka im ai ishit ish hlvkuffichashke.

18. Itvnaha chito im ai ittitala ya a chi ayokpvche la chi hoke; oklah chito im ai ittitala ya a chi holittobliche la chi hoke.

19. Na hulabi yosh a tenampi vhleha hut vno ak atuk pullah mak o nan isht ik yokpo kashke; nanah kvniohmih keyu ho a nukkilli vhleha hut nishkin a ik mushmushlecho kashke.

20. Itti nanaiyah keyu oklah vnumpulih, micha yakni ya nuktanlet ai asha kak o i snalit na haksichi vnnumpah oklah ikbi hokut.

21. Michu vm a snalit itih ha vvatvchit wkvmmishke; "Yummakhvlih, yummakhvlih, pi nishkin vt pisvshke," oklah achishke.

22. Ish pisa hokut, Chihowa ma, lummut ish binnilin nah; a Shahliah ma, chik sa mishemahcho kashke.

23. A Chitokaka micha a Shahlih ma, il okchvlt chi okcha cha, si vpehpoachit nan is sv upesashke.

24. A Chitokaka Chihowa ma, nan isht chim ai vhpiesa pulla hatuk mak o nan is sv upesa na, vno ak atuk pullah mak o oklah isht ik a yokpo kashke.

25. Chukvsh anukaka ya, "Yummakhvlih, nanah il ai-

yahni hatuk oke!" ik acho kashke; "Isht e nunuplishke!" ik acho kashke.

26. Nan isht ik sum ai achukmo ya na yokpa vhleha hut ittiba hufahyah fehnah bickashke; vm asnalit ile fehnvchi vhleha hut hufahya micha kulakshi yo isht a foiyukkashke.

27. Um ai vlpiesa ya ahni vhleha hut tvlovt na yok pashke; micha, "I tishu hut nittak im achukma ka im ai achukma Chihowa hut hulittopashke," ahachit billiashke.

28. Mikna susunlvsh vt chim ai vlpiesa ya, nittak mona ka a chi holittopa ya isht vnumpohola chi hoke.

A T U L O A 36.

Tvloa pehlichi vt a tvloa chi bo, Chihowa i tishuh Lewi vt ikbi tok.

HUTTAK ik vlpeso vt nan vlpisa kubvffi kak osh sv chukvsh anukaka ya ai vnumpuli kv, "Ilap nishkin itikba yvno Chitokaka isht ai i nukshopa hi vt ikshoshke," achih.

2. Ilap nishkin itikba ya nan isht il a hupohlvi kv nan vsshahachih chatuk vt ottani na, nau isht im vlpisa he keyuh, ahni kak okvt.

3. Ilap itih im vnnumpa hut nan ik vlpeso micha na haksichi bano yoke; hupoyuksa, nanah achukma yvmohma he tuk vt issa tuk oke.

4. I tupah ittoiyulakmut, nan ik vlpeso ak o anukfihilli hoke; hina achukmah keyu kak o ile hillechi hoke, nan ik achukmo ka shittilemah keyu hoke.

5. Chihowa ma, nan isht ish i hullo vt vba ya ona hoke, micha nan isht ish ai ahlichi vt shutik a ona hoke.

6. Chim ai vlpiesa yvt Chitokaka i nvnih huchito putta ka chohmishke; nan ish ai vpehisa yvt okhvta chito ohmi hoke; hvttak micha nan vlpoa aiena ka ish okchalinchi hoke, Chihowa ma.

7. Nan isht ish i hullo vt hulittopah fehnvshke, Chitokaka ma; yvmohmi kak o hvttak putta kv chimis svnahchi nutaka yak o ai vtukko hoke.

8. Chim vboha nanah achukma aiyasha ka ai ishkot fiho-

pa hoke, nan isht ish yokpahali okhina ya ish ishkochechi hoke.

9. Ai okchaya a minti vt chishno yak oka: chim atohwikeli ak o tohwikeli e pisa hoke.

10. Chitbaiyana vhleha ha ish i hulloh chatuk vt, micha chukvsh ai vpissali vhleha ha isht ish im ai vlpiesah chatuk vt ish immomashke.

11. Iefehnuchi iyi yvt ik svm alo kashke; mikma hvttak ik vlpeso vlehah ibbak vt kunimma pit ik sv chvffecho kashke.

12. Yakeh, nan ik vlpeso yvmihchi vhleha hvttak akkakovshke; tobli na akkakahah mvtt, wukaya he keyushke.

ATULO A 37.

Atuloa Lewi vt ikbi tok.

NAN ik achukmo yvmihchi vhleha hatuk mak o chik ile nukhubelacho kashke; nan ik vlpeso yvmihchi vhleha ha chik i putvno kashke.

2. Hvsshuk a chohmit chekosih vlmokmut, haiyukpulo okchaki chohmit busshit taha chi hoka.

3. Chihowa hak o ish anukchieto cha, nanah achukma kak o ish yvmihchashke; yvmohmi hosh yakni ya ish ai ahatta cha, nan isht im ahli ka ish ai ihimpashke.

4. Micha Chihowa hak o isht ish ilai yokpashke, mikma chi chukvsh nan asihilha kak o chima chi hoke.

5. Ish ataya ya Chihowa ha ish im issa cha, yvmak o ish anukchietashke; mikma yvmvt ai ahlichia hi oke.

6. Micha nana kvtt a chimmih vlpesa ka tohwikeli chomihchit, nanah chimmi ha he vlpesa ka hvshi tvbokoli chomihchit hayakvcha chi hoke.

7. Chihowa ha ish i lumma cha, ik kvniomihchi, ahvit ish ahattashke; hvttak vt ataya ya im ai ahli cha, lumvt nan anukfihilli tuk vt ai ahlichia kak o chik ile nukhubelacho kashke.

8. Nukoa kvtt ish issa cha, nukhubela ya ish i fitvmmashke; nan ik achukmo kak illa ho ish yvmihcha hinla hvttak, chik ile nukhubelacho kashke.

9. Nan ik achukmo yumihchi vhleha hut hukofa chi hoka : amba Chihowa ha hohoyo vhleha huto yakni ya isha hi oke.

10. Yohmi ka chekosi ittita kla ka hut tak ik vhpeso vt ont aksha chi hoke ; mikma' ai ahatta ya anukfillit ish pi-hisa hoh kia, iksho ka chi hoke.

11. Amba chukush akkalosi vhleha huto yakni ya iesha hi oke ; micha nanah isht im ai achukma i lawa kak osh isht ila yokpa hi oke.

12. Huttak ik vhpeso vt ai vhpiesa ya im asunalit lumut nan anukfihilli cha, in nuti ya isht o killislihichi hoke.

13. Nan i Shabli vt i yukpa hoke ; i nittak vt ula chi ka pisa hokvt.

14. Ilbussha micha nan ik im iksho ya akuccha chi kut, ai vpissalit aya vhleha ha vba chi kut, hut tak ik vhpeso vhleha hut bushpo fulaya ya shuffikmut, im iti tunampo ya bichulli tuk kia,

15. I bushpo fulaya yut ilap chukush ak o chukkoakma, im iti tunampo vt kubahla chi hoke.

16. Ai vhpiesa yut nan im asha kut kynomosi hoh kia, achukma kut, hut tak ik vhpeso lawah imi layak chito ya i shahli hoke.

17. Huttak ik vhpeso vlehah shakba yokvt kubahla hi oka : amba Chihowa hak osh ai vhpiesa vhleha hokvno hullvlli hoke.

18. Chihowa hut ai ahli vlehah i nittak putta ka ithaiyana hoke ; micha nan immi hut asha na billia hi oke.

19. Nittak ik achukmoh kia, hufahya he keyuh ; micha a hohchvfo nittak putta ka fibopa hi oke.

20. Amba hut tak ik vhpeso vhleha huto aiokpuloka he, mikma Chihowa i tunv putta kut oktak pisah ayukli yosh luvt taba ket shubulli ho tovt taha kak o chiyuhma hi oke.

21. Huttak ik vhpeso vt pohota tuk kia, atobba he keyu hoke, amba ai vhpiesa yuto i' nukhaklo cha, ihima hoke.

22. Chihowa hut yokpali tuk a vhleha hokvto yakni ya

iesha chih, amba kulakshichi tuk a vhleha hokuto hukofa chi hoka.

23. Httak a nohōwa ya Chihowa hut im upesa tuk mak osh, im ataya ya isht a yokpa hoke.

24. Akkuma hoh kia, ittultv vmmohma he keyu hoke; Chihowa hak osh ibbak a hvllalli hoka.

25. Ulla sia httok osh sv sepuknit taha hak inlishke; yohmih kia httak ai vhpiesa ya kanchih ma, vnonti im ishtatiaka yvt puska asihilhha ka ak pesoshke.

26. Nittak momah i nukhaklot i pohota hoke; micha im ishtatiaka yvt yokpalit na yohokpa yoke.

27. Nan ik achukmo ka ish i flvrmi cha, nanah achukma kak o ish yvmihchashke, mikmut ish ahatta na billiashke.

28. Chihowa hut ai vhpiesa yvmihchi kak o ahnichi yoka: micha i hulittopa vhleha ha kancha he keyu hoke; hvllulli na billia yoke; amba httak ik vhpeso vlehah im ishtatiaka yokto hukofvt kunia hi oke.

29. Ai vhpiesa vhleha hut yakni ya ieshi cha, ai ahashwa na billia hi oke.

30. Ai vhpiesa itih hut unnumpah hopoyuksa yo unumpulikma, isunlvsh vt ai vhpiesa unumpuli hoke.

31. I Chitokaka i nan vhpisa yvt chukvsh a a foiyukka hatuk o a nohōwa yvt shvayoa he keyu hoke.

32. Httak ik vhpeso vt ai vhpiesa ya upesahachi kut, vba he ahni hosh hohoyo hoke.

33. Chihowa hut issvt ibbak fohka he keyuh; micha nan isht im ashakma, unnumpah onuccha he keyu hoke.

34. Chihowa ha hohoyot i hina ya foiyukvt ish mahayashke; mikma chi wakayachi na, yakni ya ish iesha chi hoke; httak ik vhpeso vhleha ha ishit kanchi ka va yokvt ish pisa hi oke.

35. Httak ik vhpeso vt pullvmih fehnvt, iti okchaki yosh a hikia imoma chohmit uwatulit ile chitoli ho pisa li tok.

36. Atuk ak osh ant ayvt kunia cha, yakeh, iksho ki tok; mihma hoyo lih kia, ik hayako ki tok.

37. Hvttak ai ghli ya vechukmalit anukfillih, micha ai vpissali ya ish pisashke; itti nanaiya hvttak vt tikba nan achukma kut awet im gsha hoka.

38. Amba nan vlpisa kubvffi vhleha hokvto ittibaiokpulo kut kunia hoke; hvttak ik vlpeso vhleha hv tikba nan achukma kut awet im gsha he tuk vt i hukofa hoke.

39. Amba ai vlpiesa ai okchaya yvt Chihowa hak o a minti hokeh; ai ilvssha nittakma yvmak osh i hulihta kullo yoke.

40. Chihowa hv vpevt hlukuffichih chatuk okvt: yvmak o ai vtukko hatuk o, hvttak ik vlpeso vhleha ha im ai ishit hlukuffechi cha, okchalincha hi oke.

ATULO A 38.

Isht a nukfohka chi ho, atvloa Lewi vt ikbi tok.

CHIHOWA ma, chi nukhubela hosh chik sun vlamokashke, micha chi nuklibesha hosh na huttpa chik si onuccho kashke.

2. Chim uskinvki putta kut akket sv chukkoakma, chibak vt vba mintit wekit si onuttoiyula hoka.

3. Chi nokuah pulla kak o sun nipi a ayubaka kut ikshoshke; nan vsshvche lih pulla kak o svf foni ya a nuk-taiyala yvt ikshoshke.

4. Nan a yushohoba li yvt sv nushkubo ha vbanvbli hoka: na shapohi weki chiyuhmi hosh, weki kut vm atvpsvshke.

5. Ik sv hopoyukso kak o a sv fama yvt shvut yvnl-lishke.

6. Tubunnovt vkahchunnolit kunnia lishke, nittak moma ka tvbashi ohmit aya lishke.

7. Sukfiksa yvt yvuhav vlvuttoah ma, sun nipi vt ayubaka kut iksho hoka.

8. Nipi illit sv letua kut atampvshke; sv chukvsh vt liha kak o kiffabaha li hoke.

9. A Shahlih ma, nanah a sv bunua moma kut chi tikba tvkkali hoke; mikma hihaha li kut chi lumah ke-yushke.

10. Sv chukvsh vt timikahachishke; vmi lhampko hut a kvniushke; mikma sv nishkin ak kia i tohwikeli hut ik sv ikshoshke.

11. Sv holittobli vhlehab, micha a kana vhleha hut na hutupa si onuttula ka a filummit hielih, micha a kvnomih vhleha hut a hupakichit hielishke.

12. Mikma vm ilhfopak a hoyo vhleha hut isht vbi ya a wlalishke; micha a suttupa he hoyo vhleha hut nanah okpulo ho vnumpoholishke; micha nittak moyuma ka na haksichi anukfihilli hoke.

13. Mihma vno vto ik hyponaklo yo chohmit haklo la he keyuh, micha ik vnumpolo yosh itih ik wukvmmo kak o chohmi lishke.

14. Micha huttak ik hyponaklo yosh vnnumpah isht a sunali nanah kia itih ha a foyukkah keyu yak o chohmi lishke.

15. Chi hohoyo li hoka, chishno ak osh is sv haklashke, a Shahli, a Chitokaka ma.

16. "Uno yak atuk pulla kak o oklah yokpvn nah; ahlih, suiye vt shukkollellikma, a sunalit oklah ile chitolin nah," achi li hoka.

17. Suttula he fehnah ma, nan ishit sv nukhaklo vt sv tikba tvkkali na billia hoka.

18. Nan a yushoba li ya ottvninchi la chi hoka: nau vm vsshvchi pulla kak o vm anukfila hut isht okpoiyula chi hoke.

19. Amba a tunvp vhleha hvto okchvt kvniot hlampkoshke; micha nanimih keyu ho a nukkilli vhleha hut vpakvshke.

20. Micha nanah achukma ka nan ik achukmo kak o isht vtobbi vhleha hut, achukma ka iakkaya li kak o, oklah vm a sunali hoke.

21. Is sv kanchin nah, Chihowa ma; a Chitokaka ma, is sa mishemahchin nah.

22. Tushput ant is si vpeleshke, a Shahli, si okchalinchi ma.

ATULOA 39.

Tuloa pehlichí Chetuhlvn vt a tuloa chí hō, atuloa Lewi vt ikbi tok.

“**S**USUNLUSH isht ak usshacho ka chí kv̄t, vm ataya putta k̄a abah ahni lashke; hvttak ik, v̄lhpeso vt sv tikba hikiah ai itt̄it̄akla k̄a ishit tvllakchi ȳa sv̄tih h̄a ishit takchit ieshi lashke,” achi li tok oke.

2. Ak v̄numpolo hosh lum̄vt hikia lih mv̄t, nan achukma hoh kia nan ak acho ki tok; mihmv̄t vm ishit nukh̄aklo yvt ilhk̄oh̄oli tok oke.

3. Sv ch̄ukvsh vt sv nuklibesha tuk oke; anukf̄ib̄illi lih ma, luak vt lih̄ibbi hō, svsunlvsh a isht v̄numpule lishke.

4. Chihowa ma, ont vm ai ishtaiyopi, micha a nittak putta kv̄t hupaki kv̄t kv̄niohma chí k̄a is sv̄thv̄nanchashke; ik si v̄hobo kv̄t isht ai ithv̄na lashke.

5. Yakeh, a nittak putta kv̄t ibbak isht v̄lh̄pisa ohmi hō ish ikb̄ishke; mihma ahatta lih nittak vt chí tikba ȳa nanah keyu hō ohmishke; hvttak aiyukali kv̄t hikkiah kia, nana hō keyuh biekvshke. [Yukopa.

6. Hvttak vt pe v̄hobah illa hosh itt̄v̄n̄oh̄owa hoke; pe nan ik v̄hobo yō oklah nan isht vtaklv̄ma hoke; nan itt̄v̄hobbi hoh kia, kv̄na hosh isha hi a ithana he keyu hoke.

7. Yohmi k̄a int̄áh! nantah mak o hōhoyo la chíh choh, a Shahl̄ih mah? chishno ak o chí anukchieto li yoke.

8. Nan v̄lh̄pisa kubv̄ffi li k̄a a mominchit is sv̄ kucchashke; ik hupoyukso vt nan ik ai v̄hobalo ȳa chíh sakbo kashke.

9. Chishno ak osh ish yv̄m̄ih̄chi hoka, ak v̄numpoloshke; sv̄tih h̄a wkv̄m̄mi la he keyushke.

10. N̄a hvttupa is si onucchi tuk vt is sa kv̄v̄ll̄ichashke; chíbbak isht is si onucchi kak o, v̄no vt ont tabvt mahaya li hoke.

11. N̄a yushoba pulla hatuk mak o hvttak a im olv̄bechi hosh n̄a pulv̄m̄mi ish on̄oh̄oc̄chikmv̄t, shv̄shi yō chom̄ih̄chit isht ayukli ȳa okpunit ish tahl̄ih chatuk oke; hvttak aiyukali kv̄t nana hō keyuh biekvshke. [Yukopa.

12. Huttak ik ithano nowut aya, chekih takla chi takla ahatta, a tikba vhleha hak o chiyuhmi sia hoka, um unumpah ilbussha ya ish haklashke, Chihowa ma; micha pahaya li ka is sv haklashke; sv uishkin okchi hlutahapa ka lummut chik binilo kashke.

13. Kuvut ik saksho kishah takla kak o chi nusshuka nukhubela ya naksika pit is sa shvneli na, si okhut tahashke.

ATULO A 40.

Tvloa pehlichu vt a tvloa chi ho, atvloa Lewi vt ikbi tok.

CHIHOWA ha achunnanchit hoyo lih ma, et um vkahehunnoli cha, paya li ka sv haklo tuk oke.

2. Mihmut ahufobika aiokpuloka, micha lukchuk hlubeta ya a kohchit, saiyi ya tvli chito yo o hilechit, a nohowa li ya kullochi tuk oke.

3. Michu pi Chitokaka huletublichu, atvloa himona svtih ha fohkishke. Lawa kut pesa cha i nukshopakmut, Chihowa ha anukchietashke.

4. Kuna hosh Chihowa hak o anukchieto cha, huttak ilefehuvchi vlehah, micha hulabi ya pit fulota vlehah aiena ka hulittoblih keyu kut na yokpa huttak oke.

5. A Chitokaka Chihowa ma, na fehna ya lawachi hosh ish pi yvmihichih chatuk oke; micha nan isht ish pi anukfihilli ka kuna hosh ittiakayvchit chim vnola he keyushke; vnolit isht vnumpule lashke, ahni lih kia, lawah fehna hatuk osh, holhtina he keyushke.

6. Ubit isht ayokpvchi micha na waya isht ayokpvchi ish ahnih keyushke; sv haksubish a ish hlumpli tuk oke; hukmit im issa, micha nan vsshvchi isht vltoba ya ish boyoh keyushke.

7. Yohmih ma, "Yakch, hulisso hulittopa ya ai um vlpisvt hulisso tuk mak osh vla lishke.

8. "A Chitokaka ma, nan ish ai ahni ya yvmihchi kut um achukma hoke; micha chi nan vlpisa yvt sv chukvsh anukaka ya foiyukka hoke," achi le tuk oke.

9. Ai vlpiesa ya oklah chinto ya ai vnoholi le tuk oke.

Yakeh, suttivlbi ya i kumali la he keyushke; Chihowa ma, chishno vt ish ithanvshke.

10. Chim ai vhpiesa ya sv chukvsh anukaka ya a luhmit ieshi le tuk keyuh; isht chim aighlika, micha isht chim ai okchaya ya vnoli lih chatuk; nan isht ish i hullo, micha nan isht chim aighlika ya oklah ittunaha chinto ka i luhmi le tuk keyushke.

11. Chihowa chiah ma, nan isht ish i nukhaklo putta ka chik sum esho kashke; nan isht ish i hullo, micha nan isht chim aighlika yvt sv hullollih billiashke.

12. Nan ik achukmo vt si vpakfoiyupa kut ahulhtina ikshot taha hoka: nan ayushohoba li yvt sv sakti hatuk o, nana ho pisa la he keyushke; lawa kut sup pashi sv nushkobo h o hieli ka i shahlishke; mihma sv chukvsh vt a kvniushke.

13. Chihowa ma, vhpesah ish ahni cha, is sv hlakuffichashke; Chihowa ma, tushpvt ant is si vpeleshke.

14. Umish shilombish a ishit kancha chih hohoyo putta kut hufahyah fehnah biekashke; a suttupa he aiyahni putta kut fulamvt yiblepa cha, hufahyashke.

15. "Yvmmakhelih! yvmmakhelih!" vm ahachi vhleha hut hufahya kak osh a kvniohmi ik ithano kvmmoh-mashke.

16. Chi hohoyo moma kut na yokpvt chi a yokpashke; chim ai okchaya ya i hulittopa vhleha hut, "Chihowa hut hulittopashke," ahachih billiashke.

17. Amba vno vto ilbussha micha nan ik im iksho sia hoka. a Shahli vt si anukfilli hokbano! na si vpelevchi micha sv hlakuffichi chia hoke; a Chitokaka ma, chik sa sulaho kashke.

ATULO A 41.

Tvloa peblichi vt a tvloa chi ho, atvloa-Lewi vt ikbi tok.

KUNA hosh hutvak ilbussha ya hupoyuksvt nan isht ahatta kut hutvak na yokpa yoke; ik ai achukino nitakma Chihowa hut hlakufficha hi oke.

2. Chihowa hut ieshi cha okchalinchi na, yakui ya nan

isht im ai achukmashke ; mikma j tunvp vblehah nan ai ahni ka ibbak chik fohko kashke.

3. Ubekut j tupah ittoiyula ka Chihowa hut hullullashke ; vbekakma, j tupa ha ish im vpoksiachih chatuk okvt.

4. Uuo vto, "Chihowa ma, is sa nukhaklashke ; vmish shilombish a ish blukuffichashke ; chim vssheche li tuk oka," achi lishke.

5. A tunvp vhleha hut nan ik achukmo si achi kut. "Ketiohmikmak o illi cha, hohchifoh mut mushola chih choh?" ahachishke.

6. Atuk osh sv pesvt vla hokmut, vnuumpah ik ahlo vnuumpuli hoke ; imi chukvsh vt nan ik vhpeso ilai ittuhobbi hoke ; kohchut iakmut, vnoli hoke.

7. A nukkilli vblehah moma kut a sunalit itti wushohvchi hoke ; nan ik achukmo si a yemihcha he ahnit a sunalit vpehisa hoke.

8. "Nan okpulo yosh onuttoiyula hoke ; yohmi hoka ai ittoiyula yummak ash o himakma a tana he keyu hoke," ahachishke.

9. Hettak itti kana lih j yimmi li yatuk, a puska ahapa yash kia vm asunalit iyikutoba ya wkelishke.

10. Yohmih kia Chihowa chia hut is sa nukhaklo cha is sv tanechi na, ilai ukha lashke.

11. A tunvp vt vm aiyvchit isht ilawta he keyuh, ilvppak o is si ahninchi ka isht ithaiyana lishke.

12. Micha vno yokvto ai abli li kak o is sv hullellishke ; micha chi tikba is sv hillechi na billivshke.

13. Israel j Chitokaka Chihowa hut hulittopvt a billia tok osv a billiashke. Amen, vnonti Amen.

ATULO A 42.

Teloa pehlichi vt a teloa chi ho, nan ithunanchi atuloa Kolah usbi vhleha hut ikbi tok.

ISSI yosh oka yevelli yo bunnah fehna kak o chohmit, vmish shilombish vt chi hoyoh fehna hoke, Chitokaka ma.

2. Umish shilombish vt itukshihlut Chitokaka, Chitokaka okchaya ya hohoyoshke; kutiohmikmak o Chitokaka im itikba ile hayakvchit ona la hinlah choh?

3. Nittak moma ka, "Chi Chitokaka muto?" ahachih ma, nittak micha ninak aiena ka sv nishkin okchi vt vm ilhpak atuk oke.

4. Oklah chito iba nohowa likmut, na yokput ayokpahachit chitolit telohowa hosh oklah chito kut nittak hulit-topa hulittoblihihi ka pehlichit Chitokaka im vboha ona lih beka tok vt, ilppa putta ka ithaiyana likmut, sv chukush vt vluttovshke.

5. Umish shilombish ma, nantihmi ho iellit chi akkama cha, ish hihihah choh? Chitokaka yak o ish anukchietashke; yvnmā nvsshuka yvt si okchalinski yatuk o himakma ayokpahachi la chi hoka.

6. A Chitokaka ma, umish shilombish si anukfoiyukka kut iellit akkmvshke. Yvmohmi hokvt Chatvn yakni, micha Hvmōn nvni h foka, nvni h Misa ya vtvt pit chithaiyana lishke.

7. Chim oka chopa putta kut kifihahachih ma, oka chito vt oka chito ya itti pahayvshke; chim oka bunvtha okulhi o fohokvchi moma kut si vbanvblishke.

8. Nittak okma Chihowa hvv im isht i bullo ya isht vm vpehish beka tok oke; mikma ninak okma Chitokaka vm ai okchaya ya im vlhtloak, vnnunpah ilbvsha isht ayokpahachi lih beka tok oke.

9. Chitokaka a tuli chito ya, "Nantah kutiohmi ho is sum ihaksih choh? Nantihmi ho a tunv vt sulbvsshali na tvbashit hikikiya lih choh?"

10. "Sv foni putta ka bushullichit kanchi chiyuhmit, a tvnampi vhleha hvv nittak moma ka na sv mevchi kut, Chi Chitokaka muto? vm ahachishke," im achi lashke.

11. Umish shilombish ma, nantihmi ho iellit chi akkmah choh? micha nantihmi ho ish hihihah choh? Chitokaka yak o ish anukchietashke; sv nvsshuka vpevchi micha a Chitokaka ya himakma ayokpahachi la chi hoka.

ATULO A 43.

NAN is sum upesashke, Chitokaka ma, micha nan i hullo keyu oklusbi ya im afout is si vpehpoashke; na haksichi micha ai vhpesa keyu huttak im ai ishit is sv hlakuffichashke.

2. Chishno ak osh a hulihta kullo Chitokaka chia hokvt. Nantihni ho is sv kanchih choh? Nantihmi ho a tunvp ut sulbvsshali na tubashit hikikiya lih choh?

3. Chi tohwikeli micha chim vnuumpah ahli ya et ish pela na, yummak osh susht ayashke; chi nvnih hulittopa micha ish ai ahatta ya susht onashke.

4. Yohmikma Chitokaka im alta, Chitokaka nan ishit sv yokpa ai okluha ya im ona lashke; micha hap a isht chi ayokpahachi la chi hoke, Chitokaka a Chitokaka ma.

5. Umish shilombish ma, nantihmi ho iellit chi akkumah choh? micha nantihmi ho ish hihihah choh? Chitokaka yak o ish anukchietashke; sv nvsshuka vpevchi micha a Chitokaka ya himakina ayokpahachi la chi hoka.

ATULO A 44.

Tvloa pehlichy vt a tvloa chi ho, nan ithvnanchy atvloa Kolah ushi vhleha hut ikbi tok.

CHITOKAKA ma, i nittak, nittak chashpo ka, na toksvli ish toksahali tok a piki vhleha hut vnoli na, pi haksbish a isht e hakloh chatuk oke.

2. Chishno ak osh oklushy putta ka chibbak isht olvbit ish im eshy cha, piki vhleha ha ish ai o binohlichy tok oke; oklah putta ka ish musholichy kia, yummak okvno ish ai o puttaly tok oke.

3. Yakni ya ilap i bushpo fvlaya yak o isht vsittvbit ishy tok keyu hoka, micha ilap shakba yak inly hosh im aiyvchy tok keyu hoke; amba chibbak ishtimpakimma, chish shakba, micha chy nvsshuka tohwikeli aiena kak vttok oke; ish i kana huttok okvt.

4. Chitokaka ma, chishno ak osh a miko chia hoke; Chekob ahlvkuffy putta ka ish upesashke.

5. Chishno pulla kak o pi tvnampi vhleha hā toblit il akkakohlicha chī hoke; chi hohchifoh pulla kak o pi svnalit wukaya vhleha hā il vvhlichha chī hoke.

6. Yohmi kā vm iti tvnampo yā anukcheto la he keyuh, micha ā bushpo fulaya mut sv hlakufficcha he keyu hoka.

7. Pi tvnampi vhleha hā im ai ishit ish pi hlakuffechi cha, pi nukkilli vhleha hā ish hufahyalih chatuk oka.

8. Chitokaka yak o nittak moma kā isht il ilawuta yoke; micha chi hohchifo hak o il ayokpabāchi na billia chī hoke.

[Yukopa.

9. Yohmi tuk kia kanchit ish pi hofahyali hak inlishke, micha pi tvshka chipota vhleha hā awant kohchut ish ia he keyushke.

10. Pi tvnampi itikba yā i filvmmichit ish pi tehlihili hoke; mikmā pi nukkilli vhleha hut pi webpulih chatuk oke.

11. Nan vpa chukfulhpoa yak o ittillawwechit ish pikbi hoke, micha oklushi puttah im ai ittītakla ish pi fimmishke.

12. Chim okla hā ish kanchi kv̄t, nan isht chik vhayocho hoke, micha yummā isht vlhtoba yatuk ā nan isht chī lawah keyushke.

13. Oklushi pi bilika aiyasha yā i nan isht ik ai vhobalo pikbit, pi vfullubli kv̄t kulakshichit ai i yukpa, micha isht a yopula ish pikbi hoke.

14. Oklushi putta kv̄t nan isht itvpesa, micha oklah putta kv̄t nushkoboh o fahli ish pikbi hoke.

15, 16. Ik vhobalot vnumpuli micha hufahyalit vnumpuli, tvnvp micha ilaiukhah bunna aiena kak atuk mak o, nittak inoma kā nan ishit sv hofahya yut sv tikba tvkkali hoke, micha hufahya yosh sv nvsshuka yā ompoholmo hoke.

17. Ilvppā moma kv̄t pi onuttula tuk oke; yohmih kia chishno yā ik pim vhakso ke tuk oke, micha chī nan ittim vlpisa yā kil im ai ahlo tuk keyushke.

18. Pi chukvsh vt fulama tuk keyuh, micha il a nohōwa yut chī hina yā i filvmmi tuk keyushke.

19. Yohmi kv̄t nā poa okpulo ai asha yā ish pi aiok-

pvinchi cha, ai illi aiokhlileka isht ish pi ompohomo hokak o, pi yvmohmishke.

20. Pi Chitokaka hohchifo ha pim vhaksi cha, chitokaka inla ho pibbak isht il im vshatupa hatuk okma,

21. Iluppa Chitokaka yvt silhhit vhayucha hinlah keyuh choh? yvmmak osh chukvsh ai vlomaka putta ka ithana yokut.

22. Yvmmak het asha na, chishno pulla kak o nittak moma ka pihillishke; chukfulhpoa yosh illa chi kak o il ittulhpisa hoke.

23. Ish okchashke; nantihmi ho chi nosih choh, a Shahlih ma? ish il okchulashke; pi kanchit chik billiyo kashke.

24. Nantihmi ho chi nvsshuka ya luhmit, pilbussha ka, micha pi pullvnmечи ka chim vhasih choh?

25. Pimish shilombish vt vkahchunnolit hittuk chubi ya ona hoka: pikfuka yvt yakni ya vkuiloshke.

26. Ish wukaya cha, pi vpela chia hashke, micha nan isht ish i hullo pulla hatuk mak osh isli pi hlakuffichashke.

ATULO A 45.

Teloa pehlichit vt lili isht a teloa yo Kolah ushi vhleha hut ikbi tok, ohoyoh hulittopa vhlelah ishit teloa yosh, nan ithvanchit hulittoblichit ateloa yoke.

SU chukvsh vt vnnumpah achukma ho isht vlotvt fohopushke; yak achi lishke: Nan isht ai ahatta li yvt miko yo vhalaya hoke; sv sunlvsh vt hulissochi tushpa ishit hulissochi mak oke.

2. Pisah achukma kvttak vhlelah ish i shaiyahlishke; ayukli yosh chittivlbi ya o fohopvshke; yvmohmi hoka Chitokaka yvt chi yokpali na billivshke.

3. Chim ahulittopaka micha isht chim aighlika ilaieshi hosh ilai vskuffvenit, chi busnpo fulaya ya ish shalashke, hulittopa ma.

4. Micha vnnumpah ahli micha chukvsh akkalosi ai vhpiesa pullah mak o hulittopvt o binilit ish mahayashke;

mikma chibbak ishtimpakimma yut na pullummi ish yumi hicha chi ka chim abvchashke.

5. Chim uskinvki putta kvt huluppa hosh miko i tunv vlehah chukush a shumohmaya na, oklushi putta kvt chi nutaka akkakohashke.

6. Chitokaka ma, chim ai o binili hulittopa yvt billivt billia yoke; chim apelihika i tubi vt ai vhpiesa i tubi yoke.

7. Ai vhpiesa kak o ish ahninchu cha, nan ik vhpeso yokvno ish shittilema yoke; yvmohmi hatuk o Chitokaka, chi Chitokaka yvt ish ai ittupeha ya i shvlihchit isht a yokpa bila ya ishit chi vhmichi tuk oke.

8. Chim ilefobka yvt bulama kvt mvh, alos micha kashia bulamah bievshke; aifoli vboha hulittopa yak o nan ola ilaiyuka kvt awet ai ohola hosh chi yokpalishke.

9. Miko ushetik putta kvt chi hulittopa ohoyoh vlehah ai achvffa hoke; chim ishtimpakimma ya miko ohoyo hvv tuli hulisso lakna Ofa a minti yo ishit shema hosh hikkivshke.

10. I hulittopa ohoyoh ma, ish haklo cha, ish pisashke; micha chi haksubish a awet ish welashke; mikmut chim oklah, micha chiki i chukka aiena ka chim vchaksashke.

11. Mikma chi ayukli ya miko vt anushkunnashke; yvmnak osh chi Shahli hokvt: yohmi hoka ish im vkah-chunnolashke.

12. Mikma vmahah chito Taia yvt oklah nan i lava mak osh na hvlbina yo chi nvsshuka ya isht ahvula chi hoke.

13. Hulittopah biega hosh miko ushetik vt anukaka binnili hoke; i nafobka yvt tuli hulisso lakna ishit tunna yoke.

14. Nantvnnah ilaiyukah pvtvhpv a nowuchi hosh miko ya isht im ona chi hoke; ohoyoh himithoa hvttak hvleli keyu vpeha yvt iakkaya ho isht chim ona chi hoke.

15. Na yokvvt ayimita hosh isht aya ho miko im vboha hulittopa ya ont chukkoa chi hoke.

16. Chiki vlehah hatuk a vhtobvt chisoh vlehah hak a hi oke; yakni moma ka i shahli ya chi ho ish binohlichah hi oke.

17. Isht ai unchululi puttah moma ka chi hohchifo ha ithaiyana he ikbi la hi oke; yvmohmi ho oklah putta kut chi ayokpahachi na billivt billia hi oke.

ATULO A 46.

Ohoyoh himithoa yosh tuloa chi ho, hulittoblichu Kolah ushi vhleha hut tuloa pehlichu ya im ikbi tok.

CHITOKAKA yak osh il ai vtukko, micha pi hulihta kullo yoke; ai ilvssha putta ka vpelevchi yosh oktvnih fehna hoke.

2. Yvmohmi hoka yakni vt ik ai inla hoh mak o, micha nvnih chaha putta kut fayokahachit okhvtah iklvnna pit ik okakaha hoh mak o, pi nukshopa he keyu hoke.

3. Oka yvt fopvt ik pukpuki, oka bvnvtbaya ka nvnih chaha putta kut ik oka wvnnihichi; [Yukopa.

4. Okbina yvt bvechayvshke; yvmmayayvnulli putta ka oka yvt ayvnulli hosh Chaha i Shahli vt ai ahatta hulittopa, Chitokaka i tmahah chito ya yokpali hoke.

5. Chitokaka yvt im aivklvna ya ahatta kak o, yvmvut kvnulla he keyu hoke; onvut mintikma, Chitokaka yvt vpelevchih pulla chi hoke.

6. Oklushi putta kut fohopvshke; vpehlichika putta kut ittvfetihkvchishke; Chihova hut vnvmpulih ma, yakni vt bilvshke.

7. Nan vha i Chihova yosh pivafiyukka hoke; Chekob i Chitokaka yak osh pivahlvkuffi chaha yoke. [Yukopa.

8. Intah! Chihova hut nan vtahli tuk a hu pesah; yvm-mak osh aivokpulokvt taha ka yakni ya ai onohocchi hoke.

9. Yohmi kut yakni ont ai vlihi ka tvvvp putta ka yvkvblichichi kut, iti tvnampo ya kvbvffikmut, tvli hvlvppa ya chant hvkuffi hoke; tvvvp itichvnulli putta ka hvkvluak ishit hvkmi hoke.

10. Hvsh issa cha, vno vt Chitokaka sia hvkvluak a hvsh ithaiyanashke; oklushi puttah im ai ittvitakla ka sv hvkvlippa chi hoke; yakni ya a sv hvkvlippa chi hoke.

11. Nan vha i Chihova yosh pivafiyukka hoke; Chekob i Chitokaka yak osh pivahlvkuffi chaha yoke. [Yukopa.

A T U L O A 47.

Tvloa pehlichi vt a tvloa chi hq, atvloa Kolah ushi vhleha hvt ikbi tok.

OKLAH puttah moma kut ibbak oh ittvolichih; na yokput shvkapā yq Chitokaka hush i shvkapashke.

2. Chihowa hvt Chaha i Shahli yosh pullummi hoka: yakni momah fullotah i miko chinto mak oke.

3. Oklah putta ka im aiyvchit pi nutakachi cha, oklushi putta ka piyi i nutakvehih chatuk oke.

4. I hulittopa tok Chekob isht ilawvta pi yakni ya pim vtokuli tok oke. [Yukopa.

5. Oklah shvkapā hq Chitokaka yvt vba iah mv, ishit pufa chito qhola hq Chihowa hvt vba ivshke.

6. Nan ulachit oh ayokpvehih, Chitokaka ya nan ulachit oh ayokpvehih; nan ulachit oh ayokpvehih, pi miko ya nan ulachit oh ayokpvehih.

7. Chitokaka yvt yakni momah i miko yoka: tvloah im punna hosh nan ulachit oh ayokpvehih.

8. Chitokaka yvt oklushi puttah i miko hoke; Chitokaka yvt ai q binili hulittopa ya q binnili hoke.

9. Oklah puttah i huchitoka yvt Eblaham i Chitokaka im oklah il apesa hosh ittvanavshke; yakni i telihpa putta kut immi hoka, Chitokaka yvt hulittopah fehna hoke.

A T U L O A 48.

Hulittoblichit atvloa Kolah ushi vhleha hvt ikbi tok.

CHIHOWA hvt chinto hoke; micha pi Chitokaka i tumahah chito, i nvnih hulittopa ya a hulittopah fehna he vhpesa hoke.

2. Saion nvnih hvt, miko chito i tumahah chito yvt achahaka ayukli yosh, yakni momah, fulvmnih pilla hoh kia nan isht a yolpa yoke.

3. Uboha hulittopa a tvloha ka Chitokaka yvt ahatta kut ahvkuffi chaha yosh ottvni hoke.

4. Yakeh, miko vhleha hvt ittufama tuk osh ittvpihvt tumoa tuk oka.

5. Yummvt pisah mak inli hosh, oklah nukhlvkancha tuk; kumuntvt yiblepa tuk oke.

6. Wunnihichi yosh, nukhuma kvt vlla esha chi kak o chiyuhmi hosh, yummā ai onuttula tuk oke.

7. Mahlih hushakuchaka minti hō Tashish i peni huchito ya isht ittitevblit ish kanchi hoke.

8. Nan uha i Chihowa i tumahah chito ya, pi Chitokaka i tumahali chito ya nanah e hahakloh chatuk mak osh il a pihisvshke; Chitokaka yvt kullochit tvllali na a billia chi hoke. [Yukopa.

9. Chitokaka ma, nan isht ish i hullo yvt chi tempel anukaka ittoiyula ka il anukfihillishke.

10. Chitokaka ma, chi hohchifo hak inli hō chiyuhmit, chi hulittoblich i kvt yakni ont vlhi putta ka onvshke; chim ishtimpakimma yvt ai vlpiesa yosh vlota hoke.

11. Nan ish ai vpehisa pulla kak o Saion nvni hvt na yokpashke, Chutah ushetik putta kvt yokpashke.

12. Saion a vhekikiyvt hush vpakfohlichashke; im vboha kvllo chaha putta ka hvsh hutihnashke.

13. Isht ai unchululi minti ka hvsh im vnola hi vt, i hulihta kvllo ya anukfillit hush pisashke, im vboha huletupa putta ka vfanalichit hvsh pisashke.

14. Iluppak osh Chitokaka yosh pi Chitokaka billivt billia yoke; yummak osh pi pehliechit nan illi ha ishit pi ona hi oke.

A T U L O A 49.

Tvloa pehlich i vt a tvloa chi hō, atvloa Kolah ushi vhleha hvt ikbi tok.

ILUPPA hvsh haklashke, oklah puttah ma; hvsh hypo-naklashke, yakni aiyashah moyumah,

2. Hvttak huletumpa keyu, hvttak huletumpa, nan i lawa, micha nan ik im iksho ai itvpeha ma.

3. Svtih hvt na hupoyuksa hō vnumpula chi hoke, micha sv chukvsh nan anukfihilli kvt nan vkostininchi ya chi hoke.

4. Nan isht vlpisa ya sv haksbish pit wieli la chi hoke; vm vnnumpah luma ya hap o ishit tiwwiche la chi hoke.

5. Nan ik achukmo nittakma, sv silbhi vblehah isht okpuni yvt si vpakfulluplikma, nantihmi ho sv nukshopa hinlah choh?

6. Nan i lawa oklah anukchieto, micha im ilayak lawa kak o oklah isht ilefehuvchih kia,

7. Kuna hoh mak osh chumpvt itti hlakufficha himmah keyu hoke; Chitokaka ya vltoba im onvcha he keyu hoke.

8, 9. Yohmi ka im ilhfiopak vltoba yvt hulittopa hoke; yohmi ka okchayah im abillia cha, ahulloppi ya ik peso ka he nittak vto ant aya tok osh ai vlhiv abillia hoke.

10. Pisa chih bieka hoke; hupoyuksa vbleha hut illi hoke; ik hupoyukso micha im anukfilah iksbo itvpihut aiokpuloka cha, nan inmi atuk a inla im vshachi hoke.

11. Im anukfila kv, i chukka putta kv tvllaya na billia chih, micha aiasha yvt isht ai unchululi putta ka onvt mahaya chih, aiyahni hosh, i yakni putta ka ilap hohchifo ha vbochifochi hoke.

12. Yohmih kia hvttak vt hulittopah pulla kak osh ahatta he keyu hoke; nan vlpoa yosh illit okpoholoh chatuk ak o chiyuhmi hoke.

13. I hina ilvppak o yimmi hosh mahayvt ishit haksi hoke; yohmih kia iakkaya vbleha hut im vnnumpah putta ka ayokpanchi hoke. [Yukopa.

14. Nan vlpoa chipinta yo chomibchit aiillika ya pit yulhi na, nan illi hak osh pehliecha chi hoke; onuahinlikma ai vpissali vbleha hut im aiyah pulla chi hoka: mikma haknip a aiillika yosh lushummit tahli na, ai ahatta yvt ik im iksbo ka chi hoke.

15. Amba Chitokaka yak osh vmish shilombish a aiillika ibbak a a kohchit hlukuffichih pulla chi hoke; ant vsst ia chi hokvt. [Yukopa.

16. Hvttak vt nan i lawvt ishit mahayakma, i chukka isht a hulittopa yvt i shahlit isht iah kia, chik i nukshopo kashke.

17. Illikmvt, nanah kia isht ia he keyn kummohmi hoka: isht im a hulittopa yvt iakayvt ia he keyu hoke.

18. Okchayut ahattah takla kut, imish shilombish a yok-palikma, nanah achukma ish ile yvmibichi ka hutlak vt chim ayokpanchi tuk kia,

19. Iki vhlebah okla hut tohwikeli ha ik peso kummoh-mi ho billia chi ka iakkayut ia chi hoke.

20. Hutlak vt hulittopa hosh ahattah kia ik akostinincho kut nan vhlpoa yosh illit kunniah chatuk ak o chiyuhmi hoke.

A T U L O A 50.

Atvloa Asaf vt ikbi tok.

NAN okluhah i Shahli, Chitokaka Chihowa hut vnum-pulit hvshakucchaka uttut ia hosh ont ai okuttula ont ulhi ka yakni ya ittvnahlishke.

2. Chitokaka yut ayukli ahli Saion a et a tohwikelishke.

3. Pi Chitokaka yut elakmut, ik summato kashke; itikba ya luak osh hukmit tahlih ma, upakfoiyupa ka mahlih chin-toh fehvshke.

4. Im okla ha nan im vpesa chi kut, vba shutik micha yakni ya ittvnahli hoke.

5. "Nan ittim vpesa li ya vbit isht ayokpvchi yo isht ahlichu tuk, a hulittopa vhleha ha hvv sum ittvnahlashke," achishke.

6. Yohmi ka Chitokaka yut ilap inli hosh nan vpesa ya he im ai vhlpiesa ka vba yut vnoholishke. [Yukopa.

7. Um oklah ma, hvsh haklo na vnumpule lashke; Israel ma, mikma chi vtukkolit vnoli lashke. Chitokaka, hvchi Chitokaka sia hoke.

8. Ubit isht is si ayokpvchi pulla hatuk mak o isht chim olvbe lih keyushke; yohmi ka na hukmit isht ayokpvchi yokvto sv tikba ahala na billivshke.

9. Chi chukka ya wak hobvk, micha vhlpoa chipinta chim aiasha ya issikusoma nakni ai ishe la he keyu hoke.

10. Na poa puttah kowih anuka aiyasha, micha nan vhlpoa nvnih tuhlepah sipokni ho aiyasha kut momvt vmmi hokvt.

11. Nvnih puttah hushi aiyasha moma ka ithana li hoke,

micha na poa yakni hayaka ai ittunghowa kut su tikba aiyasha hoke.

12. Su hohchufe hoh kia, chishno a chim vnoli la he keyuh; yakni micha nanah isht ai vluttoa aiena kut vmmi hoka.

13. Wak nipi ya vpa la hinlah choh? mikmut issikusoma issish a ishko la hinlah choh?

14. Chitokaka yak o yakoke ahnit isht ayokpvchi ish im issashke; micha vnnumpah ish il onghocchi tuk vt Chaha i Shahli ak o ish im vtobbashke.

15. Michā nan a pullummi nittak a is sa payashke; a chi kucchi likma, is su holittobla hi oke.

16, 17. Amba hvttak ik vhpeso yuno Chitokaka yvt im achi kut, "Chishno yokuto nan vlvchi ya ish shittilema cha, um vnnumpa ha chim ashaka pit ish kanchi lokak osh, nantab isht chi hvullaya hosh a nan vhpisa ya ish vnoli cha, nan ittim vpesa li ya chitih ish foiyukkih choh?

18. "Hukopa ish pisa hokmut, ish ibaiachvffa kut chim achukmah, mikmut itti lumaka putta ka ish ibaiachvffah chatuk.

19. "Micha chitih ha nan ik achukmo ak o ish im issa hatuk o, chi sunlvsh vt na haksichi ya vpesa hoke.

20. "Binilit chittibapishi ha i senalit ish vnnumpulikmut, chishki fiehna ushi ya nan ish mihachi hoke.

21. "Ileppa putta ka ish ymihchih kia, nan ak achoh ma, chishno ak inlih chiyuhmi li ka chim vhoba tuk oke. Nan isht chim olvbe likmut, nana ka chi nishkiu itikba tokaliche la chi hoke.

22. "Intah! ileppa anukfillit hvsh pisashke, Chitokaka im vhaksi vlvchah ma; keyukma hlokuffichi vt iksho hv vchi niblit tahli lin nah.

23. "Kvna hosh yakoke aiyahnit si ayokpvchikmut, su holittobli hoke; micha im ataya ya vpissulechikma, Chitokaka im ai okchaya ya pisachi la chi hoke," achishke.

ATULO A 51.

Balshheba ya iba chukkoa hayatuk o, hupayi Nehlan vt ont pisa tuk o, tuloa pehlichy vt a tuloa chy ho, atuloa Lewi vt ikbi tok.

CHITOKAKA ma, nan isht ish i hullo pulla hatuk mak osh is sa nukhaklashke; nan isht ish i nukhaklo chy lawah pulla hatuk mak osh nan vlpisa kubvffi lih putta ka is sa kvshuffashke.

2. Na sv yoshuba ya is si achefah fehna cha, nan vsshuche li ya is si a kvshuffashke.

3. Nan vlpisa kubvffi lih putta kv vno vt vm ai ahli kv ithana lih fehna hoke; yohmikma nan vsshuche li yvt sv tikba tvkkali na billia hoke.

4. Chishno, chishno ak illa ho chim vsshachi lish, chi nishkin itikba ya nan ik achukmo ya yvmilchi le tuk oke; yohmi hoka ish vnumpulikmut, chim ai vlpiesah, micha nan ish vpesakmut, vnnumpah chy kvshofa hoke.

5. Yakeh, yushoba yosh vta li tok, mikma nan vsshuche li yo hushki vt sv shali tok oke.

6. Yakeh, chukvsh a ai ahli ak o ish ahni hatuk osh, vm anukfila ha hupoyuksa yak o is svthvnanchi hokbano.

7. Hissvp a isht is sv kashuffi na, sv kashufashke; is si achefakma, tohbi kv okti pushi ya i shabli lashke.

8. Na yokpah micha yukpah fehna ka is sv haklochi na, ish litoli tuk foni putta kv yokpashke.

9. Nan vm vsshuchi putta ka chy nvsshuka ish i luhmashke, micha na sv yoshuba moma ka is sa kvshuffashke.

10. Chitokaka ma, chukvsh kvshofa is sv ikbi cha, im anukfilah vpissali yo himovchit is sv nukfohkashke.

11. Chi tikba i filummichit chik sv kancho kashke; micha chimish Shilombish Hulittopa ya chik sv esho kashke.

12. Chim ai okchaya isht a yokpa ya is sa fulvminchi cha, im anukfilah ayokpanchi yo isht is sv hvllvllashke.

13. Yohmikma nan vlpisa kubvffi vhleha ha chim ataya

putta ka im abuche la chi hoke; mikma nan vsshvchi vheha hut felamvt chim ai ona chi hoke.

14. Chitokaka, vm ai okchaya Chitokaka ma, issish a is svm a kvshuffashke; sv sunlvsh vt isht chim ai vhpiesa ya chitoli hosh ishit tvloashke.

15. A Shahlih ma, suttivbi ya ish wkvmmashke; mikma svtih hut chim ahulitopa ya vnohola chi hoke.

16. Vbit isht ayokpvchi ak okvno ish ahnih keyushke; yummak atuk okvno, chima la he tuk oke; hukmit isht ayokpvchi yak oh kia isht ish a yokpah keyushke.

17. Chitokaka nan isht ayokpvchi yak okvto im anukfilah kubafa yak oke; chukvsh kubavt ilbvssa yokvno ish shittilema he keyu hoke, Chitokaka ma.

18. Ish i kana kak osh Saion a nan achukma ho ish i yumihchashke; Chelusalem vholihta ya ish ikbashke.

19. Yvmohmikmut vbit isht ayokpvchi ai vhpiesa, hukmit isht ayokpvchi, micha mominchit hukmit isht ayokpvchi yo isht ish yokpa hi oke; yohmikma wak hobvk a chim alta o kahpulis, oklah chim ihissa hi oke.

ATULO A 52.

Etom huttak Toek vt ona cha, Sal a im vnolit, "Lewi vt Ahimelek i chukka ya ona kvno," im achi hatuk o, tvloa pehlichi vt atvloa chi ho, nan ithvnanchi atvloa Lewi vt ikbi tok.

HUTTAK kullo vt nantihmi ho nan ik achukmo ka isht ish ilawotah choh? Chitokaka nan isht i hullo vt abillia yoke.

2. Nan okpvni ish anukfilli kak o chi svplvsh vt miha kv, nutakhish ishit shafa shuahchi yak o chohmit na haksichi ya yumihichi hoke.

3. Nan ik achukmo ak o nan achukma ka i shvlhchit, hulabi ak o nan ai vhpiesa vnumpuli ka i shvlhchit ish ahninchishke. [Yukopa.

4. Vnumpah nan isht okpvni moma kak o ish ahnichi hoke, isunlvsh na haksichi ma.

5. Chitokaka yak kia aiokpvninchit chi kanchit abillia

hak inlashke; bulat vltipo ya chi kohchi cha, yakni ai okchaya ya a kohchit tiffit chi kanchashke. [Yukopa.

6. Mikma ai vlpiesa vhleha hut pesa cha nukshompakmut, i yukpashke.

7. Huttak vt Chitokaka yak o ilap i hulihta kullo ikba he keyu hosh, amba nan immi lawa kak o anukchieto kut ilap nan ik ai vlpieso yak o a kulloh bunna ka hu pesah.

8. Amba vno yak okvto alif iti hishi okchaki yo chohmi li hosh, Chitokaka im vboha hikkia li hoke; Chitokaka im isht i hullo ak o anukchieto li billivt billivshke.

9. Ish yvmihchi tuk oka, chi ayokpabachi li billia chi hoke; micha chi hohchifo hut achukma hoka, chi hulittopa vhlebah itikba ya anukchieto la chi hoke.

ATULO A 53.

Tuloa pehlichu vt tvloa hliposhi ishit tvloa chi ho, nan ithvnanchi atvloa Lewi vt ikbi tok.

IM anukfilah iksho vt chukvsh anukaka ya, "Chitokaka I yvt iksho hoke," achih chatuk oke. Nan ik achukmo yvmihchikmut, nan ik vlpeso isht a hufahya ma yvmihchi hoke; nan achukma ho yvmihchi kut ikshoshke.

2. Kunah kia na hupoyuksa yvmihchit Chitokaka ya bohoyo kut ashakmah, nana ka pisa chi hosh, Chitokaka yvt vba ya binnilit, huttak vhleha ha et o hopokohoyoshke.

3. Moma kut i fillvmmitt fulama tuk oke; ittepihut okpulot kunniah biekushke, nan achukma ho yvmihchi kut ikshoh, achuffah kia iyikshoshke.

4. Nan ik vlpeso yvmihchi vhleha hut Chitokaka ya i payah keyu kut, puska vpa ka chohmi hosh vm okla ha vput taiyahlih mut, oklah nan ik ithanoh choh?

5. Chi vbenchi foni putta ka Chitokaka yvt fimmi hatuk oka, anukshopa yvt ikshoh kia, yvma a nukshopah fehna tuk oke: Chitokaka yvt kanchi hatuk o, hufahya ish onnechi tuk oke.

6. Israel ai okchaya yvt Saion a a kohchut im vla hokbano! Chitokaka yvt im oklah yuka yatuk a flamut

im ala na, Chekob vt yokpakmut, Islael vt na yokpah fehnashke.

ATULO A 54.

Sif okla hut Sal a im ona cha, "Lewi vt pittitakla a lumah keyuh choh?" achi tuk o, tuloa pehlichī vt vhlepah isht a tuloa chī ho, nan ithvnanchi atuloa yo Lewi vt ikbi tok.

CHITOKAKA ma, chi hohchifo ha isht is si okchalin-chashke, micha nan isht chim ai ahli ya nan isht is svm apesashke.

2. Chitokaka ma, vm vnnumpah ilvssha ya ish haklashke, svtih hut nanah ahachi ka ish hvponaklashke.

3. Oklah inla yosh a svnalit w McKayah ma, Chitokaka ya ilap itikba hilechih keyu hvttak ilvsshali vhleha hut vm ilhfiopak a hoyo hoka. [Yukopa.

4. Yakeh, Chitokaka yvt na si vpela yoke; a Shahli yvt vm ilhfiopak hvllvlli vhleha ha ibafoiyukka hoke.

5. Nan ik achukmo vt fslamvt a tvnvp vhleha ha onuttulashke; ish ai ahli kak osh isht ish kanchashke.

6. Ilap ahnit im issa ya vbit isht chi ayokpvche la chi hoke; chi hohchifo hut achukma hoka, ayokpvche la chi hoke, Chihowa ma.

7. Nan a pulvmmi moma ka a kohchit sv hlakuffichikma, sv nishkin vt a tvnvp vhleha ha yokpvt pisah pulla chi hoka.

ATULO A 55.

Tuloa pehlichī vt vhlepah isht a tuloa chī ho, nan ithvnanchi atuloa Lewi vt ikbi tok.

UM vnnumpah ilvssha ya ish hvponaklashke, Chitokaka ma; micha nan asilhha li ka chik im ile luhmo kashke.

2, 3. Is sa hvponaklo cha, is svm ayokpvchashke; tvnvp vt vnumpuli kak o, micha hvttak ik vlvpeso vt ilvsshali kak o, ik svm vlvpeso hosh vnumpulit hikikiyvt hihaha lishke; nan ik vlvpeso ya si onucchi cha, nukhubela hosh a svnali hoka.

4. Nan illi isht a kumuhuta yvt si onuttula hatuk o sv chukvsh vt sv nukhvmmi hoke.

5. Kumkota yosh si ompoholmo hatuk o, nukshopa micha wunnihichi ut sv nukfokkeshke.

6. Mihma, "Puchi yushoba sunahchi ohmi ka ishi li hatuk okbano! hikvt kunia lish, foha la he tuk oke.

7. "Yakeh, hupakichit pit kunia lish, yakni hayaka yo ahatta la he tuk oke. [Yukopa.

8. "Pulhki kvt mahlih fopa ya i shvlihchit, mahlih kullo ya i shvlihchi hosh tushpvt i kvnvlit ai vtukko ya ona la he tuk oke," achi le tuk oke.

9. A Shahlih ma, isht ish kanchashke, isunlvsh a ish itti filvmmichashke; tmaha ha ilbvsshali micha ittvchoa kv aiyasha ho pisa li hoka.

10. Nittak micha ninak aiena ka hulihtha chaha ya o hioblit vpakfoiyupa hoke; mihma nan ik vhpeso, na pulvmmi aiena kv im ai ittitacla ya aiyasha hoke.

11. Im ai ittitacla ya nan okpulot taha kv aiyasha hoke; mihma im ai ittvnawa ya ilbvsshali micha na haksichi vt a mukofah keyu hoke.

12. Tvuvp osh na sv mehah keyu hoka; yvmmak atuk okmvo, vm vhpesa he tuk: a nukkilli yosh a svnalit ile chahvchih keyu hoka; yvmmak atuk okmvo, im ile luhmi la he tuk oke.

13. Amba hvttak svttillawwi, ittvpeha li, ittithana li chia hah.

14. Unnumpah achukma il itti mihakmvt, oklah shvkkapa ho vpihvt Chitokaka im vboha il ohonah beka tok ah.

15. Chekosi nan illi hv onuttulashke; okchayah momvt illi aiasha ya ilhkolashke; aiasha ya micha chukvsh anv-kaka ya nan ik achukmo vt aiyasha hoka.

16. Vno vto Chitokaka ya i paya la chi hoke; mikma Chihova hv si okchalincha chi hoke.

17. Opyaka, onnahinlih micha tvbokolih aiena ka ik svv vhpesot vvnumpulit svtih kucchi la chi hoke; vm vvnumpah hakloh pulla chi hoka.

18. Vm a svnali vt lawa hokak o, a tvnampi ya vmish shilombish a imi hvkuffechi na, isht vm ai achukmah pulla chi hoke.

19. Inlv̄t ilaiyukah keyu hatuk osh Chitokaka i nuksho-
pah keyu v̄hleha h̄a, Chitokaka yvt binnilit billia yvt hak-
lo cha, i pulvm̄michashke. [Yukopa.

20. Ittikana yatuk a im a_svnalit ibbak a o wiclishke;
nan ittim v̄pesa yatuk vt kubv̄ffishke.

21. Itih h̄a kohcha kut pishukchi nia chohmit hvlushkih
kia, tvnampi yosh chukush a a foiyukka hoke: im v̄nnum-
pah putta kut l̄vpushki kut bila i shahlih kia, yv̄mvt bushpo
fulaya v̄lhtaha yoke.

22. Nan isht a chi weki ya Chihowa hak o ish onucchash-
ke; mikma yv̄mvt chi hullulla hi oke; ai v̄lhpiesa ya, ik
k̄v̄vll̄i, im ahna he keyu hoke.

23. Amba Chitokaka chia hut hichukbi aiokpuloka akka
isht ish ona hi oke; hv̄ttak issish h̄lvtibli mieha haksichi
v̄hleha hut i nittak a he tuk a iklv̄nnah kia onvt ah̄atta
he keyu hoke; amba vno yokuto chi anukchieto la chi
hoke.

A T U L O A 56.

Tvloa pehlich̄i vt hupakih aiyasha p̄chi yushoba chullosa
isht a tvloa yo Kalh a Filistin vt ai ish̄ih ma, tvloa hulit-
topa Lewi vt ikbi tok.

CHITOKAKA ma, is s̄a nukh̄aklashke; hv̄ttak vt ishit
sv nanv̄bl̄ih b̄v̄nna hoka: nittak moma ka s̄ttih̄ibi
hosh sv̄lv̄vsshali hoke.

2. A tvnampi v̄hleha hut nittak moma ka ishit sv nanv̄bl̄ih
b̄v̄nv̄shke; ilefeh̄v̄vchi hosh s̄ttibi vt lava hokvt.

3. A sv nukshopa he nittak oh kia, chi anukchieto la chi
hoke.

4. Chitokaka yak o (im v̄nnumpa h̄a hulittobliche la chi
hoke,) Chitokaka yak o anukchieto li hokvt, sv nukshopa
he keyuh; hv̄ttak vt nanta h̄o sv katimihcha linlah choh?

5. Nittak moma ka v̄m v̄nnumpa h̄a sh̄v̄nayv̄chi hoke;
ik achukmo h̄o a svnalit anukfill̄ih b̄ieka hoke.

6. Oklah ittv̄hobvt lumut a noh̄owa li ka v̄pesv̄chi hoke;
v̄m ilh̄fiopak im aȳih̄iechi hokvt.

7. Nan ik v̄lhpeso yv̄mihchi hokak osh isht a h̄lv̄kuffi vt

im a₂sha ch₁ hoh choh? nukhubela hosh oklah putta ka akka isht ish onashke, Chitokaka ma.

8. Chishno ak osh a noh₂owa le tuk a ish hutihna tuk oke; sv nishkin okchi ya ch₁ kutoba ish vnashke; ch₁ hulisso ha a hulissoh keyuh choh?

9. Yohmi ho nittak nana ho ch₁ pahaya likma, a tvnvp vhleha hut fulama ch₁ hoke; iluppak o ithana lishke; Chitokaka yut svbafoiyukka hoka.

10. Chitokaka yak o (im vnumpa ha hulittobliche la ch₁ hoke,) Chihowa hak o (im vnumpa ha hulittobliche la ch₁ hoke,)

11. Chitokaka yak o anukchieto li hokvt, sv nukshopa he keyuh; hvttak vt nanta ho sv katimihcha hinlah choh?

12. Chitokaka ma, vnumpah chim il onohocchi le tuk vt si onuttoiyula hokvt, yakoke ahnit isht ayokpuchi putta ka chim atobbi la ch₁ hoke.

13. Umish shilombish a nan ai illi ai ishit is sv blakuffichi tuk oka, saiyi vt ik akkamo ka ch₁ ka is sv blakuffichi tuk o, okchaya im atohwikeli ahattut Chitokaka itikba a noh₂owa lih keyuh choh?

ATULO A 57.

“Isht ish kanchin nah,” achi, tuloa pehlich₁ vt isht a tuloa ch₁ ho, atuloa hulittopa yo, Sal a i mulelit tuli chuluk a lumvt ayah mut, Lewi vt ikbi tok.

IS sa nukh₂klashke, Chitokaka ma, is sa nukh₂klashke; umish shilombish vt chishno ak o chi ai vtukko hoka, micha chis svnahchi hushontika yak o ai vtukko lih immoma tuk o, na pellvmmi putta kut ant aya hayashke.

2. Chaha i Shahli Chitokaka ya, nan vm vtah₂hli Chitokaka yak o i paya lashke.

3. Isht sv nanvblih bunna yut na sv meha hoka, chi okchalinya ch₁ kut vba ya awet pilashke; [Yukopa;] Chitokaka yut im isht i hullo micha im aiahlika ya awet pilashke.

4. Umish shilombish vt koi huchito itt₂itakla ahatta hoke; hvttak ushi vhleha hut nuklibekahachih ma, in nuti vt tuli

hvluppa micha uskinvki y_o chohmib ma, vnonti isunlsh vt bvshpo fvlaya hvluppa chohmih kia im itt_itakla ittoiylula lishke.

5. Chahvt vba putta ka ish i shablashke, Chitokaka ma; chim ahulittopa yvt yakni moma ka i shahlashke.

6. Saiyi ya ishit hukli im vtahlih mvt, vmish shilombish a akka vteblichik tok oke; sv tikba ya hichukbi y_o a kullituk osh, ilap ak inli hosh pit ittulushke. [Yukopa.

7. Sv chukvsh vt vpissalishke, Chitokaka ma, sv chukvsh vt vpissalishke; tvlovt nan ulachit ayokpvche la chi hoke.

8. Nan ishit sv holittopa ma, ish okchashke; vhlepah micha hap ittutuklo kv hvsh okchashke; ik onno kisha ho si okchashke.

9. Oklah puttah im ai itt_itakla ya yakoke chim ahachi la chi hoke, a Shahlih ma; oklushi puttah im ai itt_itakla ya nan ulachit a chi ayokpahachi la chi hoke.

10. Isht ish i hullo vt chitot vba ya onakma, chim aighlika yvt shutik a ont tikeli hoka.

11. Chahvt vba putta ka ish i shahlashke, Chitokaka ma; chim ahulittopa yvt yakni moma ka i shahlashke.

ATULO A 58.

“Isht ish kanchin nah,” achi, tvloa pehlichik vt isht a tvloa chi ho, atvloa hulittopa Lewi vt ikbi tok.

HUTTAK ushi vhlehah ma, ai vhpiesa vnumpulit, ai ittillawwi hvsh vpesa he tuk okak osh, hvsh chullosa ho mlhik choh?

2. Yummak het asha na, chukvsh vno nan ik vhpeso hvsh yvmihichi hoke; yakni ya hvch ibbak isht hvsh ilbvsshali y_o isht hvsh ai im apesa hoke.

3. Huttak ik vhpeso vbleha hv ushvto a kohchah mak inli hosh ai vhpiesa i filvmmitt ia hoke; ikfoka kohchah mak inli hosh vnnumpah hulabi vnumpulit yushobut ia hoke.

4. Isht illi im asha kv sinti im isht illi ak o chiyuhmi hoke: sinti chilita ik hvponaklo yosh ilap haksubish i kv mali kv,

5. Na yushpukummi vhleha hut im punna hosh i tvlo-hovah kia, i hvponakla be keyu kak o chohmi hoke.

6. Chitokaka ma, itih ha in nuti ya ish tilohlichashke; koi huchito himithoa in nuti ya ish bushullichashke, Chihowa ma.

7. Bilvt taha kut oka yosh yuvllit kunia ka chohmashke; im uskinvi ya o hilihichit husa hoh kia, tvptvt yushtumushli yak o chiyuhmashke.

8. Yushubbi yosh bilvt kunia kak o chohmashke; ik ai ono ho ohoyo hut vlla eshi na hvshi a ik peso ak o chohmashke.

9. Hvchi shuti putta kut kvtih lua ka hvlela be keyu kisha ho, okchaya ho nukhubela hosh vmahlichit ishit kan-chashke.

10. Ilai ukha na pisa kak osh ai vhpiesa yvt na yok-pashke; hvttak ik vhpeso im issish a iyi isht vcheshke.

11. Mikma hvttak vt, "Ai vhpiesa yvt na waya im asha kut ahlishke; yakni ya nan ai vpehisa yosh Chitokaka yvt binnili kut ahlishke," achashke.

ATŪLOA 59.

"Isht ish kanchin nah," achi, tvloa pehlichit vt isht a tvloa chi ho, Sal vt tohno na, vba chi hosh chukka ya ont im ayicchih ma, atvloa hvlttopa Lewi vt ikbi tok.

A TUNUP vhleha ha im ai ishit is si a hvkuffichashke, a Chitokaka ma; a sunalit vkaya putta ka a kohchit achahaka is sv helichashke.

2. Nan ik vhpeso yvmihchi vhleha ha a kohchit is sv hvkuffichashke; issish hvvtvbi hvttak vhleha ha im ai ishit is si okchalinchashke.

3. Yakeh, vm ilhvopak a im ayicchishke; kvllo vhleha hv a sunalit itvnaha kv, nan vhpisa kubvffi li kak keyub, micha nan vshvche li kak keyu hoke, Chihowa ma.

4. Na yushoba lih keyu ho vm a sunalit ilai vtahla chi hosh yihlepa hoke; okchvt is si vfama cha, ish pisashke.

5. Chitokaka Chihowa, nan vha i Chitokaka, Israel i Chitokaka ma, chislino ak osh chi okcha cha, oklushi moma

ka na pullummi isht ish i nowashke; chi flummit nan ik vhpeso yumihchi achvffonah kia chik i nukhaklo kashke.

[Yukopa.

6. Opyakma fulamvt ai vlashke; ofi yo chohmit wohoha hosh tumaha ha ittvfoluhkahachashke.

7. Yakeh, itih ha a kohocchi hoke; bushpo fulaya yvt ittiulbi ya vlbihvlmaya hoke; "Kuta hosh hakloh choh?" achi hoka.

8. Yohmih kia Chihowa ma, chishno vto ish i yukpa hoke; oklushi moma ka chik vhobalo hoke.

9. Umi lhampko ma, chishno ak o chi hohoyo la chi hoke; Chitokaka yak osh vm ahlvkuffi chaha yoka.

10. A Chitokaka yvt im isht i hullo ishit si vfama chi hoke; a tvnp a Chitokaka yvt yokpalit sv pesvcha chi hoke.

11. Ish bi na, vm okla hut im vhaksib yobun nah; chimi lhampko isht ish ittvfemiblashke; micha akka isht ish onashke, pi telihpa, nan i Shahlih ma.

12. Itih i nan vsshvchi vt ittiulbi im unnumpa hak oke: yohmi hokvt kulakshichi, hulabi aiena ka unumpuli kvv ilap ilefehuvchi kak osh isht a yukashke.

13. Nukhubela hosh ish musholichashke; ish musholechi na iksho kashke; yohmikma Chekob a pehlicchi Chitokaka yak osh yakni ont ai vlhi fullota ka pehlicchi ka oklah ithaiyanashke.

[Yukopa.

14. Mikma opyakma fulamvt ai vlashke; ofi yo chohmit wohoha hosh tumaha ha ittvfoluhkahachashke.

15. Yummvt vpah hoyot ittvnnowa hoke; atuk osh ik fhopokmvt, maya na ninak hlupulli hoke.

16. Amba vno vto chimi lhampko ya ishit tuloa la chi hoke, micha nan isht ish i hullo ya onnahinlikma chitolit isht vnumpule la chi hoke: vm ahlvkuffi chaha, micha svlvsshah nittakma vm ai vtukko chia hoka.

17. Umi lhampko ma, chishno ak o nan ulachit chi ayokpche la chi hoke; Chitokaka yak osh vm ahlvkuffi chaha, a hullo Chitokaka yoka.

ATULO A 60.

Tuloa pehlichi vt nan isht vtukkoa achukma, achi, ishit tuloa chi ho, Silia Mesopotemia micha Silia Sobah ittutuklo ka ittibit im aiyuchih ma, vnonti Choab vt fulama cha, Hvpih Okfa ha Etom oklah hutlak tuhlepah sipokni awahtuklo ho ai vbit tahlih ma, atuloa hulittopa isht im abvcha chi ka Lewi vt ikbi tok.

CHITOKAKA ma, pi kanchit ish pitti tevli tuk oke; chi nukhubela tuk kia, ish pi fulummichi hokbano!

2. Yakni ya ish winaliche tuk; ish ittubokahliche tuk oke; ittubokahli ya ish vpoksiachashke; fayokahachi hoka.

3. Chim okla ha na kullo ish pisachi tuk; oka pakki ishit chukfuloha ish pishkuchechechi tuk oke.

4. Unnumpah ahli pulla kak o, ayimitvt vba tukalicha chi ka, chi nukshopa vhleha ha shvpha ish ema tuk oke.

[Yukopa.

5. Chi hulittopa vhleha hut hlvkuffa chi ka, chibbak ishtimpakimma isht ish okchalinchi cha, vnnumpah ilvssha ish pim aighlichashke.

6. Chitokaka yvt hulittopa kak osh vnumpulishke: "In aiyvt na sv yokpa chi hoke; Shekem a ittukvshkule likmt, Sukkolh okfa ha vpesvt ittukashvli la chi hoke.

7. "Kileat vt vmni hokma, Manasseh vt vmni hoke; mikma Efaim vt sv nushkuboh ishit hulmo yoke; Chutah vt vm ahulittopa i tubi yoke.

8. "Moab vt ai il achefa li ampo yoke; Etom a a shulush pit o pila la chi hoke; Filistia oklah hvchia hut vno ak o hvs sa shvkapashke," achi tuk oke.

9. Kvtah hosh tumahah hulihta ya vsst ia chih choh? kvtah hak osh Etom a sulawet ona hinlah choh?

10. Ish pi kanchi tuk osh pi tvshka chipota ya ibafoiyukvt ish ia he keyu, Chitokaka chia hak keyuh choh, Chitokaka ma?

11. Pi tvnampi ya a kohchit ish pi vpelashke; hutlak o ai okchaya yokvt nanah keyu hoka.

12. Chitokaka pulla ho tvnvp chilita e tuba chi hoke; mikma yvnmak osh pi tvnampi vhleha ha yakni vvhlichich chi hoke.

ATULO A 61.

Uhlepa hō a tuloa chī hō, Lewi vt tuloa pehlichī a im ikbi tok.

PAHAYA li k_a ish haklashke, Chitokaka ma; vm unnumpah ilbussha y_a ish hvponaklashke.

2. Sv chukvsh vt ompoholmo hō, yakni ont atahaka y_a pit a chī p_aya lishke; teli chito vt chaha kut a shahli k_a vsst ish onashke.

3. A tunvp pulla kak o vm ai vtukko, a hulihta chaha kullo chia hokvt.

4. Chim vlhtipo y_a ai ah_attā lī billiashke; chis svnahchi hushontika y_a ai vtukko lashke. [Yukopa.

5. Unnumpah il onohocchi le tuk a, Chitokaka chia hut is sv haklo tuk okvt, chi hohchifō h_a i nukshopa vhleha hut ai isha he vhpesa y_a is svma tuk oke.

6. Miko i nittak a ish fulayvchashke; im afvmmi hut isht ai unchululi ittiakaya kak o chohmashke.

7. Chitokaka itikba y_a binnili na billiashke; isht i hullo micha unnumpah ahli y_a ish im apesa na hullvllashke.

8. Yvmohmi hō unnumpah il onohocchi le tuk vt nittak osh nittakm_a yvmihichi la chī kut, chi hohchifo h_a nan ulachit ayokp_ah_achi lī billia chī hoke.

ATULO A 62.

Tuloa pehlichī vt Chetuhl_vn chohmit a tuloa chī hō, atuloa Lewi vt ikbi tok.

CHITOKAKA yak illa hō vmish shilombish vt a nuktula yoke; yvmak o vm ai okchaya yvt a minti hoke.

2. Yvmak illa hosh a teli chito, micha vm ai okchaya, vm ahvkuffi chaha yatuk o, kunulli lih fehna he keyu hoke.

3. Hupakih kutiohmih fokka hō teli hulihta waiya, hulihta yuhlvt taha chohmi k_a hvsh moma kut hvttak a o fuhopvt vbih hvchi bahanna chih choh?

4. Achahaka binnili kak o akka pilah bunna kak illa hosh, isht ittim vnumpulit n_a hulabi y_a oklah im ai achukma hoke; itih hokvno isht ayokpvchih kia, amba chukvsh anykaka yokvno kulakshichi hoke. [Yukopa.

5. Umish shilombish ma, Chitokaka ak illa hō a chi nuktalashke; yummak o nan ummi ha he ahni li kut a minti hoka.

6. Yummak illa hosh a tvi chito, micha vm ai okchaya, vm ahlukuffi chaha yatuk o, konvlli la he keyu hoke.

7. Chitokaka yak osh vm ai okchaya micha vm ahulittopa yoke; a tvi chito kullo, vm ai vtukko vt Chitokaka yak oke.

8. Oklah vhlelah ma, nittak moma ka hvsh anukchie-tashke, hvchi chukush a itikba hvsh fuhoblashke; Chitokaka yvt pim ai vtukko yoke. [Yukopa.

9. Hvttak huletumpa keyu vhleha hv nanah keyu kak illa hoke; hvttak huletumpa vhleha hv nan ahlih keyu kak illa hoke; awekichi ya vba ia kut pulhki kut nanah keyu ka i shahlih bieka hoke.

10. Nan ilvsshali yokvno hvsh anukchieton nah, micha na wehpuli yoh kia isht hvsh ilefehnevchin nah; na hvchimmi hv lawvt mahaya ka, hvchi chukush a hvchik onuceho kashke.

11. Nan achuffa hō Chitokaka yvt vnumpuli tuk oke; nanah tuklo hō haklo le tuk a ilvppak oke: nan isht aiahlika yvt Chitokaka yak o immih,

12. Micha, a Shahlih ma, nan isht i hullo vt chimmi hoke; yohmi hv hvttak a ilap nan isht ai ahatta tuk mak o ish im atobba hi ak oke.

A T U L O A 63.

Lewi vt Chutah yakni hayaka ya ahattah hv, atvloa ikbi tok.

CHITOKAKA ma, chishno ak osh a Chitokaka chia hoke; achunnanchi hosh chi hoyo li hoke; chishno ak o chi hoyo hosh, vmish shilombish vt itukshila hoke; yakni shila ya oka yvt iksho hō svn nipi vt tikahbit chi plata hoke.

2. Yohmi hv vboha hulittopa ya a chi pisa lih chatuk ak inli hō chohmit, nan isht chim aiahlika micha chim ahulittopa pisah sv bunna kak oke.

3. Chim isht i hullo yvt achukma kut ilhfiopak ak kia i shahli hoka, suttivlbi vt chi holittoblichicha chi hoke.

4. Yvmohmi hosh si okchayah takla kut chi ayokpuche la chi hoke; chi hohchifoh pulla kak o subbak a vba wieli la chi hoke.

5. Lupi micha nia ittutuklo ho chomihchit, vmish shilombish vt isht im vlpiesa chi hoke; mikma ittivlbi yokpa yo sutih hut chitolit isht chi hulittoblichicha chi hoke.

6. A tupah paknaka ya ittoiyulvt chithaiyana likmut, ninak anukaka putta ka chi anukfihilli la chi hoke.

7. Chishno vt is si vpelehachi hatuk oka, chis sunahchi hushontika nuta ya a yohokpa la chi hoke.

8. Vmish shilombish vt kulot chi asittivshke; chibbak ishtimpakimma yvt sv hullvlli hoke.

9. Amba yvminvto ilap isht aiokpuloka chi kak osh vm ilhfiopak a hoyo hoke; yakni anukaka ilhkola chi hoke.

10. Bushpo fulaya ya oklah ibbak fohkih bunah kia, ilap ak osh nashoba yosh vpa chi ho i tuba chi hoke.

11. Amba miko vto Chitokaka yak o nan isht a yokpa chi hoke; vnnumpah hulabi vnumpuli itih putta kut i kuma chi hoka, yvmmak o vnnumpah kullo isht ai vnumpuli kut nomvt isht ilaweta chi hoke.

A T U L O A 64.

Tvloa pehlichich vt a tvloa chi ho, atvloa Lewi vt ikbi tok.

CHITOKAKA ma, nan isht il a mihachi li vnnumpa ha ish haklashke; tvnvp a i nukshopa ka vm ilhfiopak a im ai ishit ish hullvllashke.

2. Nau ik achukmo yvmihchi vvhlehah nan ittibanukfillih, nan ik ai vlpeso toksvli vvhlehah ittvhoba ka i filvnmichit is sv luhmashke.

3. Yvmmak okvt isunlvsh a bushpo fulaya chomihchit huluppuchi hoke; im uskiuvki vt vnnumpah humi mak o iti tvnampo ishit tvllakchi ya o hilechi hoke.

4. Yohmi kut ai vlomaka putta ka ai vpissali ya a hussa chi kak oke; atuk osh nukshopah keyu hosh yakosittitakla hussa hoke.

5. Unnumpah ik achukmo ittiba kullochi hoke; isht a yuka luhma chi kut isht ittim unumpuli hoke; "Kuta hosh pisa hinlah choh?" oklah achi hoke.

6. Nan ik ai vlpeso putta ka hoyot vhayuchi hoke; pim vltahushke, nan vlpisa vltahah achukma hoke, ahnishke; mikma hvttak im anukfilah, micha chukvsh aiena kut hufobi hoke.

7. Yohmih kia yakosittitakla Chitokaka yut uskinvi ishit hussa ka, ilap ak osh nvhlvshke.

8. Yohmi kut ilap isunvsh ak inli ho isht il onucchi hoke; yohmi na oklah pisa kut momut nushkoboh fahli hoke.

9. Mikma hvttak moma kut nukshopa cha, Chitokaka yak osh yvmihchi ka vnoli cha, i na toksuli ya achukvilit anukfilli hoke.

10. Ai vllpiesa yut Chihowa hak o nan a yokpa cha, ai vtukkashke; micha chukvsh ai vpissali moma kut isht ilawvtashke.

ATULO A 65.

Tvloa pehlichit vt a tvloa chi ho, hulittoblichit atvloa Lewi vt ikbi tok.

SAION a nuktaiyalvt a hulittoblichit vt a chimmi hoke, Chitokaka ma, mikma chishno ak o vnnumpah chim il onucchi tuk vt chim atobba hi ak osh vllpesa hoke.

2. Unnumpah ilbussha haklo ma, chishno ak o hvttak moma kut chim vla he vllpesa hoke.

3. Nan ik vlpeso vnnumpah putta kut kullo kut vm atampa hoke; nan vlpisa e kubvffi putta kak okvno ish pi kvshuffashke.

4. Kuna ho vtokulit chi bilika isht ish la na chi wanuta puttah ahatta kut na yokpa hoke; chim vboha, chi tempel hulittopa nan isht a yokpa aiyasha ka ishit pim vllpiesashke.

5. Ai vllpiesa na pullvmmi putta ho isht ish pim vfallvmmichi hoke, pim ai okchaya Chitokaka, yakni ont vlvhiv momah, micha okhvtab hupakih i shahli kak kia anukchieto ma.

6. Nan isht im ajablika isht vskuffaiyachi hosh, imi lhampko hak o nvnih chaha putta ka kvllochit ishit tvlohli chia hoke.

7. Okhvta h fopa, oka bvnvtha fopa, oklushi puttah shv-kapa ka chulosvchi chia hoke.

8. Yohmi hatuk o ont ai vlhi puttah aiyasha kvt nan isht chi ai ottvni putta ka i nukshopah chatuk oke; onnahinli a kuccha, micha opyaka a kuccha ittutuklo ka yokpalichit ish tvlovchi hoke.

9. Yakni ya ish im aya cha ish lvchali hosh, ish niachih fehna hoke; Chitokaka im okhina yvt oka vlota hoke; yakni ya yakmihchit ish vtahli hosh, tanchi ya ish im vtahli hoke.

10. I hina putta ka lvchalih fehnt, i bvnaiya putta ka ittilawwchit, uhvba kak o isht ish shufoblichy hosh, i nan uffo ya isht ish yokpali hoke.

11. A chi achukma afvmmi ha isht ish iachukolichishke; mihma ish ataya putta kvt na nia yo et akkakohli hoke.

12. Yakni hayaka vlvpoa aiasha puttah kia awet onobochi hoke; mikma nvnih putta kvt na yokpa yo ishit shema hoke.

13. Vlvpoa ai impa putta ka vlvpoa chipinta yvt ompoholmo hoke; mikma okfah putta kvt onush o isht ompoholmo hoke; ittiba yokpvt shvkkapa hoke; tvloah aiena hoke.

ATULO A 66.

Tvloa pehlichy immih, hulittoblichit atvloa yoke.

YAKNI moma kvt Chitokaka ya hvsh i shvkkapashke.

2. Hohchifoh hulittopa ya nan ulachit hvsh ayokpvchashke; ahulittopa hvsh ema hosh, hvsh hulittoblichashke.

3. "Nan ish a yvmihichi vt na pullvmmih fehna hoke; chimi lhampko chinto kak o chi tvnvp putta kvt chim vkahchunnolih pulla chi hoke.

4. "Yakni moma kvt chi ayokpachi cha, chi tvlovchi hohchifo ha nan ulachit ayokpvchashke," Chitokaka ya hvsh im achashke.

[Yukopa.

5. Intah! Chitokaka nan isht ai ahatta ya, i nukshopa he vllpesa hō huttak im vlla vhleha hā a kvniomihichih chatuk a hu pesāh.

6. Okhvta hā yakni shila ikbi tok: okhina ya akka nowvt oklah hlupulli tok; yummā fehna kā isht il a yok-pashkeh.

7. Nan isht im aiahlika yak o ishit pēlicchi na billia yosh, i holhponayo hvt oklushi poiyyutta kā vpesahachi hoke; i Shahli im a svnali vhleha hvt isht ik ilawato kashke. [Yukopa.

8. Oklah puttah ma, pi Chitokaka ya oh ayokpvchih; hulittobliichi vnnumpa hā hvsh haklochechashke.

9. Yummak osh pinish shilombish a ai okchaya hillechi cha, piyi yvt kvvulla he ik ahno yoke.

10. Yohmi kv imomaka ish pi pesa tok; tli hvta yvt kvshofa kak o chomihchi hosh ish pi kashuffi tok oke.

11. Nan ishit hukli ya ish pi fokkichechi tok; isht il a hlampko ya nā wekih fehna ish onucchi tok oke.

12. Pi nushkobo hā huttak vt issubah o binilit pi vbanvbla he ish ahni tok; luak micha oka aiena kā il ibachukkoa tok oke; yohmi tuk kia nanah a lawah fehna hō isht ish pi ona tuk oke.

13. Nā hukmit isht ayokpahachi yo ieshit chim vboha ya ona la chi hoke; vnnumpah il onohochi li yatuk vt chim atobbi la chi hoke.

14. Yummā nan vm a pullvmmih mvv, svttivlbi vt wvka-na na, svtih hvt vnnumpuli tuk a yvmihchi la chi hoke.

15. Nia puttah hukmit isht ayokpvchi, chukfi nakni lvt shubulli bvlama ibafokkit chim issa la chih; wak, issi kusoma iba fokkit ishit chi ayokpvche la chi hoke. [Yukopa.

16. Intah! Chitokaka i nukshopa vlehah momah ma, hu hakloh, mikmā vmish shilombish a nan im vtahli tuk a vnoli lashke.

17. Yummak o svtih hā isht i pavaya le tuk; mihmā hulittobliichi yosh sv sunlvsh a fokka tuk oke.

18. Sv chukvsh a nan ik vllpeso ya a pisvt ayokpahachi li hokmā, a Shahli vt a hvponakla he keyu hoke.

19. Yohmih kia Chitokaka yut haklo tuk vt ahlishke; vm vnnumpah ilbvssha vnnumpa ha a hvponaklo tuk oke.

20. Chitokaka yut vm vnnumpah ilbvssha ya ik kancho kish, nan isht i hullo ya ik svm esho tuk okvt, hulitto-pashke.

ATULO A 67.

Tvloa pehlichy vt vhlepa ho isht a tuloa chi, hulittoblichit atvloa yoke.

CHITOKAKA yut pi nukhaklot na pi yokpalit nvsshuka ya pi o tohwikelichashke. [Yukopa.

2. Yvmohmi ho yakni aiyasha kut nan ish a kuni^oh^omi ya ithanakmut, oklushi putta kut chim ai okchaya ya ithanashke.

3. Oklah putta kut chi ayokpvchashke, Chitokaka ma; oklah putta kut a moiyumvt chi ayokpahachashke.

4. Ai vhpesa yo oklah putta ka ish im vpesa chi kak o, micha oklushi puttah yakni aiyasha ka ish pehliecha chi kak o, oklushi putta kut na yokput telohowashke. [Yukopa.

5. Oklah putta kut chi ayokpvchashke, Chitokaka ma; oklah putta kut a moiyumvt chi ayokpahachashke.

6. Yakni vt i na waya pima tuk oke; Chitokaka, pi Chitokaka yut pi yokpali hoke.

7. Chitokaka yut pi yokpalashke; mikma yakni ont atahaka moma kut i nukshopashke.

ATULO A 68.

Tvloa pehlichy vt a tuloa chi ho, hulittoblichit atvloa Lewi vt ikbi tok.

CHITOKAKA yut wvkayashke; i tvnp vhleha hut ittfemimpakmut, i nukkilli vhleha hut im itikba ya a yihlepashke.

2. Shubulli ha isht ia kak inli ho chomibchit ish tihle-lashke; foi akmi vt luak itikba ya bilah chatuk a cholmi hosh, hutlak ik vhpeso vhleha hut Chitokaka im itikba ya ai okpulot tahashke.

3. Amba ai vhpiesa vhleha hokuto na yokpashke; Chitokaka itikba ya na yokpah fehnvt ishit yokpashke.

4. Chitokaka hvsh i tvloashke; hohchifo ha nan ulachit hvsh ayokpvchashke; chukushmi foka hlupullit aya ka, ataya hvsh im vtablashke; Chihowa hohchifo hoka, itikba ya na hvchi yokpashke.

5. Im ai ahatta hulittopa ya atta hosh Chitokaka yvt vlla vltakla vhlelah Iki yoke; micha ohoyoh i hvttak illi vhleha ha nan im apesa yoke.

6. Chitokaka yvt ilap bieka yatuk a chukka ya ahatta ikbi yoke; yuka yatuk a kucchit a yohokpa isht ona hoke; amba i Shahli i filvmmmit im asvnali ak okvto yakni shila ya maya hoke.

7. Chitokaka ma, kohchvt chim oklah itikba ish iah ma, [Yukopa.

8. Chitokaka itikba ya yakni vt winakvchi tok, vba yvt et hoiyvchi tok; Chitokaka, Israel i Chitokaka itikba yo Sainai yvmmak kia a yvmohmi tok.

9. Chitokaka ma, pillah na hvlbina puttah, umbah omihchit chimmi ha ish o fimmi tok; micha tikambih ma, chishno ak osh ish hlampkochi tok oke.

10. Chim okla hvv aiyasha hoke; chi achukmah pulla kak osh ilvssha ya nan ish im vtahlih chatuk oke.

11. Nan i Shahli vt vnnumpah ima tuk a, vnoholi ohoyo hvv oklah chinto hoke

12. "Tvshka chipota i miko putta kvv yihlepvshe, yihlepvshe, mikma i chukka atta ohoyo hvv na yuka ya itvkvshola chi hoke.

13. "Nan vlvpoa aiasha hulihta puttah ittitacla kahvt hvsh aiyasha hokma, okla hvv pvchi yosh svnahchi vt tvli hvta, vnonti svnahchi vt tvli hulisso lakna isht ompoholmo mak o chiyuhmi hoke," oklah achishke.

14. Nan okluha i Shahli vt yvmmā anukaka ya miko vhleha ha a yulhikma, Salmon nvniha ha ai oktusha kak o chohmi hoke.

15. Beshan nvniha hvv nvniha chitoh fehna yoke; Beshan nvniha hvv ibakchufashli aiasha nvniha hoke.

16. Chitokaka yvt ilap ai vta he ahni tuk nvniha ha nvniha ibakchufali puttah ma, nantihmi ho hvsh vpesvchih

choh? Ahlishke, Chihowa hut ai ahatta na billia chih mak oke.

17. Tunvp itichvnaha Chitokaka imni hut miliat kvnohmi hosh tvhlepah sipokni ittvlbilkvchi yoke; Sainai vt im ai ahatta hulittopa yo nan i Shahli vt im oklah im ai ittitakla ya ai ahatta tok oke.

18. Uba achahaka ish ona tok; yuka ya lawachit ish yukachi tok; hvttak puttah, micha chi fulvmmmit chim asvnali vhleha hak oh kia, na hvbina putta ka isht ish im ai vla tuk oke; micha yvmohmi hosh Chihowa Chitokaka mak osh ilvppa ish ahatta chi hatuk oke.

19. Nittak osh nittakma na weki pi shoiyuli yosh pim ai okchaya Chitokaka yokvt, nan i Shahli vt hulittopashke.

[Yukopa.

20. Chitokaka yvt pim ai okchaya Chitokaka yoke; nan illi ak okvno ahlukuffi vt nan i Shahli Chihowa hak o immi hoke.

21. I tvnvp vhleha nushkobo ha, nan im ayushoba putta ka a mahaya nushkoboh paknaka pashi ai o hiel ya Chitokaka yvt litolit kancha he bano hoke.

22. "Beshan a a fulvmmichit isht vla la chi hoke; oklvttah hufobi yak oh kia a fulvmmichit isht vla la chi hoke.

23. "Yvmohmi na litolit ish kanchi cha, issish a chiyi ish oka hilecha chi hoke; chipvf puttah isunlvsh vt chi tvnvp vhleha ha ai i kvshapa chi hoke," nan i Shahli vt achishke.

24. Ish mahaya ka, a Chitokaka, a Miko vt im ahulittopa mahayvt ont chukkoa ka oklah pihisa tok oke, Chitokaka ma.

25. Ohoyoh himithoa yvt tvhlahlaka ayvt vhlepah ulahachi ho; tvloa vhleha hut tikba ilhkolih ma, nan ulachi vhleha hut ashaka ya et iakkaya tok oke.

26. "Ittvnabhvt aiyasha hosh Chitokaka ya, Israel ishtatiaka hvchia hut nan i Shahli ya hvsh ayokpvchashke," ahachishke.

27. Momah ik alawwo Benchamin, oklah pehliechi vt

ayushke; Chutah i huchitoka ai ittvepha, Sebulon i huchitoka, Naftalai i huchitoka aienah mut mahayushke.

28. Chi Chitokaka yut nan isht chim a hlampko ya chim apesa tuk oke; Chitokaka ma, nanah ish pim atahli tuk vt chi tempel a binnilit ai ahlichit ish kullochi na,

29. Chelusalem a miko putta kut i shahli nan isht im vltoba isht chim vlashke.

30. Oklah puttah tnvvp im ai achukma ya ittvyulhih chatuk chiah ma, napoa kushak vta, wak nakni kullo lawah ittuhoba, wakushi puttah (yummvt oklah) aiena ka im alumi hosh ish ili nutakachi na, tvi huta tushahli ieshi hosh chim vkahchunnolashke.

31. Huchitoka yut Echip a a kohchvt vla chi hoke; chekosikma Ehliopia yokvto Chitokaka ya ibbak vt pit im vshatpa chi hoke.

32. Yakni apchlichika putta kut Chitokaka ya hvsh i tuloashke; nan i Shahli ya nan ulachit hvsh ayokchashke.

[Yukopa.

33. Abillia vba i shahli ya o binilit aya ya hvsh i tuloashke; yakeh, im vnnumpa hv vnnumpah kullo yo isht vnumpuli hoke.

34. Chitokaka ya, "Hlampko hv immih," hvsh achashke. Im ahulittopa yut Islael a o wkkaya hoke; mikma im isht hlampko vt vba ya foiyukka hoke.

35. Chitokaka ma, chim ai ahatta hulittopa putta ka a kohchvt ish ayakma, pullummi yoke; Islael i Chitokaka yak osh okla ha hlampkoh micha kulloh chinto ka ima yoke. Chitokaka yut hulittopashke.

A T U L O A 69.

Tvloa pehlichit vt "lili puttah," achi, ishit tvloa chi hq, atvloa Lewi vt ikbi tok.

OKA yut chukkout vmish shilombish a vla hoka, is si okchalinchashke, Chitokaka ma.

2. Ahikia yut iksho hq lukchuk hufobi ya okakonia lishke; oka ahufobi ya ona lishke, mihma oka chito vt si ompohomoshke.

3. Paha^hya li kak osh tikambit sv tahvshke; sun nvlupi vt nukshilot tahvshke; a Chitokaka hohoyo li kak osh, sv nishkin vt iellit tahvshke.

4. Nanihmih keyu ho a nukkilli vt lawa kut pashi sv nushkoboh o hiel ka i shalishke; nan ablih keyu ho isht a tunanpi sv tahli vhleha hut kulloshke: yummā wehpule li tuk keyu hoke; yummak atuk okmvtō, i fulummiche la hinla hoke.

5. Chitokaka ma, vm anukfilah iksho tuk a chishno vt ish ithanvshke; micha a yushoba li putta kut chi lumah keyushke.

6. Chi anukchieto vhleha hut vno pulla kak o isht ik hufahyo kashke, nan i Shahli, Chihowa, nan uha i Chitokaka ma; chi hohoyo putta kut vno pulla kak o hufahya isht ik onuttolo kashke, Israel i Chitokaka ma.

7. Chishno pulla kak o huttak bika im ishit hufahya yut si onuttoiyula hoka, hufahya yut sv nvsshuka ya ompoholmoshke.

8. Ittibapishi lih vhleha ha kvnah ik itliano i tuba lih mv, vnonti hvshki im vlla vhleha ha oklushi inla i tuba lishke.

9. Chi chukka i hullo lih pulla kak osh tahlit sv kan-chishke; ik si v hobalo vhleha hut ik v hobalot vnumpoholi kut si onuttulvshke.

10. Mihma okissa hosh sv nishkin okchi mihintit vmish shilombish vt ilvsshah ma, yummā nan isht sv mehuchi tuk oke.

11. Mihma bancha yosh a nafohka yo fohka le tuk oke; mihmv nanah isht vhpisa ho i tuba li tuk o,

12. Huliht okhisa chieya kut ishit si vnumpoholi ma, oka humi ishko vhleha ha im vlvloak tuba lishke.

13. Amba vno yak okuto ish ayokpancha he nittakma Chihowa chia hak o vnumpah ilvssha pit chima li hoke: Chitokaka ma, nan isht ish i hullo chi lava hokvt, is sv haklo cha, chim ai okchaya ai ahli ya is smashke.

14. Ahlvbeta ya kohchit is sv hlakuffichikma, ak okakuniyo kashke; a nukkilli vhleha ha, micha oka hufobi aiena ka a kohchvt sv hlakuffashke.

15. Oka chito vt ik si ompohomo kashke ; mikma oka hufobi vt isht ik sv nanvblo kashke ; mikma hichukbi vt itih ha isht ik si o kumalo kashke.

16. Nan isht ish i hullo vt achukma hokvt, is sv haklashke, Chihowa ma ; nan isht ish i nukhaklo vt chim vpakna hatuk pullah mak osh, awet is sa filemashke.

17. Micha chi uvsshuka ya chi tishu ha chik i luhmo kashke ; a pullummi hoka, tushput is sv haklashke.

18. Umish shilombish a awet i bilichit ish okchalin-chashke ; a tunvp pulla kak o is sv hlakuffichashke.

19. Nan ik si v hobalo ka, micha nan ishit sv hofahya, micha nan ishit sv kalvkshi ka ish ithanvshke ; a tunampi vhleha hvv momvt chi tikba aiyasha hoke.

20. Nan ik si v hobalo ak osh sv chukvsh a kubvffih ma, a pullummih fehvshke ; mihmvv ibanukhaklo ya hohoyo le tuk kia, ikshoshke ; mihmvv na hupohlvi ya hoyo le tuk kia, ak vhayochoshke.

21. Mihma vm ilhpak a busunlvsh ibafokkit svpetakmvv, sutukshilakma, oka hawvshko yo svpeta hoke.

22. Im aiimpa itikba bikkia kash osh ishit hukli ik i tuba ; mikmvv nuktanla putta ka ayuka yosh i tubashke.

23. Nishkin vt im okhleli cha, ik peso kashke, micha i chvshwa ya ish winalihichi na billiashke.

24. Ishit chi nokua ya ish o fuhoblashke, mikma chi nukhubela lvshpa yvt sakkashke.

25. I tvmahushi vt chukkillissashke ; im vhtipo putta ka kvnah ahatta kvv iksho kashke.

26. Kvna ho chishno ak osh na huttpa ish onucchi tuk a ilvsshali hoka ; mikmvv chimmi hosh nvhla tuk vhlehab i pulummi ka isht vnumpoholi hoke.

27. Nan ik vlvpeso vt itvlbehkvchi ho ish onucchi na, chim ai vlvpiesa ya ik vlvllayo kashke.

28. Ai okchaya hulisso ha a kvshofashke ; micha ai vlvpiesa vhleha ha ai ibafokkvv ik hulisso kashke.

29. Amba vno vto svlvsshvt, sv nukhummishke ; chim ai okchaya yokvt achaha sv benilechashke, Chitokaka ma.

30. Atvloa yo Chitokaka hohchifo ha ishit hulittobliche likmut, yakoke im aiyahnit ishit chitoliche lashke.

31. Mikma ilvppak o Chihowa hut im achukma kut, wak, wak nakni kia lvpish asha micha iyi chuhla ya im i shahla chi hoke.

32. Chukvsh akkalosi vhleha hut pisakmut, yokpashke; Chitokaka hoyo hvchia hut hvchi yokpa cha, hvchi chukvsh vt okchashke.

33. Chihowa hut nan ik im iksho vhleha ha i hvponahaklo hoka; micha immi hosh yuka ka shittilemah keyu hoke.

34. Uba micha yakni, okhvta puttah micha nana hosh yumma a bullullit ayakmut, momut hulittoblichashke.

35. Chitokaka yvt Saion a okchalincha chi hoka; micha Chutah i tumahah hulihta putta ka ikbi na, yumma iesha chi kut aiyasha chi hoke.

36. Mikma i tishuh vlehah ishtatiaka yvt ieshikma, i hohchifo ha ahninchit vt yumma aiyasha hi oke.

ATULO A 70.

Isht ai ithana ya chi ho, tvloa pehlichit vt a tvloa chi ho, atvloa Lewi vt ikbi tok.

CHITOKAKA ma, tushput is sv hlakuffichashke; Chihowa ma, tushput ant is si vplashke.

2. Um ilhfopak a hoyo vhleha hut hufahyah febnashke; a suttupa he aiyahni putta kut fulamut yihlepa cha, hufahyashke.

3. "Yummakhulih! yummakhulih!" ahachi vhleha hut hufahya kak osh fulamashke.

4. Chi hohoyo moma kut na yokput chi a yokpashke; chim ai okchaya ya i hulittopa vhleha hut, "Chitokaka yvt hulittopashke," ahachit billiashke.

5. Amba vno vto ilbussha micha nan ik im iksho sia hoke; Chitokaka ma, tushput is sv vlashke; na si apeluchi micha sv hlakuffichi chia hoke; Chihowa ma, chik svlaho kashke.

ATULO A 71.

CHIHOWA ma, chishno ak o chi ai utukko li hokvt, ik sv hofahyo ho billiashke.

2. Chi ai vllpiesa kak osh is sv kohchechi cha, is sv hlakuffichashke; chi haksbish a awet is sa wieli cha, is si okchalinchashke.

3. Ai ahatta tvli chito ya is sa toba na, nittak moiyyuna ka ohona lashke; a tvli chito micha a hulihita kullo chia hokvt, si okchaya he ish vpesa tuk oke.

4. A Chitokaka ma, hutlak haksi ibbak, nan ik vllpeso yvmihchi micha chukesh humi ibbak putta ka is si a hlukuffichashke.

5. Sv hemittah mak inli hosh i yimmit anukchieto li chia hokvt, a Shahli Chihowa ma.

6. Im ushuto a kohcha li hak inli ho is sv hullullih chatuk oke; hushki ikfoka a kohcha li tok taiyakla ka, chishno ak osh nan is sum atahli yoka, chi holittoblichichi lih bilivshke.

7. Lawa ka nan inlah fehna im ittillawwi li yoke; yohmih kia vm ai utukko kullo chia hoke.

8. Nittak moma ka isht chi holittoblichichi vt svtih ha vluttoakma, isht chi a hulittopa yvt vluttoa chi hoke.

9. Sipoknit sv taiyahakma, chik sv kancha kashke; vmi lhampko hut a tahakma, issut chik sa filvmmo kashke.

10. A tvnvp vhleha hut nana ka si achih mv, vm ilhfio-pak a im ayicchi vt isht ittim vnumpuli hosh,

11. "Chitokaka yvt issut kanchi tuk o, hlukuffichichi vt iksho hoka, hlioblit oh ishih," achi hoke.

12. Chitokaka ma, is sa mishemahchin nah; a Chitokaka ma, tushpvt ant is si vpelashke.

13. Umish shilombish a i tvnampi vhleha hut hufah-yashke, ont tahashke; si aiokpuloka he hoyo vhleha hut na mihachi micha kullakshi yosh isht onuttulashke.

14. Amba vno vto chi yihimmi li billiakmv, chi holittoblichichi moma ka vbillit chi ayokpachichi la chi hoke.

15. Chim ai vllpiesa, chin ai okchaya aiena kut holitina

kā ak ithano hokvt, nittak moma kā sutih hv̄t vn̄oh̄ola chi hoke.

16. Nan i Shahli Chihowa hv̄t n̄a chinto yvm̄ih̄chi putta kā ieshi hosh ona la chi hoke; chim ai v̄lhpiesa, chimmi hak illa h̄o vn̄oh̄oli la chi hoke.

17. Chitokaka ma, sv̄ hemitta tok ai v̄lhit m̄ih̄iti kā nan is sv̄m abah̄achi na ant himmv̄kka h̄o nanah a fehna ish yvm̄ih̄chi kā vn̄oh̄oli lih chatuk oke.

18. Mikm̄vt sipokni, p̄ashi tohbit taiyaha kā ona lih kia, chik sv̄ kancho h̄o, isht ai unchululi himmak minti kā chish shakba yv̄t n̄a yvm̄ih̄chi tuk a im vn̄oli likm̄vt, nan isht chim aighlika ȳa himak pillah aiyasha he moma kā im vn̄oli lashke.

19. Yohmi kā chim ai v̄lhpiesa yv̄t achahaka ȳa ona kāk oke, n̄a chinto ish yvm̄ih̄chih chatuk Chitokaka chiah ma; kuta hosh chishno ȳa chiyuhmih choh, Chitokaka ma?

20. Nan ilbv̄ssa lawah micha pullvm̄mi h̄o ish pi p̄esah̄achi tuk vt fvl̄vm̄minchit ish pi okchvlashke; mikm̄vt yakni ahufobi putta kā fvl̄vm̄minchit ish pi a kucchashke.

21. Nanah a fehna is s̄a yvm̄ih̄chi kv̄t i shulihchit isht ish mah̄aya cha, felamvt ant is sv̄ hopuhlvlashke.

22. A Chitokaka ma, vno ak kia chim aighlika ȳa v̄hlepa h̄o isht ayokp̄ah̄achi la chi hoke; hap o ulachit isht chi ayokp̄che la chi hoke, Israel i hulittopa ma.

23. Nan ulachit chi ayokp̄che likm̄a, sv̄ttiv̄lbi, micha vm̄ish shilombish ish okchalinski tuk ittutuklo kv̄t n̄a yokp̄t tv̄loa chi hoke.

24. Mikm̄a si aiokpuloka he h̄oh̄oyo v̄hleha hv̄t hufahyah fehna kak o, sv̄ sunlv̄sh m̄vt nittak moma kā isht chim ai v̄lhpiesa ȳa isht vn̄ump̄oh̄ola chi hoke.

ATŪLOA 72.

Salomon immih, atv̄loa yoke.

CHITOKAKA ma, nan ish ai v̄peh̄isa putta kā m̄iko ȳa ish emashke, micha chim ai v̄lhpiesa ȳa m̄iko ushi ȳa ish emashke.

2. Chim okla hā ai v̄lhpiesa hosh im apesa cha, chim oklah ilbvssha v̄hleha hā ai v̄lhpiesa hosh im apesashke.

3. Ai v̄lhpiesa yō n̄v̄nih, micha n̄v̄nih chipinta aiena kv̄t nanah lawah achukma kv̄t a waya hō okla hā isht im v̄lashke.

4. Oklah ilbvssha v̄hleha hō ai v̄lhpisali hosh im apesashke; nan ik im iksho im v̄lla v̄hleha hā okchalinchashke; amba ilbvsshali yokvno lisholit kanchashke.

5. H̄v̄shi micha hush ninak āya itt̄v̄tuklo kv̄t tv̄llohah t̄akla k̄ā hv̄ttak isht itt̄aiunchululi putta kv̄t oklah ch̄i nukshopashke.

6. Umba hv̄t hv̄sshuk ai v̄lmo on umbah chatuk ak ̄o ehohmit, ūb̄uba kv̄t yakni lv̄chalih chatuk ak ̄o ehohmi hosh akka v̄lashke.

7. Ī nittakm̄a ai v̄lhpiesa yv̄t pv̄k̄alashke, mikm̄a nan isht ai achukma kv̄t ĩ lawa kv̄t immoma hō hush ninak āya yv̄t ont iksho kashke.

8. Mikm̄a okhv̄tah hikīv̄t ia hosh okhv̄tah onakm̄v̄t, Okhina Chito yak ̄o hikīv̄t ia hosh yakni ai v̄lhi puttah ona k̄ā a pehliechashke.

9. Itikba yā yakni hayaka aiyasha yv̄t v̄kahchunnolashke; micha ĩ tv̄n̄v̄p v̄hleha hv̄t lukfi pushi yā hulakshashke.

10. Tashish micha n̄v̄nih tv̄shayi puttah ĩ m̄iko v̄hleha hv̄t nan isht ayokpv̄chi yō isht im vtobbashke; Sheba micha Seba ĩ m̄iko v̄hleha hv̄t n̄ā hv̄lbina isht im onashke.

11. Mikm̄a m̄iko moma kv̄t im v̄kahchunnolashke, oklushi moma kv̄t im antiashke.

12. Nan ik im iksho vt ĩ p̄ah̄aya k̄ā, micha vp̄ela ik im iksho hosh ilbvssha yā hv̄vkufficha hi ok̄ā.

13. Hv̄ttak ilbvssha micha nan ik im iksho yā ĩ nukb̄akla hi oke; micha nan ik im iksho v̄hleha imish shilombish ā okchalinha hi oke.

14. Ailbvsshali micha ai ĩ pv̄lv̄mmichi yā a kohchit imish shilombish ā okchalinchashke; yohmi kv̄t nishkin itikba yā im issish vt a hulittopashke.

15. Mikm̄a okchayashke; mikm̄a tv̄li hulisso lakna Sheba

a minti yo oklah imashke; mikmut vnnumpah ilbussha isht vnumpoholi billiut, nittak moma ka ayokpabachashke.

16. Yakni vnih chaha wishakchi ya onush ibbak vlhto achuffa hosh ik aiyasha tuk oh kia, isht a waya yut kvshahachi kut Lebanon ak o chiyuhma hi oke; mikma okla hut shema kut hvsshuk yakni aiyasha kak o chobmit, pvkanlit tumahah chito ya a kohcha hi oke.

17. Hohchifo hut tvkkali na billiashke; hvshi vt tvllayah takla ka hohchifo hut uffot mahayashke; mikma okla hut yummak o nan isht il a yokpalashke; oklushi moma kut, "Na yokpah," achashke.

18. Ilap bieka hosh na fehna yvmihchi Chitokaka Chihowa, Isael i Chitokaka yut hulittopashke:

19. Mikmut hohchifoh hulittopa yut hulittopa na billiashke; micha yakni moma kut ahulittopa isht vluttoashke. Amen, vnonti Amen.

20. Chesse ushi Lewi vnnumpah ilbussha vnumpoholi vt ont ai ahlih pulla hi oke.

ATULO A 73.

Atvloa Asaf vt ikbi tok.

AHLIH, Chitokaka yut Isael, yummvt chukvsh kvshofa vhleha ha, i kana yoke.

2. Amba uno ak okvto saiyi vt kvniyahosi tok oke; a nohowa li kut sv shukkvlllih naha tok oke.

3. Hvttak ik vlpeso vhleha hut isht im ai achukma ka pisa lih mut, ilefehvchi vhleha ha i putvno li tok okvt.

4. Nan illi ha isht a kummunta nanah kia ik im iksho hoka; mikmut imi lhampko hut kvllo hoke.

5. Hvttak osh nan isht vtaklvmah chatuk a ohmih keyuh; micha hvttak a ibafoyukkvt nan ik achukmo onuttulah keyu hoke.

6. Yvmohmi hatuk o ilefehvchi vt ishit shema yak osh inonchi yoke; ilbusshali vt nafohka chohmi hosh isht ompoholmo hoke.

7. Nia kak osh nishkin vt okhlibeli hoke; chukvsh nan anukfihilli tuk a ont ia hoke.

8. Yumohmit ik vobalot nan ik achukmo yo anukfokka hatuk osh ilbusshali yo isht unumpoholi hoke; ilefehuvchit unumpuli hoke.

9. Ile chavuchi kvv vba shutik ak o ai unumpoholi ka ile chomihchi hatuk osh, isunlvsh vto yakni yak o hlupullit aya hoke.

10. Yumohmi hatuk o im okla hvv fulamvt im ona cha, oka hvv vlotah achukma ho ihishko hoke.

11. Mikmut, "Kvtiohmi hosh Chitokaka hvv ithana hinlah choh? micha Chaha i Shahli ya nan ithana hvv nukfoiyukka hoh choh?" achi hoke.

12. Yakeh, ilvppvt hvttak ik vlvpeso yokak osh, nan im aiokpuloka ikshoh billia kak osh, nan immi hvv i shahlit i mahayvshke.

13. Pe pilla ho sv chukvsh a kvshuffi lih hvv, nan okpuni keyu mak osh subbak a achefa le tuk oke.

14. Nittak moma ka sv fahama cha, onnahinli aiyukali ka na hvttupa hvv si onuttohola tuk okvt.

15. "Yakmihchit unumpule lashke," achi li hvttok okmvt, yakeh, chim vlla vvhaha hak o ak im ai ahlo ka he vttok oke.

16. Atuk osh ilvppa vkostininchih sv bunna hosh anukfilli lih ma, nan isht vtakluma yosh sv tikba ya tukkali tuk o,

17. Pulaka Chitokaka im vboha hulittopa ya, im ai ishtaiyopi ka ai anukfihilli la chi hosh ona li tok oke.

18. Ahvlsvbi bieka ho ish hiohlichich kvv ai ahlishke, aiokpuloka yo toblit akka pit ish pihlvshke.

19. Yakosi ittitakla chohmi ho aiokpuloka onvshke; nanah a kummota yo isht a lushomvt kvnnivshke.

20. Hullpvkunnvt okcha kak o chohmit, nan i Shahlih ma, chi okchakmvt, yummvt nan vhoaba yatuk o ish shittilema chi hoke.

21. Yohmi hokak o sv chukvsh vt humikmvt, vm anukfila hvv nvlilah beka tok oke.

22. Mihmvt nan vlvpoa chohmi li hatuk osh, nanah ithana la he keyu tok oke; nan vlvpoa chiyuhmi hosh chi takia ahatta li tok oke.

23. Yohmih kia chi takla ahatta li billiushke; chibbak ishtimpakimma ya isht is sv hullellishke.

24. Nanah ish ai anukfilli ya a sulawet ish aya chi hoke, atuk osh i himnak a ahulittopa isht is si ona hi oke.

25. Uba ya kuta hosh vm attah choh? mikmut yakni paknaka ya inla ma chibafohkit sv bunnah keyu hoke.

26. Svn nipi micha sv chukush vt taha hoh kia, Chitokaka yvt sv chukush a i tvli chito, micha vmmih abillia yoke.

27. Yakeh, chi hupakichi vhleha hvt aiokpulokvt kunnia chi hoka: chi filummit haksit ittynowa putta ka isht ish kanchih pulla hoke.

28. Amba vno yokvto Chitokaka i bilika kak osh vm achukmvshke; nanah isht ish ai ahatta putta ka vnoholi la chi hosh a Shahli Chihowa ha ai vtukko li hoke.

ATULO A 74.

Nan ithunanchi atuloa Asaf vt ikbi tok.

CHITOKAKA ma, nantihmi ho shittilemut ish kanchi na billia hosh, oklah ish vpesvchih chatuk vt im asunalit chim anukhubela yvt shubullih choh?

2. Nittak tikbah ma ish chumpa tok, apehlichu vt chimmi ha chih mak o yuka ish issvchi tok chim okla ha, Saion vnnih ish ai ahatta kut ish ithaiyanashke.

3. Chim ai ahatta hulittopa ya tvnup vt okpunit taiyahli tuk o, aiokpulokvt kunnia ka chahvchit chiyi vba welit hahablit ish onashke.

4. Chim itvnaha im ai ittitacla ya chi tvnampi vhleha hut kilihaha tuk; nan isht ai ithana ya chih mak o, ilap i shupha ya bihlichu tuk oke.

5. Iti lawa sukko yo iskiffa ya chahvchit o weli kak o chohmi vhoba hoke.

6. Yohmi kut yakeh, chukowa ishit shema putta ka iskiffa micha tvli ishit boa aiena ka himonna achaffa ishit bot akkakohli hoke.

7. Chim ai ahatta hulittopa ya luak vtekilit hukmi tuk

oke; chi bohchifob a foiyukka ya kulakshichit akka isht ona tuk oke.

8. "Himonnachivffa okpvnit e kanchashke," imi chukvsh anukaka ya oklah achi hosh, Chitokaka im ai ittvnaha yakni aiyasha ka mominchit hukmi tuk oke.

9. Nan isht pim vtukkoa putta ka ke pesoshke; hupayi vt himakma ikshoshke, micha nittak hupakih kvnimmah ont ai vlha he ithana kut pibafoiyukkah keyushke.

10. Chitokaka ma, himakma kvtiohmih fokka ho tvnampi vt ik vhobalo ka chih choh? tvnvp vt chi hohchifo ha shit- tilema na billia chih choh?

11. Nantah kvtiohmi ho chibbak a, chibbak ishtimpak- imma yak kia fulvminchit ish eshah choh? chikkishi ha ish a lubmi tuk vt ish a kohchikmvt, okpvnit ish tahlashke.

12. Yohmi ka Chitokaka yvt a miko a billia yosh, yakni ya a hlukuffihichi yoke.

13. Chishno ak osh okhvta ha chimi lhampko isht ish ittvbakvbli tok, oka paknaka ya oka nampo a huchito nush- kobo ha ish a litoli tok oke.

14. Okla ha, yakni hayaka okla ha ilbpak ish ema chi hosh, chishno ak osh lefayahlan nushkoboh putta ka ish lisholi tok oke.

15. Chishno ak osh tvi ish mitvffih ma, kvlih, oka yvulli aiena kut kobcha tok oke; chishno ak osh okhina yvullih billia yatakma ish shileli tok oke.

16. Nittak vt chimmi hoke, ninak ak oh kia chimmi hak inli hoke; chishno ak osh tohwikelichi, hvshi aiena ka ish vtabli tok oke.

17. Chishno ak osh yakni ai vlhi moma ka vpesvt ish bvchobli tok; tuffa, hvshatula aiena ka ish ikbi tok oke.

18. Ilvppa ish ithaiyanashke; Chihowa ma, tvnvp vt ik vhoalat, oklah im anukfilah iksho vt chi hohchifo ha shittilema hoke.

19. Chi pvchushoba im ilhfiopak a nampo a issikopa ya chik emo kashke; chim ilbussha vvhelah im ilhfiopak a im vhaksit chik billio kashke.

20. Yakni aiokhlileka putta kut nan ilbusshali aiasha

bano hosh vlotoa hoka, nan ish ittim vpesa tok vt ish pisashke.

21. Ilbussha yvt nan a kvniöhma he ik ithanot ik fulamo kashke; nan i pvlummi micha nan ik im iksho vt chi hohchifo ha hulittoblichashke.

22. Ish wukayashke, Chitokaka ma, ish il apeshpoashke; im anukfilah iksho vt nittak moma ka ik chi vhubalo ka, ish ithaiyanashke.

23. Chi tvnampi vhlehah im vnnumpah, wukayvt chi snali vhleha hvv shukapa kvv vba mahayah billia ka ik chim vvakso kashke.

ATŪLOA 75.

“Isht ish kanchin náh,” achi, tvloa pehlichī vt isht a tvloa chī hō, hulittoblichit atvloa Asaf vt ikbi tok.

YAKOKE e chim aiyahnishke, Chitokaka ma, chi hohchifo hvv pī bilinchi ka yakoke il aiyahnishke; nanah a fehna ish yvmihichi tuk a oklah vnoli hoke.

2. “Nittak vlpisa ya isbe likmvt, vno vt ai ittillawwi im vpesa likma,

3. “Yakni micha hvttak momah aiyasha kvv bilashke; i tonnīk putta ka vno ak osh vpissulechit hiobliche li tok oke. [Yukopa.

4. “Ilawvta vhleha ha, Hvsh ilawvtn náh, im achi lih mvt, hvttak ik vlpeso vhleha ha, Hvchi lpish a hvsh chahvchin náh,

5. “Hvchi lpish a chahvchih fehvvt hvchik chahacho kashkeh, micha ikunla kullochit nukwaya iksho hosh hvchik vnumpolo kashkeh, im achi lishkeh,” ish achishke.

6. Chaha kvv hvshakohchaka, micha hvshaiokvtula, micha yakni hayaka yak o a mintih keyu hoka.

7. Chitokaka yak osh nan im vpesa yoka: achvffa ka akkalosechikmvt, achvffa kvno chahvchi boke.

8. Isht ishko vt, Chihowa ibbak a foiyukka hō, oka pakki vt vvhvllih ma, nan ittaiyumah fehna hoka: yohmi ka ilvppak o a tusholi na, hvttak ik vlpeso yakni paknaka aiyasha moma kvv ishkot a tablit lakchi banochih pulla hi oke.

9. Amba vno vto vnoholi li billiashke; Chekob i Chitokaka ya nan ulachit ayokpuche lashke.

10. Micha hvttak baksi vblebah lvpish moma ka chanlit kvtulhi la hi oke; ai vhpiesa lvpish putta kvto चाहत wukaya hi oke.

A T U L O A 76.

Tvloa pehlichit vt vblepah isht a tvloa chi ho, hulittoblichit atvloa Asaf vt ikbi tok.

CHUTAH ya Chitokaka yut ai ottuni hoke, Israel a hohchifo hvttak a chito hoke.

2. Mikma Salem ak o vltipo vt i bikkiakma, i chukka yut Saion ak o tvllaya hoke.

3. Yummak o iti tvnampo im uskinuki puttah pulhki kvtt mvltha chohmi, telihpa, micha bvshpo fulaya, micha ai ittibi aiena ka a kubullichit kanchi tuk oke. [Yukopa.

4. Shohmvlalit chi hvlttopa kvtt na webpoa; vnihi chaha puttah chiyuhmih kia, ish i shaiyabliashke.

5. Chukvsh kvllo vbleha hvtt webpovshke; ilap hvtt nusishke; hvttak chilita vblehah moma kvtt ilap ibbak nan isht ai ahlichit ik vhayochoshke.

6. Chekob i Chitokaka ma, ish im alvmih ma, tvnup itichvnaha micha issubah itvtuklo kvtt nusit kvniushke.

7. Chishno ak osh i nukshopa he vhpesa chia hoke; yohmi hoka chi nokua hayokma, kvta hosh chi tikba hikkia hinlah choh?

8, 9. Uba ya nanah et ai vpesut ish haklochechi tok oke; Chitokaka yut chukvsh akkalosi yakni paknaka aiyasha moma ka okchalinya chi hosh nan im apesut wukayah ma, yakni vt nukshopa cha chullosa tok oke.

[Yukopa.

10. Hvttak ishit nukhubela yut chi holittoblichit he bano hoka: nukhubela out atampa hokvno isht ish il vskuffvchi hoke.

11. Hvchi Chitokaka Chihowa ha vnnumpah hvsh il im onucchikvtt, hvsh im atobbashke; yumma vfullublitt aiyasha moma kvtt i kummuta he vhpesa ya na hvlbina isht im ohonashke.

12. Huchitoka vblehah im anukfilah chaha ya tvptulit kancha hiola hoke; miko yakni aiyasha putta kut i nukshopa he vhpiesa yoke.

A T U L O A 77.

Tvloa pehlichy vt Chetuhlyn chohmit a tvloa chy ho, atvloa Asaf vt ikbi tok.

CHITOKAKA ya im vnumpulit i tahpula la chy hoke; Chitokaka ya im vnumpule likma, a huponakla chy hoke.

2. A pullummih nittak a nan i Shahli ya hoyo le tuk; ninak a subbak vt vshvttapah kia, ik tikahbo ke tuk; vmish shilombish vt hupohla he keyu ke tuk oke.

3. Chitokaka ya ithaiyana likmut, ak hicho ka he keyu hoke; anukfihilli likmut, vmish shilombish vt okhlilit knivshke. [Yukopa.

4. Sv nishkin a okchalit ish ieshishke; vm anukfila hvv fitehkvchi kak o, vnumpule la he keyushke.

5. Nittak tikba afvmmih hupaki aiena ka anukfihilli lishke.

6. Okhlilikma a tvloa lih beka tok vt ithaiyana lashke, sv chukvsh a ittim vnumpule lashke; vmish shilombish vt na silhbi hoka.

7. Nan i Shahli yvt kanchi na billia chih choh? micha himakma i kana chih keyuh choh?

8. Im isht i hullo yvt issvt abillia chih choh? nanah achi tuk vt ont i taha na billia chih choh?

9. Chitokaka yvt i kana kut im vhaksi tuk oh choh? keyukmut nukhubela hosh isht i nukhaklo ya i kvvblib choh? [Yukopa.

10. Mihma, "Na svbussha yokuto Chaha i Shahli im ishtimpakimma yvt inlvv a tuba kak oke," achi le tuk oke.

11. Chihowa hvv na yvmihichi tok a vnoholi la chy hoke; nittak hupakih ma na fehna ish yvmihichi tok a ithaiyana la chy hokvt.

12. Michu nan ish a toksvli moma ka anukfilli likmut, nan ish a yvmihichi ya isht vm anukfihilla chy hoke.

13. Chitokaka ma, nanah ish a kvniohmi yvt hulittopa hoke; chitokaka nantah mak osh chito kut Chitokaka ya chiyuhmih choh?

14. Chishno ak osh na fehna yvmihichi Chitokaka chia hoke; oklushi puttah im ai ittitala yo chimi lhampko ha ish ottvninchi tok oke.

15. Chekob micha Chosef ushi vhleha, yummvt chim okla ha, chish shakba isht ish hlvkuffichi tok oke. [Yukopa.

16. Oka yvt chi pesa tok, Chitokaka mah, oka yvt chi pesa tok oke; wunnihichi tok, ahufobi putta kak kia fayokahachi tok oke.

17. Hushontih putta kut oka et fuhobli tok, shutik vt ulachi tok; chim uskinvki putta kak kia mih aiyuka kut pit hihili hak inli tok oke.

18. Chi hilobah ola kut vpanukfilah chito ya ibafoiyukka tok; hvsshukmulli hvvt yakni paknaka ya tohwikelihichi tok; yakni vt fayokahachi cha, wunnihichi tok oke.

19. Chim ataya yvt okhuta ha ayah ma, chi hina putta kut oka chito ya aya tok oke; atuk o ish a nohova yvt hayaka tok keyu hoke.

20. Moses micha Elon ittvtuklo ka tohnot chim okla ha chukfulpoa chomihchit ish pehliechi tok oke.

A T U L O A 78.

Nan ithvnanchi atvloa Asaf vt ikbi tok.

UM oklah ma, a nan vlpisa ya hvsh haklashke, sutih hvv nan ahachi ka hvchi haksubish a hvsh i wielashke.

2. Svtih ha wukvmmitt nan isht vlpisa vnumpule lashke; vnumpah luma nittak tikba isht awihichi ya vnumpoholi lashke.

3. Nana ka pi tikba vhleha hvv pim vnoholi na, e haklo cha il ithanah chatuk vt

4. Im vlla vhleha ha il i luhma he keyuh, amba Chihowa hulittoblichit isht vnumpoholi, micha imi lhampko, micha na fehna yvmihichi tok a isht ai unehululi himmak mihinta chi ka il im vnohola chi hoke.

5. Yohmi ka piki vheha hut im vlla vhehah yvma putta ka tm abucha hi o im apesa hosh, Chokob ak o nan isht vltukkoa ya a hilechih mut, Israel ak o nan vhpisa im ikbi tok.

6. Yvmohmi ho isht ai unchululi mibinti kvv ithana tuk o, vlla im asha vheha hut wvkaya cha, vnonti ilap im vlla vheha ha im vnola he,

7. Micha Chitokaka yak o anukchieto cha, Chitokaka na yvmihichi tok a ik im vhaksó hosh, im vnnumpah vhpisa putta ka hulittoblit iesha he,

8. Micha iki vheha hut isht ai unchululi ilappulla, micha ila filvmit i svnali, isht ai unchululi chukvsh vpissvlechi keyu, micha imish shilombish vt Chitokaka im ai ahli vttok keyu ka ik chiyuhmo ka he ak vttok oke.

9. Eflaim im vlla vheha hut iti tunampo im vltaiyaha hayokak osh, ittibih nittakma vlamvt yihlepa tok oke.

10. Chitokaka nan ittim vpesa ya ik hulittoblo kish, i nan vhpisa ya a nohowa he keyuh mut,

11. Amba na yvmihichi tok, micha nanah inlah fehna pisahachi tok aiena ka im vhaksi kak vttok oke.

12. I tikba vhehah itikba ya, Echip yakni, Soan vbillika foka ya na fehna ho yvmihichi tuk vttok oke.

13. Okhuta ha ittifilvmechi cha hlupullichich tok, micha oka ya itvnahahchi chomihchit hilechi tok oke.

14. Mikmut nittak okma hushonti ha ahatta hosh, micha ninak moma ka luak tohwikelika ahatta hosh, pehlichit isht ayah beka tok oke.

15. Yakni hayaka ya tuli huchito ya mitahafi hosh, ahufobi ya chomihchit okla ha lawachit ai ishkochechi tok oke.

16. Mihmut oka yvnhalli ya tuli chito a kohchih mut, okhina chomihchi hosh oka ya yvvullichich tok oke.

17. Yohmib kia yakni shila ya Chaha i Shahli ya i filvmit im asvnalit, oklah im vsshahachi kvv immoma tok oke.

18. Mihmut ilap chukvsh nan ahni ho ilhpak ilai asilbhvchi hosh, imi chukvsh anukaka Chitokaka ya isht imomaka pisa tok.

19. Mihmut Chitokaka ya i sivalit vumpulit, "Chitokaka yvt yakni hayaka ya nan vpa vtahlit aiimpa a hilecha hinlah choh?

20. "Yakeb, tuli chito ya isso na oka yvt et mitafah ma, okhina putta kut chubohvchit aya tok: im okla ha puska ma ima hinlah choh? mikmut nipi im vtabla hinlah choh?" achi tok oke.

21. Yvmohmi hatuk o Chihowa hut hakloh mut, im okpilot atupa tok; mihma Chekob a luak vt o libbih ma, anukhubela yvt Israeal ak kia onuttula tok.

22. Chitokaka ya ik i yimmoh mut, im aiokchaya ya ik anukchieto kak vttok.

23. Yohmi kut vba shutik a im apesa cha, vba okhisa ya tiwwih mut,

24. Upa chi ka manna ya et on umbvchi hosh, vba tanchi yo okla ha et ima tuk okak vttok oke.

25. Achvffaiyuka kut huchitoka i puska yo vpa tok; ilhpak i pilt kaiyvchi tok oke.

26. Hvshakucchaka mahli ha vba tvkalichih mut, nan isht im ai ahli yo oka mahli ha isht aya hosh,

27. Lukfi pushi chohmi ho nipi, micha okhvta shinuk aiyasha kak o chohmi ho hushi svnahchi a sha aiena ka et on umbvchih mut,

28. I binah anukaka, aiasha vpakfoiyupa ka et o fuhobli tok.

29. Mihma impvt kaiyah fehna tok: yvmohmi ho nan ahni tuk a isht im vla tok.

30. Nanah a bvna tuk vt ik i filvmmo hosh, im ilhpak vt itih ha fokkah immoma ho,

31. Chitokaka im anukhubela yvt onuttola cha, nia vhleha ha vbih mut, Israeal hvttak himithoa ya akkakohli tok.

32. Ilvppa moma kut yvmohmi hokak o, nan vsshvchi kut immoma tok, micha nanah fehna a yvmihichih kia, ik yimmo ki tok.

33. Yvmohmi hatuk o i nittak putta ka nan isht ik achukmo ho, micha im avvmmi ha nanah a kummunta ho isht aiokpvvinchit tahli tok.

34. Issot kanchi hokmvno, fulama cha, achunnanchit Chitokaka ya hohoyokmut,

35. Chitokaka yvt i tvi chito yokmut, vnonti Chitokaka Chaha i Shahli ak osh okchalnchi yatuk a ithaiyanah beka tok.

36. Yohmih kia itih hak o isht im ilahobbi cha, isunlvsh ak o isht i hulahabih beka tok.

37. Micha chukvsh vt isht im vpissalih keyu ki tok, micha nan ittim vhpisa ya im ai ahlih keyu ki tok oke.

38. Yohmih kia yummvt nan i nukhaklo yatuk osh, nan vshvchi ya i kvshuffikmut, okpunit vmmomihchih keyu hosh, isht i nukkilli ya fulvmnichit eshah fehna cha, i nukhubela ya mominchit wvkayvchih keyuh beka tok oke.

39. Yohmi kvv yummvt haknvp atuk a ithaiyanah mut, fiopa hatuk osh iakmut fulama he keyu yatuk a ithaiyana kak vtok.

40. Yakni hayaka ya himonah in asunalikmut, chukushmi foka ya a nukoahachi tok acha!

41. Yohmi kvv vnonti Chitokaka ya imomaka pisakmut, Islael i Hulittopa ya kvlakshichit nukoahachih beka tok oke.

42, 43. Ibbak a ik ithaiyanot, i sunali ya ai i hlvkuffichi kvv, i nan isht vtukkoa putta ka Echip a, micha Soan vbillika ka i na fehna ya a hayakahachi tok nittak a ik ithaiyano ki tok.

44. Yakomi kak vtok. Im okhina putta ka, micha im oka yvnulli puttah aiena ka issish ikbi na, kvna hosh ishka he keyu ki tok.

45. Wvhlana holba ya o pela na, okla ha vpa tok; shukvti ma o pela na, okla ha aiokpvuynchi tok

46. Micha nan i waya ya shukiuli yo im issah mut, atoksvli yatuk a hawa im issa tok.

47. I pakkvpi ya hvtaffo yo isht im abi cha, i bihi vpi putta ka okti yo isht im vbi tok.

48. I wak putta ka hvtaffo yo im issa cha, i nan vhpva ya mvlvtha yo im issa tok.

49. Na nukoa nuklibbi ka, na nukhubela, micha nan ik

ahnecho nukoa, micha nukhaklot kummunta aiena kut, nan ik achukmo shali yō et onghocchi tok oke.

50. Ilap nukoa ya hina im vtahli cha, yumma imish shilombish a nan illi ik im esho hosh, im ilhfopak a ililli im issah mut,

51. Echip a ai vttahpi tok moyumah, imi lhampko tuba vummona Ham im vlhtipo puttah aiyasha ka issot kanchi tok oke.

52. Mihmut ilap im okla ha chukfulpoa chomihchit kohchih mut, nan vlhpoa chipinta chomihchit yakni hayaka pehlichit isht aya tok.

53. Michā ahlukuffi achukma ho pehlichit aya hatuk o ik nukshopo ki tok; amba i tunup vhleha hokvno okhuta hut ompohomo tok.

54. Atuk osh i yakni hulittopa, ilap ibbak ishtimpakimma isht ishi tok nvnih hak o isht vla tok.

55. Mihmut oklushi putta ka itikba tihlelit kohchih mut, immi ha chih mak o yakui ya ittvkshkulit im issa cha, Israel afehlichī putta ka im vlhtipo puttah ai vshachi tok.

56. Yohmi tuk kia Chitokaka Chaha i Shahli ya imomaka pisut ichapah mut, nan isht im ai vlhtukkoa putta ka ik hulittoblo ki tok.

57. Yohmi kut iki vhleha hak o chohmit i filvmmi cha, haksichit aiyasha kut, iti tvnampo ik ahlo ak o chiyuhmit oklah shvnayoa tok.

58. Yohmi kut im achahaka ai ayokpvchi puttah ishit nukovchih mut, i na holbut tuba putta kak o ishit nuktvhlali tok.

59. Chitokaka yut hakloh mut, im okpuloh atapa cha, Israel a shittilemah fiehna tok.

60. Michā ilap ai vta Shailoh, hvttak im ai ittītakla ilap im vlhtipo a hilechi tok vt issvt kanchi tok.

61. Michā imi lhampko ai ottvni ya yuka ya chi ho im issa cha, im ahulittopa ya i tvnampi ibbak fohki tok.

62. Michā im okla ha bvshpo fulaya im issah mut, nan immi hatuk a i nukhubelvt atvpa tok.

63. Hvttak i himithoa ya luak osh tablih ma, ohoyoh i himithoa ya ittihalvlli isht ik tvlowo ki tok.

64. I na huletumpa isht asha yvt bvshpo fvlaya isht akkakah ma, im ohoyoh vhtakla vhleha hvttak ya he keyu ki tok.

65. Yvmohmih ma nan i Shahli vt nusi yatuk o chohmit, hvttak kvllo yosh oka pakki ishko tuk osh yukvtv tahpa-hala kak o chohmit okchah mvtt,

66. I tvnvp vhleha ha issot fulvmmechi cha, ahufahya billia onucchi tok.

67. Mihmvtt Chosef i chukkachvffa ya kanchih mvtt, Ef-laim apelhichi ya ik vtokolo ki tok.

68. Amba Chvttah apelhichi ak o, Saion nvnih i hvttvppa tuk ak osh vtokuli tok.

69. Mihmvtt vba achahaka chomihchit, yakmi vt tvlayvt billia he im apesa tok a chomihchit, im ai ghavttah hvttvppa ya ikbi tok oke.

70. Mihmvtt i tishu ha chv h o Lewi ya vtokoli cha, chuk-fulhpva aiasha a kohchit ishi tok.

71. Chukfulhpvoshi pishichi iakkayvt hikikiya tuk o, im oklah Chekob, micha immi Islael a vpesvcha chv h o, kvchit isht vva tok.

72. Atuk o chukvsh vpvssalih achukma hosh vpesvchi tok oke; micha ibbak nan im pvnpna hosh pvhlichih beka tok oke.

A T U L O A 79.

Atvlla Asaf vt ikbi tok.

CHITOKAKA ma, oklushi pvttah kvtt chv yakni ya iba-chukkovshke; chv tempel hvttvppa ya litchlishke; Chelusalem a aiokpvvinchit chifchkuchishke.

2. Chv tishv illi vvhlah haknvp a vba hvshi pvttah, micha chv hvttvppa vvhlah nvp ya nampva yakni aiyasha ya im ilhpak a chv mak o ima tuk oke.

3. Chelusalem vpvkfoiyvpa kv oka chomihchit im issish a hvttvbliv ma, kvna hvtt hvpva hv vt iksho ke tuk oke.

4. Oklah pv bilika aiyasha kvtt ik vvhvblo, micha pv

vfullublit aiyasha kut shittilemut i yukpa yo e tuba tuk oke.

5. Hupakih kutiohmih fokkah mak o, Chihowa ma, chi nokuah billia hosh, chi nukhubela kut luak chohmit lua chih choh?

6. Oklushi puttah ik chithano ak o, micha apeblichika puttah chi hohchifo ha i tahpula keyu ak o isht chi anukhubela ya ish o fuhoblashke.

7. Chekob im okla ha okpunit tahli cha, ai ghatta ya oklah chukkillissvchi tuk oka.

8. Pi tikba vhlelah nan vsshahachi ya ithaiyanvt chik pi vnalo kashke; tushput nan isht ish i nukhaklo vt pi vfamashke; ik pi hlampkoh fehna hoka.

9. Chitokaka il ai okchaya ma, chi hohchifo hulittopa pulla hatuk mak o, ish pi vpevchashke; mikmut chi hohchifo hatuk pullah mak o ish pi kohchi cha, il aivsshvchika putta ka ish pi kvshuffashke.

10. Nantihmi ho oklushi putta kut, "I Chitokaka mvto?" acha hinlah choh? chi tishuh vhlelah im issish hletapa tuk a e pisa ho aiukha tuk a, oklushi puttah im ai ittitacla ya oklah ithanashke.

11. Hvttak yuka kifhaha kut chi tikba onashke; chish shakba hlampko chintoh pulla hatuk mak o, illa he im vlpisa vbleha ha ish okchalinchashke.

12. Michā oklah pi bilika aiyasha kut nan ik vhobalo isht ik chi vhobalo tuk a, mihinlohmi untuklo ho ilap ikkishi ha ish i fulvmminchashke, nan i Shahlih ma.

13. Yohmikma chim oklah, micha vhpōa chipinta ish vpesvchih chatuk pia hvtt yakoke e chim aiyahni na billia chi hoke; isht ai unchululi mahaya ka a chi holittopa ya il im vnohola chi hoke.

ATULO A 80.

Tvloa pehlichī vt "lili puttah" isht a tvloa chi ho, ai vtukkoa atvloa yo Asaf vt ikbi tok.

ISLAEL vpesvchi, Chosēf a vhpōa chipinta chomihchit pehlichit isht aya chia hvtt et ish hvponaklashke; chelubim paknaka binnili chia hvtt et ish tombashke.

2. Chimi lhampko ish okchali cha, Effaim, Benchamin micha Manasseh aiena ka itikba iut ish pi okchalinchashke.

3. Chitokaka ma, ish pi falummechi cha, chi nusshuka ish pi o tohwikelechi na, pi okchayashke.

4. Chitokaka Chihowa, nan uha i Chitokaka ma, kutiohmih fokka ho chim oklah im vnnumpah ilbussha ya chi anukhubela yut o shuboholli kut immoma chih choh?

5. Puska yo chomihchit nishkin okchi ish vpachih mut, nishkin okchi lawa ho ish ishkochechishke.

6. Oklah pi bilika aiyasha kut isht ittuchowa he ish pikbikma, pi tunep vhleha hut pi kalukshichit itti yukpa hoke.

7. Chitokaka, nan uha i Chitokaka ma, ish pi falummechi cha, chi nusshuka ya ish pi o tohwikelechi na, pi okchayashke.

8. Echip a pakkupi a lubbit isht ish aya tuk osh oklushi putta ka tiblelit ish kohchi cha, ish hokchi tok oke.

9. Itikba ya ish i shahbichih ma, akshish tubah fehna cha, yakni ya vlota tok oke.

10. Nunih chaha putta kut hushontika isht ompoholmoh ma, i naksish filamoli yut Chitokaka i chuahla putta ka chohmi tok.

11. I naksish filamoli putta ka pit uffochit okhuta ha isht onah mut, vpatvt uffa putta ka Okhina Chito a isht ona tok oke.

12. Nantihmi ho i hulihta ya ish kinvffi tuk o, hina ya ai ittnowa moma kut vmoh choh?

13. Shukha nakni iti foka aiyasha kut okpuni hoke; mikma yakni hayaka nampoa aiyasha kut ai impa hoke.

14. Chitokaka, nan uha i Chitokaka ma, awet ish fille-mashke; vba et a hopokoyot ish pisah pulla cha, pakkupi ilvppa ish im ayashke.

15. Michana nana ho chibbak ishtimpakimma yut hokche tuk, micha ushi ish ili hufantiche tuk aiena ka ish vtonashke.

16. Luak o ishit luvshke, tuptvt tahvshke; chi nusshuka yut ik ayokpachot im olubikma, oklah aiokpuloka hoke.

17. Chim ishtimpakimma yvt ikbe tuk, hvttak ushi ish ili hufantiche tuk ak o chibbak vt ompohomashke.

18. Yohmikmvno chi fillummit e fulama he keyuh; ish pi okchalinchikma, chi hohchifo hak o il i pahayashke.

19. Chitokaka Chihowa, nan uha i Chitokaka ma, ish pi falvmmichashke; chi nvsshuka ya ish tohwikelechi na, pi okchayashke.

A T U L O A 81.

Tuloa pehlich i vt Kittilh a tuloa chi ho, Asaf vt ikbi tok.

PIM isht hlampko Chitokaka ya chitolit hvsh i tvloashke; Chekob i Chitokaka ya na yokvt hvsh i shvkapashke.

2. Tuloa ha vba tvkalichit, vhlepa ha hvsh ulachashke; hap olah achukma ya ishit tvllakchi asha ibafohkit hvsh ulachashke.

3. Hvshi tvlalih vmona, hvshi bulukta aiena, pim impah hvlittopa nittakma ishit pufa hvsh ulachashke.

4. Islael ak o i nan vhpisa, Chekob i Chitokaka yak osh nan vpesa yoka.

5. Echip yakni moma ka hlupullit ayah mvt, Chosef a isht ai vtukkoa mak o im vpesa tok oke. Unnumpa ha ak ithano hosh haklo lih achinishke.

6. Yohmi ka, "Tahchi ya na weki ai i filvmmiche li tuk o, ibbak vt kishi ha i filvmmi tok oke.

7. "Na chi pulvmmi hosh ish pahayah ma, chi kohchi li tok; hilolah ai vlomaka ya et a chim vnumpoholi li tok; Melibah oka ya imomaka a chi pihisa li tok oke. [Yukopa.

8. "Um oklah ma, ish haklo na, vtukkolit chi vnoli lashke; Islael ma, is sa hvponaklo hokbano!

9. "Chim ai ittitacla ya chitokaka inla yvt iksho kashke, mikma oklah inla i chitokaka ya hvchik ayokpacho kashke.

10. "Uno ak osh Echip yakni ya ai ishit hvchi kohchi tok chi Chitokaka Chihowa sia hoke; hvch itvka ya vwa-tvchit hvsh wukvmmikma vlotoholi lashke; achi le tuk kia,

11. "Um okla hv vt vnumpa ha hvponakla he keyu ki tok, mihmvt Islael vt vhpesah ik svv ahno ki tok oke.

12. "Mihma ilap aiyahni hosh mahaya chi ho, ilap chvkvsh kvlo ya im issvt tihleli li tok oke.

13. "Um okla hut a huponaklo hokbano! Israe! vt um ataya putta ka ai ittunowa hokbano!

14. "Yohmi hokmvo chekosih mak inli ho i tunup vheha ha im vkahehunnoliche la he tuk, micha i tunampi vheha ha subbak a fulvmmichit onucchi la he tuk oke.

15. "Chihowa i nukkilli vheha hut im vkahehunnolashke; yohmikmt i nittak vt abillia hi oke.

16. "Onush nia i shahli ak o ipetah chatuk a chohmit, foi bila tuli chito ya ai ishit kohchi ka chiyuhmi hosh ishit chi fehubli la he tuk oke," achishke.

A T U L O A 82.

Atvloa Asaf vt ikbi tok.

HUCHITOKA ittitacla ya nan ai vpehisa ohi hosh, Chitokaka im ai ittunaha ya Chitokaka yvt hikkia hoke.

2. Hupakih kutiohmih fohka ho nan ik vhpeso ho hush vpesakmt, hvttak haksi vheha ha hulittobli kut inla hush i shvlihcha chi choh? [Yukopa.

3. Ik hulittopo micha vltakla ya na hush im vpesashke; nan i pulvmmi, micha nan ik im iksho ya ai vhpiesa ho hush im vpesashke.

4. Ik hulittopo micha nan ik im iksho ya hush hvkuffi-chashke; hvttak haksi vhehah ibbak a hush a kohchashke.

5. Nana ka ik ithanoh mt, vkostininchih bunnah keyu kak osh aiokhlileka ai ittunowa ho, yakni i tula moma kut winakahachi hoke.

6. Uno vt, "Ishtokaka hvchiah, micha hush moma kut Chaha i Shahli ya ushi vhehah hvchia hoke," ahachi li tok oke.

7. Yohmi hak inlih kia hvttak putta ka chohmit hvch illih pulla chi hoke, mikmt huchitoka ai achuffa yak o chohmit hvchi akkuma chi hoke.

8. Chitokaka ma, wukayvt yakni ya nan ish im vpesashke; chishno ak osh oklushi moma ka ish esha hi atuk okvt.

ATŪLOA 83.

Hulittoblichit atvloa Asaf vt ikbi tok.

CHITOKAKA ma, nan ik acho vt ik chim iksho kashke ;
kinnet iksho hosh lummut chik binilo kashke, Chito-
kaka ma.

2. Yakeh, chī tvnvp vhleha hv̄t shvkapah ma, chī nuk-
killi vhleha hv̄t nushkobo hā vba w̄keli hoka.

3. Ish luhmi vhleha hā ī svnalit isht ittim vnumpula chī
hosh, chim okla hā im asvnalit ī kostinit isht ittufama hoke.

4. "Intah! oklushi hieli tuk a isht e kanchi na, kuna
hosh Isael hohchifo hā himakma ik ithano kashke," oklah
achishke.

5. Chukvsh ittibaiachuffot isht ittim vnumpuli hoka :
chim asvnalit oklah nan ittim vpesa kv̄t,

6. Etom micha Ishmael oklah im vlhtipo puttah, Moab
micha Hakalin oklah,

7. Chebul micha Ammon, micha Amalek, Filistia, Taia
oklah aiyasha ai ittupelah aiena kak oke.

8. Assilia mut oklah ibafohka kv̄t, Lat ushi vhleha hā
shakba ī tuba tuk oke. [Yukopa.

9. Mitian, Sisela, Chebin aiena ka Kaishon okfa hā ish a
yvmihchi tok vt ish chomihchashke.

10. Ento ya ai ishit kanchi tok, yakni niachi tuba tok.

11. I hulittopa vhleha hā Oleb micha Seeb ittvtuklo ka
ish chomihchashke ; mikmut vhamvt im vlhtoka moma ka
Seba micha Salmvna ittvtuklo ka ish chomihchashke.

12. Yvmut, "Chitokaka yvt ai vta putta ka pimmi ha
chī hosh il eshashke," achishke.

13. A Chitokaka ma, vpanukfilah chomihchit, na hakhlu-
pish osh mahlih itikba aya kak o ish chomihchashke.

14. Luak osh iti foka hukmit kanchih chatuk, mikmut
luak libbi hosh nv̄nih chaha ai o libbih chatuk a chohmit,

15. Yvmohmi hosh chī mahlih kullo isht ish hliohlikmut,
chim vpeli isht ish kumuntvchashke.

16. Nv̄sshuka ya hufahya ish vlotoli na, chi hohchifo hā
oklah hoyashke, Chihowa ma.

17. Hufahya cha kummuntut billiashke, micha nanah ai ahni tuk vt ik im ahlo kish aiokpulokashke.

18. Mikma chishno chi hohchifo hut Chihowa, chishno ak illa hosh chi chaha kut yakni momah i Shahli chia hatuk a oklah ithanashke.

ATULO A 84.

Tuloa pehlichu vt Kittilil a tuloa chi ho, atuloa Kolah ushi vhleha hut ikbi tok.

ISH ai ahatta putta kut hulittopah achukmah fehvshke, nan uha i Chitokaka Chihowa ma.

2. Chihowa i wanuta putta ka vmish shilombish vt i pullatakmut, im ielli hak inli hoke; su chukush micha su haknip aienah mut Chitokaka okchaya ya pit i tahpahlvshke.

3. Husi chipinta yvt chukka vhayuchikma, chupilhak vt ushi a cheli im vlpicchik a ilai vhayuchih chatuk a chohmi la chi kut, chim alta putta ka pit hoyot chi tahpahala lishke, nan uha i Chitokaka Chihowa, a Miko micha a Chitokaka ma.

4. Chi chukka aiyasha yvt na yokpa hoke; chi holitto-blichib immomashke. [Yukopa.

5. Hvttak kuna hosh chishno ak o chi a hlampko hosh, imi chukush vt Saion ataya vltahah achukma kut anukfoiyukka hokmut, na yokpa hoke.

6. Okfah a yahaya yo hlupullit aya kut, kulih a hiolli ikbi hoke; hvshtulahpi umba yvt nan isht a yokpa ma isht ompohomo hoke.

7. Hlampko kut i shahlit mahaya kut ilap aiyukali hosh Saion a chukkot Chitokaka itikba ont hieli hoke.

8. Chitokaka Chihowa, nan uha i Chitokaka ma, vmvunnpah ilvssha ya ish haklashke; ish hvponaklashke, Chekob i Chitokaka ma. [Yukopa.

9. Pi telihpa Chitokaka ma, ish pesa cha, nan vhamvt chim vltoka nvsshuka ya et ish o hupopoyashke.

10. Nittak achvffa ho chim vboha ahatta kut achukma kut nittak tuhlepah sipokni kia i shahli hoke; a Chitokaka

im vboha okhisa hikkia li kak osh nan ik achukmo aiasha ahatta ka um i shahli hoke.

11. Chitokaka Chihowa hak osh hvshi micha telihpa yoka: isht i kana micha ahulittopa ya Chihowa hut ima hoke; ai vpissalit aya vhleha ha nan achukma im i hululla he keyu hoke.

12. Nan uha i Chitokaka Chihowa ma, chi anukchieta hutak vt na yokpa hoke.

ATULO A 85.

Tvloa pehlichi vt a tvloa chi ho, atvloa Kolah ushi vhleha hut ikbi tok.

CHI yakni ya ish i kanah beka tok, Chihowa ma; Chekob vt yukah ma, ish im aya tok oke.

2. Chim oklah nanah a yushoba ya isht ish i kanchi tok; i nan vsshuchi moyuma ka ish im ompohomo tok oke.

[Yukopa.

3. Chi anukhubela ya mominchit kuvullichit ish eshi tok; chi unukoa nuklibbi ka ish shunayvchih beka tok oke.

4. Il ai okchaya Chitokaka ma, fulamut ish pim ala cha, isht ish pi nukkilli ya ish yukobli hokbano!

5. Ish pim anukhubela na billia chih choh? isht ai unchululi putta ka isht ish i nukkilli ya ish i fullayacha chih choh?

6. Chishno vt fulvminchit ish pi okchali na, chim okla hut ishit chi a yokpa he keyuh choh?

7. Chihowa ma, isht ish i hullo ya ish pi pesvchashke; chim ai okchaya ya ish pimashke.

8. Chitokaka Chihowa hut nana ho vnumpuli ka baklo lashke; i kanah achukma hosh im oklah micha i hulittopa vhleha ha im vnumpula chi hoka: yohmi hoka ik a hupo-yuksoka ya fulamut oklah ik iyo kashke.

9. Im ai okchaya yvt i nukshopa vhleha hak o i bilikasih pulla hoke; yvmohmi hatuk o ahulittopa yvt pi yakni ya ai ittoiyula hoke.

10. Isht i hullo, im aiahlika itvtuklo kvv itvfama kak

okma, isht ai vhpiesa, i kanah achukma ittutuklo kut itti suksoa kak a chishke.

11. Nan ai vhpiesa yut uba ya et a hopokoyo kak o, nan ai ahli vt yakni ya a waya chi hoke.

12. Chihowa hut nan achukma yak kia ima chi hoke; mikma pi yakni vt na waya ima chi hoke.

13. Nan ai vhpiesa yut itikba aya cha, yummvt a nohowa ya ataya pim ikbashke.

ATULO A 86.

Unnumpah ilvssha Lewi vt ikbi tok

CHI haksubish a awet ish wieli cha, is sv haklashke; sulvssshah micha nan ik svm iksho hoka.

2. Chi hulittopa sia hoka, vm ilhfiopak a ish hullullashke; a Chitokaka chia hak osh chi tishuh chi anukchieto ya ish okchalinchashke.

3. Is sa nukhakashke, a Shahlih ma; chishno ak o nittak momah chi pahaya li hoka.

4. Chi tishuh imish shilombish a ish yokpalashke; a Shahli chia hak o vmish shilombish a isht chim ona li hoka.

5. A Shahli chia hut chi pahaya moma ka i kvshuffih achukma, micha i hullo chinto chia hoka.

6. Chihowa ma, vm unnumpah ilvssha ya ish hvponaklo cha, nan asihilha li unnumpa ha ish haiyaklashke.

7. Nanah vm a pullvmmi nittak a chi pahaya la chi hoke; is sv hakloh pulla chi hoka.

8. A Shahlih ma, chitokaka putta ka chishno chohmi kut ikshoshke; micha nan isht ish a yvmihichi chohmi kut ikshoshke.

9. Oklushi momah ish ikbi tok vt chi tikba vlet chi ayokpechashke, a Shahlih ma; micha chi hohchifo ha hullitoblichashke.

10. Chinto cha na fehna yvmihichi chia hosh, chishno ak bano hosh Chitokaka chia hoka.

11. Chihowa ma, chi hina is svm abachi na, nanah chim

ai aḥli ak o a noḥowa lashke; chi hoḥchifo ḥa i nukshopa
chi kḗ sv chukush a ish ittibafohkashke.

12. Sv chukush a mominchi hosh ishit chi ayokpuḥe
lashke, a Shablih, a Chitokaka ma; mikmut chi hoḥchifo
ḥa hulittobliḥichi ḥi billiashke.

13. Isht ish i hullo vt si onuttula kut chintoh ma,
vmish shilombish a illi aiasha nutaka ish a kucchi hatuk
oka.

14. Chitokaka ma, ilefchuvchi vḥleha hut wəkayvt vm
asvnalishke; pullvmmi vḥlehah ittvhoba yvt vm ilbfiopak a
hoyo hoke; yohmi kut ilap itikba ya chi helichih keyu kak
oke.

15. Amba, a Shablih ma, chishno ak okvto Chitokaka
nan i nukhḗklo, micha i kana, i nukhubelah svllaha, micha
nan i hullo, aiahlika ittvtuklo kut a chinto chia hokvt,

16. Ish filema cha is sa kanashke; chimi lhampko ḥa
chi tishuh ish ema cha, chi tishuh ohoyoh ushi ya ish
okchalinchashke.

17. Achukma isht oktuni ya is sv vtahlashke; yoh-
mikma Chihowa chia hak osh si vpevt is sv hopublali ka
a nukkilli vḥleha hut pesa cha hufahyashke.

ATŪLOA 87.

Hulittoblichit atvloa Kolah ushi vḥleha hut ikbi tok.

INTOLAHPI ikbi tok a nvnih hulittopa putta kak o
tullaya hoke.

2. Chihowa hut Saion huliht okhisa putta ka i hulittopa
kut, Chekob ai vta moma ka i shvliḥichi hoke.

3. Na hulittopah achukma putta kut isht a chi vnnuhupa
hoke, Chitokaka i tmahah chito ma. [Yukopa.

4. Echip micha Babilvn vt svthanah mak o vnolit, "Ya-
keh, Filistia micha Taya, Ehliopia aienah, iloppa acheffai-
yukali kut yvmak o ai vta tok oke," achi la hi oke.

5. Michā Saion ak okvno, "Hvttak vt ittiakayvt yvm-
mak o ai vta tuk oke," acha hi oke; mikma Chaha i
Shahli vt ilap ak osh kullochit hilecha hi oke.

6. Chihowa hut oklah putta k̄a hulissoh fohki kut, "Ilvput yumma ai utta tok oke," achi hosh tvkalicha hi oke.

[Yukopa.

7. Tvlohōwa hosh, nan ulahachih aiena hosh, "A kulih moiuyuma kut chishno ak o a foiyukka hoke," oklah acha hi oke.

ATŪLOA 88.

Hulittoblichit atvloa Kolah ūshi vhleha h̄a im ikbi kut, tvloa pehlichī vt lomvt a tvloa chī hō, nan ithvnanchi yō Eslah ai achuffa hutlak Heman vt ikbi tok.

U M ai okchaya Chitokaka Chihowa ma, nittak, ninak aiena k̄a chi tikba p̄ahaya li hoke.

2. Ūm vnnumpah ilbvssa yvt chi tikba onashke; chī paya li k̄a chi haksubish a awet ish i wielashke.

3. Ūmish shilombish vt nan ik achukmo puttah isht ai vlota hoka, vm ilhfiopak vt illi aiasha onahōsishke.

4. Yakni kula ilhkoli ak o iba holhtiena lishke; hutlak imi lhampko iksho ak inli hō chohmi lishke.

5. Illi vhlelah ittītakla ittoiyula sia kut, nvhlvt illi yosh ahulluppi maya k̄a chohmi lishke; yumma himakma ish ithaiyanah keyuh; yummak osh chibbak a a mukofa hoke.

6. Yakni kula hufobi, aiokhlileka fehna, ahufobika pilla k̄a is sv bohlishke.

7. Chi anukhubela yvt wekit si onuttoiyulvshke, chim oka piakvchi putta k̄a isht is svlvsshalishke. [Yukopa.

8. Ittikbana li vhleha h̄a hupakichit is s̄a filvmmichishke; oklah ai i yuwala yō is sakbi na, vm okshillitta cha kuccha la he keyushke.

9. Svlvsssha kak osh sv nishkin vt iellishke; nittak aiyukali k̄a chī p̄ahaya lishke, Chihowa ma; svbbak a pit isht chim vshvtapa lishke.

10. Illi vhleha h̄a n̄a fehna ish i yvmihcha hinlah choh? keyukmvt shilup vt wukaya cha, chi ayokpvcha hinlah choh? [Yukopa.

11. Ahulluppi ya isht ish i bullo yvt ai vnnōhōakmvt, aiokpuloka ya nan ish ai ahli achukma yvt ai vnnōhōa hinlah choh?

12. Aiokhlileka ya na fehna ish yumihchi ut a hayakakmut, ai im vhaksi yakni ya chim ai vhpiesa yut a hayaka hinlah choh?

13. Yohmi ka vno vto Chitokaka chia hak o chi pahaya lih chatuk oke; mikma onnahnlikma un vnnumpah ilbussha yut chi tikba ohona hoke.

14. Chihowa ma, nantihmi ho vmish shilombish a ish kanchi cha, chi nusshuka ya is sa luhmih choh?

15. Sv hemittah moma kut a pullummit sullahosit isht awehichih chatuk oke; isht ish kumuntuchi ut si onut-toiyula hatuk o, nanah a kvniohmi ak ithanoshke.

16. Isht chi nukhubela yut si o wvlvbli tuk oke; isht ish nukshobli ut aiokpvninchit sv kanchishke.

17. Nittak moma ka oka chohmit si upakfoiyupvshke; himonna achuffalit si afulluplishke.

18. A hullo micha a kana ya hupakichit is sa filvmmichishke; ittikhana li vhleha ha aiokhlileka ya pit ish vshachishke.

A T U L O A 89.

Nan ithvnanchi yo Eslah ai achuffa Ehlan ut ikbi tok.

CHIHOWA im isht i hullo putta ka ishit tolhohwa li billia chi hoke; isht ai unchululi mahaya ka nan ish ai ahli achukma ya sutih ishit hayakvche la chi hoke.

2. "Isht ish i hullo ut vltaha na billia chi hoke; vba shutik okvno nan isht ish ai ahli achukma ya kullochit ish a hillecha chi hoke," ahachi li hokvt.

3. "Utokule li ya nan itum vpesa le-tuk; a tishuh Lewi a vnnumpah kullo im il onucchi le tuk oke.

4. "Chim ishtatiaka ya kullochit biunilechi li billia chi hoke; micha isht ai unchululi mahaya ka chim ai o binili hulittopa ya ikbit hilechi la chi hoke," ish achi tok oke.

[Yukopa.

5. Yohmi hatuk o vba putta kut na chi fehna ya ayokpvchashke, Chihowa ma; nan isht ish ai ahli achukma ma hulittopa vlehah ai itvhoba ya oklah ayokpvchashke.

6. Yohmi ka kuta hosh shutik ahatta kut Chihowa ha

ittulhpisa hinlah choh? Kuta hosh huchitoka ushi vbleha hā ai achuffa yut Chihowa hā hoiyulba hinlah choh?

7. Chitokaka ilvppak o hulittopa vbleha hut ittvfamut chieya im ai ittītakla kā oklah ai i kumuntah fehna he ulhpesa, micha vpakfopvt aiyasha moma kā ai i nukshopa yut onuttula he ulhpesa yoke.

8. Nan uha i Chitokaka Chihowa ma, kuta hosh Chihowa pvllummi chia hā chohmih choh? yohmi kā nan isht ish ai ahli achukma yut chi vpakfoiyupa hoke.

9. Okhuta hut bunvtbaya kā ish im apesa yoke; bunvtha putta kut vba mahayah kia, chishno ak osh ish yukoblichy yoke.

10. Chishno ak osh Echip a nvhlvt illi ak o chomihchit litolit ish kanchi tok; chish shakba kullo ak o chi tvnvp vbleha hā isht ish ittvfemimplih chatuk oke.

11. Uba yut chimmi hoke, yakni mut chimmi hak inli hoke; yakni, nan isht vluttoa aiena kā chishno ak osh ikbit ish tvlali tok oke.

12. Fulvmnih, oka mahli ittvtyklo kā ish ikbi tok oke; Tebo, Humvn ittvtyklo kut chi hohchifo hā isht a yokpa hoke.

13. Shakba hlampkoh ilaieshi kut chinmi hoke; chibbak vt kullo hoke, chim ishtimpakimma yut chaha hoke.

14. Ai ulhpiesa vpesa yut chim ai o binili hulittopa a hikkia yoke; isht i hullo micha aiahlika yut chi tikba mahaya hoke.

15. Ishit nā yokpa vnnumpah ithana okla hut yokpa hoke; chi nvsshuka atohwikelika yak o ai ittvnowa hoke, Chihowa ma.

16. Chi hohchifo hak o nittak moma kā nan isht yokpa hoke, micha isht chim ai ulhpiesa yak o isht a chaha hoke.

17. Chishno ak osh im isht hlampko ayukli chia hokā: yohmi kut ish pi kana kak osh pi lupish a ish chahvchi hoke.

18. Pi telihpa yut Chihowa hak o immi hokmā, pi miko vt Israel i Hulittopa yak o immi hokā.

19. Yohmi kā chi hulittopa ya nan isht vhoba yo isht ish

im vnumpulih mut, "Huttak kullo ya nan isht vpevchi o bohli le tuk; okla ha ai achuffa yo ai vtokulit chahvche li tuk oke.

20. "A tishub Lewi ya vhayuche li tuk; a bila hulittopa isht chummiche li tuk oke.

21. "Yummak oka subbak vt kullo hosh ibafoiyukka chi hoke; svsh shakba mut hlampkocha chi hoke.

22. "Tuvvp vt haksichit im aiyvcha he keyuh, mikma nan ik vhpeso yumihchi huttak vt ilvssbala he keyuh.

23. "Mikma itikba ya i tvnampi vhleha ha a litolit kan-chi likmut, i nukkilli vhleha ha issot kanchi la chi hoke.

24. "Micha nan isht ai ahli li, nan isht i hullo li ittvtuklo kv ibafoiyukkakma, sv hohchifoh pulla hatuk mak o lupish vt chaha hi oke.

25. "Mikma ibbak a okhuta ha onucchi likmut, im ishtimpakimma ya okhina putta ka onucchi la hi oke.

26. "Yummvt a tahpvlvt, 'Aki, a Chitokaka, vm ai okchaya tvli chito aiena chia hoke,' achikma,

27. "Uno yak kia ushi vttahpi chomihchit, chaha kvt yakni i miko putta ka i shahli ho ikbi la chi hoke.

28. "Um isht i hullo ya im ieshi li billia chi hoke, micha nan ittim apesa li vt im ai ahlit hulittopa chi hoke.

29. "Mikma im ishtatiaka ya kvlochit hillechi li billiak-mut, im ai o binili hulittopa ya vba nittak ak o chomiehchi la chi hoke.

30. "Ushi vhleha hvv a nan vhpisa ya issa cha, nan ai vpehisa li ya ai ittvnova he keyu hokma,

31. "A nan vhpisa putta ka kubvffi cha, vm vnnumpah vhpisa putta ka hulittobla he keyu hokma,

32. "Yohmi hokmvno nan vhpisa kubvffi ka fuli ieshi hosh im aya likmut, vshvchi ka na fuma ho isht im aya la hi oke.

33. "Yohmih kia vm isht i hullo ya im eshit vmmomih-chi la he keyuh, micha a nan isht ai ahli ya ak im ahlecho ka he keyuh:

34. "Nan ittim apesa le tuk vt kubvffi la he keyuh, micha svttivlbi vnnumpah a kohcha tuk a invche la he keyu hoke.

35. "Nan achuffa v̄m ahulittopa yak o v̄nnumpah kullo isht il onucchi le tuk vt, Lewi ya i hulabi la he keyu hoke.

36. "Im ishtatiaka yvt abillia he; mikmut sv tikba ya im ai o binili hulittopa yvt husbi ak o chiyuhna hi oke.

37. "Hvsh ninak aya yvt tullaya na billia, micha isht utukkoa kut ai ahli hosh shutik a tukkali kak o chiyuhma hi ak oke," ish achi tok oke. [Yukopa.

38. Yohmi tok okak osh chishno vt ish kanchi cha, ish shittilema tuk; na chim vhamvt vlltoka ya ish i nukhubelah ataiyapa tuk oke.

39. Chi tishu ha nan ish ittim apesa tok vt ish kubvffi tuk oke; im iachuka ha kvlakshichit akka ish bohli tuk oke.

40. I hulihta moma ka ish kinvffishke; micha im vholihta kullo putta ka okpunit ish kanchishke.

41. Hina ai ittvnawa moma kut wehpuli hoke; i bilika aiyasha putta ka im a kvlakshi hoke.

42. I tvnampi vhleah ibbak ishtimpakimma ya ish chahachi cha, i tvnvp moma ka ish yukpalechi tuk oke.

43. Michā i bushpo-fulaya huluppa ya ish fulvmmichishke; ai ittibi yak kia, ik hikkiyá, chik im ai ahno hak inlishke.

44. Im ahulittopa ya ish yukoblichih mut, im ai o binili hulittopa ya akka ish pilvshke.

45. Himittvt ahattah nittak a ish i yushkulolichishke; hufahya yo isht ish ompohomoshke. [Yukopa.

46. Hupakih kutiohmih fokka ho, Chihowa ma, ish ile lubmi na billia hosh, isht chi anukhubela yvt luak chohmit lua chih choh?

47. Chekosih fehnah kunia sia ka ish ithaiyanashke; nan ik vhobo nanta ha chi ho, hvttak im vlla putta ka ish ikbi tok oh choh?

48. Hvttak nanta hosh okchayvt ahattvt nan illi ik peso hosh imish shilombish a illi aiasha ibbak a a hlvkuffichit im esha hinlah choh? [Yukopa.

49. A Shahlih ma, tikbah ma ish i hulloh beka tok, nan isht ish ai ahlih mak o Lewi ya v̄nnumpah kullo isht ish im il onucchi tok muto?

50. A Shahlih ma, chi tishuh vheha ba nan isht ik vho-balo ka, oklah lawa hosh ik si vho-balo moma ka sv chukvsh isht ieshi li ka,

51. Chi tvnvp vheha hut ishit sv kalukshichi ka, Chihowa ma, nan vhamvt chim vltoka a nohova ka ik vho-balo ka ish ithaiyanashke.

52. Chihowa hut hulittopa na billiashke. Amen, vnonti Amen.

ATULO A 90.

Unnumpah ilbussha Chitokaka inmi hvttak Moses vt ikbi tok.

P^r Shahlih ma, isht ai unchululi putta ka chishno ak osh pim ai ghatta chia hatuk oke.

2. Nvnih chaha putta kvt ik tobo kishah ma, yakni, yakni moma ka chik ikbo kishah mv, ghattvt billia tuk osh abillia he Chitokaka chia hoke.

3. Hvttak a fulvminchit lukfi pushi yo ish ikba chi kv, "Hvttak im vlla vheha hut hvsh fulamashke," ish achishke.

4. Afummih tvhlepah sipokni achvffa kv ant ayakmv, chi nishkin itikba ya pilashash osh ant ihya ka chohmih, micha ninak o a biket atoni achvffa kak o chohmi hoke.

5. Okchito ohmit shat isht ish ia na, nusi kak o itillawwi hoke; hvsshuk vt onnahinlikma vliktit ia kak o chohmi hoke.

6. Yohui ka onnahinlikma pvanli cha vliktit ia hoke; opyakma bvshli tuk o, bvshhi hoke.

7. Chi nokua kak o pi tahakmv, chi nukhubela kak o pi komunta hoka.

8. Nan ik pi ai vhpeso putta ka chi tikba ish tukalechi cha, na luma pim asha ka chi nvsshuka atohwikeli ya ish tukalechi hoke.

9. Chi nukhubela kak o pi nittak moma kvt kvninihya hoka: im anukfilah achvffah chomihchit pim afummih putta ka e tahli hoke.

10. Pim afummih nittak okvto yvmmā afummih pukolih untuklo kak oke; mikmv hlampko hatuk o afummih pukolih

untucchenah yoba hokmvo, yohmih kia nan a hlampko yvt nanah vtaklvma micha nanah keyu bieka hoke; tushput ant ia hatuk o, helit e tvmoa hoka.

11. Chi uokua yvt kullo ka, micha chi nukshopa he vhpesa kak o chohmit chi nukhubela ya kuta hosh ithanah choh?

12. Uechukmalit ish pithvnanchikma, pi nittak putta ka e hutihna cha, chukvsh hupoyuksa yo il vhayuchashke.

13. Chihowa ma, hupakih kvtiomih fokka ha chih choh? Ish fulama cha, chi tishuh vhleha ha ish i nukhakashke.

14. Onnahnlikma nan isht ish i hullo isht ish pi fehublikma, pi nittak poiyuttah hlupulli ka tulohovvt na pi yokpashke.

15. Nittak kvnohmi ho nan ish pi pulvmmichi tuk o, afemmih kvnohmi ho nan ik achukmo e pihisa tuk a chomihchit ish pi yokpalashke.

16. Chi tishuh vhleha ha nanah ish yvmihichi vt i haya-kashke, mikma chim ahulittopa yvt im vlla vhleha ha onuttoiyulashke.

17. Mikma pi Chitokaka Chihowa isht i kana yvt pi onuttoiyulashke; mikma pibbak nan a toksuli ya ish pim ai ahlichikvt, pibbak nan a toksuli ya ish ai ahlichashke.

ATULO A 91.

KUNA hosh Chaha i Shahli im ai vlomaka ya binnili kv nan okluha i Shahli i hushintika yak o ahatta chi hoke.

2. "Um ai vtukko, a hulihta kullo, a Chitokaka, yvmak o anukchieto li yoke," Chihowa ha achi la chi hoke.

3. Yvmak osh hushvbi nan isht hukh ya, ililli ik achukmo aienah ma a chi kohchih pulla chi hoka.

4. Ilap senahchi ya isht chi ompohoma chi hoke, mikma senahchi ak o ish ai atukko ya chi hoke; im vnnumpah ahli vt telihpa, micha tvnvp aya nan isht im vltaha yoke.

5. Ninak o nanah a kumunta, nittak o uskinvki vt hikvt aya,

6. Ililli okpulo yvt aiokhlileka yo nowvt aya, vbeka

okpulo yct tubokoli hō nan okpunit tahlīh kia, ish ī nuk-shopa he keyu hoke.

7. Chi chapaka yā tvhlepah sipokni, micha chim ishtimpakimma yā tvhlepah sipokni pukkoli hosh akkakoha hoh kia, chishno vno chī bilincha he keyu hoke.

8. Pe chi nishkin ak o pit isht ish hupopoyo cha, huttak ik vhpeso vhleha hut nan im vltoba kā ish pisa hi oke.

9. "Chihowa ma, chishno ak osh vm ai vtukko chia hoka." Chaha ī Shahli ak o ish ai ghatta ish ikbi hatuk o,

10. Nan ik achukmo vt chi onuttula he keyuh, micha nā pvlvmmi nanah kia chim vltipo yoka bilincha he keyu hoke.

11. Chishno ai imma kā im enchel putta kā vtorno na, ish ataya moyuma kā chi hullvlla chī hoka.

12. Chiyi yā tvli isht chik ai isso ka chī kak o, ilap ibbak a folkit isht chi aya chī hoke.

13. Koi chito, hahta aiena kā ish a nowa chī hoke; koi himitta, sinti chito aiena kā ish vvhlichia chī hoke.

14. "Si vsittia hoka, hlvkuffiche la chī hoke; sv hohchifo hā ithana hoka, achahaka binnilechi la chī hoke.

15. "Nan vm asilhhakmā, ima la chī hoke; ī pvlvmikmā, ibafoyukka la chī hoke; hlvkuffechi lish, hulittobli la chī hoke.

16. "Nittak fullaya hō isht im ai vhpesvche likmut, vm ai okchaya yā pisachit yokpali la chī hoke.

ATULO A 92.

Hulittoblichit atvloa nittak hullo nittak a a tvloa chī hō, tuba tok.

CHIHOWA hā yakoke im achikmut, chi hohchifo hā nan ulachit ayokpvchi kā achukmshke, Chaha ī shahlīh ma.

2. Yohmi kut onnahinlikmā isht ish ī hullo, mikmut ninak puttah isht ish ai abli yā vnohōli kut,

3. Ishit tullakchi pukoli, micha vhlepah, micha hap a tvlovt ulahachi kā achukmshke.

4. Chihowa ma, isht ish ai ahatta ya isht is si yokpali tuk oka, chibbak vt na yumihihi tuk a na yokpvt isht a tuloa la chi hoke.

5. Nan ish yumihihi vt huchitob fehnushke, Chihowa ma; chim anukfila hut hufobih fehna hoke.

6. Huttak nan vhpooa chohmi vt ilppa ithana he keyukma, im anukfilah iksho vt ilppa vkostinicha he keyu hoke.

7. Huttak haksi vhleha hut vlikti kut haiyukpulo chohmikvt, nan ik vhpeso yumihihi moma kut hulittopa kut i shahlit mahaya kut, aiokpulokvt billia chi kak osh yumohmi hoke.

8. Amba chishno yokvto achahaka ahattvt billia chia hoke, Chihowa ma.

9. Yakeh, chi tvnup vhleha hut, Chihowa ma, yakeh, chi tvnup vhleha hut aiokpuloka chi hoka: nan ik vhpeso yumihihi putta kut itvfemimput taha chi hoke.

10. Amba yunush ak o chomihchit a lvpish a ish chahuchi tuk oke; bila himona isht a si vhama hoke.

11. Yumohmi hatuk o a tvnup vhleha ha sv nishkin vt yukput pihisa hoke; wukayvt um asvnali vhleha hosh nan ik achukmo yumihihi ya sv haksubish vt yokput haklo hoke.

12. Ai vhpiesa yvt pam iti ak o chohmit pvkanla chi hoke, chuahla yvt Lebanon a hikkia kak o chohmit hufantit ia chi hoke.

13. Chihowa im vboha a hullukchi hosh, pi Chitokaka i wanuta putta ka oklah a pvkanla chi hoke.

14. Sipoknit tahah kia, vnit wayah inmoma hi oke; okchi vlotah, okchakih aiena hi oke.

15. Yohmi kut, Chihowa hut ai vpissali yosh, a tuli chito, yumma nan ik vhpeso nanah kia ik im iyiksho ka vnola chi kak oke.

ATULO A 93.

CHIHOWA hak osh mikoshke; ahulittopa yak o isht a foiyukkushke; Chihowa hut hlampko ho ishit foiyuk-

kv̄t isht il vskuffaiyachishke; yohmi hatuk o yakni vt kul-
lot hikkia kv̄t kv̄nulla he keyu hak inli hoke.

2. Chim ai o binili hulittopa yvt chashpoh pilla kash
hikkia tok osh immoma hoke; abillia kash minti chia
hoke.

3. Oka huchito vt olvt, Chihowa ma, oka huchito vt
oholvt, oka huchito vt fopvt ohola hoh kia,

4. Achahaka binnili Chihowa hv̄t chinto kv̄t, oka lawah
huchito kv̄t okulhi o fuhokv̄chit oholah kia i shaiyalili
hoke.

5. Nan isht chim ai vltukkoa putta kv̄t ai ahlih fehna
hoke; Chihowa ma, chim vboha ya hulittopa hak osh isht
im ai vhpiesah billia hoke.

ATULO A 94.

CHITOKAKA ilai uhukha Chihowa ma, Chitokaka ilai
uhukha ma, ish ile hayakv̄chashke.

2. Yakni nan im apesa chiah ma, ish ile wvkayv̄chashke;
ilefehntchi vhleha ha vltoba fulumminchit ish onuc-
chashke.

3. Hupakih kv̄tiolmih fokka ho hv̄ttak ik vlpeso vhleha
hv̄t, Chihowa ma, hupakih kv̄tiolmih fokka ho hv̄ttak ik
vlpeso vhleha hv̄t im aiyv̄chit yuhukpa chih choh?

4. Lawachit nukwaya iksho hosh vuumpoholi hoke;
nan ik vlpeso yumihchi moma kv̄t ilefehntchi hoke.

5. Chihowa ma, chim okla ha litolit kanchi hoke, micha
chimmi ha i pelummichi hoke.

6. Ohoyoh i hv̄ttak illi, micha oklah inla aiena ka illih-
chikmut, vlla vltakla ya ahabi hoke.

7. Yohmi kv̄t, "Chihowa hv̄t pisa he keyuh, mikmut
Chekob i Chitokaka yvt vkostinicha he keyuh," achi kak
oke.

8. Oklah im ai ittitacla ya vllpoa ohmi hv̄chiah ma, hv̄sh
vkostininchashke; mikma im anukfilah iksho hv̄chiah ma,
kv̄tiolmih fokkakmak o hv̄chi hupoyuksa chih choh?

9. Haksubish a ikbit hilechi tok vt hakla he keyu boh
choh? nishkin a ikbi tok vt pisa he keyu hoh choh?

10. Oklushi putta ka na pellemni onucchi vt im olubecha he keyu hoh choh? Huttak a nan ithana im abvchi

11. Chihowa hut huttak im anukfilah putta kut yummvt nanah keyu hatuk a ithana hoke.

12. Chihowa ma, kvna ho na huttupa ish onucchi cha, chi nan vlpisa a kohchi hosh ish im abvchi kut,

13. Huttak ik vlpeso ya hichukbi vt i kulvt talah takla ka nan ik achukmo nittak putta ka a kohchit ish sohcha chi ka, yummvt huttak na yokpa yoke.

14. Chihowa hut im okla ha kancha he keyukmt, immi ha issvt ia he keyu hoka.

15. Nan vpesa kut ai vlpiesa fulamvt ona chi hoka; mikma chukvsh ai vpissali moma kut iakkayvt ia chi hoke.

16. Kuta hosh nan ik achukmo yvmihchi vhleha ha i svnalit si vpehut wvkaya hinlah choh? kuta hosh nan ik vlpeso yvmihchi vhleha ha i svnalit si vpehut hikkia hinlah choh?

17. Chihowa hak osh si vpela yatuk keyukma, chekosih mak inli ho vmish shilombish vt a chullusa yak o ont ahatta he atuk oke.

18. "Saiyi vt shvkkvllishke," achi likma, Chihowa ma, isht ish i hullo vt sv hullvllih chatuk oke.

19. Na weki isht vm anukfilah lava kut sv nukfoiyuk-kakma, isht ish hupohlvi vt vmish shilombish a yokpalih chatuk oke.

20. Nan okpulo ai o binili, yummvt nan vlpisa yo nan ik achukmo isht ai ikbi vt chibai achvffa chih choh?

21. Ai vlpiesa im ilhfopak a im asvnalit ittvhoba hoke, micha nan okpvi keyu im issish a vnnumpah onucchi hoke.

22. Yohmih kia Chihowa hak osh ahvkuffi chaha a tubah mt, a Chitokaka yvt vm ai vtukko tvli chito tuba tuk oke.

23. Atuk osh nan ik vlpeso yvmihchi ya fulvmminchit onucchi pulla cha, nan ik achukmo isht asha yak atuk mak o ishit kancha chi hoke; pi Chitokaka Chihowa hak osh ishit kancha chi hoke.

ATULO A 95.

INTAH! Chihowa ha iloh i tuloashke, il ai okchaya twi chito ya iloh i shukapashke.

2. Yakoke achi hosh itikba iloh onashke; vba ishit tuloa tulohowa hosh iloh i shukapashke.

3. Chihowa hut Chitokaka chinto yoka: chitokaka puttah moma ka i shahli Miko chinto yoke.

4. Yakni ahufobika putta kut yummā ibbak ak o foiyukka hoke; mikmā nvnih achaha putta kut immi hoke.

5. Okhuta hut yummak o immi hoke; yohmi kut yummak osh ikbi tok okut: mikmut yakni shila mā ibbak ak osh ikbi tok oke.

6. Intah! ayokpvehit iloh im vkaichunnolashke; hvp ikbi tok Chihowa itikba eho hachukbihlepashke.

7. Yummak osh pi Chitokaka yoka, mikmā pishno vto yummvt upesahachi oklah, micha chukfulhpoa ibbak vt hvllvlli yo pia hoke. Himak nittak a im vnnumpa ha hvsh haklo hokbano!

8. Yohmi kut Melibah a yummohmi tok a chohmit, yakni hayaka Massah aiyasha nittak vttok a chohmit hvchi chukvsh a hvchik kullocho kashke.

9. Yummak o hvch iki vhleha hut ai imomaka sv pesa tok; vm atoksuli ya pihisa hak inli tuk okak osh, imomaka sv pesa tok oke.

10. Afemmih pukolih ushta ho isht ai unchululi ya isht ai vm abchiba tok; yohmi kut, "Yummvt vm ataya putta ka ithanvt ayokpvehih keyu kak osh, chukvsh naksika ittvn-nowa okla hoke," achi li tok oke.

11. Yohmi hokvt sv nukhubela hosh vnnumpah kullo il onucchit, "Um afoha ya chukkoa he keyu hoke," achi li tok oke.

ATULO A 96.

CHIHOWA hoka tuloa himona yo hvsh i tuloashke; yakni moma kut Chihowa ha hvsh i tuloashke.

2. Chihowa hoka hvsh i tuloashke, hohchifo ha hvsh

ayokpuchashke; nittak osh nittakma im ai okchaya ya hvsh ottvninchashke.

3. Im ahulittopa ya oklushi puttah im ai ittitacla, micha na fehna yvmihichi ka oklah momah im ai ittitacla, hvsh ai vnoholashke.

4. Chihowa hv chintoh, micha hulittopah fehna he vhpesa yoka: yummak o i nukshopa kv chitokaka moma ka i shvlihcha he vhpesa hoke.

5. Oklah puttah i chitokaka moma hokvto nanah keyu hokma, amba Chihowa hak osh vba putta ka ikbi tok oke.

6. Ahulittopa micha isht a chinto vt itikba aiyasha hoke; hlampko micha ayukli vt im ai ahatta hulittopa ya a tvkali hoke.

7. "Chihowa immi hoke," hvsh achashke; oklah ishataiaka puttah hvchia hv, "Ahulittopaka, ahlampko aiena kv Chihowa immi hoke," hvsh achashke.

8. Hohchifoh ahulittopa ya Chihowa hvsh emashke; nan isht ayokpvchi ilai ishit i wanuta puttah hvsh chukkoashke.

9. Ahulittopa ayukli yo ilai eshit Chihowa ha hvsh ayokpvchashke; yakni moma kv itikba hvsh wvnnihichashke.

10. Oklushi puttah im ai ittitacla ya "Chihowa hv mikoshke; atuk o yakni yak kia kullot tullaya kv kvnulla he keyuh; ai vpissali ho oklah putta ka nan im vpehisa hi oke," hvsh ai ahachashke.

11. Uba putta kv na yokpashke. mikma yakni vt yokpashke; okhvta, nanah vluttoa aiena kv winihahachashke.

12. Hayaka, micha nanah aiyasha moma kv na yokpashke; yohnikma kowih iti ai asbah putta kv yukpa kak osh Chihowa itikba ya tulowashke.

13. Minti hoka: yakni ya nan im apesa chi hosh minti hoke; ai vhpiesa hosh yakni moma ka im apesvt, ai ahli hosh oklah putta ka nan im apesa hi oke.

ATULO A 97.

CHIHOWA hv mikoshke; yakni vt yokpashke, tvshayi lawa kv na yokpashke.

2. Hushontih, aiokhlileka aiena hosh vpakfoiyupa hoke; ai vhpiesa vpehisa yosh im ai o biuli hulittopa a hikkia yoke.

3. I tunup vt vpakfopvt aiyasha ka hukunit tahla chi hosh, luak vt itikba ia hoke.

4. I mlutha yvt yakni ya tohwikelichi tok oke; yakni vt pesa cha, wunnichi tok oke.

5. Nvnih chaha putta kut Chihowa itikba ya, yakni momah i Chitokaka itikba nan akmo yo chohmit bila tok oke.

6. Uba putta kut isht im ai vhpiesa ya vnoholi hatuk o, oklah moma kut im ahulittopa ya pisa hoke.

7. Na holbut tuba ayokpvchi moyuma kut, nanah keyu poiyutta ka isht ilawuta vhleha hut hufahyashke; chitokaka moma kut hush im vkahchunnolashke.

8. Chihowa ma, nan ish vpehisa pulla kak o, Saion vt haklo cha na yokpah ma, Chutah ushetik vhleha yvt yokpushke.

9. Yohmi ka Chihowa ma, chishno ak osh chaha kut yakni momah i shahli chia kak oke; chi holittopa kut chitokaka moma ka ish i shahlil fehvushke.

10. Chihowa i hullo vhleah ma, nan ik achukmo ka hu shittilemah; i bulittopa vhleah imish shilombish a ieshi hoke, hutlak ik vhpeso vhleah ibbak a a kohchi hoke.

11. Huttak ai vhpiesa ya tohwikeli hosh i hullukchikma, na yokpa yosh chukvsh vpissali vhleha ha i hullukchi hoke.

12. Ai vhpiesa vhleah ma, Chihowa hak o hvsh a yokpashke; micha hulittopa isht ithaiyana ya yakoke hvsh im achashke.

ATULO A 98.

Atuloa yoke.

NANAH a fehna yvmihichi tuk ak o, ibbak ishtimpak-inuma micha shakba hulittopa ittutuklo kut nan im aiya yo im vtahli tuk ak o, Chihowa ha tvoah himoua hvsh i tvoashke.

2. Chihowa hut im ai okchaya ya ottvninchi tuk; oklushi puttah nishkin a im ai vhpiesa ya i hayakvchi tuk oke.

3. Islael i chukkachvffa ya im isht i hullo micha im vnum-pab abli ya im ithaiyana tuk; yakni out ai vlhi moma kut pi Chitokaka im ai okchaya ya pisa tuk oke.

4. Yakni moma kut Chihowa ha hvsh i shvkapashke; chitoli hosh kobchit tulovt nan ulachit hvsh ayokpvchashke.

5. Chihowa ha hap ulachit hvsh ayokpvchashke; hap, itib isht tuloa aienashke.

6. Ishit pufa puttah micha lvpish ola ho miko Chihowa itikba ya isht hvsh a shvkapashke.

7. Okhutah, nanah vluttoah aiena kut, yakni micha yummā nanah aiyasha aiena kut winihahachashke.

8. Oka huchito vt ibbak ittai issqhochashke, nunih chaha putta kut Chihowa itikba ya ittibaiachvffut tuloashke.

9. Yakni ya nan im apesut vla chi hoka: ai vllpiesa ho yakni ya, ai vllhpisali hosh oklah putta ka nan im apesa chi hoke.

ATULO A 99.

CHIHOWA hut mikoshke; oklushi putta kut wunnihichashke: mikot chelubim paknaka binnili hatuk o, yakni vt winakvchashke.

2. Chihowa hut Saion binnili kut chinto hoke, micha yummvt chaha kut, oklah moma ka i shahli hoke.

3. Chi hohchifoh chinto micha pullummi ka ayokpvchashke; yummvt hulittopa hoka.

4. Yobmi ka ai vllpiesa vpesah ahninchu kak osh miko vt ishit hlampko hoke: chishno ak osh ai ittillawwit ai im vllpisa ish hillechi tuk oke; chishno ak osh Chekob a ai vllpiesa vpesa ish ai utahli tuk oke.

5. Pi Chitokaka Chihowa ha hvsh fehnvchashke, micha iyi ai o hikiya ittuma ya hvsh ayokpvchashke: yummak osh hulittopa hoke.

6. Na huletumpa isht im asha vhleha ha Moses, Elon ittvtuklo kut ibafokkakma, hohchifo ha i tahpahala vhleha ha Samuel vt ibafokket Chihowa ha i pahayakma, yummvt im vfalummichih beka tok oke.

7. Nan isht im ai vlltukkoa puttah, nan vllpisa ima tuk

aiena ka hulittobli hatuk o, hushontit hikkia ai ahatta hosh awet im vnumpohlih beka tok oke.

8. Pi Chitokaka Chihowa ma, chishno vt vnuumpah ish im vfallimmichih beka tok; nan vsshuchi ya im i kvshohoffi, micha nan okpahani ka ilai uhukha Chitokaka chia hvttok oke.

9. Pi Chitokaka Chihowa ha hvsh fehnachi cha, i nvnih hulittopa ya pit hvsh ayokpvchashke; pi Chitokaka Chihowa hv hulittopa hoka.

ATULO A 100.

Yakoke ahnit ayokpvchi atvloa yoke.

YAKNI moma kvv Chihowa ha hvsh i shvkapashke.

2. Na yokpa hosh Chihowa ha hvsh im antiashke, tulohovvt itikba hvsh onashke.

3. Chihowa hak osh Chitokaka yoka hvsh ithanashke; yummak osh hvv ikbi tok o, immi hvpia hoke; ilap im oklah, micha ilap ak osh vpesahachi chukfulhpoa aiena ka hvpia hoke.

4. Yakoke aiyahnit ayokpahachit i huliht okhisa ya hvsh chukkoakmvt, i wanuta putta ka hulittoblihvichit hvsh chukkoashke; yakoke im ahachit bohchifo ha hvsh ayokpahachashke.

5. Chihowa hv achukma hosh, isht i hullo vt abilliakmvt, isht ai ahli vt isht ai unchululi poiyutta kak kia mahaya hoka.

ATULO A 101.

Atvloa Lewi vt ikbi tok.

ISHIT i hullo micha nan ai vpesa yak o ishit tvloa la chi hoke; Chihowa chia hak o nan ulachit chi ayokpvche la chi hoke.

2. Ataya ya vpissalih achukma hosh hupoyuksvt aya la chi hoke. Kvtiomikmak o is svv ala chih choh? A chukka ya chukush vpissali hosh a nohova la chi hoke.

3. Nanah okpulo ya svv nishkiq itikba tvkalichie la he keyuh; naksika iut itvnohova yvt nanah a kvniohmi ka shittilema li hoke; si vluppala he keyuh.

4. Chukvsh shvnayoa yvt a filumma chi hoke; nan ik achukmo ya ithana la chih keyu hoke.

5. Hvttak bika lumvt na mihachi ya, yummā ishit kanchi la chi hoke; nishkin chahvchi micha chukvsh isht ilawuta ya, yummā ik yohmi, ahni la he keyu hoke.

6. Si vpehut aiyasha chi ho, ai ahli vhlelah yakni aiyasha ka sv nishkin vt o tulloha hoke; ataya vpissali yo a nohōwa yvt yummak osh sv holittoblichā chi hoke.

7. Na haksichi isht ahatta yvt vm vboha anukaka ya ahatta he keyuh; vnnumpah hulabi vnnumpuli vt sv nishkin itikba ya hikkia he keyuh.

8. Nan ik vlpeso yvmihchi moma ka Chihowa i tumahah chito ya a kohchit ishit kanchi la chi kut, hvttak haksi moyumah yakni aiyasha ka onnahinli aiyukali ka aiokpvnichit tahahli la chi hoke.

A T U L O A 102.

Nan i pullummi vt hliposhikmut, nan ik im vlpeso hosh Chihowa itikba ya fuhohobli vnnumpah ilbussha vnnumpa hoke.

CHIHOWA ma, vm vnnumpah ilbussha ya ish haklashke; mikma pahaya li kut chim onashke.

2. A sulbussha nittak a chi nvsshuka ya is sa luhmin nah; chi haksuibish a et is sa welashke; chi pahaya li nittakma, tushput is sv aiahlichashke.

3. A nittak vt shubulli hak o chohmit tumovt tahahakma, sv foni vt na lua yak o chohmit luvt taha hoka.

4. Sv chukvsh a issokma, busshi kut hvsshuk ak o chohmi hoke; a puska vpa la he tuk vt vm ihaksi hoka.

5. Kiffahaha li kak o, sv foni vt sv nipi ya ukul-loshke.

6. Yakni hayaka ahatta chulantakoba yak o chohmi li hoke; opa hosh chukkillissa ahatta kak o chohmi tuba lishke.

7. Ik sv noso kak osh, hushi iskitini yosh ilap bieka hosh chukka ishit holmo o binnili kak o chohmi li hoke.

8. Nittak aiyukali ka a tvnvp vhleha hut ik si vlobalot

vnumpuli hoke; a nukhubela vhleha hut inla vnumpah onucchi kv̄t, sv hochifot, yummak o ohmit i pullv̄nmi hokbano ! abni hoke.

9. Hittuk chubi ya p̄ska chomihchit vpa likm̄t, nan ishko li kv̄t, sv nishkin okchi ittvyummit ihishko li hoke.

10. Yohmi ka chim okpuloh, micha chi nukhubela kv̄t, vba isht is sv ia cha kv̄n̄n̄mma pit is sv pela kak oke.

11. A nittak putta kv̄t hushontika fulayvt mahaya kak o chohmi hoke, mikma vno vt hv̄sshuk ak o chohmit busshi li hoke.

12. Amba chishno vto ish binnili na bilia chi hoke, Chihowa ma; mikma ishit chithaiyana yvt isht ai unchululi putta ka tukkalit mahaya hi oke.

13. I kana he vhp̄iesa nittak, nittak vhp̄isa yvt vla hoka, ish w̄kaya cha Saion a ish i nukhaklo hokbano !

14. Chi tishuh vhleha hut i t̄oli putta ka i hullokm̄t, i lukfi pushi ya ishit nukhaklo hoka.

15. Mikma oklushi putta kv̄t Chihowa hohchifo ha i nukshopakma, yakni i miko moma kv̄t chim ahulittopa ya hulittoblashke.

16. Yohmi ka Chihowa hut Saion a ikbit, isht a hulitopa ilai ieshi hosh hayakah m̄t,

17. Nan ik im iksho im vnumpah ilbv̄ssa ya pit filem̄t i hulittobli cha, im vnumpah ilbv̄ssa ya ik sh'itilemo ke tuk ak ashke.

18. Ilv̄p̄vt isht ai unchululi himmak aiyasha hi a i hulissa hi oke, mikma oklah tuba hi vt Chihowa ha hulitoblich̄a hi oke.

19. Im achahaka hulittopa et hupokoyot Chihowa hut vba binnilit yakni ya et pisa hoka.

20. Yohmi kv̄t yuka kif̄ah̄aha ka awet haiyakla chi kak oke; illa chih im vhp̄isa vhleha ha i hutuffa chi kak oke.

21. Yohmi ka Saion a Chihowa hohchifoh, micha Chelusalem a a hulittoblich̄i ai vnohola chi kak oke.

22. Yohmi ka oklah puttah, micha apelhichika puttah aiena kut ittuhobvt Chihowa im antia chi hosh ittunahakmak a hi oke.

23. Ataya ya vmi lhampko ha ai akkalusechishke, a nittak a yustulolichishke.

24. Nan ahachi li kut, "A Chitokaka ma, a nittak ai iklunna ya chik si ai esho kashke; isht ai unchululi ittulbihkechi ka chim afummi hut hinpullit mahaya hoke.

25. "Ummonah ma yakni ya ish ikbi tok, mikma vba putta kut chibbak atoksvli tok ak oke.

26. "Yumma putta kut aksha hi oke, amba chishno vto ish hikkia hi oke; mikma yumma moma kut ngfokka chohmit litovt taha hi oke; ilefokka yo chomilchit ish inlachi na inlv tuba hi oke.

27. "Amba chishno vto mihi yash inli hosh ish ahatta hoke, mikma chim afummi hut ont ai vha he keyu hoke.

28. "Chi tishuh im vlla vheha hut mahaya he, mikma im ishtatiaka yvt chi tikba hiea hi oke," achi lishke.

ATULO A 103.

Atuloa Lewi vt ikbi tok.

CHIHOWA ha ish ayokpuchashke, vmish shilombish ma, micha nanah sv foiyukkah moma kut hohchifoh hulittopa ya ish ayokpuchashke.

2. Chihowa ha ish ayokpuchashke, vmish shilombish ma, mikmv nanah achukma momah vm vtagahli tuk a ik chim vvakso kashke.

3. Yohmi ka yummak osh nan ik chi ai vhpeso puttah moma ka chi kushohoffi, chi vbeka puttah moma ka chi hlakuffihichi,

4. Chim ilhifopak a ahulluppi chi a hlakuffihichi, isht i bullo micha isht i nukhaklo aiena ho ishit chiachukolihichi yoke.

5. Ish ahatta nittak a nanah achukma ishit chi fehohbli hatuk o, ussi ak o chohmit vlvitvt chi hemitta hoke.

6. Inla yosh i pulummiche tuk moma ka Chihowa hut ai vhpiesa nan im vpehisa yoke.

7. Im ataya putta ka Moses a im ottvinchit, na fehna yvmihichi ya Isael im vlla vhleha ha im ottvinchih beka tok oke.

8. Chihowa hut i nukhaklo, micha i kana, nukhubelah sulaha, micha isht i hullo i lawa yoke.

9. Im afoa kut abillia he keyukvt, nukhubelah ieshi kut abillia he keyu hoke.

10. Yohmi kut nan il vsshahachi ak o ai iakaya hosh na pi kaniomihchih keyukvt, na pi yoshohoba yak o ai iakaya hosh na pi onucchih keyu hoke.

11. Yohmi kut vba yut chaha kut yakni ya i shahli ka chohmit, im isht i hullo yut i nukshopa vhleha ha onuttoiyula kut chinto hoke.

12. Heshakuchaka yut hupaki kut hvshaiokvtula kak o chomihchit, nan vlpisa e kubahaffi tuk a hupakichit pi filmmichi yoke.

13. Iki yosh im vlla vhleha ha i nukhaklo ka chohmit, Chihowa hut i nukshopa vhleha ha i nukhaklo hoke.

14. Yvmak osh lukfi pia ha vkostininchih vt, kvniohmi hosh e tuba tok a ithana hokvt.

15. Hvttak okuto i nittak vt hvsshuk ak o chohmi hoke; na pukanli vt hayaka aiyasha kak o chohmit, yvmvt pukanli hoke.

16. Mahli hut vbanvblikma, iksho hoka: yohmikma a hikia tuk vt himakma ithana he keyu hoke.

17. Amba Chihowa im isht i hullo yut i nukshopa vhleha ha onuttoiyula kut abillia tok osh abillia hi oke, micha nan im ai vlpisa yut ushi vhlcha ha im vlla yak kia onvt onuttoiyula kut,

18. I nan ittim vlpisa hulittobli vhlchah, i nan vlpisa putta ka ithaiyanvt yvmihchi vhlcha ha onuttoiyula hoke.

19. Chihowa hut im ai o binili hulittopa ya vba yak o a hillechih ma, im apelihika yut mominchit a pehliechi yoke.

20. Yohmi hoka hlampkoh i chinto, im vnnumpah hvponaklo hosh im vnnumpah yvmihichi, im enchel hvchiah ma, Chihowa ha hvsh ayokpuchashke.

21. Nan isht im utta hvchia, nan ai ahni ka hvsh yvni-
hichi, i tushka puttah ma, Chihowa ha hvsh ayokpvchashke.

22. Im apelihika konimmah momah aiyasha, nan
vtahahli tok puttah momah ma, Chihowa ha hvsh ayok-
pvchashke; Chihowa ha ish ayokpvchashke, vmish shilom-
bish ma.

ATULOA 104.

UMISH shilombish ma, Chihowa ha ish ayokpvchashke;
a Chitokaka Chihowa ma, chi chintoh fehna hoke;
isht a hulittopa chitoh fehna ka ish a foiyukka hoke.

2. Yohmi kvv tohwikeli ha anchi ak o chomihchit ish
anchi hoke; vba shutik a isht vltiponantonna yak o
chomihchit ish wvttvmmi hoke.

3. Yvmmvt im vba putvthpo ya oka yak o ikbit a tvlali
yoke; hushontih putta kak o im itichvnulli ikbi yoke;
mahlih sunahchi yak o o binilit kvnullit aya yoke.

4. Mahlih putta kak o im vnnumpah shali ikbi hoke;
luak libbi yak o nan isht im utta vhleha ikbi hoke.

5. Yakni ya nuta i tola ikbit ai o tvlali tok o, yvmmvt
kvnulla he keyu ho billivt billia hoke.

6. Ahufobika ya anchi chomihchit isht ish ompohomo
na, oka yvt nvnih chaha putta ka ompoholmot tvllaya tok
oke.

7. Ish im olvbih ma, tvmoa tok oke; chi hiloha hvv olah
ma, tvshpvt tvmoa kvv,

8. Nvnih chaha putta kvv vba iya na, okfah putta kvv
akka iah ma, konimma ish ai im vtahli tuk a ont tvllaya
tok oke.

9. Fvlamvt yakni ya ik ompohomo ka he mak o, im ai
vlti ik vbanvblo ka chi ho ish im apesa tok oke.

10. Kvlih putta ka okfah pit yvnullvchi na, nvnih ittvitakla
ya a yvnhalli hoke.

11. Yakni hayaka nampo aiyasha putta ka oka ipeta
hoke; issubah nashoba nukshopa putta kvv itukshila tuk vt
im a yukopa hoke.

12. Pakuaka ya vba hushi putta kvv aiyasha hoke; iti
naksish puttah ittvitakla ka binilit avet ai ohola hoke.

13. Im uba putvllhpo yak o nvnih chaha putta ka et ai on umbvchi hoke; yohmi ho nan ish vtahahli a waya yak o yakni vt isht vlota hoke.

14. Nan vllhpoa ya hvsshuk im uffochechi cha, hvttak vt yakni ya illimpa a kohchi hosh isht im ai achukma ka, nan uffo a im uffochechi hoke.

15. Yohmi kvv oka pakki vt hvttak chukvsh yokpalikma, nsshuka ya bila ishit shohmvlalichikma, pvaska yvt hvttak chukvsh a hlampkochih aiena chi kak oke.

16. Chihowa im iti puttah, chuahla ya Lebanon a hokchi tok a isht a shummit vlttoa hoke.

17. Yvmmma hvshi chipinta yvt vlvpicchik ai ikbi hoke; iti kvsha yaya holba yak okvto shakulo hak osh i chukka yoke.

18. Nvnih chaha putta kak osh issikusoma nukshopa aiasha yoke; vli hvchito yak osh chukfi holba puttah a luna yoke.

19. Hvshi isht vlvpisa ya chi ho, hvsh ninak aya ya ikbi tok oke; hvshi vt ai okvtvula hi vt ithana hoke.

20. Okhlili ha ish vpesakma, ninak oke; yohmikma nampoia puttah kovih aiasha moma kvv ilhkolit wvaya hoke.

21. Koi hvchito hvmithoa yvt im ilhpak a Chitokaka im a hoyo hosh, nan vbi hvbnvt kilihaha hoke.

22. Hvshi vt kohchakma, tvmoa cha, im aiasha ya ont kahpoa hoke.

23. Hvttak okvto atoksvli micha nan isht ai vttavt ont isht ahatta na opya hoke.

24. Nan ish ai vtahli tok vt lavah fehvshke, Chihowa ma; im pvanna hosh yvmmma moma ka ish ikbi tok oke; yakni vt na chimmi ya isht vlttovshke.

25. Ilvppak osh okhvta hvchitoh micha vvatav biega hoke: yvmmak o nan ilhkoli ahvltina iksho kvv nampoia chipunta, hvchito aiena hosh aiasha hoke.

26. Yvmmak o pvi hvchito vt ai itvvnnowakma, yvmmma ai ihlavella chi ho ish ikbi tok ak o, lvfayahlan vt aya hoke.

27. Ont ai vhpiesakma im ilhpak ish ipeta chi ho, yuma ma moma kut pit chi anukchieto hoke.

28. Ish ipetakma, ayowa hoke; chibbak a ish wokemikma, nanah achukma ishit fihopa hoke.

29. Chi nvsshuka ya ish i luhmikma, kummunta hoke; im ilhfiopak a ish im ai ishikma, illi cha, a tuba tok lukfi a fulamvt tuba hoke.

30. Chimish shilombish a ish pilakma, tuba kak o, yakni paknaka ya ish himonvchi hoke.

31. Chihowa a hulittopa kut abilliashe; Chihowa hut nan vtagahli tuk vt isht a yokpashke.

32. Yummvt yakni ya et o hupokoyokma, winakvchi hoke; vnih chaha putta ka putolikma, shubulli hoke.

33. Si okchayah takla kut Chihowa ha i telohowa lashke; ahatta lih immomah ittatakla kut a Chitokaka ya nan ulachit ayokpuche lashke.

34. Yumma isht auukfillit telohowa li kut i champulashke; vno mut Chihowa ha isht a sv yokpashke.

35. Nan vsshvchi vhleha het yakni ya a lushomut kunnia cha, huttak ik vhpeso vhleha het himakma iksho kashke: vmish shilombish vt Chihowa ha ish ayokpechashke. Chihowa ha hu holittoblichih.

A T U L O A 105.

CHIHOWA ha yakoke hvsh im achashke; hohchifo ha hvsh i payashke; nanah a yumihihi tuk a oklah puttah im ai ittatakla hvsh ai ottvnochashke.

2. Hvsh i tuloashke; nan ulachit hvsh ayokpuchashke; nanah fehna yumihihi tuk moma ka isht auukfillit hvsh tvlohovashke.

3. Hohchifoh hulittopa ya isht hvsh ilavotashke; Chihowa hohoyo vhleha hut chukvsh na yokpashke.

4. Chihowa ha, micha imi lhampko ya hvsh hoyashke; nvsshuka ya hvsh hohoyo na billiashe.

5, 6. I tishuh Eblahan im ishtatiaka, Chekob im vlla vlehah, im vltoka vlehah ma, nanah fehna yumihihi

tok a, i na fehna puttah, itih nan vpehisa tok aiena ka hvsh ithaiyanashke.

7. Yummak osh pi Chitokaka Chihowa hoke; nan vpehisa tuk vt yakni moia ka aiyasha hoke.

8. Nan ittim vpesa tok vt ithaiyana na billivshke; vnumpah vpesa tok vt ithaiyana kut isht ai unehululi tehlepah sipoknih kia ona hoke.

9. Yoluni kut yummak oka Eblaham a nan ittim vpesa tuk osh, Aisak a vnumpah kello im il onuechi tuk osh,

10. Chekob a nan vhpisa mak o i hillechit, Israel a nan ittim vhpisa billia mak o i hillechi kut,

11. "Kenan yakni vt hvchimmi hosh yakni hvchim vhpisa ya chi ho, chishno ak o chima la hi oke," ahachi tok.

12. Hvttak holhtina, kvnomosih, micha oklah ik ithano yosh yummak o a hiehi hosh,

13. Oklushi achvffa ka a kohchvt oklushi inla im onvt itvnghovvt, apehlichika achvffa ka a kobchvt oklah inla im onvt itvnghovwah ma,

14. Hvttak nanah kia, ik ilvsshali, ik ahnoh mvt, yummak atuk pullah mak o miko putta ka im alvmit,

15. "Nan vhamvt vm vlhtoka vhleha ha hvsh putolin nah, micha a hupayi vhleha ha nan ik achukmo hvsh i yvmlhchin nah," ahachi tok.

16. Atuk osh hohchvfoh chinto kut yakni ya onuttula chi ho vpesa tok; isht ai okchaya pvaska ya kubvffit kanchi tok.

17. Oklah itikba ya hvttak achvffa ka chvffichi tuk vtok; yuka ha chi ho Chosef a oklah kanchi tok.

18. Iyi ya telabehlit hutupali tok; i pullvmmi hosh teli chukkoa tok.

19. Chihowa hvtt nan achi tuk vt imomaka pihisa na, im vnumpa hvtt ont ai ahlih nittak a onah ma,

20. Miko vt vnumpah pit pilvt i mukuffi tok; oklah puttah pehlichia ash kia pit pela cha, yuka issvchi tok.

21. Ilap i chukkachvffa ya i shahli, micha im ilayak moia ka pehlichia ikbit hilechi tok oke.

22. Yohmi ka vhpesah abnikmut, i kpiteni vheha ha takcha chih, micha im vssnonchi vheha ha hupoyuksula chi kak vttoke oke.

23. Atuk o Israe! vt Echip a ona cha, Chekob vt Ham i yakni ya ai ahatta tok.

24. Mihma im okla ha vpakuvchih fehna cha, hlampkochi kut i tvnampi vheha ha i shvlihchi tok.

25. Chukvsh a filimmechi na, im okla ha i nukkillit, i tishuh vheha ha haksihichi tok.

26. I tishuh Moses a, micha ilap vt vtokuli tuk Elon ittutuklo ka pit tihleli tok.

27. I nan isht vtukkoa puttah, i na fehna puttah aiena ka Ham i yakni ya okla ha ai i hayakahachit okla tok.

28. Okhlili ho et pela cha, okhlilechi tok; mihma im vnnumpa ha ik i svnalo kit okla tok.

29. Im oka ya invchit issish ikbi cha, i nuni ya vbit tahli tok.

30. I yakni ya shukvtti putta kut vlota tok; i miko vhehah im vboha yak kia aiyasha tok.

31. "Ik yohmi," achih ma, wuhlana holba yvt ant kohchah ma, issup kia i yakni ont ai vlih fullota ka ant kohcha tok.

32. Umbah omihchi hosh hvtaffo, luak libbi ho i yakni ya ai ema cha,

33. I pakvpi, i fikvpi aiena ka issot kanchih mut, i yakni ont ai vlih fullotah iti aiyasha ka chulhit kanchi tok.

34. "Ik yohmi," achih ma, hawa, shukinli aiena kut aholhtina iyiksho hosh vlah mut,

35. Haiyukpulo i yakni aiyasha ka mominchit vput tahlih mut, i yakni nan a waya tuk a vput tahli tok.

36. Atuk o vttahpi, i yakni aiyasha moma ka, imi lhampko moyumah tuba vmona ya issot kanchi tok.

37. Mihmut tvi hvta, tvi hulisso lakna aiena ka ishi ho pehlichit ishit kohcha tok; apehlichit puttah yvma hvttak ik vhoboh imma kut iksho ki tok oke.

38. Kohchvt ilkolih ma, Echip vt na yokpa tok; i nukshopah fehna hatuk okvt.

39. A luma ch_i k_a hushonti h_o wvtrvmmmit, ninak a i toh-wikelicha ch_i k_a luak o vba tukulichi tok oke.

40. Oklah asilhhah m_a, kufi h_o isht im vla tok, mihmut vba pvska y_o okla h_a ishit fihobli tok.

41. Tuli chito mitvffih m_a, oka y_{vt et fuhopah mut, okhina yosh chukushmi y_a a y_{vvvlli tok oke.}}

42. Im vnnumpah hulittopa y_a i tishuh Eblaham ittim apesa tok vt ithaiyana tok okvt.

43. Yohmi hatuk osh im okla hut n_a yokpa h_o, vtokuli tok vhleha hut yukput tvlohowa h_o pehlichit kohcha tok oke.

44. Atuk osh oklushi puttah i yakni y_a ihima na, oklah putta kut toksulit nan vtahli tuk a ishi tok oke.

45. Yohmi k_a im vnnumpah vhpisa putta k_a hulittobli cha, i nan vhpisa putta k_a hulittoblit iesha ch_i kak vtok oke. Chihowa h_a hu holittoblichih.

A T U L O A 106.

CHIHOWA h_a hu holittoblichih. Chihowa hut achukma hoka, yakoke hvsh im ahachashke; isht i hullo y_{vt abillia hoka.}

2. Kuta hosh n_a chinto Chihowa hut y_{vmihichi tuk a vnola hinlah choh? kuta hosh y_{vmma} hulittoblichih moma k_a hakluhecha hinlah choh?}

3. Nan vpesa tok a hulittobli vhleha hut nittak aiyukali k_a ai vhpiesa y_{vmihichi vt n_a yokpa hoke.}

4. Chihowa ma, chim okla h_a isht ish i kanah chatuk mak osh, isht is suthaiyanashke; chim ai okchaya ieshit is s_a nowashke.

5. Yemohmi na chim vltoka vhleha isht im ai achukma k_a pisut, chim oklushi vt n_a yokpa k_a nan ishit yokput, oklah chimmi h_a ibai ilavta lashke.

6. Pi ki vhleha h_a taklut il vsshvchi tuk, nan ik ai vhpieso y_{vmihichit pi yoshuba tuk oke.}

7. Pi tikba vhleha hut Echip aiyashah mut, nan inlah fehna ish y_{vmihichi tuk a yohmih ik abno ki tok; isht ish}

ī hullo apakna k̄a ik ithaiyano hosh, okhtah ontolaka, Okhtah Humma yā ai ī filvmm̄it chim asvnali tok oke.

8. Yumohmih kia ilap hohchifo hatuk pullah mak o, nau isht im ai ahli yā ottv̄n̄incha chī hosh, okchal̄inchi tok oke.

9. Mihm̄vt Okhtah Humma yā ī meha na shipp̄ut shil̄vt tahah mā, ahufobika yash yakni hayaka chom̄ih̄chit ai ittv̄nowv̄chit hlupullechi cha,

10. I nukk̄illi ibbak a a kohchit okchal̄inchi h̄ m̄vt, ī tv̄nv̄p̄ ibbak a a kohchit hlv̄kuff̄ichi tok oke.

11. Amba ī tv̄n̄ampi v̄hleha h̄a oka yvt ompohomo na, achuffah kia hikiya tok keyu hoke.

12. Mihm̄a v̄n̄numpah putta k̄a yimmi hatuk osh, hulittoblichit oklah tv̄lgh̄owa tok oke.

13. Chekosih mak inli h̄o n̄a yvm̄ih̄inchi tuk a oklah im vhaksi tok; im anukfila hut ai ahli chī k̄a ik hoyo hosh,

14. Amba yakni hayaka yā a pushk̄v̄noh fehna cha, chukushmi yā Chitokaka ai imomaka pisa tok.

15. Mihm̄a nan asilh̄a tuk a imah m̄vt, imish shilombish a chunna ȳo onucchi tok.

16. Atuk o binah aiyashah m̄vt, Moses micha Chihowa ī hulittopa Elon ittv̄tuklo k̄a ī putv̄n̄noh mā,

17. Yakni vt wukama cha, Tehlan a ishit nanublih m̄vt, Abailam ittv̄peha yā ompohommo tok.

18. Mihm̄a luak osh ai ittv̄peha yā a luah m̄vt, hut̄tak ik v̄lh̄peso v̄hleha h̄a luak libbi hosh hukmit tahli tok oke.

19. Holeb a wakushi holba yā ai ikbi cha, nan akmi ȳo im vkabchunnoli hosh,

20. Isht a hulittop̄a yash hv̄sshuk ah̄apa wak holba ȳo isht ittv̄toba tok.

21, 22. Echip a n̄a huchito a yvm̄ih̄ichit, Ham ī yakni yā nan inlah fehna ȳo a yvm̄ih̄ichi tuk osh, Okhtah Humma yā nanah pull̄emmi ȳo a yvm̄ih̄ichi hosh okchal̄inchi tuk Chitokaka yā im vhaksi tok oke.

23. Mihm̄a vtokule tuk Moses vt im anukhubela yvt isht ik kanchō ka chī k̄a f̄vl̄v̄mm̄icha chī hosh alv̄kofa tv̄kanli k̄a, yvm̄a itikba hikkia hatuk keyukm̄a, ishit kancha chih miha tok oke.

24. Atuk o vnonti yakni achukma ya shittilema tok; im unnumpa ha ik yimmoh mut,

25. Im vlhtipo puttah aiyashut ilachua tok; Chihowa im unnumpa ha oklah ik huponaklo ki tok.

26. Mihna ibbak a wielit, yakni hayaka ya ai akkakohliche tuk osh,

27. Im ishtatiaka ya oklushi puttah im ai ittitaikla ai akkakohlechi cha, yakni putta ka ai ittufemibla he, unnumpah im il ouecchi tok oke.

28. Atuk o Baal Pco ya oklah ibulltoh mut, nan okchaya keyu putta ka im issut isht ayokpuchi tuk a oklah ahapa tok.

29. Mihmut nan okpulo yumohomit, oklah nukovechi kak o, ililli okpulo vt kuechvt onuttohla tok oke.

30. Yohmih ma Finchas vt w McKayvt hikkia cha, nan im apesvt onuechih ma, ililli okpulo vt yukopa tok.

31. Mihmut isht ai unchululi mahayvt abillia ka ai vhpiesa yo isht im vhpisa tok oke.

32. Atuk o Melibah oka a nukoachi na, yummak atuk pullah mak o nan ik achukmo vt Moses a onuttula tok.

33. Im anukfila ha asvnnali na, ittivlbi ya ahah ik ahno hosh isht vnumpuli tok oka.

34. Chihowa hv i miha tuk okak o, oklah putta ka isht ik kancho hosh,

35. Amba oklushi putta ka vyokoma cha, yummut nanah a kuniomih chatuk a oklah ithvna tok.

36. Mihmut i na holvt tuba putta ka ayokpahachih ma, nan isht a yuka i tuba tok.

37. Mihmut ushi vblehah, ushetik vblehah aiena ka shilombish okpulo putta ka vbit isht ayokpuchi tok.

38. Yohmi kv nana ho okpuni tuk keyu issish, ilap ushi micha ushetik vblehah aienah im issish a hlvtblit, na holvt tuba Kenan aiyasha ka isht ayokpuchi ho, yakni vt issish hlvahapa yo ishit liteha tok oke.

39. Yumohomi kak osh ilap nanah a kuniohomi ak inli ho isht a liteha cha, nan okpulo yumihichi kak osh hawo tuba tok.

40. Yohmi hatuk o Chihowa im anukoa yut im okla ha isht i nukhubela cha, immih okla ha shittilemah mut,

41. Oklushi putta ka ibbak fohki na, i nukkilli vhleha hak osh pehlicchi tok.

42. Mihma i tunvp vhleha hut ilbvsshaliq ma, ibbak i nutakvt vkahehunnoli tok oke.

43. Himonaq kohchihichih kia, ilap im anukfilah isht i sunalih mut, nan ik vhpeso yumohomi kak osh akka ittulut knia tok.

44. Atuk o pahaya na hakloh mut, nan im a pullummi ka pesa cha,

45. Nan ittim apesa tok vt ithaiyanvt, isht i hullo chinto hatuk pullah mak osh i nukhaklo tok.

46. Mihmut yukachi tuk vt momvt i nukhakla chi ka nukfokki tok.

47. Pi Chitokaka Chibowa ma, ish pi hlakuffechi cha, oklushi puttah a kohchit ish pittinahli na, chi hohchifoh hulittopa ya yakoke im aiyahnit, chi hulittoblichy ya isht il ilawvtashke.

48. Israel i Chitokaka Chibowa hut hulittopa kut abillia tok osh abilliashe; mikma oklah moma kut, Amen, achashke. Chihowa ha hu holittoblichih.

ATULO A 107.

CHIHOWA hut achukma hoka, yakoke hvsh im aha-chashke; isht i hullo yvt abillia yoka.

2, 3. Chihowa hut hlukuffiche tuk, i tunampi ibbak a a kohchit hlukuffechi cha, yakni puttah, hvshakucchaka micha hvshaiokuttula, fulummih micha oka mahli aiena ka a kohchit ittinahli tuk putta kut yummak ash o oklah achashke.

4. Yakni hayaka ya chukushmi foka hina yo yushobvt ittunowvt, ai asha hinla tumahah ik vhayocho kak osh,

5. Hohchvfoh, itukshilah aiena hosh, imish shilombish vt im okhlilit kunnivshke.

6. Yohmih mut ilbvssha kak osh Chihowa ha i payah ma, im ai vtikkunofa hielih ma, ymma a kohchichishke.

7. Mihmut ai asba he tumahah oklah ona chi ho, hina ai vpissali yo a nowuchit isht ia hoke.

8. I hullo, micha huttak im vlla vhleha ha nan inlah fehna i yumihichi aiena hoka, Chihowa ha yakoke im ahachashke.

9. Shilombish itukshila ya fihoblikmut, shilombish kohchvfo ya nan achukma ho ishit kaiyuchi hoka.

10. Aiokhlileka micha ai illi okhlili ahashwa hosh nan i pullummit tvi ishit tvllakchi kut,

11. Chitokaka nan ahachi tuk a i svnali cha, Chaha i Shahli im anukfila ha shittilemut kanchi kak o,

12. Yohmi hoka na pvlummi onucchit chukvsh a vkachunnulechishke; ibetvblit akka ittulah ma, vpela hi vt iksho ke tuk oke.

13. Yohmih ma ilvssha kak osh Chihowa ha i payah ma, im ai vtikkunofa hielih ma, yvma a kohchit hvkuffichishke.

14. Aiokhlileka micha ai illi okhlili aiena ka a kohchichi cha, im ishit tvllakchi putta ka tvptulishke.

15. Isht i hullo, micha huttak im vlla vhleha ha nan inlah fehna i yumihichi aiena hoka, Chihowa ha yakoke im ahachashke.

16. Vsonak lakna okhisa putta ka kubvffikmut, tvi okfvtkvchi ya ittvhukkuffi hoka.

17. Im anukfilah iksho vhleha hokuto nan vlvpisa kubvffit hikikiyah, micha nan ik vlvpeso yumihichi kak osh il ilvsshali hoke.

18. Ai illi okhisa ya bilikasih fevnah ona kak osh, nan illimpa putta ka imish shilombish vt i yuwala hoke.

19. Yohmih mut ilvssha kak osh Chihowa ha i payah ma, im ai vtikkunofa putta ka a kohchit okchalinchishke.

20. Yohmi kut hvkuffechi cha, aiokpulokvt taha chi tuk a a kohcha chi hosh im vnnumpa ha i pila hoke.

21. Isht i hullo, micha huttak im vlla vhleha ha nan

inlah fehna i yumihiichi aiena hoka, Chihowa ha yakoke im abachashke.

22. Mikmut yakoke ahnit isht ayokpuchi putta ka isht ayokpachi cha, chitolit twloa hosh na yumihiichi tuk a vnolashke.

23. Peni huchito vbeht okhtah chito ittvnnowvt, oka huchito ya nan isht ai ghashwa,

24. Yummak osh Chihowa nan vtahali ya, micha ahufobika ya nan inlah fehna a yumihiichi ka pisa hoke.

25. Yohmi ka meha cha, mahlih kullo ikbi na, bnvtkvchi ya chahvchishke.

26. Shutik pilah oklah oiya hoke, ahufobika ya pit okvt-taha hoke; imish shilombish vt nan ik achukmo isht a kumuntvt kvnia hoke.

27. Huttak oka haksi yo chohmit fayokahachikmut, im ahupoyuksa moma kvt i kvnia hoke.

28. Yohmih mut ilbussha kak osh Chihowa ha i payah ma, im ai vtikkunofa hielih ma, yvma a kohchichishke.

29. Mahlih kullo yatuk a lohmut mahlechi na, oka bnvtha yvt chullosvshke.

30. Mihmut yukoptv tllayah ma, na yokpa hoke; mihma ai vtaya onah bnna tuk a isht onvshke.

31. I bullo, micha huttak im vlla vhleha ha nan inlah fehna i yumihiichi aiena hoka, Chihowa ha yakoke im abachashke.

32. Mikmut oklah itvnaha ai ittitacla ya chahvchit ai ayokpuchikmut, vssenonchi vlehah ittvfamvt chieya ai ittitacla ya a hulittoblichashke.

33. Oka a yvnlli putta ka chukushmi foka ikbikmut, kulih putta ka yakni shila ikbit tulohli hoke.

34. Yvma aiyasha kvt haksi hatuk pulla kak o, yakni nanah a waya achukma yatuk kia, yakni hvpih humi ikbi hoke.

35. Chukushmi foka ya oka tuloha ikbikmut, yakni shila yatuk a kvlih puttah ai ikbi tuk osh,

36. Yumma huttak hohchvfo yatuk a ai vshachi na, ai asha he tumahah ikbit tulali cha,

37. Osapa putta ka na nihi fimmit hokchi cha, pakkupi a hullokchi putta ka hokchikmut, nan isht i lawa chi na waya ya ikbi hoke.

38. Mikma yokpali na, oklah apaknah fehnakma, i nan vllhpoa ma ik vlawechot isht im iah keyushke.

39. Yohmi ka inla yosh ilbvsshali ho nan ik achukmo, micha na nukhaklo aienah onuttula kak osb, ik alawwot akka febna oklah ona tuk ak vttok oke.

40. Huchitoka ya Chihowa hut na shittilema onucchi cha, ataya iksho yakni hayaka yo ai itvnovvchi hoke.

41. Yohmih kia nan ik im iksho ya na pulvmmi a kohchit achahaka binilechi cha, chukfulhpoa chomihchit chukkachvffa lawachit im ikbi hoke.

42. Ai vpissali vhleha hut pesa cha, na yokpashke; nan ik vllhpeso moma kut ilap itih ha vkvmvkih pulla hi oka.

43. Kuta hosh hupoyuksa hoh choh? Yohmikmut nanah yakomi putta ka vchukmalit pesa cha, Chihowa hut i huhullo ka vkostininchashke.

A T U L O A 108.

Hulittoblichit atvloa Lewi vt ikbi tok.

SU chukvsh vt vpissalishke, Chitokaka ma; nan ishit sv holittopa mut aienvt tvloa lish, nan ulachit ayokpvche lashke.

2. Uhlepah micha hap ittutuklo kut hvsh okchashke; ik onno kisha ka si okchashke.

3. Oklah puttah im ai ittitacla ya yakoke chim ahachi la chi hoke; oklushi puttah im ai ittitacla ya nan ulachit a chi ayokpahachi la chi hoke.

4. Isht ish i hullo vt chitot chaha kut vba ya i shahlikma, chim aghlika yut shutik a ont tikeli hoka.

5. Chahvt vba putta ka ish i shahlashke, Chitokaka ma, chim ahulittopa yut yakni moma ka i shahlashke.

6. Chi hulittopa vhleha hut blvkuffa chi ka, chibbak

ishtimpakimma isht ish okchalinchī cha, vnnumpah ilbushsha ish pim aiblichashke.

7. Chitokaka yut hulittopa kak osh vnumpulishke; "Im aiyut nā sv yokpa chī hoke; Shekem a ittvkvshkule likmut, Sukkolh okfa hā vpesut ittvkashvli la chī hoke.

8. "Kileat vt ummi hokmā, Manasseh vt ummi hoke; mikmā Eflaim vt sv nushkoboh isht holmo yoke; Chutah vt vm ahulittopa i tvbi yoke.

9. "Moab vt ai il achefa li ampo yoke, Etom a a shulush pit o pila la chī hoke; Filistia yā im aiyut shukapa la chī hoke," achi tuk oke.

10. Kuta hosh tumahah hulihta yā vsht ia chih choh? Kuta hak osh Etom a svlawet ona hinlah choh?

11. Ish pi kanchi tuk osh, pi tvshka chipota yā ibafoiyukvt ish ia he keyu Chitokaka chia hak keyuh choh, Chitokaka ma?

12. Pi tvnampi yā a kohchit ish pi vpelashke; hutlak o ai okchaya yokvto nanah keyu hokā.

13. Chitokaka pulla hō tvvvp chilā e tuba chī hoke; mikmā yvmmak osh pi tvnampi vhleha hā yakni vvhulhicha chī hoke.

A T U L O A 109.

Tuloa pehlichī vt a tuloa chī hō, atvloa Lewi vt ikbi tok.

CHITOKAKA hulittoblībīchi li ma, kinnet ikshot chik binnilo kashke.

2. Huttak haksi itih, micha nā haksichi itih hō a sunalit oklah wukvmmi cha, isunlvsh hulabi yō isht vm a sunalit oklah vnumpuli hokā.

3. Michā nan isht i nukkilli vnnumpa hō ishit si vpakfoiyopa cha, nanihmih keyu hō suttibi hoke.

4. I hullo li kak o a tvnampi oklah tubah mā, vno yokvto vnnumpah ilbushsha vnumpule li yoke.

5. Nan achukma i yvmihīchi li kak o, nan ik achukmo hō isht vtobbichit si onucchi cha, i hullo li kak o i nukkilli isht vtobbichit si onucchi hoke.

6. I shahli ya chī kā hutlak haksi ak o ish vtokulikmā, i sunali vt im ishtinpakimma yā hikkiashke.

7. Nan im vllhpisakmut, vnnumpah onuttula tuk vt im ai ahlashke; mikma im vnnumpah ilbvssha yvt nan aivs-shvchika i tubashke.

8. I nittak vt kunomosashke; nan isht ai utta yatuk a inla yosh ishashke.

9. Im vlla vhleha hvv vltakla yokma, tekchi vt i hvttak illi yashke.

10. Mikma im vlla vhleha hvv ittfullummit nan asilhakmut, nan im aiokpulokvt taha yak o a kohchvt na hvlbina yo a hoyashke.

11. Nan im asha tuk moma ka nan ahevchi vt ishashke, mikma panah toksulit vhayuchi tuk a hvttak ik ithano vhleha hosh webpulashe.

12. I hulloh immoma yvt ik im iksho kashke, mikma im vlla vltakla vhleha ha i kana yvt iksho kashke.

13. Im ishtatiaka yvt hukofa chi hosh aiyashashke; isht ai unchululi et iakaya ka holchifo hvv musholit kuniashke.

14. I tikba vlehah nan ik vlpeso yvmihichi tok vt Chihowa ha anukfoiyukkama, ishki nan vsshvchi vt ik i kvshofo kashke.

15. Chihowa itikba ya tvkkohli na billiashke; mikma isht ai ithaiyana ya yakni a hukuffit kanchashke.

16. Yohmi ka nan i hullo yvmihcha he ik anukfoiyukko hosh, amba hvttak nan i pvlvni, micha nan ik im iksho, micha chvkesh ilbvssha aiena ka vba chi hosh vlvioa hatuk ak oke.

17. Mihmut vnnumpah chvkapa vnumpuli kak osh im achukma hatuk oka, ilap a onuttulashke; mihmut na yokpali ya ahvnihihi tuk keyu hoka, hupakichit ilap a i filvm, mishke.

18. Michha kvlakshichi ya i nafohka chomihchit fohkakma, ilap anukaka yak o oka chohmit ant vltokmut bila chohmit foni putta ka vlvtoh chatuk oka,

19. Nafohka fohkah chatuk ak o im ittillawwashke, micha isht vskuffvchi ya chih mak o isht vskuffaiyachi na billiashke.

20. Iluppak osh a sivali vblehah, micha vmish shilombish a i sivalit nan ik achukmo vnumpuli vbleha ha Chihowa a mintit isht im vltoba yoke.

21. Amba a Shabli Chihowa ma, chishno vto chi hohchifo hatuk pullah mak o is sa kanashke; isht ish i hullo vt achukma hokut, is sv hlakuffichashke.

22. Yobni ka vno vt ilvssha micha nan ik im iksho sia hosh, sv chukvsh sv foiyukka kut nvhla hoka.

23. Hushontika yvt svlayvt mahaya kak o chohmit kvnia lishke; hawa yak o chomihchit sv chuffechi na kvnia lishke.

24. Okissa li kak osh saiyikvlaha yvt fayokvchih ma, sun nipi vt nia tuk vt tahvt ivshke.

25. Mihma vno yvt oklah ik vobalo tuba lishke; sv pesakmut, nushkobo ha fahli hoke.

26. Is si vplashke, a Chitokaka Chihowa ma; isht ish i hullo pulla hatuk mak osh is si okchalinchashke.

27. Yvmohmi na iluppvt chibbak atuk a, Chihowa ma, chishno akosh ish yvmihchi tuk a oklah ithanashke.

28. Yvmmut kulakshichit vnumpulih kia, chishno vto ish yokpalashke; a sivalit vvkaya tuk vt hufahya hatuk o, chi tishu hvto na yokpashke.

29. A tvnampi vbleha hv na kulakshichi ishit foiyukakmut, ilap abufahya ya anchi chomihchit anchashke.

30. Chihowa ha sutih ha isht ayokpuche lih fehnakmut, oklah lawa im ai ittatakla ya a hulittobliche la chi boke.

31. Imish shilombish a vnumpah onucchi vblehah im ai ishit okchalinya chi hosh, hvttak nan ik im iksho im ishtimpakimma ya hikkia he bano hoka.

ATULO A 110.

Atuloa Lewi vt ikbi tok.

CHIHOWA hv a Shabli ya, "Um ishtimpakimma ya ish binnili na, chi tvnvp vbleha ha chiya ai o hikia ikbi li hayashke," achishke.

2. Nan isht chim aibli tvbi ya Saion ak o a kohchit Chi-

howa hut vba wela hi oke; chi tunvp vblehah im ai ittitacla yoka ahattut ish a pehliechashke.

3. Tynvp ia chi ittubobah nittakmut, chim okla hut ilap ahni hosh chim il issa hi oke; chukvsh kushofa ishit shema kut onvt minti a kohoccha tobwikeli ak o chiyuhmi hosh, chi himithoa yvt fichak chiyuhmit chim aiyasha hi oke.

4. Chihowa hut vnnunpah kullo il onucchi tuk vt inlvchit im anukfila he keyn kut, "Melkisetek a iakkaya hosh na huletunpa isht vta billia chia hoke," achishke.

5. Nan i Shahli vt chim ishtimpakimma hikkia hosh nukhubelah nittakmut, miko putta ka litolit kanchih pulla hi oke.

6. Oklah putta ka nan im apesa hi oke; hutlak illi yo isht vlotulit, yakni chito ka nushkobo ha litolit kanchih pulla hi oke.

7. Hina takla ya bokushi ya oka ai ishka hi oke; yohni hatuk osh nushkobo ha vkahchvkalicha hi oke.

ATULO A 111.

CHIHOWA ha hu holittoblichih. Upissali vblehah ai ittipehvt, micha oklah ittvnaha ya hikkivt, chukvsh mominchit Chihowa ha isht ayokpahachi la chi hoke.

2. Chihowa nanah ai vtahli tuk putta kut chinto hoke; yummak o im ai achukma moma kut hoboya he vlpesa hoke.

3. Nan isht ahatta kut isht a hulittopa chintoh fehna hoke; isht im ai vllpiesa yvt abillia hoke.

4. Nan inlah fehna yvmihichi tuk a isht ithaiyana ikbi tuk oke; Chihowa hut i kana, micha i nukhaklo yoke.

5. I nukshopa vbleha ha ilhpak ipetah chatuk oke; nan ittim apesa tok vt ithaiyana na billia chi hoke.

6. Oklushi puttah i yakni ya isht ima kak osh, nan isht ai ahatta tok ai ahli ya im okla ha im ottvniuchi tok oke.

7. Ibbak nan isht ai ahatta yvt aiahlika micha ai vlpesa yoke; i nan vlpisa putta kut kullo hoke.

8. Kellot tukkali na billivt billia hoke; ai ahlih micha ai vpissali hosh vltaha hoke.

9. Im okla ha ahlvkuffi et ima tuk oke; nan ittim apesa

tok vt abillia chī hō upesa tok oke; hohchifo hut hulittopah
micha ī nukshopa he vhpesa hoke.

10. Hupoyuksut isht ia kut Chihowa ī nukshopa yak oke;
yumna putta ka yumihchi moma kut nan ukostininchih
achukma yoke; Chihowa hulittoblichī vt abillia hoke.

ATULO A 112.

CHIHOWA hā hu holittoblichih. Huttak vt Chihowa ī
nukshōhōpa, im vnnumpah vhpisa putta ka im ai
achukmah fehna yut nā yokpa yoke.

2. Im ishtatiaka yut yakni paknaka yā luchitot aiyasha
hi oke; vpissali vhleah ai unchululi hut nā yokpa hi oke.

3. Nan ī lawa, im ilayak chito aiena kut im vboha
aiyashakmā, im ai vhpiesa yut abillia yoke.

4. Upissali vhleha hut aiokhlileka aiyasha tuk kia, ī kana,
ī nukhaklo, micha ai vhpiesa aiena yatak o, tohwikeli vt ī
kohchah chatuk oke.

5. Inla ī kana cha ī pota yut nan isht im ai achukma
huttak oke; nan isht ai asha yā nan isht ai ahatta kut ai
ahlichā he bano hoke.

6. Kvnvlla he keyu hō abillia chī hokut: ai vhpiesa yā
oklah ithaiyana na billia hi oke.

7. Nan ik achukmo vnnowa ka nukshopa he keyu hoke;
Chihowa anukchieto kak osh, chukvsh vt kvlloṭ nukfoi-
yukka hoke.

8. Chukvsh vt kvlloṭ nukfoiyukka hatuk osh, nukshopa he
keyu hosh ī tvnampi vhleha hā nā yokpvt ont pisa hi oke.

9. Ittefimit nan ik im iksho vhleha hā nan imah chatuk
okvt, im ai vhpiesa yut aiyasha na billia hoke; lupish vt
hulittopvt chaha chī hoke.

10. Huttak ik vhpeso vt pesa cha, im okpula hi oke; in
nuti yā killisliḥichī cha, bilvt kvnia hi oke; huttak ik
vhpeso vhleah nan ahni vt ont okpulot taha hi oke.

ATULO A 113.

CHIHOWA hā hu holittoblichih. Hvsh hulittobli-
chashke, Chihowa ī tishuh vhleah ma, Chihowa
hohchifo hā hvsh hulittoblichashke.

2. Himak a ai vlhit abillia ona ka Chihowa bohchifo hut hulittopashke.

3. Hushakohchaka ai vlhit hushaiokvttula ona ka Chihowa bohchifo hut hulittopa he vlhpesa hoke.

4. Chihowa hut chaha kut oklushi moma ka i shahli hoke; im ahulittopa yvt vba putta ka i shahli hoke.

5, 6. Uba achaha binnili, yakni ahufobi awet pihisa Chihowa pi Chitokaka ya kuta hosh chohmih choh?

7. Ilbussha yvt lukfi pushi binnili tuk a wukayvchi yoke; nan ik im iksho vt yakni niachi lukfi pakna binnili tuk a chahvchi kut,

8. Huchitoka ai ibatakla, im oklah ai achuffa huchitoka ai ibatakla binnilechi hoke.

9. Ohoyoh vlla ik im iksho yosh chukka ahatta tuk a, vlla vlehah ishki na yokpa ikbit binnilechi yoke. Chihowa ha hu holittoblichih.

ATULO A 114.

ISLAEL vt Echip a kohchah ma, Chekob i chukkachuffa yvt oklah bulbahvt vnumpuli yo takla ashvt kohchah ma,

2. Chutah vt im ai ahatta hulittopa tuba tok, Israel vt im apehlichika tuba tok oke.

3. Okhuta hut pesa cha i filummi tok o, Chatvn vt fulamvt ia tok oke.

4. Nvni huchito yvt chukfi nakni yak o chohmi hosh tullih ma, nvni chipinta yvt chukfushi yak o chohmi hoshulli tok oke.

5. Nantah chi kvtioghi hosh okhuta hut ish i filummi tok o, Chatvn vt fulamvt ish iah ma,

6. Nvni huchito yvt chukfi nakni yak o chohmi hosh hush tullih ma, nvni chipinta yvt chukfushi yak o chohmi hosh hushulli tok oh choh?

7, 8. Yakni ma, nan i Shahli itikba, Chekob i Chitokaka, yummut tuli chito ya invchit oka tulaya ikbit, tussunuk a oka kulih hiohli ikbi, itikba ya ish a wunnihichashke.

ATULO A 115.

NAN isht ish i hullo pulla kak o, chim vnnumpah ahhi pulla kak o, pishno ak keyuh, Chihowa ma, pishno ak keyuh, amba chi hohchifo hak o ish hulittoblashke.

2. Nantihmi kak o oklushi putta kut, "I Chitokaka muto?" acha hinlah choh?

3. Yohunih kia pi Chitokaka yvt vba ya binnilishke; nana ho ahnikmvt, moma ka yvmihchi yoke.

4. Oklushi i na holbut tuba putta kut tvli hvta, tvli hulisso lakna aiena ho, hvttak o ibbak osh nan ikbi yoke.

5. Itih hvv im gsha hokak osh, vnumpula he keyushke; nishkin vt im gsha hokak osh, pisa he keyushke.

6. Haksubishi vt i hinli hokak osh, hakla he keyushke; ibishakni vt im gsha hokak osh, huwa he keyushke.

7. Ibbak okak osh pvshohla he keyushke; iyi okak osh nowa he keyushke, i nvlupi ya isht vnumpula he keyushke.

8. Ikbi vhlelah, micha yummā anukchieto aiyukali kut yummak o chiyuhmi tuba hoke.

9. Israel ma, Chihowa hak o ish anukchietashke; yummak osh vpehvchi micha i telihpa yoke.

10. Elon i chukkachvffa ma, Chihowa hak o hvsh anukchietashke; yummak osh vpehvchi micha i telihpa yoke.

11. Chihowa i nukshopa vhlelah ma, Chihowa hak o hvsh anukchietashke; yummak osh vpehvchi micha i telihpa yoke.

12. Chihowa hvv pithaiyanah chatuk vt yokpalit, Israel i chukkachvffa ya yokpala chi hoke; Elon i chukkachvffa ma yokpala chi hoke.

13. Chihowa i nukshopa, chipinta, huchito ma aieninchit yokpala chi hoke.

14. Hvchishno micha hvchim vlla vhlelah aiena ka Chihowa hvv hvchi bakahli hokbano!

15. Vba micha yakni aieua ka ikbi tok Chihowa hvv hvchi yokpalashke.

16. Vba putta kut Chihowa hak o inmi hoke, amba yakni yokvno hvttak im vlla vhleha ha ima tok oke.

17. Chihowa ba hulittoblichā hinla kut illi vhleha hak o keyukmvt, kvna hosh achullosa ya ona kak o keyushke.

18. Amba pishnø yak okvto himak a ai vhit ia hosh abillia ka Chihowa ha il ayokpahacha chi hoke. Chihowa ha hu holittoblichih.

ATULO A 116.

CHIHOWA hut nan asilhhvt vnumpule li ka hahaklo hoka, i hullo li hoke.

2. Haksublish a awet a weli hoka, ahatta lih nittak ittita kla kv i pahaya la chi hoke.

3. Nan illi ishit tvllakchi putta kv si vpakfopah ma, illi aiasha ai vtikkunofa putta kv si vhayuchi ho, ai ilbvssha, na nukhaklo aiena ho pihisa le tuk oke.

4. Yohmih mut Chihowa hohchifo ha i payvt, "Omeh is svn abni cha, Chihowa ma, vmish shilombish a ish hlvkuffichashke," achi le tuk oke.

5. Chihowa hut i kana micha ai vhpiesa yoke, micha pi Chitokaka yvt nan i nukhaklo yoke.

6. Chihowa hut ik hupoyukso ya hullvlli yoke; akkalosi ona lih ma, si okchalinchi tuk oke.

7. Vmish shilombish ma, fulamvt ish a foha ish onashke; Chihowa hut achukma ho chi yvmihchi tuk oka.

8. Vmish shilombish a ai illi ish a hlvkuffichih mut, nishkin okchi a sv nishkin ish a hlvkuffechi cha, ai ittula ya saiyi ish a hlvkuffichi tuk oka.

9. Yohmi ho ai okchaya yakni ya Chihowa itikba a nohova li hoke.

10. Sv yimmi hatuk osh, vnumpule lishke: "Vno vt svlvssshah fehna tok oke.

11. "Vno vt sv kummuntah mut, 'Huttak moma kv hulabi yoke,' achi li tok oke.

12. "Nanah achukma ho a yvmihchi tuk moma ka, nanta ho Chihowa ha isht im atobbi la hinlah choh?

13. Ai okchaya isht ishko ya vba weli lish, Chihowa hohchifo ha i paya la chi hoke.

14. Chihowa ha vnumpah im il onhocchi le tuk vt, omeh ish abni na, im oklah momah itikba ya ai im ahliche lashke," achi lishke.

15. I hulittopa vlehah illi kut Chihowa itikba ya a hulittopa hoke.

16. Omeh is sum ahnashke, Chihowa ma; chi tishuh sia hoka: chi tishuh ohoyoh ushi, chi tishuh sia hoke; ishit sv tullakchi putta ka is sa hutuffi tuk oke.

17. Yakoke ahuit isht ayokpuchi isht chi ayokpachi lish, Chihowa hohchifo ha i paya la chi hoke.

18, 19. Chihowa ha vnnumpah im il onohochi le tuk vt, omeh ahni na, im oklah itikba, Chihowa im vboha i wanuta putta ka, Chelusalem ma, chi anukaka ya ai im ahliche lashke. Chihowa ha hu holittoblichih.

ATULOA 117.

OKLUSHI moma kut Chihowa ha hvsh hulittoblichashke, oklah moma kut hvsh ayokpahachashke.

2. Im isht i hullo vt pi onuttoiyula kut chintokma, Chihowa im vnnumpah ahli vt abillia yoka. Chihowa ha hu holittoblichih.

ATULOA 118.

CHIHOWA hut achukma hoka, yakoke hvsh im ahachashke; im isht i hullo vt abillia hoka.

2. "Isht i hullo yvt abillia hoke," Israel vt ik achi.

3. "Isht i hullo yvt abillia hoke," Elon i chukkachuffa yvt ik achi.

4. "Isht i hullo yvt abillia hoke," Chihowa i nukshopa vlehah hut ik achi.

5. Si vtikkunofah mut, Chihowa ha i paya lih ma, Chihowa hut sv haklo cha, ai o hikia vwata ho a sv helichi tuk oke.

6. Chihowa hut subafoiyukka hoka, sv nukshopa he keyushke; huttak okvto nanta ho sv katiomihcha hetoh?

7. Chihowa hut si vpela vlehah ha vm ibafoiyukka hatuk o, vno vt a nukkilli vlehah ha na yokpa hosh o hupokoyo la chi hoke.

8. Chihowa hak o ai vtukko kut achukma kut huttak a anukchieto ka i shahli hoke.

9. Chihowa hak o ai vtukko kut achukma kut hutak huchitoka vheha ha anukchieto ka i shahli hoke.

10. Oklushi moma kut si vpakfoiyupa hoh kia, Chihowa hohchifoh pulla ho ishit kanchi la chi hoke.

11. Si vpakfoiyupvt, oklah si vpakfoiyupa hak inlih kia, Chihowa hohchifoh pulla ho ishit kanchi la chi hoke.

12. Foishki chohmit si vpakfoiyupa hoh kia, bissukchv-kina luak o chohmit mushohohlih pulla chi hoke; Chihowa hohchifoh pulla ho ishit kanchi la chi kak oka

13. Si akkuma he ish ahni hosh is sv fahvnah fehna tuk ak inlih kia, Chihowa hak osh si vpela tuk oke.

14. Chihowa hut vm ai okchaya tuba hokvt, vmi lhampko micha vm vltvloak oke.

15. Ai vhpiesa vhehah im vltipo ya im aiyachi tuloa yvt olvt tukkali kut, "Chihowa im ishtimpakimma yak osh nan i shulihchi yoke.

16. "Chihowa im ishtimpakimma yak osh chaha yoke; Chihowa im ishtimpakimma yak osh nan i shulihchi yoke," achi hoke.

17. Sulla chih keyuh, amba okchayvt ahatta lish, Chihowa hut nan isht ahatta ka vnohohli la chi hoke.

18. Chihowa hut na pulummih fehna si onohocchi tuk oke; yohmih kia nan illi ha ik si o bohloshke.

19. Ai vhpiesa huliht okhisa putta ka hus sa tiwwi na, yummak o pit a chukkoa lish, Chihowa ha ayokpahachi lashke.

20. Ilvppak osh Chihowa i huliht okhisa yoke; yummak o ai vhpiesa vheha hut a chukkoa hinla hoke.

21. Is sv haiyaklo cha, ai okchaya is sa tuba tuk oka, chi ayokpuche la chi hoke.

22. Tuli chukkikbi vheha hut ik ayokpacho kash, yummak osh chukbika nuta i tola tubvshke.

23. Nanah ilvppvt Chihowa hak o a minti hatuk osh, pi nishkin itikba ya nana kut ai inlah fehna hoke.

24. Nittak ilvppak o Chihowa hut vtokuli tuk oka, na yokput isht iloh a yokpashke.

25. Intah! Chihowa ma, omeh ish pim ahni cha, ish pi

okchalinchashke; intah! Chihowa ma, omeh ish pim ahni cha, nan achukma ka ish pim vtahlashke.

26. Chihowa hohchifo ho ilai eshi hosh ayvt vla kut na yokpashke. Chihowa im vboha ayashvt e hvchi ayokpochishke.

27. Chihowa, yvmmak osh Chitokaka yosh, pi tohwike-lichi yoka, vbit nan isht ayokpechi ya ishit tullakchi puttah ishit takchi hosh, alta lvpish a isht hvsh onashke.

28. A Chitokaka chia hoka, chi ayokpeche lishke; a Chitokaka chia hoka, hulittoblit isht chi vnumpule lishke.

29. Chihowa let achukma hoka, yakoke hvsh im ahachashke; im isht i hullo yvt abillia hoka.

ATULO A 119.

ALEF.

ATAYA ya ai ahlih achukmut a foiyukka hosh Chihowa i nan vlpisa a nohova vhleha hut na yokpashke.

2, 3. Nan isht im ai vltukkoa putta ka hulittobli, chukvsh ai oklvht Chihowa ha hohoyo, nan ik ai vlpeso ma yohmi keyu, im ataya puttah vpesa tok a ai ittunohova yvt na yokpa yoke.

4. Chishno vt chi nan vlpisa putta ka hvttak vt vechukmalit hulittobla he ish vpesa tok oke.

5. Um ataya putta kut vltaha na, chi nan vlpisa putta ka hulittobli li hokbano!

6. Chim vnnumpah vlpisa moma ka ahnichi li hokmak osh, sv hofahya he keyu hoke.

7. Nan ai vlpiesa ish vpehisa ka ithvna li kut chukvsh ai vpissali hosh chi ayokpeche li hoke.

8. Chi nan vlpisa putta ka hulittobli li hoka, vmmomihchit chik sv kancho kashke.

BELH.

9. Nanta ho kvtiohmih mak osh hvttak himitta yvt im ataya ya kvshuffa hinlah choh? Chim vnnumpa ha iakkaya hosh abah ahni hokmak a hinla hoke.

10. Sv chukvsh isht ai oklvht chi hohoyo li hoka, chim

vnnumpah vlpisa putta k_a, i filvmmmit ik yushobá, chik si ahno kashke.

11. Ak chim vsshacho ka ch_i kak osh, nan ish achi y_a sv chukvsh a fohkit ieshi lishke.

12. Chihowa ma, chi holittopvshke; ch_i nan vlpisa putta k_a is sv avchashke.

13. Chitih hv_t nan vpehisa tuk moma k_a sottivlbi isht vnoli lih chatuk oke.

14. Nan isht chim ai vlhtukkoa putta k_a ataya li kak osh, n_a sv yokpa kv_t nan ilayak chito moma k_a vm ai ittillaw-wishke.

15. Ch_i nan vlpisa putta k_a anukfihilli lashke, mikmvt ataya ish vpesa tok putta k_a vechukmali hosh pisa lashke.

16. Ch_i nan vlpisa putta k_a ishit sv yokpa hoke; chim vnnumpa h_a vm ihaksa he keyu hoke.

KIMEL.

17. Ch_i tishu h_a nanah achukma h_o ish i yvmihichi na si okchayashke; yohmikm_a chim vnnumpa h_a hulittobli lashke.

18. Sv nishkin a is s_a fvtummi na, nan inlah fehna putta k_a ch_i nan vlpisa y_a a pisa lashke.

19. Yakni y_a oklah inla yosh ahatta li hoka, chim vnnumpah vlpisa putta k_a chik s_a luhmo kashke.

20. Nittak moma k_a nan ish vpehisa k_a hohoyo li kak osh, vmish shilombish vt lishovshke.

21. Ilefehnuchi vhleha h_a ish im olvbechih chatuk oke; chim vnnumpah vlpisa putta k_a i filvmmmit ittvnowa vhleha hv_t kvlakshishke.

22. Nan isht chim ai vlhtukkoa putta k_a ieshi li hoka, nan isht a hufahya, shittilema aiena kv_t si onuttoiyula tuk a is s_a kvvllichashke.

23. Pehlichika vhleha hv_t chiyvt ishit si vnumpuli hoh mák o, ch_i tishu hv_t ch_i nan vlpisa putta k_a anukfihilla he bano hoke.

24. Nan isht chim ai vlhtukkoa putta kak kia vm ai achukma, nanah a miha hvttak oke.

TALELH.

25. Umish shilombish vt lukfi pushi ya vku_llo hoka, chim vnnumpah pulla hatuk mak o is si okchalinchashke.

26. Um ataya putta ka chim vnoli likma, is sv hakloh chatuk okvt, chi nan vlpisa putta ka is sv abvchashke.

27. Chi nan vlpisa puttah ataya ya is suthvnanchi na, nanah inlah fehna ish yvmihichi ka anukfillit isht vnumpoholi lashke.

28. Nukhaklo kak osh vmish shilombish vt bilvt knvia hoka, chim vnnumpah pulla hatuk mak o kullochit is sv hillechashke.

29. Hulabi ataya ya is sa filvmmichashke; micha chi nan vlpisa ya isht is sa kanashke.

30. Aiahlika hina yak o vtokule li tuk oke; nan ish vpehisa ya sv tikba tkaliche li tuk oke.

31. Nan isht chim ai vlhtukkoa putta ka asittia lih chatuk oka, Chihowa ma, is sv hofahyalin nah.

32. Sv chukvsh a ish vvatvlikma, chim vnnumpah vlpisa puttah i hina ya a chahafa la chi hoke.

HE.

33. Chihowa ma, chi nan vlpisa puttah ataya ya is sa bibhlikma, ieshit ai vlhi ka ona lashke.

34. Nan is suthvnanchi na, chi nan vlpisa ya ieshi lashke; yohmikvt chukvsh isht ai okluha hosh hulittobli la chi hoke.

35. Chim vnnumpah vlpisa puttah i hina yak o vm ai achukma hoka, yvmak o is si a nowchashke.

36. Nan isht chim ai vltukkoa putta kak o sv chukvsh a pit ish fulullichashke, amba nan vhayuchi vno keyu kashke.

37. Na kulakshi ik peso ka chi ka, sv nishkin a ish shvnelashke; chi hina ya a nowchit is si okchalinchashke.

38. Yvmak o isht chi nukshopa hinla hoka, nan ish achi tuk vt chi tishu ha ish im ai ahlichashke.

39. Nan ish vpehisa yvt hochukma hokvt, nan isht ik si vhobalo i sv kummuta ka is sa filvmmichashke.

40. Yakeh, chi nan vlpisa putta kak o su bahanna hoke; chi ai vlpiesah pulla kak osh is si okchalinchashke.

WAF.

41. Mikma Chihowa ma, isht ish i hullo yut vm vlt, nan ish achi tok pulla hatuk mak o, chim ai okchaya yut vm vlashke.

42. Yohmi na chim vnnumpa ha anukchieto li hokut, ik si vobalo ya vnnumpah vfalvma ima lashke.

43. Mikma nan ish vpesa putta ka anukchieto li hoka, vnnumpah ai ahli ya vmmomihabit sutih ha a kohchit chik esho kashke.

44. Mikma nittak moma ka chi nan vlpisa ya hulittobli li billia cha billiashke.

45. Mikmut chi nan vlpisa putta ka hohoyo li hatuk osh, vtaklama iksho ho vobowa la chi hoke.

46. Yohmikmut sv hofahyah keyu hosh nan isht chim ai vltukkoa putta ka miko vhlelah itikba ya isht ai vnum-poholi la chi hoke.

47. Mikmut chim vnnumpah vlpisa putta ka, yummvt a hulittopa hatuk okut, isht a sv yokpa chi hoke.

48. Mikmut chim vnnumpah vlpisa putta kak o, yummvt a hulittopa hatuk osh, subbak ittichablinchit vba pit weli likmut, chi nan vlpisa putta ka anukfihilit isht vnum-poholi la chi hoke.

SAYIN.

49. Chi tishu ha vnnumpah isht is si anukchietochechi tok okut, isht vm ai achukma chi ka, ish ithaiyanashke.

50. Nan ish achi tok vt si okchalinchi ka, a pulvmmikmut, yummak o ishit si a hupohla yoke.

51. Ilefehnuchi vleha hut ik si vobaloh fehna hak inlih kia, chi nan vlpisa ya ak i filvmmoshke.

52. Chihowa ma, hupaki kash nau ish vpehisa tok a ithaiyana likmut, isht ile hupohlelechi lih chatuk oke.

53. Hvttak ik vlpeso vleha hut chi nan vlpisa ya kanchi kak o, nukhubela chinto kut sv nukfoiyukkushke.

54. Oklah inla yosh chukka yak ai ahatta li kut, chi nan vlpisa putta kak osh vm vltvloak oke.

55. Chihowa ma, ninak oh kia chi hohchifo hā it̄haiyana likmvt, chī nan v̄lhpisa yā hulittobli lih chatuk oke.

56. Chī nan v̄lhpisa putta k̄ā hulittobli li hokvt, yvm-mak osh v̄m̄mi mak oke.

HELH.

57. Chihowa hut v̄m̄mi yoke: "Chim v̄numpah putta k̄ā hulittobli lashke," achi le tuk oke.

58. Chukvsh isht ai okl̄hv̄chit isht ish ī kana yā hoyo li hokā, nan ish achi tuk vt ai iakayvt is s̄ā kanashke.

59. Ataya li putta k̄ā anukfilli likmvt, saiye yā fulv̄m-michit nan isht chim ai v̄lhtukkoa putta k̄ā isht iakaya lih chatuk oke.

60. Chim v̄numpah v̄lhpisa putta k̄ā hulittobli la chī kv̄t, ak ahchibalo hosh tushpa lih chatuk oke.

61. Huttak ik v̄lhpeso v̄hleah im ishit tullakchi putta kv̄t si v̄pakfoiyupa hak inlih kia, chī nan v̄lhpisa yā ik sv̄m ibaksoshke.

62. Nan ai v̄lhpiesa ish v̄pehisa tuk pullah mak o, ninak ikl̄v̄nah kia wukaya lish, yakoke chim āh̄achi lishke.

63. Chī nukshopa momah, micha chī nan v̄lhpisa puttah hulittobli v̄hleah aiena k̄ā ibaiachuffa sia hoke.

64. Chihowa ma, yakni vt isht ish ī hullo yō isht ai v̄lut-tovshke; chī nan v̄lhpisa putta k̄ā is sv̄m av̄chashke.

TELH.

65. Chihowa ma, chim v̄numpah pulla hatuk mak o, nan achukma hō chī tishu hā ish ī yvm̄ihchih chatuk oke.

66. Chim v̄numpah v̄lhpisa putta k̄ā sv̄ yim̄mi hokā, nan vkostiniuchi achukma micha nan ithana aiena k̄ā is sv̄m av̄chashke.

67. Nā pulv̄m̄mi ik si onuttolo kishah mvt, si yoshubah beka tok ak inlih kia, himak okv̄no nan ish achi tok ā hulittōh̄obli lishke.

68. Chi achukma cha, achukma kak o ish yvm̄ih̄ichi hokvt, chī nan v̄lhpisa putta k̄ā is sv̄m av̄chashke.

69. Ile fehv̄uchi v̄leha hut ā sv̄nalit hulabi ikbi tuk okak o v̄no v̄to chukvsh isht ai okl̄hv̄t chī nan v̄lhpisa putta k̄ā hulittobli la he bano hoke.

70. Imi chukush vt nia kut bila chohmi hoke; vno vto chi nan vlpisa yak o isht a sv yokpa hoke.

71. Chi nan vlpisa putta ka isht ithvna la chi kak okvt, na pvlvmmi si onuttula tuk vt isht vm ai achukma hoke.

72. Nan' vlpisa chitih a kohoccha yvt achukma kut, tvli hulisso lakna micha tvli buta tvhlepah sipokni kvni-ohmih kia vm i shaiyahlishke.

YOT.

73. Chibbak ak osh svkbit sv helichi tok okvt, chim vnnumpah vlpisa putta ka ithvna la chi ka is sv nuk-fokkashke.

74. Chim vnnumpa hak o anukchieto li ka, chi nukshopa vhleha hvv sv pesa cha na yokpashke.

75. Chihowa ma, nan ish vpehisa kut ai vlpiesa ka, micha isht is svv ai ahli kak osh na pvlvmmi is si onucchi tuk a ithana lishke.

76. Chi tishu ha nan ish im achi tok pullah mak o, isht ish i hullo yvt isht vm a hupohla yokbano!

77. Chi nan vlpisa yak osh isht vm a yokpa yoka, isht ish i nukhaklo putta kut si onuttoiyola na, si okchayashke.

78. Ilefhnvchi vhleha hvv ai ahlih keyu ho nan ik vlpeso si yvmibchi tuk okvt, hufahyashke; vno vto chi nan vlpisa putta ka anukfihilli la chi hoke.

79. Chi nukshopa vhleha hvv filemut vm vlashke; yoh-mikmut chim ai vltukkoa putta ka ithvnashke.

80. Ik sv hofahyo ka chi kak osh, sv chukush vt chi nan vlpisa putta ka im ai ahlashke.

KAF.

81. Umish shilombish vt chim ai okchaya ya aiyahni kak osh iellishke; chim vnnumpa hak o hohoyo lishke.

82. Nan ish achi tuk a aiyahni li kak osh sv nishkin vt iellit taha ho, "Kutiohmikmak o is sv hopohlvecha chih choh?" ahachi lishke.

83. Na hakshup kutoba o shubulli ak o ittillawwi lih kia, chi nan vlpisa putta ka ik svv ihakoshke.

84. Chi tishuh i nittak vt kutohmih choh? Kutiohmik-mak o a pullummechi vhleha ha nan vlpisa ish im ai ahlichachih choh?

85. Ilefehnuchi vhleha hut chi nan vlpisa ai iakkayah keyu kak osh, yakni chiluk a a kuhullishke.

86. Chim vnnumpah vlpisa putta kut momvt ai ahli yoke; ai ahlih keyu ho a pullummechi hoka, is si vpe-lashke.

87. Yakni ya oklah isht a sv kanchahosi tuk kia, vno vto chi nan vlpisa putta ka ak issoshke.

88. Nan isht ish i hullo pulla hatuk mak osh is si okchalinchikma, nan isht ai vlhtukkoa chitih a kohoccha ka hullitobli lashke.

LAMET.

89. Chihowa ma, chim vnnumpa hut vba ya tukkali na billia hoke.

90. Chim vnnumpah ish ai ahlichi kut isht ai unchululi poiutta ka mahaya kut, yakni ya ish tullali tok ak o ohmit tukkali hoke.

91. Nan ish vpehisa tok pullah mak o himak nittak a im-momvt tukkali hoke; nanah moma kut chi tishu hokvt.

92. Chi nan vlpisa yak osh vm a yokpa yatuk keyuk-mvt, nan isht vm a pullummi ya ishit sulla he atuk oke.

93. Yvmmak o isht is si okchalinchih tuk oka, chi nau vlpisa putta ka ik sv ihakso ho abillia chih hoke.

94. Chimmih sia hoke; is si okchalinchashke; chi nan vlpisa putta ka hoyo li hoka.

95. Ishit sv kancha chi hosh, hut tak ik vlpeso vhleha hut vm ayicchi hoh kia, nan isht chim ai vlhtukkoa putta ka anukfihilli li hoke.

96. Chim vnnumpah vlpisa yvto vwatah fehna hoka, nau vlhtayaha moma kut ont ai vli ka pisa lih chatuk oke.

MEM.

97. Chi nan vlpisa ya ahninchi lih fehna hoke; nittak moma ka isht vm anukfila yoke.

98. A tunv vhleha ha i shulihchi hosh chim vnnumpah

vlhpisa putta kv̄t sv hopoyuksuli hoke ; si anukfokkah abil-
lia yokv̄t.

99. Nan isht chim ai vlhtukkoa putta kv̄t isht vm anuk-
fih̄ila yatuk o, sv hopoyuksa kv̄t nan vm abvchi moma k̄a i
shvlihchi lishke.

100. Ch̄i nan vlhpisa putta k̄a hulittobli li kak osh, nan
vkostininchi li kv̄t hv̄ttak sipokui vhleha h̄a i shvlihchi
lishke.

101. Chim vnnumpa h̄a hulittobli la ch̄i kak osh, hina ik
achukmo aiyuka k̄a saiyi ȳa ak vhalayacho hoke.

102. Chishno ak osh is svthvnanchi hatuk o, nan ish
vpeh̄isa k̄a ak i filvmmo hoke.

103. Nan ish ah̄achi tok vt svvkha ȳa i champuih fehna
hoke ; sv̄tih h̄a i champuli kv̄t foi bila yak kia im i shah-
lishke.

104. Ch̄i nan vlhpisa putta k̄a nan ai vkostininchi li hoke ;
v̄vnohmi hatuk osh̄i hulabi at̄aya aiyuka k̄a isht ak aiyahno
hoke.

NUN.

105. Chim vnnumpa hv̄t saiyi i pula hokmv̄t, at̄aya li ȳa
i tohwikeli yoke.

106. Ai vlhpisa nan ish vpesa putta k̄a hulittobli la ch̄i
kv̄t, vnnumpah kv̄llo il onucchi li tok osh ai ah̄liche li tuk
oke.

107. A pvlvmmih fieh̄vshke ; Chihowa ma, chim vnnum-
pah pulla hatuk mak o is si okchalinchashke.

108. Ilap ah̄nit im issa sv̄tih a k̄ohoc̄cha k̄a ish ayokpv̄chi
hokbano, Chihowa ma, mikmv̄t nan ish vpeh̄isa ȳa is
sv̄m abvchashke.

109. V̄m ilh̄fiopak vt subbak foiyukkah billia hoh kia,
ch̄i nan vlhpisa ȳa ik sv̄m ihaksoshke.

110. Hv̄ttak haksi vhleha hv̄t ishit hukli ȳa a tv̄lah̄ali
hoke, yoh̄mih kia ch̄i nan vlhpisa putta k̄a ak i filv-
moshke.

111. Sv ch̄ukv̄sh isht a yokpa yok̄a, nan isht chim ai
vlhtukkoa putta kv̄t v̄mmih a billia ch̄i hosh ishe li tuk
oke.

112. Chī nan vļhpisa putta k̄a yumiḥchi lī billivt ai vļhi ona la chī hosh, sv chukvsh a pit tukkalechi li hoke.

SAMEK.

113. Im anukfilah shvnayoa vļleha h̄a shittilema li hoke, amba chī nan vļhpisa yvno ahninchī li hoke.

114. Ūm ai vļom̄aka miḥa a telihpa chia hok̄a, ebun vnnumpa hak o anukchieto li hoke.

115. Nan ik achukmo yumiḥchi vt hvs s̄a filvmmikm̄a, a Chitokaka im vnnumpah vļhpisa putta k̄a hulittobli lashke.

116. Nan ish achi tok mak osh is sv hullvli na si okchayashke; mikvut nanah pisa la he ahni le tuk a ishit chik sv hofahyalo kashke.

117. Is sv hullvli na si okchayashke; mikm̄a chī nan vļhpisa putta kak o n̄a sv yokpa hosh pihisa lī billiashke.

118. Chī nan vļhpisa putta k̄a i yushoba vļleha h̄a ish shittilema hatuk o, inla haksichi kv̄t ilap ak o hulabi i tuba hoke.

119. Hvttak ik vļhpeso momah yakni aiyasha k̄a lukfi chomihchit ish akshuchi yoke: yvmohmi kak o nan isht chim ai vļhtukkoa putta k̄a ahninchī li hoke.

120. Chī sv komuta kak osh svn nipi vt vwnniḥichishke, miḥa nan ish vpehisa k̄a i sv nukshopa hoke.

AYIN.

121. Nan ish ai vpesa miḥa ai vļhpiesa yak o yumiḥchi li hok̄a, svlvsshali vļlehah im issvt chik sv kancho kashke.

122. Isht im ai achukma chī h̄o chī tishu h̄a nan vtoni ish i tubashke; ilefehvuchi vļleha hv̄t ik svlvsshalo kashke.

123. Chim ai okchaya, miḥa nan ai vļhpiesa ish achi k̄a aiyahni li kak osh, sv nishkin vt iellishke.

124. Isht ish i hullo pulla hatuk mak osh chī tishu h̄a ish kv̄nimihchashke; miḥa chī nan vļhpisa putta k̄a is sv̄m avchashke.

125. Chī tishuh sia hoke; nan isht chim ai vļhtukkoa putta k̄a ithvna la chī k̄a, is sv nukfohkichashke.

126. Chī nan vļhpisa ȳa oklah kubvfi hok̄a, Chihova hv̄t toksva be nittak vt ai onvshke.

127. Chim vnnumpah vlpisa putta k_a ahn_inchi li kut, tuli hulisso lakna, tuli hulisso lakna hulittopa yak kia i shulibchi lish,

128. Nanah poi_yutta k_a nan ish ai v_pesa moma k_a vlpesah alni li hatuk osh, at_aya hulabi aiyuka kvno shitti-
lema li hoke.

PE.

129. Nan isht chim ai vlhtukkoa putta kut n_a fehna yoke; y_mohmi hok_a v_mish shilombish vt hulittoblit ieshih chatuk oke.

130. Chim vnnumpah tiwa kut ik hupoyukso vbleha h_a n_a nukfohkichit tohwikelichi boke.

131. Chim vnnumpah vlpisa putta k_a sv bah_anna kak osh, sv_tih h_a itv_kpusbalichit fi_ho_pa lishke.

132. Chi bohchifoh i hulittopa vbleha h_a ish a kvniomih-
chih chatuk mak osh, is s_a filema cha, is s_a nukbaklashke.

133. Nan ish ah_achi tok a no_ho_wa la ch_i k_a is sv_m vtahl_i
cha, nan ik vlpeso nanah kia, ik im. aiyá, chik sv_m aho_o
kashke.

134. Hvttak nan ilbvsshali y_a is si a hv_kuffechi na, ch_i
nan vlpisa putta k_a hulittobli lashke.

135. Ch_i tishu h_a ch_i nvsshuka ish o tohwikelichashke,
mik_nvt ch_i nan vlpisa putta k_a is sv_m avchashke.

136. Ch_i nan vlpisa y_a oklah ik hulittoblo kak o, oka
yvt sv nishkin a akka et yv_nah_allishke.

CHATE.

137. Ai vlpiesa chia hoke, Chihowa ma; micha vlpiesa
hosh nan ish v_peh_sa hoke.

138. Nan isht chim ai vlhtukkoa putta k_a, ai vlpiesah
micha ai ah_lih fehna h_o ish v_pesa tuk oke.

139. A tvnampi vbleha hv_t chim vnnumpah putta k_a im
vhaksi kak o, nan a yiminta li yvt ishit sv kanchishke.

140. Nan ish achi kut kvshofah fehv_t taha hok_a, ch_i
tishu hv_t ahn_inchi hoke.

141. Svskitinih, micha ik sv holittopo hoh kia, ch_i nan
vlpisa putta k_a ik sv_m ihakso hoke.

142. Chim ai vllhpiesa yvt ai vllhpiesa billia yoke, mikma chj nan vllhpisa yvt aialhlika yoke.

143. Nan i pvlvmmi micha nukhvmmi vt svshishke; yohmih kia chim vnnumpah vllhpisa putta kvv vm ayokpa yoke.

144. Nan isht chim ai vllhtukkoa putta kvv ai vllhpesa billia yoka, is sv nukfovki na si okchayashke.

KOF.

145. Chukvsh oklvhvchi hosh isht chj paya li hoka, is sv haiyaklashke, Chihowa ma; chj nan vllhpisa putta ka hulttobli lashke.

146. Chi paya lishke; is si okchalinihi na, nan isht chim ai vllhtukkoa putta ka hulttobli lashke.

147. Ik onno kisha hv chj tahpela lih chatuk oke; chim vnnumpa hv anukchieto li hokv.

148. Nan ish achi tuk a ai anukfihilli la chj hosh, ninak ai vtoni putta ka tikbanlit sv nishkin vt okcha hoke.

149. Isht ish i hullo pullah mak osh vnnumpule li ka ish haklashke; Chihowa ma, nan ish ai vpehish pulla hatuk mak osh is si okchalinchashke.

150. Nan okpni asittia vhleha hvv bilika hak inlih kia, chj nan vllhpisa yokvno i hupakichi hoke.

151. Chishno vto ish bilika hoke, Chihowa ma, mikma chim vnnumpah vllhpisa putta kvv ai ahlih bieka hoke.

152. Nan isht chim ai vllhtukkoa putta kvv abillia chj hv ish tvkohlichhi tok a, hupaki kash isht ai ithaiyana li tok oke.

LESH.

153. Chj nan vllhpisa ya vm ihaksih keyu hoka, nan vm a pullvmmi ka ish pesa cha, is si a kohchichashke.

154. Ai ittim afoa li ya is si vpehish cha, is sv hlakufichashke; nan ish achi tok pullah mak osh is si okchalinchashke.

155. Chj nan vllhpisa putta ka oklah ik hoyo hoka, ai okchaya yvt hvttak ik vllhpeso vhleha hv i hupaki hoke.

156. Isht ish i nukhaklo putta kvv chinto hoke, Chihowa

ma; nan ish vpehisa pulla hatuk mak osh is si okchalinchashke.

157. Sulbusshali micha a tunampi vt lawa hoh kia, nan isht chim ai vlhtukkoa putta ka ak i filvmmoshke.

158. Chi filvmmi vhleha hut nan ish achi tok a ik hulitoblo hatuk o, pisa likmut, shittilema lih chatuk oke.

159. Chi nan vlpisa putta ka ahninchli li ka pisah, Chihowa ma; isht ish i hullo pulla hatuk mak osh is si okchalinchashke.

160. Chim vnnumpah nushkaboka yut aighlika yoke; micha nan ai vlpiesa ish ai apesa aiyuka kut abillia hoke.

SHIN.

161. Nanihmih keyu ho hulittopa vhleha hut sulbusshali hoh kia, chim vnnumpah pulla hatuk mak o sv chukush vt nukshopa hoke.

162. Nan ish ahachi tok a ishit sv yokpa kut, nanah lawa ho yukachit ishi kak o chohmi li hoke.

163. Hulabi ya ik ahnechot shittilema li hoke; chi nan vlpisa yvno ahninchli li hoke.

164. Nan ai vlpiesa ish vpesa putta hatuk mak o nittak achuffakma untukloha chi hulittobliche lih chatuk oke.

165. Chi nan vlpisa ahninchli vhleha hut chukush nuk-taiyala i lawa hoke; micha ai ibetvli vt ik im ikshoshke.

166. Chim ai okchaya ya hohoyo li hoke, Chihowa ma; micha chim vnnumpah vlpisa putta ka yvmiheli lih chatuk oke.

167. Umish shilombish vt nan isht chim ai vlhtukkoa putta ka hulittoblih chatuk oke; ahninchli lih fehua hokvt.

168. Um ataya moma kut chi tikba a haiyaka hoka, chi nan vlpisa puttah, micha nan isht chim ai vlhtukkoa puttah aiena ka hulittobli lih chatuk oke.

TAW.

169. Pahaya li kut chi bilika onashke, Chihowa ma; chim vnnumpah pulla hatuk mak o nan isht vkostininchi is sv nukfohkichashke.

170. Nan asilbha li kut chi tikba onashke; nan ish achi tuk pullah mak osh is sv kohchashke.

171. Chī nan vļhpisa putta k̄a is sv̄m abvchikm̄a, sv̄t-
tīvlbi vt hulittoblichī yā k̄oh̄occha chī hoke.

172. Nan ish achi k̄a sv̄ sunlsh vt ayokpvchit tul̄oh̄o-
washke; chim vnuumpah vļhpisa yvt ai vļhpiesab bano
hok̄a.

173. Chī nan vļhpisa putta kak ō ayokpvchit ieshi le tuk
ok̄a, chibbak vt si vpela yashke.

174. Nan ish okchalinchī yā sv̄ b̄ah̄anna hoke, Chihowa
ma; micha chī nan vļhpisa yak osh v̄m ayokpa yoke.

175. V̄mish shilombish vt okchaya cha, chī holittobli-
chashke; yohni k̄a nan ish vpehisa yvt si vplashke.

176. Chukfi k̄onia yō chohmit fulobk̄ah̄achi li hok̄a, chī
tishu h̄a ish boyashke; chim vnuumpah vļhpisa putta k̄a ik
sv̄m ihakso hok̄a.

ATULO A 120.

Uboha hulittopa ilhkoli hosh ayā kv̄t a tuloa yoke.

A UPULMMI kak osh Chihowa h̄a ī paya lishke; sv̄
hakloh pulla chī hok̄a.

2. Chihowa ma, v̄mish shilombish ā ittiulbi hulabi, isun-
lsh haksichi aiena k̄a im is sv̄ hlakuffichashke.

3. Isunlsh n̄a haksichi chiah ma, nanta h̄ō chima hinlah
choh? micha nanta h̄ō chī bafohka hinlah choh?

4. Hv̄ttak tonvp im uskinuki yosh huluppa, tubaksi chu-
nipa a tuba ai ittibafoiyukka yak a chī hoke.

5. Meshek ā ai āhatta lih, micha Keta im vļhtipo puttah
ibatakla āhatta lih aiena kak osh, v̄m a pullv̄mmishke.

6. Ittī nanaiya ī nukkilli yā v̄mish shilombish vt takla
āhatta tuk ā hupakit taiyahvshke.

7. V̄no yokv̄to ittī nanaiya hi ak ō aiyahni li hoke; yoh-
mih kia vnuumpule likm̄a, yv̄mmv̄to tv̄nampih bv̄nna hoke.

ATULO A 121.

Uboha hulittopa ilhkoli hosh ayā kv̄t a tuloa he vļhtvloak
oke.

N UNIH foka sv̄ nishkin ā pit vbahev̄kaliche lishke.
N̄a si apilachi vt kv̄timma yak ō a minta hinlah
choh?

2. Na si vpela yuto vba micha yakni ittvtuklo ka ikbi tok Chihowa hak o a minti yoke.

3. Chiyi vt kuvvlla hi a ik ahno kashke; chi apesvchi vt ik nusilhho kashke.

4. Yakeh, Islael vpesvchi vt nusilhha he keyukmut, nusa he keyu hoke.

5. Chihowa hut chi apesvchi yoke; chim ishtimpakimma ya Chihowa hut chi o hushontika yoke.

6. Nittakma hvshi vt, micha ninakma hvsh ninak aya yut chi ai issa he keyu hoke.

7. Nan ik achukmo nanah kia ik chi vhalayo ka chi ka, Chihowa hut chi apesvchi yoke; chimish shilombish a vpesvchi yoke.

8. Himak ai vhit a billia ka, kohchvt ish ihiyah, micha ant ish chukkoghoh aiena ka Chihowa hut chi hullulla chi hoke.

ATULO A 122.

Uboha hulittopa ilhkoli hosh aya kut a teloa he Lewi vt ikbi tok.

“CHIHOWA im vboha kiloh ia,” oklah vm ahachih ma, ibatakla sv yokpa tuk oke.

2. Chi huliht okhisa puttah anukaka ya piyi vt hielishke, Chelusalem ma.

3. Tumahah chito yosh ittkvllot tuba kak o chohmit tuba Chelusalem chia hak oke.

4. Yummak o apelihchi puttah, Chihowa apelihchi putta kut Islael nan isht im vtukkoli mak osh, Chihowa hohchifo ha yakoke im acha chi hosh ilhkoli hoke.

5. Yummak o nan im ai vpesvt ai o binili hulittopa yut, Lewi i chukkachvffa im ai o binili hulittopa yosh hohmaya hoka.

6. Chelusalem nan isht im ai achukma chi ka hvsh asilhashke; chi ahninchihvleha hut na nuktula ha ieshi hokbano!

7. Chi hulihta kullo anukaka ya nan isht chim ai achukmakmut, chim vboha huletupa putta ka a nuk-taiyalashke.

8. Ittibapishi lih vhlehab, ittjkana lih vhlehab aiena kak atuk mak o vnumpulit, "Nan isht ai achukma yut chiba fojyukkashke," achi lashke.

9. Pi Chitokaka Chihowa im vboha pulla hatuk mak o, nan isht chim ai achukma hi a hohoyo lashke.

A T U L O A 123.

Uboha hulittopa ilhkoli hosh aya kut a tvloa yoke.

CHISHNO ak o sv nishkin a pit chim vbahevkalochi lishke, vba binuili chiah ma.

2. Yakeh, tishuh nishkin vt i nahullo ibbak ak o pit fillemah chatuk ak o chohmit, micha tishuh ohoyoh nishkin vt i nahullo ohoyoh ibbak ak o pit fillemah chatuk ak o chohmit, pi nishkin vt pi Chitokaka Chihowa ha pit fillema kut immoma tuk o, pi nukhaklo hokmak a hi oke.

3. Ish pi nukhaklashke, Chihowa ma, ish pi nukhaklashke; pi shittilema ya ishit pi vluttoah fehna hoka.

4. Na yakohmih ik ahno vhleha hut ik pi vhobalo, ilefehnevchi vhleha hut pi shittilema ka, pimish shilombish vt isht vluttoa kut im atvpah fehna hoke.

A T U L O A 124.

Uboha hulittopa ilhkoli hosh aya kut a tvloa he Lewi vt ikbi tok.

CHIHOWA hak osh pibafoiyukka hatuk keyu hokma, Israel vt ik achi,

2. Huttak vt pi sunalit wukayah ma, Chihowa hak osh pibafoiyukka hatuk keyu hokma,

3. Yummak atuk okma, im anukhubela yut pi sunalit libbih mut, pi okchayah moma ho ishit pi nanvbla he atuk oke:

4. Yohmikma oka yut pi o hulvbla he atuk, oka yuvlli yut pimish shilombish a vbanvbla he atuk oke:

5. Yohmikma oka ilefehnevchi yosh pimish shilombish a vbanvbla he atuk oke.

6. In nuti vt upa chi ka im issut ik pi kancho ke tuk Chihowa hut hulittopashke.

7. Pimish shilombish vt hushi yosh hushi hukli im ishit hukli ya imi hlukuffi kak o chohmi hoke; ishit hukli vt kubafa na, pishno vto pi hlakuffishke.

8. Uba micha yakni ittutuklo ka ikbi tok Chihowa hohchifo hak osh pi apela yoke.

ATULO A 125.

Uboha hulittopa ilhkoli hosh aya kut a tvloa yoke.

CHIHOWA anukchieto vhleha hut Saion nvnih, yummvt kunvlla he keyu hosh, amba hikkia na billia yak o chohmi hoke.

2. Chelusalem vno nvnih hosh vpakfoiyupakma, Chihowa hut im okla ha vpakfoiyupa kut himak hikivt ia hokvno abillia hoke.

3. Yohmi hatuk o ai vlpiesa vhleha hut nan ik vlpeso ya ibbak pit wielit ik onuccho ka chi kak o, nan ik vlpeso tubi vt ai vlpiesa vlehah immi ha onuttoiyula chih keyu hoke.

4. Chihowa ma, hutvak hochukma, micha chukvsh vpi-sali vlehah aiena ka nan achukma ho ish i yvmihchashke.

5. Amba i hina shvnayoa pit fulotoa yvno, nan ik vlpeso yvmihchi vhleha hak o awant ik ia, Chihowa hut im ah-nashke. Nanah achukma kut Israel a onuttoiyulashke.

ATULO A 126.

Uboha hulittopa ilhkoli hosh aya kut a tvloa yoke.

SAION vt yuka yatuk a Chihowa hut fulamvt im vlah ma, hutvak hullpukunna chiyuhmi hosh il aiyasha tuk oke.

2. Yummak fokkah ma pitih hut na yokpa isht vlotah ma, pisunlvsh vt tvloah fehna tuk oke: yummak fokkah ma oklushi puttah ittitacla ka, "Chihowa hut oklah ilvppa na chinto ka i yvmihchi tuk oke," oklah ghachi tuk oke.

3. Chihowa hut na chinto pi yvmihchi tuk mak o na pi yokpushke.

4. Oka mahli oka a yvnulli putta kak o chohmit, pi yoka ka fulamvt ish pim alashke.

5. Kuna hosh nishkin okchi mihinti hosh hokchi tuk vt tulohowa hosh vma hi oke.

6. Kohchit fimma chi hosh na nihi shaiyalit nishkin okchi mihinti hosh kohchvt ihiya tuk oh kia, onush sitoha shoiyoli cha, tulohowa hosh vla hi oke.

A T U L O A 127.

Uboha hulittopa ilhkoli hosh aya kut a tuloa he Salomon vt ikbi tok.

CHIHOWA hak osh vboha ya ikbih keyu hokvno, pe pilla ho chukkikbi vhleha hvv a toksvli hoke: Chihowa hak osh tumahah chito ieshih keyu hokvno, pe pilla ho vpesvchi vt okchvt vpesvchi hoke.

2. Pe pilla ho onnahinlih felna hvsh tani tuk osh, opyvt kvnnia ho hvsh binnili hosh hoyahablit na hvsh vhayuchi tuk puska halahsha hoke. Yumohmi ho i hulittopa yuno na nush ima hoke.

3. Yakeh, vlla vhleha hvv nan immi Chihowa a minti yoke; ushvto a minti yak osh nan isht vlhtoba yoke.

4. Himithoah moma ho ushi vhleha hvv uskinvki vt hvvtak tvnvp ibbak foiyukkah chatuk ak o chiyuhmi hoke.

5. Hvttak kuna hosh im uskinvki ai vbeha ya yummak o isht vlotuli tuk vt na yokpa hoke: hulihv okhisa ya i tvnvp vhleha ha ai ittim vnumpulikmvv, oklah hufahya he keyu hoke.

A T U L O A 128.

Uboha hulittopa ilhkoli hosh aya kut a tuloa yoke.

CHIHOWA i nukshopa hosh i hina ya a nohova aiyu-kali kut na yokpa yoke.

2. Chibbak toksahali tuk a ish pakmvv, na chi yokpa cha, isht chim ai achukma hoke.

3. Yohmi ka chit tekchi vt pakkvpi wayah achukma yak o chohmit chi chukka anukaka ahatta ho, chim vlla vhleha hvv alif vlhpoa puttah chohmit chim aiimpa ya vpakfoiyupa kak oke.

4. Yakeh, hvttak kuna hosh Chihowa ha i nukshopakmvv, yakohmit na yokpa yoke.

5. Chihowa hut Saion a a binnilit et chi yokpali na, chi okchayvt ish ahattah nittak moma kut Chelusalem im ai achukma ka na yokput ish pisakmvt,

6. Chim vlla vhleha hut vlla im aiyasha na ish pisashke. Israel a nan achukma kut onuttoiyulashke.

ATULO A 129.

Uboha hulittopa ilhkoli hosh aya kut a tuloa yoke.

SU hemitta tok takla ka himonah sulvsshahalih chatuk oke, Israel vt ik achi.

2. Sv hemitta tok takla ka himonah sulvsshahalih chatuk; yohmi hak inilih kia oklah vm aiyvchi tuk keyu hoke.

3. Yakni putvffi vhleha hut sun nvli ya putvffi tuk; putafa ya hofvlohvche tuk oke.

4. Chihowa hut ai vlpiesa yatuk osh hutvak ik vlpeso vlehah im ishit tvllakchi ya tvptoholi tuk oke.

5. Saion i nukkilli moma kut hufahya cha, filemvt yihle-pashke.

6. Chukka pakna puttah husshuk aiyasha yosh ik pvkanlo kisha hosh busshih chatuk,

7. Yummak o na waya bushli vt ibbak a vlotulih keyukma, sitohli vt shakba ya vlotulih keyu,

8. Micha ant ilhkoli kut, "Chihowa im isht yokpali vt hvchim vlashke; Chihowa hohchifoh pulla ho e hvchi ayok-puchishke," achi ho keyu kak o chohmashke.

ATULO A 130.

Uboha hulittopa ilhkoli hosh aya kut a tuloa yoke.

AHUFOBIIKA fehna yo pit a chi paya lishke, Chihowa ma.

2. A Shahlih ma, nanah vnumpule li ka ish hvponaklashke; nanah chim asilhhvt vnumpule li ka chi haksubish vt vchukmalit haklashke.

3. Chihowa ma, nan ik vlpeso putta ka vchukmalit ish pisa hokma, kuta hosh hikkia hinlah choh, nan i Shahlih ma?

4. Yohmih kia chī nukshopa chī kak o, nan vsshvchi i kushuffi chia hoke.

5. Chihowa hā hōhoyo li hoke, vmish shilombish vt hōhoyoshke, micha im vnnumpa hā pit anukchieto li hoke.

6. Vmish shilombish vt nan i Shahli yā pit hoyo kut nan vtoni vhleha hut onnahinli yā pit hoyo kā, nan vtoni vhleha hut onnahinli yā pit hoyo kā i shalihchishke.

7. Islael ma, Chihowa hā pit ish anukchietashke; Chihowa hut isht i hullo im āsha cha, isht a hlvkuffi mut i lawa hokā.

8. Micha yummak osh Islael ā nan im ai vsshvchi moma kā a hlvkufficha chī hoke.

ATULO A 131.

Uboha hulittopa ilhkoli hosh āya kut a tvloa he Lewi vt ikbi tok.

CHIHOWA ma, sv chukvsh vt ilefehvvchih keyuh, micha sv nishkin vt chahah keyushke; mikmut nā chinto, micha nā fehna vm atampa kā si vullayah keyushke.

2. Yummak het āsha na vlla pishit issa yosh ishki vtukali kak o chomihchit vmish shilombish ā nuktalalit hupohlveche li tuk oke; vmish shilombish vt vlla pishit issa yash chohmit si vtukkali hoke.

3. Islael ma, himak ai vhit ia kā Chihowa hā ish anukchieto na billiashke.

ATULO A 132.

Uboha hulittopa ilhkoli hosh āya kut a tvloa yoke.

CHIHOWA ma, im ai ilbussha moma kā Lewi yā ish im ithaiyanashke.

2. Yummak Chihowa hā vnnumpah kullo im il vnumpulit, Chekob i Hulittopa chinto yā vnnumpah im il onucchih mut,

3. “**A** chukka isht vhtipo yā chukkoa la chih keyuh, tupah a nuse li yā pit oiya la chih keyuh,

4. “**Sv** nishkin ā, ik nusi, sv nishkin o hlipa yā, ik nusilhhā, ak ahno ke tuk osh,

5. "Chihowa ai utta, Chekob i Hulittopa chiuto ai ahatta ya vhayuche li hokmak ashke," achi tok oke.

6. Yakeh, Efdata ya tulaya ka e haklo tuk uttok oke, Chea yakni ya il ai vhayuchi tok oke.

7. Im ai ahatta ya il onashke, iyi ai o hikiya ittuma ya il ayokpuchashke.

8. Chihowa ma, chishno, micha hulittopa hosh ish a binili itombi aiena kut, wukayvt chim afoha ish onashke.

9. Na huletumpa isht chim asha yvt nan ai vhpiesa ya ishit foiyukkakma, chi hulittopa vhleha hut chitolit tulohowashke.

10. Chi tishuh Lewi yak atuk pullah mak o nan vhamvt chim vhtoka ya aha chik im acho kashke.

11. Ai ablih mak o Chihowa hut Lewi ya vnnumpah kullo im il onucchi tok vt, ai i filvmma he keyu kut, "Chi haknip a tuba tuk ak o ai o binili hulittopa ya chim o binilechi la hi oke.

12. "Chisoh vhleha hut a nan ittim vhpisa, micha nan isht vm ai vhtukkoa im avche li ka hulittobli hokma, vshi vhleha hak kia yvmohmi hokmut, ai o binili hulittopa ya chim o binnili na billia he ak inli hoke," achi tok oke.

13. Chihowa hut Saion ak o vtokulit, ilap ai utta ya chi ho ahni tok okvt.

14. Yohmi kut, "Ilvppak osh vm afoha abillia yoke; ilvppak o ahni le tuk okvt, a binili la chi hoke.

15. "Im ilhpak a ishit yokpali lih fehna chi hoke, nan ik im iksho aiyasha ka puska ishit fihobli la chi hoke.

16. "Mikmut na huletumpa isht im asha ya ai okehaya ishit fohkveche likma, i hulittopa vhleha hut chitolih fehvt tulohowa chi hoke.

17. "Yvmmak o Lewi ya lupish im ai uffoche la hi oke; nau vhamvt vm vhtoka ya pulah im vtahli le tuk oke.

18. "I tunep vhleha ha hufahya ishit fohkveche la hi oke; amba im iachuka hut onuttoiyula kut shohmlala hi oke," achi tok oke.

ATŪLOA 133.

Uboha hulittopa ilhkoli hosh aya kv̄t a tuloa he Lewi vt ikbi tok.

YAKEH, ittibapishih v̄hleha hv̄t ittibaiachv̄ffv̄t aiyasha k̄a achukmáh, micha champulih fehv̄shke.

2. Bila achukma yv̄t nushkobo h̄a o hv̄tapa cha, akka pit yv̄nullit nutakhish, Elon nutakhish ā ona cha, akka pit yv̄nullit ī n̄a fohka huletumpa ikonla afuhoma ona tok ā chohmi hoke.

3. Hv̄mon fichak vt Saion nv̄nih foka ȳa o chilofa k̄a chohmi hoke; yv̄mmak ō nan isht yokpali, ai okchayv̄t billia ȳa Chihowa hv̄t v̄pesa hok̄a.

ATŪLOA 134.

Uboha hulittopa ilhkoli hosh aya kv̄t a tuloa yoke.

YAKEH, Chihowa ī tishuh v̄hleha hv̄t ninakm̄a Chihowa im v̄boha hv̄sh hieli kv̄t, momv̄t Chihowa h̄a hv̄sh ayokpv̄chashke.

2. Ai āhatta hulittopa ȳa hv̄ch ibbak v̄ba pit hv̄sh ai ō wieli cha, Chihowa h̄a hv̄sh ayokpv̄chashke.

3. Ūba micha yakni itvtuklo ikbi tok Chihowa hv̄t Saion ā binnilit hv̄chi yokpalashke.

ATŪLOA 135.

CHIHOWA h̄a hu holittoblichih. Chihowa hohchifo h̄a hv̄sh hulittoblichashke: Chihowa ī tishuh v̄hleha hv̄t Chihowa im v̄boha, p̄i Chitokaka im v̄boha ī wanuta puttah hv̄sh hieli kv̄t hv̄sh hulittoblichashke.

3. Chihowa hv̄t achukma hok̄a, Chihowa h̄a hv̄sh hulittoblichashke; hohchifo h̄a nan ulachit hv̄sh ayokpv̄chashke; achukma hok̄a.

4. Chihowa hv̄t ilap immi ha ch̄i hosh Chekob ā vtokulih mvt, ilap inli hosh iesha ch̄i kv̄t Islael ā vtokule tuk ok̄a.

5. Ūno yv̄t Chihowa hv̄t chintosh, micha p̄i Shahli vt chitokaka momah ī shahli k̄a ithana li hok̄a.

6. Ūba micha yakni, okhv̄tah puttah micha ahufobi mo-

ma k_a, nana h_o Chihowa hut ahri tuk vt moma k_a a yvmih-chi yoke.

7. Yakni ont atabaka y_a oktobbi vba iachi hosh, umba h_a husshukmulli im ikbi hoke; mahli h_a nan im aiasha puttah a kucchi hoke.

8. Yummak osh Echip a hutlak micha nan vhp_oa aienah vttahpi putta k_a issot kanchi tok oke.

9. Echip ma, nan isht vtukkoa puttah, n_a fehna puttah aiena k_a chim itt_itakla awet kanchit, Felo micha i tishuh vhlehah moma k_a awet onucchi tok oke.

10, 11. Yummak osh oklushi lawa k_a issot kanchi cha, m_iko kullo putta k_a, Amolait i m_iko Saihon, micha Beshan i m_iko Ok, micha Kenan apelihoodika puttah momah vbih mut,

12. I yakni y_a immih mak o, im oklah Islael vt ai ieshi ya ch_i h_o ima tok oke.

13. Chihowa ma, chi hohchifo hut abillia yoke; Chihowa ma, isht a chithaiyana yvt isht ai unchululi itt_vchahkvchit mahaya k_a ibafoiyukka hoke.

14. Chihowa hut im okla h_a nan im apesakinut, i tishuh vhleha hak atuk mak o i nukhakla hi ok_a.

15. Oklushi puttah i n_a holbut tuba putta kut tuli hvta, micha tuli hulisso lakna aiena h_o, hutlak o ibbak osh nan ikbi tuk ak oke.

16. Itih hut im a_sha hokak osh, vnumpula he keyushke; nishkin vt im a_sha hokak osh, pisa he keyushke.

17. Haks_ubish vt im a_sha hokak osh, hakla he keyushke; itih m_a fiopa hut iksho kummohmishke.

18. Yumm_a ikbi vhlehah, micha yumm_a anukchieto ai_yukali kut yummak o chiyuhmi tuba hoke.

19. Islael i chukkachvffa ma, Chihowa h_a hvsh ayokpvchashke; Elon i chukkachvffa ma, Chihowa h_a hvsh ayokpvchashke.

20. Lefai i chukkachvffa ma, Chihowa h_a hvsh ayokpvchashke; Chihowa i nukshopa vhlehah ma, Chihowa h_a hvsh ayokpvchashke.

21. Chelusalem ai ahatta Chihowa hut Saion a a hulitto-pashke. Chihowa ha hu holittoblichih.

ATULO A 136.

CHIHOWA hut achukma hoka, yakoke hvsh im achashke; im isht i hullo yvt abillia yoka.

2. Chitokaka puttah i Chitokaka ya yakoke hvsh im achashke; im isht i hullo yvt abillia yoka.

3. Nan i shahli i Shaiyahli ya yakoke hvsh im achashke; im isht i hullo yvt abillia yoka.

4. Ilap bicka hosh na fehna huchito yvmihichi ya yakoke hvsh im achashke; im isht i hullo yvt abillia yoka.

5. Im punna hosh vba ya ikbi tok a yakoke hvsh im achashke; im isht i hullo yvt abillia yoka.

6. Oka paknaka ya yakni tulali tok a yakoke hvsh im achashke; im isht i hullo yvt abillia yoka.

7. Na tohwikelichi huchito ikbi kv, —im isht i hullo yvt abillia yoka—

3. Nittak a pehliechi ya chi ho hvshi ya, —im isht i hullo yvt abillia yoka—

9. Ninak a pehliechi ya chi ho, hvsh ninak aya, fuchik aiena ka ikbi tok a yakoke hvsh im achashke; im isht i hullo yvt abillia yoka.

10. Echip im uttahi putta ka issot kanchi cha, —im isht i hullo yvt abillia yoka—

11. Israel vt im ai ittita kla aiyasha tuk a ai ishit kohchi kv, —im isht i hullo yvt abillia yoka—

12. Ibbak kullo ho, micha shakba vba pit ishit weli hosh ishit kohchi tok a yakoke hvsh im achashke; im isht i hullo yvt abillia yoka.

13. Okhutah Humma ya ittvhokuffit itti filvmmechi cha, —im isht i hullo yvt abillia yoka—

14. Iklonna ya Israel a hlupullichechih mv, —im isht i hullo yvt abillia yoka—

15. Felo micha i tushka chipota aiena ka Okhutah Humma ya pit okatvmoli tok a yakoke hvsh im achashke; im isht i hullo yvt abillia yoka.

16. Im okla ha yakni hayaka pehlichit aya tok a yakoke hvsh im achashke; im isht i hullo yvt abillia yoka.

17. Miko huchbito issot kanchih mvt,—im isht i hullo yvt abillia yoka—

18. Miko hulittopa putta ka vbi kv, —im isht i hullo yvt abillia yoka—

19. Amolait i miko Saion a,—im isht i hullo yvt abillia yoka—

20. Micha Beshan i miko Ok aiena ka vbih mvt,—im isht i hullo yvt abillia yoka—

21. I yakni ya immih mak o,—im isht i hullo yvt abillia yoka—

22. I tishuh Israel vt ai ieshi ya chi ho ima tok a yakoke hvsh im achashke; im isht i hullo yvt abillia yoka.

23. Ik vhotob e mahayah ma, yummak osh pithaiyana cha,—im isht i hullo yvt abillia yoka—

24. Pi tunampi vheha ha i mukuffit pishih chatuk a yakoke hvsh im achashke; im isht i hullo yvt abillia yoka.

25. Hvttak moma ka ilhpak ipeta hoke; im isht i hullo yvt abillia yokvt.

26. Uba puttah i Chitokaka ya yakoke hvsh im achashke; im isht i hullo yvt abillia yoka.

ATULO A 137.

BABILON okhina puttah lupalika, yummak o e chieya tok; Saion a il ithaiyanah mvt, e yayah aieua tok oke.

2. Pi hap a tukowissha yak o il a tvkoblichit tok oke.

3. Yummak o pi yokuchi vheha hv vt vlhtvloak pim asilhab mvt, pissikkopali vheha hv na yukpa pim asilhvt, “Saion vlhtvloak o a kohchit pi tuloah,” ahachi tok oka.

4. Kvtiolmi hosh yakni inla ya Chihowa im vlhtvloak a il a tuloa hinlah choh?

5. Chelusalem ma, chishno ya vm ihaksi hokma, sub-

bak ishtimpakimma yvt nan im punnah chatuk vt im v̄haksashke.

6. Ak ch̄ithaiyano hokma, Chelusalem a isht a sv yokpa kut, nanah moma ka i shv̄lihchi lih keyu hokma, sv sunlvsh vt sutih paknaka ya v̄lbashke.

7. Etom ushi v̄hleha hv̄t Chelusalem i nittak ma, "Hu moshulechih, i tola ya musholichit isht oh onah," ah̄achi tok a i sv̄nalit ish ithaiyanashke, Chihowa ma.

8. Babilon tumahah chukkillissa he ma, ish pi kaniomih̄ichi tuk a, k̄vna hosh vtobbit na chi kaniomih̄ichikmvt, na yokpa hi oke.

9. K̄vna hosh chim v̄llosi v̄hleha ha eshi cha, tv̄li isht issot kv̄hlah̄alikmvt, na yokpa hi oke.

ATULO A 138.

Atv̄loa Lewi vt ikbi tok.

SU ch̄ukvsh mominchi hosh yakoke isht chim aiyahni la ch̄i hoke; huchitoka itikba ya nan ulachit chi ayokp̄vche la ch̄i hoke.

2. Nanah ish achi tok vt chi hohchifoh moma ka i shv̄lichit ish chitolichi hoka, ch̄i tempel hulittopa pila ha pit ayokp̄vche la ch̄i hoke; micha isht ish i hullo micha chim vnnumpah ah̄li aiena hatuk pullah mak o chi hohchifo ha yakoke isht aiyahni la ch̄i hoke.

3. Yohmi ka ch̄i p̄abaya lih nittakma, is sv hakloh chatuk oke; yvmohmi hosh vmish shilombish a na hlampko h̄o vm anukfilah isht is sv hlampkōh̄ochi hoke.

4. Chihowa ma, chitih nanah ah̄achi tuk a haklo kak osh, m̄iko momah yakni aiyasha kv̄t chi ayokp̄vchashke.

5. Micha Chihowa im ahulittopa yvt chinto ka, Chihowa i hina ya oklah a tv̄loashke.

6. Chihowa hv̄t ebaha hak inlih kia, akkalosi ya p̄isa hoke; amba ilefehuvchi yvno hupakih hilechi hosh pit ithana hoke.

7. Nan a pullvmmi ai itt̄itakla ya aya li hoh kia, is si okchalnchi hokbano! a tv̄v̄p v̄hleha hv̄t nukhubela hatuk

pullah mak o, chibbak a ish o wielikma, chibbak ishtimpakimma yvt si okchalinchi hokbano!

8. Chihowa hut nanah vm vtahlih achukma chi hoke; Chihowa ma, isht ish i hullo yvt abillia yokvt, chibbak vt nan ikbi tok a chik kancho kashke.

ATULO A 139.

Tuloa pehlichy vt a tvloa chi ho, atvloa Lewi vt ikbi tok.

CHIHOWA ma, is sv silbhi hosh is svthanvshke.
2. Chishno ak osh binili lih micha wukaya lih aiena ka is svthana hoke; vm anukfila ha lupaki hoh kia et ish vkostininchishke.

3. Ataya li micha ai ittola li aiena ka imomaka ish pisah mv, a hina moma ka ish vkostininchishke.

4. Yakeh, Chihowa ma, vnnumpa hut sv sunlvsh a tukkalih keyu kishah kia, ai oklvhvchit ish ithaiyanvshke.

5. Um ashaka, sv tikba aiena ka si vtukkunnofvt is si vpakfoiyupvshke, micha chibbak a is si o boiyuhlishke.

6. Nan ish ithana ilvppvt inla kv vm atampa hoke; ebahah fehna hatuk o, onanchi la he keyushke.

7. Chimish shilombish a i filvmmitt kvtimma ak o ia la hinlah choh? micha chi nvsshuka ya i filvmmitt kvtimma ak o pit mvleli la hinlah choh?

8. Oiyvt vba ya ona li hoh kia, yvmmak o ish ahatta hoke; micha illi aiasha ya a tupah ai ikbi lih kia, yakeh, yvma ish ahatta hoke.

9. Onvt minti svnahchi eshi lish, hvshaiokvtvula ont ai vlhi ka ont ahatta li hoh kia,

10. Yvmmak oh kia chibbak vt svstt aya cha, chibbak ishtimpakimma yvt sv hullvlla he bano hoke.

11. Micha, "Okhlili hosh si ompoholmo na, tohwikeli hv si afullubli kv ninak tubashke," achi li hoh kia,

12. Okhlilika yak oh kia chim okhlilicha he keyu hoke; amba ninak vt nittak chohmitt tohwikeli hoke; okhlilika, tohwikelih ittutuklo kv chim ittihawwi hoke.

13. Chishno ak osh vm anukfila ha ikbit, hvshki im ushvto anukaka ya is si ai ikbi tok oka.

14. Napissah felna hosh sv toba tuk vt, chi ayokpuche lishke: nan isht ish ai ahatta kut inlah fehna hoke; yohmi ka vmish shilombish vt ithauah fehvshke.

15. Ai vlomaka a sv toba tok, yakni aluma a tubut si vltaiyaha tok vt, sv fonì vt chi luma tok keyu hoke.

16. A nittak vt achvffah kia iksho kishah ma, kvniolmit ahatta la he uttok a chi nishkin vt pisah ma, chi hulisso ha momvt a hulissot tukali tok oke; nittak putta kut tikbanli vhtokvt taha tok oke.

17. Yohmi ka chim anukfila hvtt a hulittopah fehvshke, Chitokaka ma; yumma moma kut apaknah fehvshke.

18. Hutihna lashke, ahni li hoh kia, lawa kut shinuk a i shalishke; si okchakvt, chibafoiyukka lih immovshke.

19. Chitokaka ma, hvttak haksi ya ish bi hokbano! Mikma issish hvttvli hvttak vhleha hvtt hvv sa film-mashke.

20. Yumvt chi tvvvp vhleha hosh na haksi yumihchi hosh, chi filmmit chi svnali hoke; himakfokkvlechi chi holchifo ha hochifo hoke.

21. Chihowa ma, chi nukkilli vhleha ha i nukkilli likvt, chi sunalit wukaya vhleha ha shittilema la he tuk keyuh choh?

22. I nukkillih ai ahlih mak osh i nukkilli li hoke; a tvvvp tuba hoke.

23. Chitokaka ma, is sv silhhi cha, sv chukvsh a ish ithvnashke; imomaka is sv pesa cha, vm anukfila ha ish ithvnashke.

24. Micha chi nukhaklochi hina yvt sv fokka hokmah, nana ka is sv pesa cha, abillia hina yak o isht is si ayashke.

A T U L O A 140.

Tvloa pehlichì vt a tvloa chi ho, atvloa Lewi vt ikbi tok.

CHIHOWA ma, hvttak okpulo ya is si a hvkuf-fichashke; nan ilvsshahali hvttak im eshit is sv hvllullashke.

2. Yummvt chukvsh anukaka ya nan ik achukmo anuk-fihilli boke; nittak aiukali ka tunup wukayahachi boke.

3. Sinti ak o chohmi hosh isunlvsh a hvluppvchi tuk oke; hahta im isht vlbi vt ittiulbi anukaka ya fokka hoke.

[Yukopa.

4. Chihowa ma, si vpesvchit huttak haksi ibbak a is si a kohchichashke; nan ilbusshahali huttak vt a nohowa li ya akvchih brna ka im eshit is sv hullvllashke.

5. Ilefhnvchi vbleha hut ishit hukli micha isbit.tvllakchi aiena ka lubmit a tvlohli tuk; ishit hukli ya hina lvpalika a putali tuk; isht vlbi ya a hilechi tuk oke. [Yukopa.

6. Chihowa ha, "Chishno ak osh a Chitokaka chia boke," im achi le tuk oke; na chim asilhvvt vnumpule li ka ish hvponaklashke, Chihowa ma.

7. Chihowa, nan i Shahli, vm ai okchaya hlampko ma, tvnampih nittakma sv nushkobo ha ish ompohomob chatuk okvt,

8. Huttak haksi nan ahni putta ka chik emo kashke, Chihowa ma; isht ilefhnvcha hinla hoka, nan vpesa tuk a, hlupullicha he, chik im ahno kashke. [Yukopa.

9. Si vfullubli vblehah nushkobo ha ilap ittiulbi nan okpuni vt ompohomashke.

10. Luak tubaksi yosh o fuhopashke; luak pit itvechashke; a hikia he keyu oka hufobi yo pit okvechashke.

11. Isunlvsh isht okpuni huttak vt yakni ya kvllot hikia he keyuh; nan ilbusshali huttak okvno nan ik achukmo vt hoyot ishit kancha chi hoke.

12. Chihowa hut ilbussha nan im akvniohmi ya im aiahlichikmut, nan ik im iksho vbleha ha ai vhpiesa i yv-mihcha hinla ka ithana li hoke.

13. Ai vhpiesa vbleha hut chi hohchifo ha yakoke im aiyahna he bano hoke; ai vpissali vbleha hut chim itikba ya chieya hi oke.

ATULO A 141.

Atuloa Lewi vt ikbi tok.

CHIHOWA ma, chi paya lishke; tushpet is som alash-ke; chi paya likma, vm vnnumpa ha ish haklashke.

2. Um vnnumpah ilbussha yvt nā bvlama yak o chohmit chi tikba tukkalashke ; subbak vba pit wieli li kv̄t opyaka isht ayokpuchi yak o chohmit chi tikba tukkalashke.

3. Chihowa ma, sv̄tih hā nan vpesv̄chi ish a hillechashke, sv̄ttiv̄lbi okhisa yā ish vpesv̄chashke.

4. Nan ik v̄lhpeso yvmihchi hv̄ttak buletumpa v̄hleha hā ibatak̄lv̄t nanah haksi isht ah̄atta la ch̄i k̄a, vnnumpah ik achukmo yā sv̄ chukv̄sh vt pit fulota he chik si ahno kashke, micha im ilhpak champuli putta k̄a ak po kashke.

5. Ī hullo hosh ai v̄lhpiesa yvt sv̄ fahama cha v̄m olv̄bih̄i kia, bila nushkoboh isht v̄hama yash o sv̄ nushkobo hv̄t ik shittilemo kashke ; immomah kia, nā p̄lv̄m̄mi vt onuttulakmā, vnnumpah ilbussha isht v̄numpoh̄oli la ch̄i hoke.

6. Ī nan vpesa v̄hleha hā pit pela na, tuli hikia nutaka out kaha tuk oh kia, nanah ah̄achi li kv̄t champuli hokā, oklah hakla ch̄i hoke.

7. Hv̄ttak vt yakni yā a bv̄shlit p̄tv̄ffikmak o chohmi hosh, pif foni vt illi aiasha itih bil̄ka yā ittv̄femip̄vt aiyasha hoh kia,

8. Yohmi hak taba, nan ī Shahli Chihowa ma, chishno ak o sv̄ nishkin vt pit chi vpissali hoke ; chishno ak o chi vtukko li hokā, v̄m ilh̄fiopak ā ish kanchin nāh.

9. Ishit hukli ā tulali tuk, micha nan ik v̄lhpeso yvmihchi v̄hleha im ishit hukli puttah aiena k̄a im ai ishit is sv̄ hv̄llv̄llashke.

10. Hv̄ttak haksi v̄hleha hv̄t ilap im isht v̄lbi yash inli hō isht ik a yuká, amba vno yokv̄to h̄lekuffi lih mak inlashke.

ATULO A 142.

Nan itv̄nanchi vnnumpah, vnnumpah ilbussha, tuli chuluk fōkkah mut, Lewi vt ikbi tok.

CHIHOWA hā ī p̄ah̄ayvt v̄numpule lishke, Chihowa hā im asih̄ih̄hv̄t v̄numpule lishke.

2. Nan isht v̄m akv̄niobmi yā itikba yō fuhobli lishke ; nan isht si vtaklōma yā itikba ai v̄nōh̄oli lishke.

3. Umish shilombish vt okhlilit kv̄nuiah kia, chishno ak

osh a nowa li ya ish ithanvshke; ataya aya li ka nan ishit hukli oklah a luhmishke.

4. Um ishtimpakimma ya awet hupokoyo cha, pisah; yohmi ka nan ishit si anukfilli kut ikshoshke, ai vtukko vt a kuniushke; vmish shilombish a nan isht ahni kut ikshoshke.

5. Chihowa ma, chishno ak o chi paya lishke; "Chishno ak osh vm ai vtukko, ai okchaya yakni ya vmmih chia hoke," achi lishke.

6. Sv hlepshih fehna hoka, paya li ka is sv haiyaklashke; sulvsshali putta kut kullo kut a shahli hoka, is si a hlekuffichashke.

7. Chi hohchifo ha ayokpucha chi ka, vmish shilombish a vboha kullo is si a kohchichashke: vno ya nanah achukma ho is si onohochhikma, ai vhpiesa vhleha hut na yokpa hosh si vpakfoiyupa chi hoke.

ATŪLOA 143.

Atvloa Lewi vt ikbi tok.

CHIHOWA ma, vm vnnumpah ilvssha ya ish haklashke; nan asihlibha li ka is sa hvponaklashke: chim aiahlika, nan isht chim ai vhpiesa aiena hatuk pullah mak o is sv haiyaklashke.

2. Yohmi kut kuna hosh okchayvt ahatta kut chi tikba ya ai vhpiesa hosh hikkia he keyu hoka, chi tishu ha na chik im apeso kashke.

3. Tunv vt vmish shilombish a hliohlit, vm ilhfiopak a akka vleshulit kanchit, illi tok hupaki chomihchit aiokhli-leka sv benilechi hoka.

4. Yohmi hatuk o vmish shilombish vt im okhlilit kvnnia hoke; sv chukvsh si anukfoiyukka kut chukkillissa hoke.

5. Nittak tikba yuttok a ithaiyana lishke; nanah ish kvniqhomi tok moma ka anukfilli lishke; chibbak toksahalif tok a anukfihilli li hoke.

6. Subbak a pit isht chim vshvttapa lishke; vmish shilombish vt yakni yosh oka bunna kak o chiyulmi hosh chi hoyo hoke. [Yukopa.

7. Chihowa ma, vmish shilombish vt tahvt kunnia hoka, tushput is sv haklashke; chi nvsshuka ya is sa luhmi na, yakni kula ona vhleha hak o chohmi lin nah.

8. Onnahnlikma chim isht i hullo ya is sv haklochaske; chishno ak o chi anukchieto li hoka: hina atia la he vllipesa ka is svhvnanhashke; vmish shilombish a chishno ak o pit chi tkaliche li hoka.

9. A tvnvp a im eshit is sv kohchichashke, Chihowa ma; chishno ak o ont chi a luma li hoka.

10. A Chitokaka chia hokvt, nanah ish ai ahni kak o yumihchi la chi ka, is sv avchashke: chimish shilombish vt achukma hokvt, yakni ittilawwih achukma kak o a vsht ayashke.

11. Chi hobchifoh pulla hatuk mak o is si okchalinchashke, Chihowa ma; chi ai vllipesa kak osh vmish shilombish a ai ilvssha is si a kohchichashke.

12. Micha isht ish i hullo pulla kak osh a tvnvp vhleha ha ish musholichashke, micha vmish shilombish a ilvsshali moma ka isht ish kanchashke; chi tishuh sia hoka.

A T U L O A 144.

Atvloa Lewi vt ikbi tok.

A TULI Chito, yummak osh subbak a ittibilh im pon-
nuche tuk, subbakushi a tvnampih im ponnuche tuk,
a hullo micha a hulihta kullo, vm ahvkuffi chaha micha sv
hlakuffichi, a telihpa micha ai vtukko li, vm okla ha a nu-
takechi, Chihowa hvttak hulttopashke.

3. Chihowa ma, hvttak vt nanta hatuk o ish ithanah
choh? hvttak ushi vt nanta hatuk o nan isht ish anukfihillih
choh?

4. Hvttak okvt nanah keyu kak o ohmi hoke; i nittak
puttakvt hushontih hikvt ant ihya kak o chohmi hoke.

5. Chihowa ma, chi slutik a ish bichulli cha, ish akko-
ashke; nvnih chaha putta ka ish putoli na, shubullashke.

6. Hvsshukmulli ha ish mvlvthachi cha, ish ittvfimmash-
ke; him uskinvki putta ka ish pela cha, ish kumuntu-
chashke.

7. Chibbak a achahaka awet ish wielashke; is sv mokuffi cha, oka chito ya si a kohchit oklah inla ibbak a is si a kohchichashke.

8. Yummā itih hvt nan ik ghlo yo vnumpuli hoka, micha ibbak ishtimpakimma yvt hulabi im ishtimpakimma yoke.

9, 10. Chitokaka ma, miko vhlelah hlvkuffichi, i tishuh Lewi ya bushpo felaya ik achukmo i kvvullichichia ha, atvloa himona yo isht chi tvloa lashke; vhlepah ishit tullakchi pukoli gsha yo isht ulachit chi ayokpuche lashke.

11. Oklah inla, yummā itih hvt nan ik ghlo yo vnumpulikmā, ibbak ishtimpakimma yvt hulabi im ishtimpakimma yoka, ibbak a im ai ishit is si a kohchichashke.

12. Yvmohmi ka pisoh vhleha hvt nan uffo ak o chohmit, himittah momvt huchitokmā, pisohtek vhleha hvt chukka chukbi imit tonnīk osh vboha hulittopa yvt kvniohmit vlhtahah chatuk ak o ohmi hosh i chuwvt vlhtaha chohmikmā,

13. Pi kauchak vt vluttoa kvv, nā waya ilaiyukali ho pihimākmā, pi nan vlhpoa chipinta yvt tvhlepah sipokni, vnonti tvhlepah sipokni pukoli kvvnohmih kia hayaka a chihilikmā,

14. Pi wak toksvli putta kvv shapulikmā, tmahah hulihta kinafa yvt ikshokmā, tvvvp i nutaka hosh kohchvt ia kvv ikshokmā, pim ai ittvnowa ya yaya kvv iksho kak ashke.

15. Oklah nana ho nana kvv i yakohmi hosh aiyasha hokmvt, nā yokpa hoke; oklah nana ho Chihowa hak osh i Chitokaka yokmā, yummak osh nā yokpa hoke.

A T U L O A 145.

Hulittoblichich Lewi vt ikbi tok.

A CHITOKAKA, Miko ma, chi holittobliche likmvt, chi hohchifo ha ayokpahachi li billivt billia chi hoke.

2. Nittak aiyukali ka chi ayokpuche likmvt, chi hohchifo ha hulittoblichichich li billivt billia chi hoke.

3. Chihowa hvt chinto hoke, micha hulittopah fehna he vlhpesa hoke, micha chinto ka kuna hosh silhhit taiyahla he keyu hoke.

4. Isht ai unbululi poiyyutta kut ittiakaya hosh, nanah ish yvmihichi putta ka isht ittim ayokpahachikmut, na chinto ish yvmihichi ka ittim vnoholashke.

5. Chim ahulittopa chintoh fehna ka, micha nan ilah fehna ish yvmihichi kut vnnoa ka anukfillit isht unumpoholi lashke.

6. Micha ishit nukshopa he vlpesa nan ish yvmihichi kut hlampko ka oklah mihihashke; mikma na huchinto ish yvmihichi ka vnoli lashke.

7. Chi achukmah chinto ka isht ithaiyana ya oklah isht unumpoholikmut, chim ai vlpiesa ya oklah ishit tvloh-washke.

8. Chihowa hut i kanah, micha i nukhaklo hosh, nukoa kut svlaha cha, i hulloh mut chinto hoke.

9. Moma ka Chihowa hut i kanah achukma hoke, micha i nukhaklo yvt nan vtahli tok moyuma ka onuttoiyula hoke.

10. Chihowa ma, nanah ish ikbi tok vt momut yakoke chim aiyahnikma, chi hulittopa vhleha hut chi ayokpahachashke.

11. Ish apelihchika ahulittopa ya mihihakmut, chim isht hlampko ha isht unumpoholashke.

12. Yvmohmi hosh nanah yvmihichi chinto putta ka, micha im apelihchika ahulittopa chinto ka huttak im vlla vhleha ha im ottvninchashke.

13. Mikot ish binnili kut a billiut billia ish a miko yoke, mikma ish apelihchika yvt isht ai unchululi mahaya moma ka a tvkkali hoke.

14. Chihowa hut akkvmut mahaya moma ka hulalli yoke, vkahchunnoli moma ka vkahchvkalichi yoke.

15. Nanah moma nishkin vt pit chi pihisvt chi anukchieto hoke; mikma ont ai vlpiesakma, im ilhpak ish ipihita yoke.

16. Yvmohmi kut chibbak a ish wukvmikmut, nan okchaya momah nan ahni ka ish fihobli yoke.

17. Chihowa hut im ataya moma ka ai vlpiesa hoke, mikmut i hullo hosh nanah moma ka yvmihichi hoke.

18. I pahaya moma ka, ahli hosh i pahaya moma ka, Chihowa hut i bilika hoke.

19. I nukshopa vlehah nan ahni ka yvmihcha hi oke; mikmvt oklah i pahayakma, haklo cha, okchalincha hi oke.

20. I hullo moiyma ka Chihowa hut hullvlli yoke; amba hvttak ik vlpeso moma ka ishit kancha hi oke.

21. Chihowa hulittoblichy ya svtih hut vnumpoholashke; mikma nanah haknip asha puttah moma kut hohchifoh hulittopa ya ayokpahachi na billivt billiashke.

A T U L O A 146.

CHIHOWA ha hu holittoblichih. Umish shilombish ma, Chihowa ha ish hulittoblichashke.

2. Si okchayah takla kut Chihowa ha hulittobliche la chi hoke; ahatta lih ai ulhi kut a Chitokaka ya nan ulachit ayokpuche la chi hoke.

3. Huchitoka, hvttak ushi, yvmmak okvt isht okchalincha hinla kut ik im iksho hoka, hvchik anukchieto kashke.

4. Im ilhfiopak vt kohchvt kuniakma, fulamvt lukfi a ona hoke; nittak yvmmak o nan ahni yatuk vt ont akshot kvnihyvshke.

5. Chekob i Chitokaka yak osh vpevchi ka, i Chitokaka Chihowa hak o anukchieto yvt na yokpa yoke.

6. Yvmmak osh vba micha yakni, okhvtah micha nana hosh yvma aiyasha momah aiena ka ikbi tok osh, aighlika ieshi na billia yak oke.

7. Ilbvsshaka vhleha ha ai vlpiesa im apesa, hohchvfo vhleha ha ilhpak ipeta yoke; Chihowa hut tvllakchi vhleha ha i hutuffi yoke.

8. Chihowa hut nishkin lva vhleha ha i fvtummi yoke; Chihowa hut vkahchunnoli vhleha ha vkahchvkalichi yoke; Chihowa hut ai vlpiesa vhleha ha i hullo yoke.

9. Chihowa hut oklah inla vhleha ha hullvlli yoke; vlla vlltakla micha ohoyoh i hvttak illi aiena ka vpevchi hoke; amba hvttak haksi vlehah i hina ya okpvnit kanchi hoke.

10. Chihowa hut mīkot binnili na abillia chī hoke; Saion ma, chī Chitokaka yvt mīkot binnili kut isht ai unchululi poiyyutta k̄a māhaya he mak oke. Chihowa h̄a hu holitoblichih.

ATULO A 147.

CHIHOWA h̄a hu holittoblichih; pī Chitokaka yā nan ulachit ayokpvchi k̄a achukma hok̄a: hulittoblichī kut im achukmah micha ai vhpiesah aiena hok̄a.

2. Chelusalem ihikbi Chihowa hak osh Isael ai ittvfem-impā vhleha h̄a hot ittvhobbi hoke.

3. Yvmmak osh chukvsh nukh̄aklo vhleha h̄a hlvkuffechi cha, ī n̄a huttupa putta k̄a vfohli mak oke.

4. Fuchik puttah holhtina k̄a vnoli cha, yvmm̄a moma hohchifo h̄a huchifo hoke.

5. Pī Shahli yvt chintoh, micha nan isht im ai ahli vt chintoh fehna hoke; nan ai vkostininchi yā kvna hosh hutibna he keyu hoke.

6. Chihowa hut chukvsh akk̄alosi vhleha h̄a wvkayvchi, amba hvttak haksi vhleha h̄a akka fehna isht ona yoke.

7. Chihowa h̄a yakoke im aiyahni hosh hvsh ī tvloasbke; pī Chitokaka yā hap ulachit ishit hvsh ayokpvchashke.

8. Yvmmak osh shutik a hushontih isht ompohomo mak oke; yakni yā umbah im vtahli mak oke; nvnih chaha putta k̄a hvsshuk ai uffochechī mak oke.

9. Nan vhpōa yā, micha vflashtushi putta kut yābayakm̄a, im ilhpak ipeta yoke.

10. Issubah imi lhampko h̄a im ai achukmah keyuh, hvttak hvnali h̄a isht a yokpah keyu hoke.

11. I nukshopa cha im isht ī hullo anukchieto vhleha hak o Chihowa hvtt isht a yokpa yoke.

12. Chelusalem ma, Chihowa h̄a ish ayokpahachashke; Saion ma, chī Chitokaka yā ish hulittoblichashke.

13. Chī huliht okbisa isht vlvkuma putta k̄a kullochikmut, chim vlla vhlehah chim ittītakla aiyasha k̄a yokpali hok̄a.

14. Yummvt yakni chim ai vlhi ya itti nanaiya ikbi yoke; onush nia i shabli yak o isbit chi fehubli hoke.

15. Nanah miha kvv yakni ya awet pila hoke; im vnumpa hvv mulli kvv shinimpah fehna hoke.

16. Yummak osh okti pushi ya chukfi hishi chomihchit et ima hoke; okti hvta ya hittuk chubi chomihchit fimmi hoke.

17. Im okti ya pvka bushulli chomihchit awet pila yoke; i kupvssa itikba ya kvta hosh hikkia hinlah choh?

18. Im vnumpa hvv awet pila hosh, yummav putta kvv bileli hoke; i mahli hvv mahlechi na, oka yosh yuvvli hoke.

19. Im vnumpa hvv Chekob av im vvoli cha, i nan vlvpisa puttah, miha nan vpehisa tuk putta kvv Isael av im ottvvinchi yoke.

20. Amba oklushi nanah kia ik i yvmihchoshke; yohmi hatuk o nan vpehisa yatuk av oklah ik ithanoshke. Chihova hvv hu holittoblichih.

A T U L O A 148.

CHIHOWA hvv hu holittoblichih. Vba ya Chihova hvv awet hvsh av hulittoblichashke; achabaka putta kvv hvsh av hulittoblichashke.

2. Im enchel moma kvv hvsh hulittoblichashke; immih hvchia hvv momvt hvsh hulittoblichashke.

3. Hvshi miha hvshninakava yvt hvsh hulittoblichashke; fuchik tohwikelichi hvchia hvv momvt hvsh hulittoblichashke.

4. Vba shutik puttah im vba shutik, miha shutik paknaka oka aiyasha kvv hvsh hulittoblichashke.

5. Yummav putta kvv Chihova hobchifo hvv hulittoblichashke; yummak osh im apesah mvv, tuba tok okav.

6. Mihvt tvkohliechi tok o tvkkali na billivt billia hoke; nan vlvpisa im apesa tok o, yummvt av kvnia he keyu hoke.

7. Yakni aiyashvt pit hvsh av hulittoblichih kvv, napoa hvchito okhvta aiyasha, miha ahufobi puttah momah,

8. Luak micha hvtaffo, okti pushi micha oktobbi, mahlih kullo im vnnumpah ai ghlichi,

9. Nvnih chaha puttah micha nvnih chipinta momah, iti nan vni puttah micha chuahla momah,

10. Nampoā micha nan vhpōa momah, nā bulali micha hushi svnahchi āsha,

11. Yakni miko vhlehah micha oklah puttah momah, pehlichi vhlehah micha yakni nan vpesa aiyasha momah,

12. Hvttak himithoa micha ohoyoh himithoa, hvttak sipokni vhlehah, vlla ai ittvpeha kv̄t Chihowa hā hvsh hulittoblichashke.

13. Ilvppā putta kv̄t Chihowa hohchifo hā huletublichashke; yv̄mā hohchifo hilla hosh huletumpa hokā : im ahulittopa yv̄t yakni micha vba aiena kā i shaiyahli hoke.

14. Michā im okla hā lvpish vvkayvchit i hilechi tuk okā, i hulittopa vhlehah moma, Isael im vlla vhleha i bilika aiyasha okla hokv̄t huletublichā hi vt im ai vhpiesa hoke. Chihowa hā hu holittoblichih.

A T U L O A 149.

CHIHOWA hā hu holittoblichih. Chihowa hā tvloah himona hvsh i tvloashke, i hulittopa vhleha hv̄t ittvnahv̄t aiyasha kā ishit huletublichī yā hvsh a tvloashke.

2. Ikbi tok ā Isael vt ishit nā yokpashke; Saion im vlla vhleha hv̄t i Miko yā ishit nā yokpashke.

3. Hihla hosh hohchifo hā oklah huletublichashke; vhlepah micha hap aiena kā oklah ulachit ayokpv̄chashke.

4. Chihowa hv̄t im okla hā ayokpachi yokā : chukvsh akkalosi vhleha hā ai okchaya isht ayuklichī hoke.

5. I hulittopa vhleha hv̄t ahulittopa yā isht a yokpashke; i tupah kahv̄t aiyashakv̄t, oklah tvlohōwashke.

6. Yohmi kv̄t Chitokaka yā hulittoblichī kv̄t itv̄kha foyukkakv̄t, bv̄shpo fulaya ittvhlahlāka hv̄luppa yv̄t ibbak ā foyukkashke.

7. Yohmi kv̄t oklushi puttah ittītakla yā ilaiukhv̄t, oklah putta kā nā pvlv̄m̄mi onōhōccha chī kak ashke.

8. I miko vheha ha tvli ittutakvli ishit takchi cha, i huchitoka vheha ha tvli nan isht tullakchi ishit takcha chi kak ashke.

9. Nan vpesut hulihisso tuk mak o yummā putta ka onohoccha chi kak ashke. I hulittopa moma kut yummak o isht a hulittopa yoke. Chihowa ha hu holittoblichih.

A T Ū L O A 150.

CHIHOWA ha hu holittoblichih. Im ai ahatta hulittopa ya Chitokaka ya hvsh a hulittoblichashke; nan isht im aiahlika a tuba vba ya hvsh a hulittoblichashke.

2. Na chinto yemihichi tuk ak o hvsh hulittoblichashke; chintoh fehnah pulla kak o hvsh hulittoblichashke.

3. Isht pufa ola ho ishit hvsh hulittoblichashke; nan ola micha hap aiena ka isht hvsh hulittoblichashke.

4. Vhlepah micha hihla aiena ho isht hvsh hulittoblichashke; isht tullakchi asha micha uskulah aiena ho isht hvsh hulittoblichashke.

5. Tvli kusa ola na hakloh achukma yo isht hvsh hulittoblichashke; tvli kusa olah chito yo isht hvsh hulittoblichashke.

6. Nanah fiopah im asha moiyyuma kut Chihowa ha hulittoblichashke. Chihowa ha hu holittoblichih.